陳寅恪集

獨立之精神自由之思想

金明館業

編

生活,讀書,新知 三聯書店

Copyright © 2015 by SDX Joint Publishing Company All Rights Reserved. 本作品版權由生活·讀書·新知三聯書店所有未經許可,不得翻印。

## 圖書在版編目 (CIP) 數據

陳寅恪集. 金明館叢稿二編/陳寅恪著. —3 版. —北京: 生活·讀書·新知三聯書店, 2015.7 ISBN 978-7-108-05402-9

I. 陳… Ⅱ. 陳… Ⅲ. ①陳寅恪 (1890 ~ 1969) - 文集 ②文史哲 - 中國 - 文集 Ⅳ. ① C52

中國版本圖書館 CIP 數據核字 (2015) 第 131961 號

封面所用拓片文字節自一九二九年立於清華大學內王國維紀念碑碑銘(陳寅恪撰文,林志鈞書丹)

定字印 版 出版發行 責任印制 版式設計 封扉設計 陳寅恪集編者 責任編輯 次 生 北京市東城區美術館東街二十一 六三五毫米×九六五毫米 鸿博昊天科技有限公司 新華書店 寧成春 陸智昌 孫曉林 七十五元 二二五千字 1,00 一〇九年九月北京第二版 ō 00010 活 一五年七月北京第六次印刷 兵 陳美延 五年七月北京第三版 讀 一年七月北京第 書 --二八,000 印張 二十三·五 新 加 版 書



滤牌 即奧

授, 先後任教於西南聯合大學、香港大學、廣西大學和燕京大學。一九四四年被選為英國科學院通訊院士。 及故宮博物院理事等,其後當選為中央研究院院士。一九三七年 蘇黎世大學、法國巴黎高等政治學校和美國哈佛大學。一九二五年受聘清華學校研究院導 陳寅恪(一八九〇——一九六九),江西修水人。 九四二年後為教育部聘任教授。一 後任清華大學中文、歷史系合聘教授, 九五二年後為中山大學教授。 一九五五年後并為中國科學院哲學社會科學學部委員 九四六年回清華大學任教。一九四八年南遷廣州, 兼任中央研究院理事、 早年留學日本及歐美, 「蘆溝橋事變」後挈全家離北 歷史語言研究所研究員 先後就讀於德國柏林大學、 任嶺南大學教 第 師 平 組 南行 主 國 任

原據三聯書店 由上海古籍出 陳寅恪集十三種十四冊, 叢稿二編 詩集(原名陳寅恪詩集附唐質詩存)和讀書札記一集(原名陳寅恪讀書札記舊唐書新唐書之部)八九十年代 版社出版。 隋唐制度淵源略論稿、 一九五七年版重印), 内容基本不變。惟寒柳堂集增補了 此次出版以上海古籍版為底本 收入了現在所能找到的作者全部著述。 唐代政治史述論稿、 (隋唐制度淵源略論稿、 元白詩箋證稿、 其中寒柳堂集、 |寒柳堂記夢未定稿(補)」| 柳如是別傳七 唐代政治史述論稿二 金明館叢 種 稿 八十年代 初編 金 書 明

分別由 清華大學出 版社和上海古籍出版社出版,此次出版均有增補。 書信集、 讀書札記二集、 讀書札記

講義及雜 稿四種均為新輯。 全書編輯 體 例如下:

要依據作者手 一、本集所收 所收 内容 旦刊、 跡錄 已發表的均保持發表時的原貌。 出 未刊著述均予校訂, 凡體例不一或訛脫倒衍文字皆作改正。 經作者修改過的論著, 則採用最後的修改本。 引文 般依現 行 未刊稿主 點校本

述係針對原版本而來, 則引文原貌酌情予以保留。 以上改動均不出校記。

如二十四史、

資治通鑑等。

尚無點校本行世的史籍史料,

大多依通行本校核。

少量作者批語

論

保留少數 三、凡已刊論文、序跋 根據作者生前願望, 異 體 字。 引文中凡為閱讀之便而補入被略去的內容時, 書信等均附初次發表之刊物及時間, 全書採用繁體字豎排。 人名、 地名、 書名均不加符號注明 未刊文稿盡量注明寫作時間。 補入文字加〔〕, 一般採用通 凡屬 作者說 明性文 行

助。 陳寅恪集 在此 的 謹向所有關心、 出 版曾得到季羨林 支持和參與了此項工作的朋友表示衷心的感謝, 周 良、 李慎之先生的 指 點, 並獲得海 内外學術文化界人士的 並誠怨地希望廣大讀者批評 為情相

指

E

字則加(

)0

原稿不易辨識的文字以□示之。

生活 ・讀書・新知三聯書店二〇〇〇年十二月 講義及維稿 讀書札記二集 讀書札記三集 寒柳堂集 金明館叢稿初編 金明館叢稿初編 育唐制度淵源略論稿 情代政治史述論稿

柳如是別傳



散原老人



一九四七年末 東寅恪在北平清華大學新林院五二



左起:幼女美延、夫人唐篔、陳寅恪、長女流一九五三年九月中旬

大學校園大鐘樓北側乙丑進士牌坊蔣天樞來廣州探視時攝此相於中山

求



**九二九年立於清華大學校園內** 海寧王靜安先生紀念碑

擬式

陳寅恪撰文 林志鈞書丹 馬衡篆額 梁思成

王靜安紀念碑碑陰拓片



所寫批語 陳寅恪讀唐人小説「續玄怪錄」時

我一旦 一人 我们 我人家 医片左胎上子 有間不 神 在里 我也 病此中 在 医 我一样 医 我有作的 益不廣徽等 江 臣確懷意見此野干 律我甲達麻子和 即而聲波干五等 事本里之文以明 用及福声官看犯 三五年明禄各部所等故事 風性衛衛等處 所直藏方 ·蘇明之及情不揚不敢 中或任何平 化公者塞科 及官 層東 是 輕調本前發 養清人創職兵命等 及我而上意見考之一处 引然失八九今不得已白

高鴻中明清合議條陳殘本跋」手稿

注序一手

手稿

辦器官連皇後各藝方如其事與州易見, 爾馬爾名等在對音流的進程, 與此類主都譯溪為, 西賀京海州市東部昌市市省京高領市源, 其實、教及排榜, 海山縣, 高級史福其名為此難之為其中國有足主及诸王立在其中國有足者, 市縣其名為此推及, 市縣 東京 一時, 在此類主名胡溪雅信雅似而战, 高出於一流, 在此類主名胡溪雅信雅似而战, 高出於一流, 在此類主名胡溪雅信雅似而战, 高出於一流, 在此期, 有其實致主傳轉冊景諸禮均目也里看, 不知順即項前歐王德轉冊景諸禮均目也里看, 不知順即項

北朝胡姓考序」手稿

我因之事待是有生 慶之從文元子也, 南水井之中也南京都文元至一日中二二年 明明過過明本院院住在祖本中即使由於柳江東名上祖立以供以卷述之際在此城之後在上祖立以供以卷述之際在 山陳惟庵先生輕見過謂事榜曰通志柳九邊清十紀 我羽取者也丁里之冬樹居此年日於南腹腔發之前 海川 東州 乾風水入西雅徳州 村見之南使 至了此司度三年 問五章在在提前外三支國政治直就做五律以及以外 情遇若柳元景沈彼云榜事後 又被按議等罪就被泛指方 器我偷便差等此身住将所被任情去 日及日本是本書事物古报此中與宋老明同期元日祖出 被正言你是 後之從又見子也。 中一日本時間 明 安治當日行色与京本色武松 経明 本何日 きる

讀通志柳元景沈攸之傳書後」手稿





黃萱抄稿「金明館叢稿二編」原稿

吐蕃彝泰贊普名號年代考(蒙古源流研究之一)	幾何原本滿文譯本跋	元代漢人譯名考	逍遥遊向郭義及支遁義探源	魏志司馬芝傳跋	順宗實録與續玄怪録	元白詩中俸料錢問題	書杜少陵哀王孫詩後	以杜詩證唐史所謂雜種胡之義	李德裕貶死年月及歸葬傳説辨證	論李栖筠自趙徙衛事
一〇九		九九九	九一	八九	······································	六五	六0	五七	九	

二六二

六〇

三五元

二六四

二四〇

三四四

三四四

二四六

四七

	李厓氏游之捎測
	12.1 (Fig. 17.12. ) (ALL III)
三七	論李懷光之叛
= 0	李唐武周先世事蹟雜考
三〇四	東晉南朝之吳語
1100	庾信哀江南賦與杜甫詠懷古跡詩
二九七	<b>薊丘之植植於汶篁之最簡易解釋</b>
二九三	敦煌本十誦比丘尼波羅提木叉跋
二九〇	懺悔滅罪金光明經冥報傳跋
二八七	大乘稻芊經隨聽疏跋
二八六	先君致鄧子竹丈手札二通書後
二	馮友蘭中國哲學史下册審查報告
二七九	馮友蘭中國哲學史上册審查報告
二十七	鄧廣銘宋史職官志考證序
二七四	姚薇元北朝胡姓考序

三六	吾國學術之現狀及清華之職責 ····································
三六〇	論許地山先生宗教史之學 ····································
三五八	讀通志柳元景沈攸之傳書後 ············· 三五八
三五七	與董彦堂論殷曆譜書 三五七
三五五五	與妹書(節錄)
蓋	敦煌本維摩詰經問疾品演義書後 三五三
:: 三四六	三論李唐氏族問題
薑豆	李唐氏族之推測後記 三三五

鎮者所統

## 論李栖筠自趙徙衛事

白氏文集陸壹唐故虢州刺史贈禮部尚書崔公墓誌銘並序略云:

宅, 丘之義也。」夫人范陽盧氏先公而殁,以九年四月二十八日用大葬之禮, 山東士人皆改葬兩京, 年七月十一日遇疾薨於虢州廨舍。公之將終也,遺誡諸子,其書大略云:「自天寶已還 公諱玄亮,字晦叔。漢初始分爲清河、博陵二祖,故其後稱博陵人。公濟源有田,洛下有 勸誨子弟, 招邀賓朋,以山水琴酒自娱, 利於便近。 唯吾一族, 有終焉之志。無何, 至今不遷。我殁,宜歸全於滏陽先塋, 又除號州刺史。 歸室於磁州昭義縣 大和七 正首

寅恪案, 溢水之陽,鼓山之下。吉日吉土,載封載樹。鳥庫!博陵崔君之墓。 大唐帝國自安史亂 後, 名雖統一, 實則分為兩部。

· 感邑鄉北原。遷盧夫人而合祔焉。遵理命也。銘曰:

以高等文化之家族, 治 ,此種人乃胡族或胡化漢人。 即所謂山東士人者為代表。此等人羣推戴李姓皇室, 其他一部統治者, 其一部為安史將領及其後裔 為漢族或託名漢族之異 維護高祖太宗以來傳 種 其 所 謂 中 尤 藩

化 藩鎮之區 局 實為事 面 鎮 崇尚 品 理所 域 域 周 诇 則山 必致 然不 孔文 教, 同。 東士人之捨棄其祖宗之墳 固無足怪 河北舊 用 進士詞 壤 七 為山 科選拔士人, 東士人自東漢魏晉北朝以降之老 墓故 以 地, 為治 術 而改 者。 葬於李唐中 自與 〈崇尚 央政 巢 弓 馬, 安史 府 以 所在之長安 蜀 戰 後 鬭 為

事。 寶後 産 吾國中古士人, 其祖墳住宅及田 李德裕之父所撰 東士人皆改葬兩京」之言,乃指安史亂後, Ш 宅 而 、徙居之 貶 並與塋宅有關之田 田 東士人有田宅在濟源洛下,但仍欲 特標出之, 死年 如李 産 當 一時代 德裕 月及歸 亦在 元 和郡 東士族 其 復在 家, 又於銘中不憚煩複, 中, 葬傳 縣 屋而他徙之理。 其姬妾子婦諸 圖 天寶安史之亂 説辨證 此可以中 亦可據以推知也 志 詳載其祖先之墳 産皆有連 0 古社 更考李德 以前 會情 墓 此 誌, 山東士人一般情形。 歸葬於滏陽先塋。 帶關係。 大書特書重申此點也。 勢推 又可不待詳論者也。 裕 則其 即是其例(見羅 度 墓住宅所在 中 家在未 而 觀李吉甫, 知者。 必別有 葬 洛 此為當日例外之舉 故其 振 陽之前 是 發之覆。 即後來代表山 此可以今日洛陽出 玉貞松老人遺 家 至於崔玄亮「自天寶已還 由 其 非萬 例證 是觀之, 實 茲略取李氏 不 有 其書 得 先 東士 崔玄亮雖 E 稿 徙 動 雖 居 石交録 决 族之李黨 未 所以 無 衛 土之唐代墓 述及李 州 家徙居 捨 如 樂 汲 並 其 棄 拙 黨魁 天撰 他 氏 其 史 Ш 祖

其

他

Ш

新 唐書壹肆陸李栖筠傳略云:

李栖筠世爲趙人。 史]大夫。比比欲召相,憚[元]載輒止。栖筠見帝猗違不斷, 始居汲共城山下。[族子]華固請舉進士,俄擢高第。 亦内憂憤卒, [代宗]引拜栖筠爲 年五十八。

李栖筠者,吉甫之父,德裕之祖也。新書此傳當取材於權德輿之文。據權載之文集叁

叁唐故銀青光禄大夫御史大夫贈司徒贊皇文獻公李公文集序略云:

父上隣伊周,旁合管樂,聲動律外,氣橫人間。」[公]感激西上,舉秀才第一。病有司試 初未弱冠,隱於汲郡共城山下,營道抗志,不苟合於時。族子華名知人,嘗謂公曰:「叔

可知也, 又據李德裕會昌一品集壹捌請改封衛國公狀略云:

賦取士,非化成之道,著貢舉議。德輿先公與公天寶中修詞射策,爲同門生。

亡祖先臣曾居衛州汲縣,解進士及第。儻蒙聖恩,改封衛國,遂臣私誠。

綜合上引史料觀之,有可注意者二事。一為李栖筠自趙遷衛之年代,二為李栖筠何以遷衛之

質,分別論之於下。 始放棄其家世不求仕進之傳統而應進士舉。此二事實亦具有連帶關係。茲姑依材料之性

金石粹編玖玖黃石公祠記碑題:

布衣趙郡李卓撰。

碑陰有大曆八年高陽齊嵩之題記。其文云:

所題趙郡李卓,即今臺長栖筠。

舊唐書壹壹代宗紀略云:

[大曆六年八月] 丙午以蘇州刺史浙江觀察使李栖筠爲御史大夫。

十一年[三月]辛亥御史大夫李栖筠卒。

之。茲僅遂録最有關之材料一條於下,而略論釋之,讀者更取拙著其他有關部分參之可也。 不得已之苦衷,自無可疑。此事當於李唐一代河北地域在安史亂前求其解釋, 然則栖筠年十八九歲時為開元二十四五年,適與權氏「未弱冠」之語符合。其時中國太平無 ,號為唐代極盛之世。栖筠忽爾離棄鄉邑祖宗歷代舊居之地,而遠隱於汲縣之共 河北地域政治社會之大變動所造成之結果也。寅恪於拙著唐代政治史述論稿上篇已詳言 亦即玄宗開 城 Ш 必有 元時

舊唐書壹玖肆上突厥傳上(新唐書貳壹伍上突厥傳同)云:

[開元]四年默啜又北討九姓拔曳固, 遇拔曳固进卒頡質略於柳林中, 突出擊默啜, 斬之。 戰於獨樂河,拔曳固大敗。默啜負勝輕歸, 而不設

问書同卷下突厥傳下卷首云:

西突厥本與北突厥同祖

之衰 活動 邊境。 觀之時 邊境 伊 中 之部落 大帝國之 恪 不過 ĬII 或 量 於 敗 能 其 益 時 西 漸 如 而 衆多 中 楊 即 領 復 吾 敵 非 北邊塞之部族也。 而 X (見拙著李德裕貶死年月及歸葬傳説辨證附記丁)。 抗 先 良 内 別 域 围 或 方面之表 國又用綏 其影響亦然。蓋自玄宗開元初, 氏 敗 地。 部。 後 舊 兆 即 也 於宣宗 戲 最 史 喧 賓 劇 至其 凡 所 盛 於是中國 惟有 現而 小 時代。 謂 成 奪 與吾國 懷政策 後 説 大中 衰時 北 主 果矣。 突厥 中 捨棄鄉邑 至若西夏之拓拔氏則 其 之世。 數 鄰 乃大受影響。 楊家將」之「楊」, 則昔日 今則 大帝 百 加 近 夫河 載 以 即 游牧民族之行 忽遇 大中之後, 招 國 東 Ш 本部 突 東士 撫。 東 出 北 塞外善 起中 厥。 走他地 1 他不 族 族聚居之 於是河北之地 所役屬之別部 東突厥衰敗後 自 大抵本是 或 之東北 國, ·必論 党項部 於騎射之胡 如 頡 關 折氏即 利 當其 途。 舊鄉 係吾國 口 地方之豪 落 即 邊 汗 以 、盛時, 説 分別 大 境 當李栖筠年未 敗 唐代 遂 至開 族, 史乘自北 部 抵分離 滅 吐蕃之衰 脱 西 其本部及別部諸 中「佘太君」之「佘」, 後 變而 本部 至 強 離 吐 土 元 獨立 壤 晚 吐 蕃為例。 中 未 世, 宋至 以 蕃 即 亞 相 為 幾 本部 敗 本 弱 錯 雄 戎 細 又復興。 約二 轉而 武 區 時 元代者, 種 亞 冠之時 雜 吐蕃始 為 獨 辛有 其 + 胡 其 7 歸 役屬 實 利 年 族 影 包 害 勢 附 默 見被 皆 強 多 相 力之基 先 散 中 即 間 響 至 括 啜 後 盛 數 如 鉅 Ŧi. 居 或 東 衝 口 突, 髪野 分別 諸 於 其 西 是 且 吾 汗之世 太宗 開 胡 繁 北 國 或 他 突 卒以 厥 突厥 元 族 降 西 淮 民 於 附 北 申 初 貞 族 MA

晚年, 河北 社會民族之情狀如此, 斯實吾國中古史之一大事, 又不僅關係李栖筠一家也。

温書壹捌· Ŀ 武宗紀會昌四年 十二月條

記考柒李栖筠爲天寶七載進士。 [李]德裕曰:「臣無名第, ·岐」「岐」通用字。)勉强隨計,一舉登第。自後不於私家置文選,蓋惡其祖尚浮華,不根 「天寶末」疑當作「天寶中」。)以仕進無他伎,(寅恪案,「伎」新唐書肆肆選舉志上作「岐」。 不合言進士之非。 又權德與言其父皋與栖筠「天寶中修詞 然臣祖(指李栖筠)天寶末(寅恪案, 射策爲同門生」。 徐松登科 故

地位 主因實由 注意者, 寅恪案, 李德裕所言其痛惡進士科之理由, 於東漢晚世董卓黃巾之變及西晉末年胡族之亂。當日政治文化中心之洛陽, 即謂其祖 於天寶時「仕進無他伎」一語。考山東士族之興起 蓋承述其祖栖筠貢舉議之説, 其原 因雖較遠 自不待多論 較繁 失其領導 但最

然其

亦不損失其勢力,自不必與人競爭勝負於京邑長安洛陽也。考國史補中所載李德裕祖宗事蹟 團列居首位 (族漸次消滅,然河北之地,其地方豪族仍保持舊時傳統, 始得稱華貴, 而地方豪族遂起而代之。於是魏晉南北朝之門閥政治因以建立。雖隋唐統 但在社會上依然是一不可輕視之特殊勢力也。 職此之故, 即鄉居不仕,仍足為社會之高等人物。 蓋此等家族乃一大地主 在政治上固須讓關隴胡漢混 河北士族不必以仕宦至 一中國,江左 終老鄉居 合集

相國八年,柔而多智。公慚卿,卿慚長,近之矣。吉甫生德裕,爲相十年, 任」疑當作「仕」。)載生栖筠, 燕代豪傑。常臂鷹携妓以獵,旁若無人。方伯爲之前席,終不肯任。 爲御史大夫, 磊落可觀,然其器不及父。 栖筠生吉甫 正拜太尉, 任

直無黨。

載, 仕為隋謁者臺郎, 姑無論自隋末年至唐之中葉, 其時代已頗久遠, 即就為謁者臺郎 是栖筠之父載,終身不仕,而地方官吏敬憚之如此。 而 行事當與其子載相似。 保持其地位勢力之例證也。又參以新唐書柒貳上宰相世系表趙郡李氏西祖條 祖名肅然, 皆無官爵。惟曾祖君逸下注「隋謁者臺郎」。 兩世如此, 足徵其家固不必以仕宦保持其社會地位也。 斯亦山東士族本為地方豪強,不必以仕宦 則知栖筠之祖肅然, 所 至栖筠曾祖 亦不仕進 載, 事, 栖筠父名 君逸 其

'得而論者。隋書貳捌百官志下略云: 煬帝即位,

多所改革。

增置謁者司隷二臺,

并御史爲三臺。

可

七品)宣義郎(從七品)各四十人,徵事郎(正八品)將仕郎(從八品)常從郎(正九品)奉信郎 謁者臺又置散騎郎從五品二十人, 從九品)各五十人,是爲正員, 並得禄當品。 承議郎(正六品)通直郎(從六品)各三十人,宣德郎(正 又各有散員郎, 無員無禄。 尋改常從爲登

仕,奉信爲散從。

宗武 寅恪案 不能 世變之君子論定焉。 治社會上之大事變, 能 職 洛陽之間,作殊死之戰鬭 中之所謂「員外」者, 並 安富尊榮, 不必仕宦, 存共立之主因。 則并其家前此之社會地位 徙居異地, 則天後新興之士 屈 就其他凡庸仕進之途徑, 隋煬失政, 命官猥多。 失其經濟來源 然非河北士族由胡族之侵入, 昔人似未嘗注意, 大夫階級利害衝突。 正是鄉居土豪之虛銜耳, 故亦不必與其他自高宗武則天以降由進士詞 如元和以後牛李黨派之所為者也。李栖筠既不得已捨棄其累世 亦失墜之矣。夫李氏為豪縱之強宗, 如明 其生計所受影響之鉅, 謁者臺之散員 經科之類, 故因李栖筠自趙徙衛事, 此 山東舊族之李黨所以與 郎, 固 因此 [未必常時寄居京邑也。 失其 疑即李君逸之所任。 不 自無待言。又旅 累世之根據地, 得 不舉進 略發其覆如此, 士 新 科。 栖筠又是才智不 興 此等職 舉進 亦不致此。 詞 居異地,若無尊顯之官 科出身之人競爭於 李氏 科 進 1 累代 名亦如 土 科, 以待治 階 斯 則與其 級 既 奉之人 之牛 為 後 則 中 世 地 八,自 史考 他高 方土 古政 長安

(原載中山大學學報一九五六年第肆期)

## 李德裕貶死年月及歸葬傳説辨證

兹以衛公貶死年月及歸葬傳説二事分為上下二章,依次討論之。 論及之。至若党項興起之事蹟,及玉谿行役之詩句,雖亦有所解釋,然非本篇主旨之所在也。 之有脱誤,及清代學者檢書之疏忽。故舊傳史料之疑為偽造,及新出石刻之可資旁證者,皆討 李衛公貶死年月及歸葬傳説二事昔人已有論述。今所以復為此辨證者,意在指明資治通鑑

## (上)貶死年月

王鳴盛十七史商権玖壹李德裕貶死年月條云:

月卒。年六十三。」所謂明年者,大中二年也。其下文二年當作三年,三年當作四年,年 出爲東都留守。大中元年秋以太子少保分司東都,再貶潮州司馬。明年冬又貶潮州司户。 會昌六年三月武宗崩。四月宣宗立。明年改元大中。故舊書李德裕傳:「宣宗即位,罷相, 二年自洛陽水路經江淮赴潮州。其年冬至潮陽,又貶崖州司户。三年正月達珠崖郡。十二

丘。 十三。舊書不過數目字誤,南部新書乃傳聞失實,而新書則武斷已甚。 舊史參錯不合, 而年六十四却是。考李衛公别集第七卷祭章相執誼文:「維大中四年月日, 執誼亦由宰相貶崖州司户,故云。然則爲大中四年甚明。爲誤此一年, 趙郡李德裕謹以疏禮之奠,致祭故相韋公之靈。公遘讒投荒, 傳寫之誤矣。此因删之不當,又據誤本以成誤者。南部新書卷戊云:「以二年正月貶潮州 書「明年貶崖州司户。明年卒。年六十三」云云。則似真以二年貶崖州,三年卒, 六十三當作六十四,皆傳寫誤也。新書本傳元年貶潮州司馬之下,删去潮州司户一節。即 司馬。其年十月再貶崖州司户。三年十二月卒於貶所。年六十四。」所書貶官年月,亦與 」云云。 末句云:「其心若水, 其死若休。臨風敬弔, 願與神遊。 某亦竄跡南陬, 故以年六十四爲六 」蓋德裕將終之語。 而舊書非

容齋續筆卷一載德裕手帖云:「閨十一月二十日,從表兄崖州司户參軍同正李德裕狀。」此 正是大中四年之閏十一月。發此書後至十二月而卒矣。洪邁亦因史文而誤以爲三年。

又岑建功本舊唐書校勘記伍捌李德裕傳校勘記(寅恪案,據校勘目録,列傳自卷壹佰叁拾叁至

貢 佰皆劉文淇校。 )引王鳴盛説竟(王氏説已見前), 併附識云:

寅恪案,王説初視之似極精確,然考其根據約有二端:一為舊唐書壹柒肆李德裕傳中 按通鑑貳佰肆拾捌紀德裕之貶崖州在大中三年,其卒在四年,可證王説之確。

節,一為李衛公別集柴祭章相執誼文中

維大中 四四 年月日

之一語。 其實二者皆有可疑。 請依次分別論之於後:

王氏詆新唐書之删去明年冬又貶潮州 司户一節為不當, 為武斷已甚。

即以舊書所載李德裕貶崖州司户之詔書證之,可以决定。

考舊唐書壹捌下宣宗紀大

今欲判明

E

説之當否及新

中三年九月制略 云

守潮州司馬員外置同正員李德裕,可崖州司户參軍。所在馳驛發遣,縱逢恩赦, 不在量移

若王氏之臆改二年作三年,三年作四年,六十三作六十四,則誠可謂武斷已甚耳。 則 據此 既 参軍 其間 貶潮 寫衍誤之「明年冬又貶潮州司户」一句,正足徵其比勘精密,勝於舊史之文,復何武斷之有? 州司 無貶潮州司户參軍之事,可以決言。新唐書壹捌拾李德裕傳刪去舊傳中因上下文重複而 之韶書應稱其官銜為潮州司户參軍, 則李德裕在未貶崖州司户參軍以前,仍是潮州司馬。 馬以後 未貶崖州 司户 參軍 以前 而非 其間果尚有貶潮州司户一事者, 潮州司 門馬矣。 若如舊唐書李德裕 今韶書既稱其 介官銜 傳所載 則德裕貶崖 為潮州 又通鑑貳肆 德裕 市 州司 在

捌略云

州司馬李德裕爲崖州司户(唐大韶令集伍捌亦載此制)。 大中元年冬十二月戊午,貶太子少保分司李德裕爲潮州司馬。大中二年秋九月甲子再貶潮

德裕無貶潮州司户之事也。又舊唐書壹柒肆李德裕傳 據其所書德裕由潮州再貶崖州之官銜為「潮州司馬」,與舊唐書宣宗紀所載者適相符合,亦足證 云

大中二年自洛陽水路經江淮赴潮州,其年冬至潮陽。

以及舊唐書李德裕傳俱繫德裕貶崖州於大中二年。唐大詔令集伍捌載李德裕崖州司户制下亦注 「大中二年九月」,獨舊唐書宣宗紀載其事於大中三年九月,此又舊紀之誤,不待言也 未致疑, 理, 證以法例, 殺敵黨黨魁而甘心之時, 但唐大韶令集伍捌尚存此制。其文亦有「仍仰所在馳驛發遣」之語。夫當宣宗初政,牛黨諸人皆欲 宣宗紀, 而舊唐書宣宗紀及李德裕傳均載德裕於大中元年秋由太子少保分司東都再貶潮州司馬。 如馮浩玉谿生年譜反據以為説,殊可異也。又新唐書壹捌拾李德裕傳、 德裕貶崖州司户詔書有「所在馳驛發遣」之語, 其貶潮州司馬之詔書, 兩唐書雖皆不載 皆無其事,可以斷言。此舊書德裕傳顯然譌誤之處。而嘉定王氏及其他諸史家亦 德裕以萬里嚴譴之罪人,轉得從容濡滯,至於一歲有餘之久,揆之情 通 鑑 南部新書

又考舊唐書宣宗紀云。

-

大中三年十二月,追諡順宗曰:至德弘道大聖大安孝皇帝,憲宗曰:昭文章武大聖至神孝

皇帝(依通鑑及唐大韶令集柒捌增「弘道」「至神」四字)。

崖州司户參軍李德裕卒。

H 了書壹柒肆李德裕傳云··

至[大中]三年正月,方達珠崖郡。十二月卒。時年六十三。

新唐書壹捌拾李德裕傳云: 明年(大中三年)卒,年六十三。

通鑑貳肆捌唐紀云: 现金的,与18.5mg是根据出中央文的,不能是自由之意,以十二月类是

大中三年閏十一月丁酉,宰相以克復河湟,請上尊號。上曰:「憲宗常有志復河湟,以中 原方用兵,未遂而崩。今乃克成先志耳。其議加順憲二廟尊諡,以昭功烈。」

甲戌,追上順宗諡曰:至德弘道大聖大安孝皇帝,憲宗諡曰:昭文章武大聖至神孝皇帝。

仍改題神主。

已未,崖州司户李德裕卒。

通鑑紀事本末叁伍下朋黨之禍條云:

[宣宗大中]三年閏冬十一月己未,崖州司户李德裕卒。

朔, 卒 尊號 寅 一月崖州司户李德裕卒」也。 既為甲戌, 一語,依文義次序, ,十二月庚戌朔,據舊唐書宣宗紀追上順憲諡號在大中三年十二月,則通鑑所繫追上 則己未為十一 既上 加 一承(大中三年)閏十一月丁酉宰相以克復河湟請上尊號之紀載 順 通 憲諡於李德裕卒之前。 2鑑書己未 則同月之内, 脱去「十二月」三字。其甲戌乃十二月甲戌, 月十日。 崖州司户李德裕卒於甲戌追上順憲二宗諡號之後。 自應繫於閏十一月。此通鑑紀事本末所以直書「[宣宗大中]三年閏冬十 己未之干支祇能在甲戌之前, 此與南部新書卷戊之 然檢劉羲叟長曆及陳垣氏二十史朔閏表, 可知溫公元本即已如此 即十二月二十五日也。十二月二十五 不能在甲戌之後。以十二月庚戌朔推 並無誤寫。 大中三年閏 但甲 故己未崖州 通鑑目録 ·戌追· F 貳肆亦書上辭 十一月辛尸 順 司户李德裕 憲二宗諡 一順憲二

李太尉以大中三年十二月十日卒於貶所

適合。

采徐德泓陸鳴皋合解之説,以為「己未當入明年正月」其為不可能,更不待辨也。 書「十二月」三字,方合事實。若通鑑紀事本末之書「(宣宗大中)三年閏冬十一月己未, 故通鑑應將「己未崖州司户李德裕卒」一語,移於甲戌追上順憲諡號之前,又應於甲戌之前, 是年閏十一月朔日既為辛巳,無論如何,其月内不能有己未之日。 」實依據通鑑元本脱誤之記 載,而不悟其月日之不可通。 又馮浩玉谿生詩詳註 崖州 補

王氏所以持李德裕卒於大中四年之説,其最重要之根據,實為德裕祭韋執誼文所記年月。 致。而此清代二學人一則以為洪説之誤,一則以為王説之確。由今觀之,不亦大可笑耶? 古今人所編長曆,惟大中三年有閏十一月,大中四年並無閏月之可能。此正容齋之不誤,而西 四年者。劉氏 莊之大誤也。 一氏謂德裕手帖之閏十一月正是大中四年之閏十一月。洪邁亦因史文而誤以為三年。寅恪檢 徧檢通鑑及通鑑目録紀事本末等書, 其紀李德裕之卒皆在大中三年, (所見,寧有異本?蓋與王氏之誤以閏十一月屬之大中四年者,同一檢書疏 無一在 大中

寅恪案 維大中四年月日,趙郡李德裕謹以疏醴之奠,敬祭於故相韋公僕射之靈。 舊唐書壹肆憲宗紀云

衛公別集柒祭韋相執誼文云:

書宰相表、 伍、新唐書壹陸捌韋執誼傳俱作崖州司户參軍。而與韓愈順宗實録伍、兩唐書憲宗紀、 永貞元年十一月(寅恪案,「十一月」三字元本闕,今據新唐書柒憲宗紀、陸貳宰相表及通鑑 豈初貶司馬, 有章執誼貶崖州司馬制,故作崖州司馬當不誤。而兩唐書執誼傳之作崖州司户參軍 通鑑及太平廣記壹伍叁引感定録等之作崖州司馬者不同。唐大韶令集伍柒貶降 )壬申, 貶正議大夫中書侍郎平章事章執誼爲崖州司馬。 ,其後再貶司户參軍耶?以舊唐書李德裕傳誤書德裕再貶潮州司户之例觀 (寅恪案 舊唐書壹叁 新唐

之, 疑兩唐書執誼傳之作司户參軍者誤也。)

據此 可知章 一執誼 生所歷最高之官階為正議大夫中書侍郎。考舊唐書肆貳職官志略云:

從第二品。

尚書左右僕射。

正第四品上階。

中書侍郎(舊正四品下階。開元令加入上階也)。

正議大夫(文散官也)。

據此 [王]叔文敗後數月,乃貶執誼爲崖州司馬。後二年病死海 執誼最後所歷官階距僕射尚差二級。又據韓 愈順宗實録伍云:

之子孫。無緣特翻永貞內禪之舊案,而追贈執誼以生前所未踐歷之官階也。惟據范攄雲谿友議 出自朝廷特恩昭雪,以常識言之,此節似不可能。蓋自元和迄於大中, 則是執誼死後之較短期間 一無追贈僕射之事可知也。 。大概 死後追贈僕射可能之機會約共有三:一 唐室繼承諸帝悉為憲宗

中贊皇勳條(據涵芬樓影印鐵琴銅劍樓本)云: 先是韋相公執誼得罪薨變於此(朱崖),今有韋公山。柳宗元員外與韋丞相有齠年之好,三

致書與廣州趙尚書宗儒相公,勸表雪韋公之罪,始詔歸葬京兆,至今山名不革矣。贊皇感

六

辟符

也

再退一步言,

即使韋執誼果於元和初年即得贈僕射之銜,

(詳見下文),執誼之得追贈僕射,當即在此

時,

而決不能早在大中之初歲,此其又可疑

友議

度

淆

混

而德裕祭文復非偽作者,

則今傳

以 執 然此 憑藉 增入者。 無其子孫削官追贈其父祖之語, 壹 輯 世 而來。 誼若死後果蒙追 後 肆 ]李衛公別集中祭章相執誼文, 玖劉晏傳均附載晏子執經為太常博士, 非 如遇朝廷大禮慶典普恩追贈之時 通常 然此 故王氏立説之最後根據既已覓得之後,不但不能助成其説, 今范氏書為「維大中年月日」,而非「維大中四年月日」。其「四」字乃原本所無,後人誤 追贈 豈王氏當日之所能料及者哉 之例。 贈為僕射者 若果有是者, 則此例為最可能。 可知本無其事, 非史家記載有所闕略也。 即王氏用以為德裕卒於大中四年説之根據者, 則史家應於執誼傳末附載其事, ,即可依己身官爵 一為執誼之子孫, 請削己官, 然亦須執誼之子孫至遲必須在大中四年以前 迴贈其父之例是也。 ,追贈其父祖, 請削己身之官階 反足以喪失其自身立足之 如舊唐書壹貳叁及新唐 三為執誼之子孫顯 此為通常追贈之例 今兩唐 實從雲谿友議採 以迴贈其父祖 書執 誼傳 達 末

		<b></b> 鬼宜。泪頂藪。	
旭。字就之。	昶。字文明。	瞳。字賓之。鄭州刺史。	曙。
	布震。字熙化。		

歷貴仕,

始有此可能之機會也。

考新唐書柒肆上宰相世系表韋氏龍門公房條載:

韋絢劉公嘉話録一卷(絢,字文明, 執誼子也。咸通義武軍節度使。劉公, 禹錫也。)

沈炳震新舊唐書合參本引此文「執誼」二字作「祕如」,未知何據。)

所言雖未知何所依據,但絢為執誼之子,似可無疑。或者絢乃昶之改名耶? 又考今傳世嘉話録 字符合。且即以嘉話録言, 新唐書宰相世系表所載執誼諸子雖無絢之名。但昶字文明,與新唐書藝文志所載絢之 亦可見其與劉禹錫交誼之深切。衡以韋劉永貞同黨之關係 藝文志

時大中十年二月朝散大夫江陵少尹上柱國京兆韋絢序。

從第五品下階。

考舊唐書肆貳職官志略云:

有絢自序一篇, 末題:

朝散大夫(文散官)。

新唐書肆玖下百官志略云:

據 此 西都東都北都鳳翔成都河中江陵興元興德府尹各一人,從三品。少尹二人,從四品下。 可推定章絢於大中十年二月以前, 無追贈其父僕射官階之可能。又據孫星衍邢澍寰宇訪

李德裕貶死年月及歸葬傳説辨證碑 録肆 直 隷曲 陽 云:

北岳廟有咸通六年二月易定觀察使韋絢題名。

寅恪案,舊唐書壹肆壹張孝忠傳略云:

中丞, 充横海軍使。 國,華與孝忠阻絶,不能相援。華嬰城拒賊, 朝廷乃於定州置義武軍, [王]武俊得恒州,康日知得深趙二州,孝忠得易州。 後定州刺史楊政義以州降,孝忠遂有易定之地。 -隷成德軍, 既移隸義武, 仍改名日華,令每歲以滄州稅錢十二萬貫供義武軍。 以孝忠檢校兵部尚書, 孝忠遣牙將程華往滄州, 一州獲全。 爲義武軍節度易定滄等州觀察等使。 時既誅[李]惟岳,分四州,各置觀察使。 即 以成德軍額在恒州, 令攝刺史事。 朝廷嘉之, 乃拜華滄州刺史御史 及朱滔王武俊稱傷 孝忠既降政義 滄州

新唐書陸陸方鎮表略云:

建中三年置義武軍。

元三年置横海軍節

度使

領滄景二州,治滄州。

軍節度使, 可能。然韋絢之任節度使,實在懿宗咸通中葉, 則 北 殊信而有徵。唐代節度使往往帶檢校尚書僕射之銜,則其追 岳廟咸通六年二月章絢題名之官職為易定觀察使,而新唐書藝文志謂絢為咸 上距宣宗大中四年, 約有 贈父祖以僕射之官 十五載之久。又據 通 義

劉公嘉話録自序,則韋絢於大中十年尚是江陵少尹之職,則大中四年李德裕在崖州時,尚不能

略云

州。是年, 乾元元年, 復置淮南西道節度使,治壽州。上元二年,廢鄭陳節度, 淮南西道節度徙治鄭州。乾元二年,廢淮南西道節度使, 以鄭陳毫類四州隸淮 置鄭陳節度使, 治鄭

宣宗大中四年以前 史,而得受僕射之常例追贈,更可知矣。 史無緣為節度使兼領之職。 非節度使治所。韋疃之任鄭州刺史,以時代考之,自在肅宗之後。既在肅宗之後,則其鄭州刺 然則鄭州雖一度曾為淮西及鄭陳二節度使之治所,其時間極短,皆在肅宗之世。自此以後,即 則疑無其事也。 章瞳既非節度使而兼領鄭州刺史,則執誼亦不致因其子之為鄭州刺 總之,執誼雖有受其子孫依例追贈僕射之可能, 但在

南部新書己云:

詩 李太尉之在崖州也。郡有北亭子,謂之望闕亭。公每登臨,未嘗不北睇悲咽。有詩曰:獨 上江亭望帝京,鳥飛猶是半年程。青山也恐人歸去,百匝千遭繞郡城。今傳太尉崖州之 , 皆仇家所作, 祇此一首親作也。(寅恪案, 雲谿友議中及唐語林柒亦載此詩。)

唐語林柒云

李德裕貶死年月及歸葬傳説辨證

太尉事一 唐大中時, [李德裕]南貶,有甘露寺僧允躬者,記其行事,空言無行實,蓋仇怨假託爲之。(寅恪案, ,日本國求法僧圓珍福州温州台州求得經律論疏記外書等目録載有允躬録南中李

力之證據,在此祭文。若此祭文為偽造,或雖非偽造,而其原本實無「大中四年」之「四」字,則 僕射稱章執誼,致與大中四年以前之事實不符也。夫王氏李德裕卒於大中四年之説,其最強有 其説之難成立,自不待詳辨矣。 及唐文粹等總集皆未選録。 寅恪案 李衛 公別集乃後人綴輯而成。其卷柒所收祭韋相執誼文,除雲谿友議外, 大約即採自范氏之書。此文疑如南部新書所言,乃仇家偽作。 若文苑英華

違異之説,一一比勘,益足見王氏李德裕享年六十四之説之不可信也 相參校, 至李德裕享年之數,亦有可得而論者。若取正史所載與其自身引用材料或其他可信之材料,互 莫不符會。 野史小説之所記, 則往往自相衝突,或與其他可信之材料不合。今取諸書

兩唐書李德裕傳同紀德裕之卒年為大中三年,其享年之數為六十三(見前所引)。

中其論冥數略云: 茲先以傳文所載及德裕自著互勘,以見其符會與否?舊唐書壹柒肆李德裕傳載其自作之窮愁志

及爲中丞,閩中隱者叩門請見曰: 公不早去。冬必作相,禍將至矣! 若亟請居外, 則代

唐文柒壹拾等引此文皆無「時年三十六」一句。今日殊無理由可以疑舊傳此句爲增入者。或 公者受患。是秋出鎮吴門,時年三十六歲。(寅恪案,今李衛公外集肆、太平廣記捌肆及全

原本此句爲自注小字,其他諸本皆以傳寫略去耳。

寅恪案,其論冥數頗有可疑之處,不知是否真為德裕所作。但舊唐書德裕傳之紀事則適與此論

所言符合。如舊唐書壹陸穆宗紀云:

長慶二年九月癸卯,以御史中丞李德裕爲潤州刺史兼御史大夫浙江西道都團練觀察處置

數至大中三年歲次已已為六十三歲。是傳文與傳所認為之德裕自著符會之一證。 據此,德裕自言於長慶二年歲次壬寅其年三十六歲。則上數至貞元三年歲次丁卯德裕始生。下

又舊唐書李德裕傳云:

七月,召德裕於淮南。九月,授門下侍郎同平章事。初,德裕父吉甫年五十一出鎮淮南 開成二年五月,授揚州大都督府長史淮南節度副大使知節度使事。五年正月,武宗即位。 五十四自淮南復相。今德裕鎮淮南,復入相,一如父之年,亦爲異事。

寅恪案,舊唐書壹肆捌李吉甫傳(新唐書壹肆陸李吉甫傳同。又新傳疑兼采王起所作李趙公行 非如吳縝趙翼所言據會昌重修憲宗實録也。俟考。)云:

其年(元和三年)九月, 拜檢校兵部尚書兼中書侍郎平章事, 充淮南節度使。[元和]五年 裴垍病免。明年(元和六年)正月,授吉甫金紫光禄大夫中書侍郎平章事。元和九年

暴病卒,年五十七。

成五年自淮南入相,年五十四。凡此正史所紀,皆互相適合,無一参錯者也。 則殊不然。茲遂寫數則於下,不待詳辨,即可知其自相衝突,或與事實不合也。 南入相 寅恪案, 其年為五十四。德裕卒於大中三年,年六十三。 吉甫卒於元和九年, 年五十七, 則元和三年出鎮淮南, 開成一 二年鎮淮南,其年為五十一。 其年為五十一。元和六年自淮 若觀野史小説 開

南部新書戊云:

李太尉以大中二年正月三日貶潮州司馬。當年十月十六日再貶崖州司户。大中三年十二月 日卒於貶所。 年六十四。

之論冥數,長慶二年其年為三十六,則大中三年應為六十三,而非六十四也。 錢希白既言其卒於大中三年,又言其享年六十四,則此二端自相衝突。 蓋據德裕自著

又續前定録略云: 寢,備几案紙筆香水而已!因令垂簾静伺之。頃之,王生曰:「可驗矣!」紙上書八字,甚 太尉衛公爲并州從事。到職未旬日,忽有王山人者,詣門請謁曰:「某善按年也。」請虚正

四四

大。且有楷注曰:「位極人臣。壽六十四。」及會昌朝三行策,至一品,薨於海南,果符王

生所按之年。

又太平廣記壹伍陸引感定録云:

李德裕自潤州年五十四除揚州。五十八再入相,皆及吉甫之年。縉紳榮之。

又同書同卷同條引補録記傳略云:

德裕爲太子少傅分司東都時, 嘗聞一僧善知人禍福, 因召之。僧曰:「公災未已, 當南行

」德裕甚不樂。明日復召之。僧請結壇三日。又曰:「公南行之期定矣。」德裕問:

「南行還乎?」曰:「公食羊萬口,有五百未滿,必當還矣。」後旬餘,靈武帥饋羊五百。大 召僧告其事,且欲還之。僧曰:「還之無益,南行其不返乎。」俄相次貶降,至崖州

掾。竟終於貶所,時年六十三。

中四年或享年六十四之故歟?至感定録所言年歲與史實不合,其誤甚明,不待贅言。錢大昕疑 必已逾歲,而在大中四年矣。此野史小説遂因有較正史遲一歲之記載,而以為卒於大 其所以致此歧説者,殆因德裕大中三年之年終,卒於海外,其死聞達至京洛、普傳社 與之斤斤辨論也。但據此可知關 續前定錄及補錄記傳所言,皆屬於小説家文學想像之範圍,不可視同史學家考信徵實 於德裕享年之數,當時社會即有六十三及六十四不同

年録壹書「李文饒六十三。生貞元三年丁卯。卒大中三年己巳。」其下注云:

續前定録、南部新書俱云:「六十四。」王西莊據衛公別集有大中四年祭韋丞相執誼文,斷

復誤信王西莊於大中四年之誤置閏月者,其學識相去懸遠,信為清代史學家第一人也。 寅恪案, 爲四年。卒六十四。今據本傳。 錢氏雖不顯言王氏之非,然其所依據仍從唐史本傳。較之劉孟瞻之誤檢通鑑之紀年,

## (下)歸葬傳説

條略云: 同, 關 於李德裕歸葬之傳説,通鑑考異所引關係此事之史料頗衆,復論之已詳。然鄙見與之頗有異 茲節録涑水原文之要點於下。通鑑考異貳叁唐紀壹伍懿宗咸通元年九月劉鄴請贈李德裕官

歸葬故里。綯具爲其子鴻言之。鴻曰:李衛公犯衆怒。又崔相鉉魏相暮皆敵人也,見持 官。」敕依奏。實録注引東觀奏記云:「令狐相綯夢德裕曰:某已謝明時, 生涯悉空。」又曰:「枯骨未歸於塋域,一男又隕於江湘。」又曰:「其李德裕請特賜贈 裴旦李太尉南行録載咸通二年九月二十六日右拾遺內供奉劉鄴表,略云:「子燁貶立山尉 去年獲遇陛下惟新之命,覃作解之恩,移授郴縣尉,今已没於貶所。」又曰:「血屬已盡 幸相公哀之,許

恩例。懿宗即位,綯在方鎮,屬郊天大赦,鄴奏論之。李太尉南行録,鄴此時未爲翰林學 以天下每歲備用之餘盡實此。自是以來,邊庭有急,支備無乏者,茲實有賴。上曰:今何 延資庫,見廣厦連綿,錢帛山積。問左右曰: 誰爲此庫? 侍臣對曰: 宰相李德裕執政日, 士,因上此表,敕批便令内養宣喚入翰林充學士,餘依奏。金華子雜編曰:宣宗嘗私行經 留蜀郡,路隔伊川。」鄴奏乃云:「枯骨未歸塋域。」燁,懿宗初纔徙郴縣尉, 本追復贈官多連鄴奏。德裕素有恩於敏中, 論請爰加於寵贈。」全緯嘗爲德裕西川從事,故敏中語及云。按此,似繇敏中開發,而數 衛公太尉,親交雨散於西園,子弟蓬飄於南土。嘗蒙一顧,繼履三台。保持獲盡於天年, 後人僞作之,非鄴本奏也。實録註又云:白敏中爲中書令時,與右庶子段全緯書云:「故 喪歸葬。」又是時柳仲郢鎮東蜀,設奠於荆南,命從事李商隱爲文曰:「恭承新渥,言還舊 吾不言,必掇禍。明日入中書,且爲同列言之。既而於帝前論奏,許其子蒙州立山尉燁護 政,必將上前異同,未可言之也。後數日又夢。既寤,謂滈曰:向見衛公,精爽尚可畏。 按劉鄴表云:「去年獲遇陛下惟新之命,覃作解之恩。」則上此表在咸通元年,非二年 」(張爾田氏玉谿生年譜會箋肆大中九年末引此文,疑「止」或是「丘」之誤。)又曰:「身 鄴爲翰林學士承旨, 以李德裕貶死朱崖, 大中朝令狐綯當權, 累有赦宥, 敏中前作相,既遠貶之,至此又掠其美,鄙 未詳, 或者 不蒙

豈有不知其在崖州, 乞追雪之。上一覽表,遂許其加贈歸葬焉。 頃以坐吴湘獄貶於崖州。 而云豈合深譴。又劉鄴追雪在懿宗時,此説殊爲淺陋, 上曰:如有此功於國, 按, 宣宗素惡德裕, 微罪豈合深譴。 故始即位即逐之。 由是劉公鄴得以

李濬撰故郴縣尉趙郡李君墓誌銘云: 近歲洛陽出 土墓誌與德裕有關者,寅恪先後獲見共有五石。茲節録其要語於後

訓 簡侍公之前, 士林榮之。大中初, 間有以利禄託爲致薦,將以重賂之。答曰:吾爲丞相子, 子也。會昌中衛公自淮海入相,君已及弱冠,而謹畏自律, 贊皇人也。 曾祖諱栖筠, 以疾終於縣之官舍。明年夏四月,孤子莊士以使來告,請誌於濬。君諱燁,字季常,趙郡 維大中十四年,歲次庚辰,夏六月庚辰朔廿六日乙巳,故郴縣尉趙郡李君享年三十有五, 特韶授君集賢殿校理。未幾, 未嘗頃刻敢怠。子之所言,非我能及。繇是知者益器重之。始自浙西廉帥□公商辟從 授校書郎。 諡曰忠公。 俄轉伊闕尉,河南士曹。及衛公平回紇,夷上黨。上寵以殊功, 册拜太 烈考諱德裕,皇任特進太子少保衛國公,贈尚書左僕射, 皇任御史大夫京畿觀察使,諡文獻公。 汴帥僕射盧公鈞辟奏上僚, 兼錫章綬。 公三被譴逐,君亦謫尉蒙山十有餘載。 非敢語事之私也。而又嚴奉導 雖親黨門客罕相面焉。 祖諱吉甫,皇任中書侍郎 旋丁大艱, 號哭 昆弟二人朱衣牙 君衛公第五 屬姻族

以咸通三年正月廿八日卜葬於河南縣金谷鄉張村先塋。夫人滎陽鄭氏,前君七年殁於蒙 北嚮,請歸護伊洛。會先帝與丞相論兵食制置西邊事,時有以公前在相位事奏, 悉還親屬之家。今皇帝嗣位之歲,御丹鳳肆赦,韶移郴縣尉。自春離桂林,道中得瘴病。 因下韶許歸葬。君躬護顯考及昆弟亡姊凡六喪,洎僕馭輩有死於海上者, 皆輦其柩

李燁撰大唐趙郡李燁亡妻滎陽鄭氏墓誌云:州。長子莊士,次子莊彦,女曰懸黎。

卯十二月十五日,祔葬於河南府洛陽縣金谷鄉先兆,禮也。有子二人,曰莊士,曰莊彦。 殯於蒙州紫極宮南。期予恩貸,自營葬事。歲月彌遠,歸日難期。粤以大中十三年歲次已 廿九日丙子,遘疾終於蒙州之旅舍,享年廿九。以予方嬰譴謫,子始孩提,無人護喪,權 月晦,蓋五百五十二旬也。燁家罹時網,播遷嶺外。予鍾鞠凶,聞訃貶所,夫人號慟將 危惙之際,令予子之。夫人鞠育勤到,至愛由衷,思過所出。[夫人]大中九年乙亥歲五月 絶,哀感中外。予衣服外除,再抵荒外。予長兄故尚書比部郎鍾念少子曰褏, 夫人諱珍,字玄之,滎陽之滎澤人也。以開成庚申歲八月望歸於予家。泊於大中乙亥歲五 顧其靡識

寅恪案,唐會要伍玖延資庫使條云:

會昌五年九月,勅置備邊庫,收納度支户部鹽鐵三司錢物。至大中三年十月, 勅改延資

三司率送。 庫,初以度支郎中判。至四年八月,勅以宰相判,右僕射平章事白敏中崔鉉相繼判。其錢 初年,户部每年二十萬貫匹,度支鹽鐵每年三十萬貫匹。 次年,以軍用足,三

分减其一。諸道進奉助軍錢物,則收納焉(參考新唐書伍貳食貨志)。

新唐書壹肆玖劉晏傳附孫濛傳云:

濛字仁澤。舉進士,累官度支郎中。會昌初,擢給事中。以材爲宰相李德裕所知。時回鶻 宣宗立,德裕得罪,濛貶朗州刺史。 衰,朝廷經略河湟,建遣濛按邊,調兵械糧餉,爲宣慰靈夏以北党項使,始議造木牛運。

通鑑貳肆捌略云:

相權重,不應更領三司錢穀。德裕奏稱:制置職業,人主之柄。弘質受人教導,非所宜 武宗會昌五年秋九月,李德裕請置備邊庫,以度支郎中判之。冬十月,韋弘質上疏言:宰 言。十二月, 弘質坐貶官。

朝廷雖爲党項置使,党項侵盗不已,攻陷邠寧鹽州界城堡,屯叱利寨。宰相請遣使宣慰。

上決意討之。

六年二月庚辰,以夏州節度使米暨爲東北道招討党項使。 宣宗大中三年冬十月,改備邊庫爲延資庫。西川節度使杜悰奏取維州。

寅恪案,唐宣宗之以白敏中平党項,適如清高宗以傅恆平金川,皆自欺欺人之舉。宣宗宜因此

有感於德裕之邊功及置備邊庫之籌策。李燁墓誌所謂「先帝與丞相論兵食制置西邊事,時有以

功,戌饋不已。右補闕孔温裕上疏切諫,上怒,貶柳州司馬。冬十二月,以鳳翔節度使李 宣宗大中四年秋八月,以白敏中判延資庫。九月,党項爲邊患,發諸道兵討之,連年無

業河東節度使李拭並兼招討党項使。

涌

鑑貳肆玖略云:

度使。(党項事僅節録新唐書劉濛傳及通鑑之文,其餘史籍有關之記載概從省略。 南山党項,使之安業。冬十月,制以党項既平,罷白敏中都統, 歸。宜委李福存諭。 韶:平夏党項已就安帖。南山党項,聞出山者迫於饑寒,猶行鈔掠。平夏不容,窮無所 敏中軍於寧州,壬子,定遠城使史元破党項九千餘帳於三交谷,敏中奏党項平。辛未, 司空同平章事,充招討党項行營都統制置等使,南北兩路供軍使,兼邠寧節度使。 安。上以南山平夏党項久未平,頗厭用兵。崔鉉建議,宜遣大臣鎮撫。三月, 故反。乃以右諫議大夫李福爲夏綏節度使。 五年春正月, 上頗知党項之反, 秋八月,白敏中奏南山党項亦請降。時用兵歲久,國用頗乏,韶並赦 由邊帥利其羊馬,數欺奪之,或妄誅殺,党項不勝憤怨, 自是繼選儒臣以代邊帥之貪暴者, 但以司空平章事充邠寧節 以白敏中爲 党項由是遂

Ξ

月十五 局 公前 下文宗紀「開成二年五月辛未,以蘇州刺史盧商為浙西觀察使」(以代李德裕)。新唐書壹捌貳及 俟至四年之久, 故燁可離蒙州 於蒙州紫極宮南。期予恩貸, 而燁妻鄭氏誌復有「予衣服外除, 又燁志 當日宣宗所感觸之深, 然不能以武力平定西陲党項之叛亂, 過甚之處 勢,彼時即已啟其端。故華夏與党項兩民族之盛衰,實非一朝一夕之故,其所從來者久矣。 吐蕃衰 在相 日 既有「君躬護顯考及昆弟亡姊凡六喪,洎僕馭輩有死於海上者,悉還親屬之家。」之語 當已免除喪服矣。至若鄭氏則死於燁由洛返蒙之後,非有恩貸, 塚墓遺文忽出人間, 位事奏, 上頗然之, 亂之後 要為宣宗所以特許德裕歸葬之主因,則可決言。溫公以常識判其不足取, 祔葬於河南府洛陽縣金谷鄉先兆。 , 貶所, 猶無歸望, 党項乘之代興。 護柩歸洛陽營葬。 并可乘此時機, 至於竟許素所甚惡之李德裕歸葬, 並可以推知後來北宋西夏相持並立之 故遺送其柩。 遂翻此一重公案也。 自營葬事。 因下韶許歸葬。」實指此事無疑。然則金華子雜編之説雖有傳述 再抵荒外。」及「以予方嬰譴謫 宣宗之初年雖因機會恢復河湟, 終出於粉飾敷衍苟安一時之下策。吾人於此 ,還袝先塋也。燁誌中闕字當是「盧」字。以舊唐書壹柒 歲月彌遠, 之文, 此點關 歸日難期。 據以綜合推之, 同輦數喪, 係唐末五代及宋遼金元之世局頗巨。 粤以大中十三年歲次己卯十二 歸自海外。 子始孩提, 洗肅 則德裕之歸葬出於特許 不能躬護其柩北歸 代以來失地之大恥 計其葬迄復還蒙 無人護喪, 不獨可以窺見 而不知千

唐 書壹柒陸 盧商傳又皆有觀察浙西之紀 事 故可據補 也。 又兩 唐書德裕傳書燁貶官皆作 象州

立山尉,東觀奏記中作蒙州立山尉。

宏旨 書不 郡 當父為相時避嫌守正之事, 德裕傳 典 誤 林柒李 可不討 元 若果為實録 而王 和 郡 衛 國忠公」之語同。 縣圖 公歷 讜書則後 惟 志 叁 朝條 則季常信不隕其家風矣! 事尚須詳辨者 一柒等 人以意改之者也。 作 殆李濬特舉此以刺令狐滈者(見舊唐書壹柒貳、 立 象 錢氏 州 Ш 屬 武 蒙州 廿二史考異壹柒下有 仙 尉 即德裕之枢果於何年 又燁 不屬 據舊 誌 象 唐 凡此 州 載 書 0 吉 肆 數端, 壹、 甫 武 論吉 諡為 仙 新 則 除宣宗特許歸 北 忠公。 唐書肆 甫 屬 返 象 諡語 是 州 也 今誌 叁 今證 F 可 以參 僅 地 葬 以 理 云忠公」, 證。 新 墓誌 志 唐 事之外 書壹 又燁 通 典壹 知 陸 誌 與 猫 陸 舊 盛 裴 捌 無 令狐 稱 肆 唐 庭 關 燁 州

生年 器 谿 由 生 於 年 譜會 柳仲 西 再抵荒外。 二月。燁之除喪當在大中六年二月(大中四年 111 移鎮 為精 郢 篓 肆 任 准 東川 確 大 中 南 」則其歸葬與除服二者相距之時間必不得甚長, 可 節 五. 吳張 依以 年七月柳仲 度之年月, 為説。 二氏 亦有 近人 即 郢 考證, 大 為 中 吳 東 廷 Ħ. Jil 均詳 變氏 年仲 節 度 唐方鎮 郢 上述 條 已鎮 所考者 閏十一月)。 書同 東川 年 表 ル考 卷中, 皆較沈 證 而 商 下 燁於其妻鄭氏誌自言「予衣 即不得在大中六年以後 東川 隱亦辟 茲不備 氏 唐 書 柳 仲郢 引。 為幕 合參 夫德裕卒於大 僚 方 條 也。 鎮 及 張 年. 又次 表 爾 及 年 馮 氏 此德 服 中 夏 氏 玉

肆樊南 裕歸 又據全唐文柒柒陸李商隱文為河東公(柳仲郢)復相國京兆公(杜悰)第壹啟略云: 則德裕之歸葬必在大中六年。此取前後歲月推排比勘所得之結論,即不中, 即不能在大中六年以前矣。 遇 時 雪五 間最 集序「七月尚書河東公守蜀東川, 絶 遲之限度也。 則商隱到東川幕時已是大中五年冬季, 柳仲郢之鎮 此德裕歸葬時間最早之限度也。 東川, 奏為記室。」及李 據最近之考證, 其為仲郢代作祭文又當更在其後。 商隱詩集上又有悼傷 既確知為大中五年, 據此最遲最早二時 後赴東蜀 亦必 李義 間之 山文集 不遠者 限

伏承決取峽路, 東指廣陵。 今遣節度判官李商隱侍御往渝州及界首已來,備具餼牽, 指揮

又第貳啟云

館

號

伏承鳳韶已頌, 鷁首期艤。日臨端午, 路止半千。

則是商隱實有大中六年夏間奉柳仲郢命往渝州迎候杜悰之一事。仲郢於荆南設奠路 , 令商隱為祭文。今其文不傳, 無從知其詳。然其事之在大中六年, 上文已證明無疑義矣。 | 谿生年譜會箋肆以德裕歸葬事附載大中九年之末, 即張氏亦疑不能決。蓋其成書之時李燁 並同時因水程之便利, 代氏墓 一誌尚 未出 士 固不足為病也。 即遣商隱逕由渝州往江陵, 寅恪頗疑仲郢於大中六年夏間遣商隱於渝州迎送杜 致祭德裕之歸櫬,實不止令其代作祭文 祭德裕歸

俟治玉谿生文學者之教正。寅恪平生讀義山詩苦不能解,自不敢與古今為錦瑟無題作鄭箋之顓 也。但此假設非有確據,不過依時日地理及人事之關係,推測其可能而已。姑備一説於此, ·其議論也。 嘗見馮氏玉谿生年譜於大中二年創為義山巴蜀遊蹤之説, 實則別無典據。其 以

言

夫說詩之法,實則徵其蹤跡,虚則領其神情。

此段巴蜀之蹟,水陸之程,章句朗然。 余所得已費苦心,不能更苛責矣!

又馮氏玉谿生詩詳註叁荆門西下七律浩曰: 此章移易數過, 而究難定也

又風 五律浩曰:

其間細蹤何由追核,祇可就本詩玩味耳。 牛」相貫, 凡自東而西入蜀者, 其爲水程上巴峽審矣。乃結云:「歸舟」者又不可合, 過荆門, 至下牢, 乃入西陵峽, 經黄牛山。 蓋江波風信, 五六正與下章之「難激黄 行役常遭

張 氏 玉谿生年譜會箋叁大中二年條略云:

馮氏不知歸洛在巴遊之後,及解至荆門西下「天外歸舟」句,而其説窮矣,余故不得不辨

道而回。馮譜於是年巴蜀之遊,鈎稽已費苦心。惟於一朝黨局,未能參透。甚矣,讀書不 乎?此所以留滯荆門之後又有巴蜀之遊也。巴蜀之遊,當是希望杜悰, 既不能携赴湖南,進既不可,歸又不能, 少留也。 葉舟, 雖由西川左遷,未嘗不可援引也。曰:「黄鶴沙邊亦少留」言己與李回相遇荆州,爲之 參互證之,則斷其必爲李回杜悰也。 又案, 細 而留滯荆州。 故「荆雲回望夏雲時」也。而無題一章,尤爲此段行蹤之關鍵。起曰:「萬里風波 憶歸初罷更夷猶。」言桂州府罷,尚有所待也。曰:「碧江地没原相引」言李回本同 補編爲湖南座主隴西公賀馬相公登庸啓事在五月,必義山於荆州與回相遇,爲之 中聯引益德阿童二典,雖無可徵實,然以「益德報主」比衛公之乃心武宗, 功高得謗, 巴蜀之遊, 馮氏定爲是年, 如荆門西下岳陽樓諸篇, 比李回因黨禍而貶官, 説最精確。 人生如此, 徒使我懷古思鄉, 李回方左遷湖南, 則又似心注湘潭,是果屬望何人歟?余詳 不負衛公之知,詞意均極明顯。 惟是巴蜀遊蹤, 義山窮途無依 水陸僕僕, 而實未至成都, 安能忍而與之終古 固 結則言李回 似乎心注成 不能不望其 以王濬

非有佐證。馮氏解詩至荆門西下「天外歸舟」,其説信窮矣。但張氏解無題「益德冤魂終報主」

寅恪案

馮

氏

一巴蜀遊蹤

之説

固無依據,

張氏義山於大中二年五月遇李回於荆州之説,

三ナ

之句 得不稍申述其意趣。 郢命迎送杜悰, 中二年巴蜀 亦無大變易也 之不能標舉 冤魂 萬里風波 此 月衛 謂指 耶?故張説匪獨與詩人敦厚之旨不合,按其文理又不可通也。 則 證 不僅無馮説荆門西下及「天外歸舟」等地理上之滯礙, 公南 衛 葉舟 公。 據 無題 並承命乘便至江陵路祭李德裕歸 貶 ,實無其事。 潮州 且不致有李德裕貶後止五月, 指衛公則誠 無題, 總而 云 言 不過數月之久, 其時 以證 之, 其所指為大中二年往返巴蜀所作之詩, 是矣。 成此假設。 箋證李詩 然不悟此 又以此詩為此 詩若果如 文饒尚 茲篇主 即被 柩之所作, 健 旨。 呼為「冤魂」之慘也。 在 張 即有 行關鍵, 説 或其他居 即 使無 作於 疏誤, 其 亦可免張 生 大中二年之夏, 中殊有易滋誤會之語 東川 大抵 還之望, 於德裕歸葬傳説之考 鄙 見凡 幕中時 大中六 茲試 氏遇李回於荆 亦豈 注家所臆 依 年 代之著述。 則距 此 記遽 解 間 奉 創 目之為 大 州説 中元 柳仲

萬里風波一葉舟,憶歸初罷更夷猶。

在 考燁貶蒙州 父喪 詩為商隱於江陵為李燁所賦。燁以舟載父及親屬諸柩北歸, 北歸 服 未除 葬 17 山尉 中 事迄仍須 必罷立 於大中六年以前奉韶特許 Ш 尉職 返立山 其過江 尉貶職。 陵 時 此據燁自撰 距罷立 歸 葬 山尉職 其時尚未除父喪也。 其妻鄭氏墓誌推得之結論。 不久,故謂之「初罷 初罷」者非「罷桂府 其奉詔 北 蓋 燁雖急 歸 一之「初罷 宣 葬 宗 親 欲歸 當日 既

燁之由 洛陽 江 一陵為商 南 然於荆南却有逗留 而 北 隱與燁會遇之交點。 發自江陵, 杜詩之「便下襄陽向洛陽」也。以年月為經, 故得邀之中 商隱之由 途, 西而東, 因以設奠, 抵 於江陵, 此所謂 杜詩之「 憶歸初罷更夷猶」也。 以路綫為緯 即從巴峽 穿 水 此無題之 峽」也。 由 此言

碧江地没元相引,黄鶴沙邊亦少留。

案於是始

能

判

決矣

及吳氏唐書方鎮年表考證 此 之地方官吏及親故中有所請乞耶?盧商曾為燁 岳鄂觀察使者 二句 不能 得 其確 當在韋損與崔 解。 大約燁自 下),其事亦不必鑿言矣。 瑶之間, 湖南至 荊南, 其 人既 其途中 府主, 不可詳考(參閱沈氏新舊唐書合參玖叁方鎮 然於大中三年已罷去。 少有滯留, 自所 不免, 大中 恐亦欲 六年 於 夏間 沿 途 年表 所過

益德冤魂終報主,阿童高義鎮横秋。

典, 大 尉 則 若 與 謂 邊事蒙特恩 故商 張 恐亦未必果有實典,而今人不知也。至阿童高義句自指仲郢而言,若合二句併讀之,即是 此 詩 氏 之解 隱作舊將 作於大中六年夏間 此 又曾任西 詩 軍 七律追感其人亦有「李將軍是舊將軍」之句。 謂作於大中二年時, 川節度使, 德 裕歸 葬 建維州之勳,其以益德為比,亦庶幾適切矣。不 時, 去德裕貶潮 且在 宣宗 有 小 感 僅數月者, 於西 邊兵 生前 食制置事 更 既以 於文 理 武 功邀 」特許 미 通 奇 其 遇 德裕本為太 歸 死 必更求實 葬 後 復

東川節度柳仲郢遣使祭崖州司户參軍李德裕之歸柩也。 較之以阿童比李回之因德裕黨左遷為高

我者,立說似更簡便;兩說相較,何去何從?讀者自知抉擇也。

人生豈得長無謂,懷古思鄉共白頭。

此 句,以供參證 二句極佳,不待詳説。若仍欲加以解釋,即誦哀江南賦[班超生而望返,溫序死而思歸。]之 可也

承教於説詩解人頤之君子也。 若據此解釋, 則乾隆以來解釋義山詩者相承所謂「大中二年巴蜀遊蹤」之説,果可成立乎?願一

又舊唐書壹陸陸白居易傳附從弟敏中傳(新唐書壹壹玖略同)略云:

旨。會昌末,同平章事。宣宗即位,李德裕再貶嶺南,敏中居四輔之首,雷同毀譽, 敏中辭藝類居易。即日知制語,召入翰林,充學士,遷中書舍人。累至兵部侍郎學 武宗皇帝素聞居易之名,及即位,欲徵用之。宰相李德裕言居易衰病不任朝謁,因言從弟 言伸理,物論罪之。 無一 士承

自是可信之實錄。 夫當日敏中既判延資庫, 又為招討党項行營都統制置使, 寅恪案, 德裕之獲許歸葬, 自非敏中莫屬。故疑德裕之歸葬, 據李濬所作燁墓誌,實由「先帝(宣宗)與丞相論兵食制置西邊事」, 敏中實與有力焉。然則其後與段全緯書所言亦不致全 則燁誌所言之「丞

掠他人之美,此則稍可為敏中辯解者也。

為中書令。 又懿宗即位 其 即以敏中 事 詳 :見兩唐書白居易傳附從弟敏中傳及舊唐書壹玖、 代令狐綯為相 恩禮 極隆。 雖傷腰卧 疾, 迄不令去。 新唐書玖懿宗紀等)通 至五 表 解 位 始以

咸通元年九月辛亥,以[白]敏中爲司徒中書令。

伍

拾紀此

事

略

云

其 後即接書劉鄴請追贈李德裕官事,實顧及唐實録注「白敏中為中書令與右庶子段全緯書」云云 白敏中為中書令」一語, 亦可見溫 公排比時 H 以敏中為中書令必在鄴奏請之前,於事理方合也。此點雖 推勘先後 其用心精密如是。 故表而出之, 以告讀 通鑑者 不 甚關宏

納, 廊廟, 宰相表下核之, 又裴庭裕東觀奏記卷中紀德裕見夢於令狐綯事, 否見夢於綯, 定德裕歸葬在大中六年, 卒獲歸葬。 所述, 上表雪德裕,以朱崖神櫬歸葬洛中。」等語正同,是皆以德裕歸葬在懿宗即位以後。 及其歸葬之是否由綯所請 須假定令狐崔魏三 此三人同在相位之時期為大中三年四月乙酉至大中九年七月丙 之句, 此與孫光憲北夢瑣言壹劉三復記三生事條末所載「其子鄴勅賜及第, 則宣宗之韶許必在其前一二年,是就時間論,尚無衝突。 人同時 在中書, 則無從判明。 新唐書德裕傳採之, 然後始有可能, 至南部新書庚亦載 今姑不詳考。 而略去崔鉉 业此事, 即 辰之間 就 魏暮之名。 而增「懿皇 但德裕之 新 唐 今既 書 陸 女

與通鑑考異所引裴旦南行録載劉鄴咸通二年九月二十六日表中「枯骨未歸於塋域」之語,俱為後 今日可以釋然也 今據燁誌及鄭氏誌, 人偽傳偽作之史料。 内徙郴縣。 德裕之歸葬與燁之内徙及德裕之追贈元本自各為一事,不相關涉。昔人之疑 今以李燁墓誌證之, 知燁雖獲 一歸葬德裕於洛陽, 益明白無疑。考異謂「燁懿宗初纔徙郴縣尉。 葬迄仍返蒙州貶所。至懿宗即位, 始得援恩 未詳。

即 鳳 又燁誌言「今皇帝(懿宗)嗣位之歲(大中十四年),御丹鳳肆赦,韶移郴縣尉。自(大中十四年) 不著書者姓名 五石。 (載全唐文捌伍,特附識於此,以備讀本文者之檢查。又德裕家屬墓誌近歲出土者,寅恪所見 1離桂林,道中得瘴病。」及「大中十四年夏六月廿六日以疾終於〔郴〕縣之官舍」,其所謂「御丹 肆赦」, 録其文於下: 其子燁及燁妻鄭氏誌前已引證外,尚有德裕撰滑州瑶臺觀女真徐氏墓誌。 自指新唐書玖懿宗紀及通鑑貳肆玖「大中十三年冬十月辛卯大赦天下」之事,其赦文 當即德裕所自書,文詞及書法俱佳。今李文饒集中亦佚此誌文,彌足珍貴。茲 誌為分書,

育二子,勤勞八年。惟爾有絕代之姿,掩於羣萃,有因心之孝,合於禮經。其處衆也, 於滑州官舍,享年廿三。長慶壬寅歲, 徐氏,潤州丹徒縣人。名盼,字正定。疾亟入道,改名天福。大和已酉歲十一月已亥, 余自御史出鎮金陵。徐氏年十六,以才惠歸我。

計。粤以其年十二月二十日葬於洛陽之邙山,蓋近我也。庶其子識爾之墓,以展孝思。 芙蓉之出蘋萍,隨和之映珉礫。其立操也,若昌花之秀深澤,菊英之耀歲寒。 固不與時芳並豔,俗態争妍。 余自宦達,常憂不永。 由是樹檟舊國,

子多聞, 早天。次子燁。

掘 栖筠吉甫及德裕三世之墓。 諒以制度較崇大, 寅恪案,徐氏即燁之生母。後來德裕之裔,皆出自徐氏也。徐氏既葬近德裕,近歲德裕家屬墓 誌先後出土頗衆, 而德裕及其祖父埋幽之石, 耶? 嗚呼, 可哀也已!樂府雜録望江南條 Z .: 物藏較豐實, 故亦較其家屬卑小之塚墓, 未聞於世。見存諸方志中名人塚墓一門,亦不 先被發

不止。」甚矣小説之多歧説也。惟段安節所記或亦有本。蓋秋娘本唐代婦人習見之名。 據新唐書德裕傳謂「[德裕]後房無聲色娱」,李石(?)續博物志乃謂「[衛公]採聘名姝,至百 致有斯説歟?此雖藝林之故實,然與本篇辨證之主旨無關,姑從闕疑可也。 之誌文贊為「絕代之姿」。然則其製曲以寄哀思,當亦情之所可有。 部新書戊及杜牧杜秋娘詩等。)徐氏為潤州人,且德裕鎮浙西時所納之妾。及其亡後,其自撰 即杜秋娘,而又為潤州人,德裕復與之有一段交涉,幾至起大獄者。(詳見兩唐書德裕傳、 始自朱崖李太尉鎮淛西日,爲亡妓謝秋娘所撰。本名謝秋娘,後改此名。亦曰夢江 豈以徐盼之故, 譌以傳譌, 杜仲陽 數

## 又有李尚夷撰唐故趙郡李氏女墓誌云:

張氏。以咸通十二年十二月二日遘疾於洛陽履信里第, 丞,贈禮部尚書。 小娘子曾祖諱吉甫, 考諱從質, ,門下侍郎同中書門下平章事,贈太師。祖諱德修,楚州刺史兼御史中 度支兩池權鹽使兼御史中丞。 享年卅有四。以其年十二月十九日 中丞不婚, 小娘子生身於清河

歸葬於北邙西金谷鄉張村里,袝大塋,禮也

**贍南宅。令狐綯爲宰相,頗不悦。仲郢與綯書云:「李太尉受責既久,其家已空,遂絶蒸** 大中朝, 李氏無禄仕者。 舊唐書壹陸伍柳公綽傳附子仲郢傳(新唐書壹陸叁同)云: 仲郢領鹽鐵時,取德裕兄子從質爲推官,知蘇州院事,令以禄利

誠增痛惻。」綯深感歎,尋與從質正員官。

兄子」, 寅恪案, 公狀(參考新唐書德裕傳)云: 如燁等家屬之在南者。至從質不婚,其養女亦不嫁,其故不能詳。會昌一品集壹捌請改封衛國 未詳其親屬遠近,此亦石刻可補史文之闕佚者也。又傳文所謂「南宅」,當指德裕子孫 新唐書柒貳上宰相世系表趙郡李氏西祖房不載從質之名。 兩唐書柳仲郢傳僅言「德裕

臣今日蒙恩進封趙國公,承命哀惶,不任感涕。臣亡父先臣憲宗龍封趙國。先臣與嫡孫寬 中小名三趙,意在傳嫡嗣,不及支庶。臣前年恩例進封,合是趙郡,臣以寬中之故, 改就

中山

耶?又德修事蹟略見新唐書壹肆陸李栖筠傳附吉甫傳末及柴貳上宰相世系表, 唐書宰相世系表不著德修子孫。 今據此狀, 可知從質雖為德修之子, 但非 長嫡, 皆未載其贈禮部 故可 不婚

尚 惟東觀奏記上紀德脩事蹟較詳。其文略云:

章事。上(宣宗)即位普恩,德裕當追贈祖父,乞迴贈其兄,故有是命。 加贈故楚州刺史尚書工部侍郎李德脩禮部尚書。時吉甫少子德裕任荆南節度使檢校司徒平

據通鑑貳肆捌略云:

南節度使李德裕爲東都留守, 會昌六年夏四月壬申,以門下侍郎同平章政事李德裕同平章事,充荆南節度使。 解平章事(參閱舊唐書壹捌下宣宗紀)。 九月以荆

則德脩之得贈禮部尚書,當在此數月間,尚及德裕未貶潮州之前。否則李氏敗後, 無從邀此恩

命矣。又出土李莊撰唐故趙郡李氏女墓誌略云:

趙郡李氏女懸黎生得十三年,以咸通十二年七月十五日卒於安邑里第。曾祖諱吉甫,祖諱 德裕, 考諱燁, 妣滎陽鄭氏。 未四歲, 遇先府君憂,鍊師陳氏實生余與爾。卜咸通十二年

十一月廿四日歸於榆林大塋吉墓。

寅恪案,

據李燁及其妻鄭氏誌, 燁卒於大中十四年六月廿六日, 鄭氏卒於大中九年五月廿九

四四四

知其 據燁 傳、通鑑貳陸 在,吉甫且以安邑相公為稱(見新唐書壹肆陸李吉甫傳)。今據此誌, 史陸拾有李敬義即延古專傳, 所紀尤詳, 蓋與司空圖同為忠義之士也。傳云:: 然則莊士莊彦即殷衡延古。舊唐書貳拾下哀帝紀天祐二年六月戊申條及德裕傳、 此宅。殆亦視同平泉之石,不敢以與人耶?又此誌題云: 生母徐氏之稱為「女真」,蓋皆入道之號,此為唐代之通俗也。 日。燁之卒而懸黎未四歲,則知懸黎之生在鄭氏卒後矣。其生母陳氏誌文稱為「鍊師」者, 通 寅恪案, 典壹捌叁州郡典云: 兄度支巡官將士郎試秘書省校書郎莊撰。 誌 燁咸 為莊士抑莊彦也。 薛史字誤不必論。 燁二子長莊士, 次莊彦, 一女懸黎。 通初量移郴州郴縣尉。 本名延古, 太尉衛公德裕之孫。 伍天祐二年六月時士大夫避亂多不入朝條及南部新書乙等皆載延古事, 據唐書宰相世系表「燁生殷衡, 惟據舊唐書德裕傳 卒於桂陽。 子延古。 初(或「幼」之誤)隨父煒(「燁」之誤)貶連州, 燁妻鄭氏誌亦載二子莊士莊彦之名。 云 延古。殷衡右補闕。 長安安邑坊為吉甫德裕第宅所 知咸通之末, 延古司勳員外郎。 李氏猶保有 新唐書德裕 此誌撰人不 而舊

五代

如燁

桂陽郡。郴州。今理郴縣。

連山郡。連州。今理桂陽縣。

李燁

[誌言燁「卒於縣之官舍」,即郴縣之官舍。舊唐書言燁「卒於桂陽」,此

桂陽縣。

蓋燁任桂陽郡即郴州之郴縣尉,

非連山郡即連州之桂陽縣尉也。

薛史以郡為縣,

故有

「桂陽」指桂

陽郡

非

が 新製也。

又新唐書德裕傳云:

而南部新書乙云: 乾符中爲集賢校理。

咸 通九年正月,始以李贊皇孫延佑起家爲集賢校理。

殷衡為兄,延古為弟。然則作懸黎誌之莊,乃莊士之省, 理起家之延古必非此題誌之「莊」也。新唐書宰相世系表列殷衡之名於延古之前,依其 題銜言之,其時為咸通十二年。其兄莊已為祕書省校書郎。若新唐書不誤, 寅恪案,延佑當是延古之誤。「咸通九年」與「乾符中」二者相距十年上下,未知孰是?據懸黎 集賢校理起家 者為殷衡 而 錢氏誤為延佑即 延古耶?殊疑不能明也。 亦即後來之殷衡耶?或者咸通九年以 則乾符中以集賢校 次序, 似

五代史陸伍南漢世家略云

四六

(「殷衡」省稱「衡」,避宋諱。)之徒,隱皆招禮之。濬,崇望之子,以避亂往。衡,德裕之 (劉)隱復好賢士,是時天下已亂,中朝士人以嶺外最遠,可以避地,多遊焉。劉濬李衡

孫,唐右補闕,以奉使往。皆辟置幕府,待以賓客。

吳任臣十國春秋伍捌南漢烈宗世家云:

開平二年冬十月辛酉,梁命膳部郎中趙光裔、 右補闕李殷衡充官告使, 韶王爲清海静海等

又同書陸貳李殷衡傳略云:

軍節度使安南都護。王留光裔殷衡不遣。

於其職。先是故唐宰相劉瞻者,殷衡姊壻也。 至則烈宗留之幕府,署節度判官,不時遺還。乾亨初,官禮部侍郎同平章事。居無何,終 李殷衡世爲趙郡人,唐相德裕孫也。仕梁太祖,爲右補闕。開平二年,充嶺南官告副使。 有子贊, 幼孤, 而性不慧。殷衡教之讀書,

寅恪案,新唐書壹捌壹劉瞻傳云:

每督以箠楚。登進士第, 梁時充崇政院學士,

猶久念殷衡不忘。

劉瞻,字幾之。其先出彭城,後徙桂陽。

據此瞻家本居桂陽,其與李氏婚姻,或與李燁任郴縣尉一事不無關係。又韓偓玉山樵人集有和

孫肇七律二篇。其題為

中冉皆有繼和。余久有是債,今至湖南 奉和峽州孫舍人肇荆南重圍中寄諸朝士二篇。時李常侍洵,嚴諫議龜, 李起居殷衡,

方暇牽課。

子殷衡延古雖分處南北,然皆能自樹立,傳於後世。故不避叙述繁瑣之譏,並附載其本末, 今全唐詩文皆不載殷衡之著作。據冬郎詩題,可知殷衡亦文學之士,不墜其家風者也。李燁二 以

供考贊皇子孫親屬者之參證焉

綜合此篇上下二章考辨之結論如下:

(二)其柩於大中六年夏由其子燁護送北歸, (一)李德裕大中三年十二月十日卒於崖州。 葬於洛陽。

譜者,願以茲篇獻之,儻亦有所取材歟?非敢望也。一九三五年三月三十一日。 直齋書録解題壹陸載耿秉直所輯李衛公備全集, 元附年譜一卷,今已佚不傳。他時若有補作年

(原載一九三五年歷史語言研究所集刊第伍本第貳分)

記

(甲)此文付印後, 俞大綱表弟以李德裕妾劉氏墓誌見示, 以其可證明寅恪之所假定, 特附

録於後,藉供參考。唐茅山燕洞宫大洞鍊師彭城劉氏墓誌銘並序云:

感顧復之恩,難申欲報之德,朝夕孺慕,余心所哀。以某年某月某日,返葬於洛陽榆 過半。中子前尚書比部郎渾,獨侍板輿,常居我後。自母委頓,夙夜焦勞,衣不解 户,輅車及門,出入寵光,無不盡見,艱難危苦,亦已備嘗。幼女乘龍,一男應宿 珍華不御。言行無玷,淑慎其身,四十一年於茲矣。余三册正司,五秉旄鉞,棨戟在 明好仁。中年於茅山燕洞宫傳上清法錄。悦詩書之義理,造次不渝。 操比松桂,粹如瑶琨,不扶自直,不琢自温。七子均養,人靡間言, 余傷壽。瞑目何報,寄懷斯文。銘曰:清泉一源,秀木孤根,惟子素行, 日終於海南旅舍,享年六十有二。嗚呼哀哉。有子三人,有女二人,聰敏早成,零落 稻嘉蔬,可以充膳。毒暑晝爍,瘴氣夜侵,纔及三時,遂至危亟。以已已歲八月廿一 忍言别,綿歷萬里,寒暑再春,輿嶠拖舟, 人世之美,無所缺焉。脩短之間,奚足爲恨。屬久嬰沉痼,彌曠六年,以余南遷, 《師道名致柔,臨淮郡人也,不知其氏族所興。和順在中, 光英發外, 婉嫕有度, 柔 近二男一女之墓。余性直盜憎,位高寇至,道不能枉,世所不容,愧負淑人,爲 言發流涕。其執喪也, 加於人一等, 可以知慈訓孝思之所至也。幼子燁、鉅, 涉海居陋,無名醫上藥, 百口無怨, 可以盡年,無香 寶老氏之慈儉 不生朱門。 加之 不 百

第四男燁記 詎論。 天池南極, 德, 衆姜莫援, 誕於高族, 可法後昆。昔我降秩, 退居林園, 平泉秋日, 坐待朝暾。 以恩。生我三子,熊羆慶蕃,育我二女,素絢是敦。既畢婚嫁,亦已抱孫。念子之 西嶺高眺, 南榮負暄, 誰與招魂?芒山北阜, 將託高原, 空留片石, 千古常存。 自茲而往,惆悵山樊。巖銷寒桂,澗歇芳蓀,捨我而去,傷心

帷裳,陪先公旌祧發崖州,崎嶇川陸,備嘗險艱,首涉三時, 巨痛終天,有生至哀,瞑目已矣。 方達洛陽。十二月癸酉遷祔, 心無益,抱痛負冤,塊然骨立。陰陽致寇,棣萼盡凋,藐爾殘生,寄命頃刻。殆及再 察使張鷺,請解官奔計,竟爲抑塞。荏苒經時,罪逆舋深,仍鍾酷罸。呼天不聞,叩 天罔極。己已歲冬十月十六日, 貶所奄承凶計, 茹毒迷仆, 大中戊辰歲冬十一月, 燁獲罪竄於蒙州立山縣, 支離顧復, 乃蒙思宥, 命燁奉帷裳還祔先兆。燁輿曳就途,飲泣前進。壬申歲春三月,扶護 禮也。嗚呼天乎, 燁迫於譴逐, 豈復念□。 戀切蓼莪, 途經萬里, 其年十月. 不能終養, 劬勞莫報 匍匐詣桂管廉 欲報之思, 昊

(乙)羅振玉貞松老人遺稿石交録肆略云: 先衛公自製誌文,燁詳記月日,編之於後,蓋審於行事,不敢誣也。謹言。

爲之文。公亦以是年卒,其葬在大中六年。誌之立,則出於公之嗣子也。二文均不見 墓誌,二人皆公侍姬也。徐氏誌作於公剌滑州時,劉氏則以大中三年卒於貶所,公但 近年中州出太和己酉衛公撰滑臺觀女冠徐氏墓誌,大中三年茅山燕洞宫大洞鍊師 劉氏

會昌一品集中,吉光片羽,至可珍矣。

與兩誌同時出土者,尚有李燁妻鄭氏及燁誌,乃衛公子婦及季子也。鄭氏誌爲燁所 泊僕馭輩死海上者,皆輦其柩,悉還親屬。 中敍門閥之盛衰,令人悽感。燁誌載韶許衛公歸葬,燁護顯考及昆弟亡姊凡六

)據馮氏所定大中二年義山上峽下峽諸詩之季節景物言之, 則荆門西下詩云:

乃下峽之時正值夏季,此可決定無疑者也。風云:

一夕南風一葉危,

荆門迴望夏雲時。

迴拂來鴻急,斜催别燕高。已寒休慘淡,更遠尚呼號。楚色分西塞,夷音接下牢。

及摇落略云

人開始遥夜, 地迥更清砧。……灘激黄牛暮,雲屯白帝陰。

必先上峽,後下峽。夫秋季上峽,夏季始下峽,則義山何以濡滯巴蜀幾至一歲之久, 下峽既在夏季,則此等秋季峽中諸詩,必是上峽時所賦,又可推知。若依馮氏所説 Ш

如此 仲郢之命, 往謁 假設 杜悰? 始於行程往 下峽祭弔衛公之柩, 因送至襄陽 此情理所不可通, 復, 季節先後, 馮氏亦難自圓其説也。 若依鄙説, 皆能適 事畢復命 合。 馮氏編漢南書事一詩於大中二年, 還歸 東川,其上峽時已是秋深。 則大中六年夏季義山 奉柳

哀痛天書近已裁。

新

唐書及通

鑑等,

宣宗赦党項羌在大中五年,

義山此詩

六年義 義山豈非預言家乎?又據通鑑貳肆玖唐紀宣宗大中六年略云: 山送衛公柩至襄陽, 在六年而指五年,故可言「近」。 若依馮氏之説, 此詩 作於

党項復擾邊。六月癸酉,除[畢誠] 邠寧節度使。

然則

義山

此詩當是在襄陽有所聞

而作,

其所謂「書事」,即書此事也。

總而言之,

杜

工部詩

所謂 授時言及之, 即從巴峽穿巫峽, 但以奔走衰病, 便下襄陽向洛陽。 未暇著之楮墨,今特補録 者, 正與義 於此 Ш 此 行相同。 此意每於一 一十年來講

此 史部 事即 雜 在 傳類載:「冤魂志三卷, 一益德冤魂終報主」之句, 所關卷中耶?不敢確言, 顏之推撰。」此書久佚, 自來解釋玉谿生詩者, 姑附記 此疑, 以俟博雅君子校正。 近始見殘本, 皆不知其 八出處。 其中 乙未春日寅恪記於廣 考隋書叁叁經 未 有 益 德事

州

河南瞑寫齋。

(丁)茲更有關於戲劇小說頗饒興趣而與白敏中招降党項 事相涉者, 可略論之。

新唐書貳壹陸下吐蕃傳云:

[彝泰贊普]死,以弟達磨嗣。達磨嗜酒,好畋獵,喜内,且凶愎少恩,政益亂。(可

既衰 大凡吐蕃或其他民族最盛強時,其所轄別部種類,必有與其中央主部不盡相同者。 部之衰, 參資治通鑑或肆陸唐紀文宗開成三年吐蕃彝泰贊普卒,弟達磨立條。) 其所轄之胡部入主河北之例。拙著「論李栖筠自趙徙衛事」一文,可為例證。 漢族之張義潮於大中五年即以瓜沙歸還中國。其他鄰近中國邊境之党項, 如突厥 亦先後 吐蕃主

宋史肆捌伍夏國傳云

就中國之招引,令其守護北境也。

百

唐末,拓跋思恭鎮夏州,統銀夏綏宥静五州地。

書叁叁伍种世衡傳略云:

世衡建言, 董其役。 延安東北二百里有故寬州, 請因其廢壘而興之, 以當寇衝。朝廷從之, 命

通志貳捌氏族略肆种氏條略云:

本仲氏。或言仲山甫之後, 因避難改爲种。宋种放,長安人,望出河南。

宋史肆玖貳吐蕃傳云:

周廣順三年, 始以申師厚爲河西節度。師厚初至凉州,奏請授吐蕃首領折逋支等官,

並從之。

同書貳伍叁折德扆傳云:

父從阮, 自晉漢以來, 獨據府州, 控扼西北。

嘉慶一統志壹伍貳保德直隸州陵墓門云:

【宋】折太君墓,在州城南四十里折窗村。楊業妻。

通志貳玖氏族略伍佘氏條云:

隋考功主事,洛陽人。宋登科余贇,洪州人。余剛,衢州人。余赫,徽州人。

[余]音蛇,從示。唐開元有太學博士余欽,南昌人。唐又有右司郎中佘珩,

祖文集,

宋史貳柒貳楊業傳云:

楊業,并州太原人。父信,爲漢麟州刺史。

党項族之拓跋為同一族類,誤矣。 夫拓跋思恭之自稱為拓跋氏,不過自託於後魏之裔以自誇耀,近人乃混淆鮮卑族之拓跋與

种世衡世守延安之地,依通志所言,世衡之叔父為种放。放為洛陽人,自是不誤。但有可

五四

之作种氏, 漢書、三國志、晉書等證之,其譌舛立見。避亂改姓之説尤多,不再詳舉例證。鄙意仲氏 六朝以來, 外族往往喜稱出於中國名人之後, 如沈炳震唐書宰相世系表訂譌 伯家有麗人僕忝鄉人不肯開樽徒吟春雪美句次韻一笑中「何如低唱兩三盃」句自注云: 通志言种氏本作仲氏, 出仲山甫之後, 如避難改為种等語, 當是本於种氏家譜。自 ,實與党項不作黨項同例,蓋所以表示其原非漢族之義。集注分類東坡詩 一書, 肆 苟取後 趙成

陶穀學士買得党太尉家妓, 遇雪, 陶穀取雪水烹團茶, 調妓日,党家應不識 此。

E,

據此東坡自注與宋史貳陸拾党進傳原文,尤可證党字本應作黨字。檢宋章定名賢氏族原行 一一 彼粗人,安有此?但能於紅綃媛帳中,淺斟低唱, 喫羊羔兒酒。 陶嘿然

類稿(四庫珍本影印文淵閣本)叁玖載有黨氏,肆捌復載有黨氏。下云:

本出西羌, ,姚秦有將軍黨耐虎,自云夏后氏之後,代爲羌家。

頗疑此卷之「黨」本作「党」。汪輝祖史姓韻編伍拾分「党」及「黨」為二,「党」下云:

在湄峻運新纂氏族箋釋五云:

党馮翊郡系獯鬻氏,夏桀竄居獯鬻,其後支裔世居党項,有降唐者賜姓党氏,

進

文淵 原字也。 綜合白敏中 熊 客 兩氏關於党氏之文,均採史記壹壹拾匈奴傳, 世人喜談小説戲劇, 佘氏望出南昌,北方土音讀折為佘, 本章氏書同出清代文臣淺陋之筆, 史籍中亦有作黨者, 西夏與契丹最為中國之大患。故讀史者於地域之方位,種族之區別 招降吐蕃境内党項諸部,除漢族 而不知其與義山漢南書事詩有關, 如宋史肆 玖貳 不足據也。 張義潮外, 故戲劇小説乃以折為余, 吐蕃傳中之党令支, 至章氏書党之作黨應為後人所改, 依通志氏族略, 其極西之拓跋部不肯歸 遂標出之如此。 殿本党作黨之類,當是與 其實 折氏望出 兩姓 迥別 尤應特加注 附, 以致北 西 河

萬國兵戈一葉舟, 寅恪昔年於太平洋戰後 雖辭意鄙 陋, 殊不足道, 故邱歸死不夷猶。袖中縮手嗟空老,紙上刳肝或稍留。 然以其足資紀念當日個人身世之感, 由海道自香港至廣州 灣途中 曾次韻義 遂附録之於下。 Ш 萬里 此日中原真 無題

九六四年歲次甲辰五月五日陳寅恪書於廣州金明館。 當時遺恨已千秋。讀書久識人生苦,未得崩離早白頭。

以杜詩證唐史所謂雜種胡之義

拙著唐代政治史述論稿上篇論舊唐書貳佰安禄山傳(可參姚汝能安禄山事蹟上「安禄山營州雜種

胡也」之語)云:

安禄山,營州柳城雜種胡人也。

及同書同卷史思明傳略云

史思明,寧夷州突厥雜種胡人也。

證以新唐書貳壹柒回鶻傳(參通鑑貳貳陸建中元年八月甲午條。但今通行本通鑑突董作董突。)

大小梅録等還國, 裝氣係道。 始回紇至中國,常參以九姓胡,往往留京師,至千人,居貲殖産甚厚。會酋長突董翳蜜施

所言與舊唐書壹貳柒張光晟傳云:

建中元年, 回紇突董梅録領衆并雜種胡等自京師還國,輿載金帛,相屬於道。

以杜詩證唐史所謂雜種胡之義

敷? 實同 拙著前書者外,其有關雜種之字句,亦可與此互相發明。茲迻録於下,或可為鄙説之一補證 雜之通義, 實專指 為 一事。故雜種胡即中亞昭武九姓胡。 某一類種族而言也。 凡杜工部詩中涉及安史之種族, 唐人當日習稱九姓胡為雜 種胡。 除羯胡 雜 柘 種之目 羯等 名已詳於 非 僅 混

杜 工部集貳 留花門云

書拾秦州見勅目三十韻 胡塵踰太行, 雜種抵京室。 云

同

雜種雖高壘,長驅甚建

可

書壹伍承聞河北諸道節度入朝歡喜口號絶句十二首之二云:

又同書拾收京三首之三云: 社稷蒼生計必安,蠻夷雜種錯相干。

雜虜横戈數,功臣甲第高

九姓胡 唐 此 雜虜即 [書則易為九姓胡。考宋子京改字之由,其意恐雜種胡一詞, 為雜種胡之明證。 雜種之互稱也。 舊唐書多保存原始材料,不多改易詞句。 總括言之,杜少陵與安史為同時人,其以雜種 頗涉通常混種之義, 故在舊唐書 目安史,實當時 為雜 種 易啟誤會 胡 稱 在新 中亞

遂別用九姓胡之名。史家遣辭明審,殊足令人欽服。然則唐史新舊兩書,一 一則補充其他解釋。 各有所長,未可偏廢。觀此一例,即可推知。後人往往輕議子京,亦由不 則保存當時名稱,

明

此義

因特為標出而論證之如此。

(原載嶺南大學國文學會一九五〇年南國第貳期)

## 書杜少陵哀王孫詩後

節 美, 不能下 不可用以泛指北方士卒。 當天寶時, 者,或以 方軍節度使之治所也。 舌耶?然於家塾教稚女誦 有反詈朔方軍士卒昔勇今愚之理?造意遣詞狂悖 度使安思順 少陵哀王孫詩為世人所習 形諸 斯固英武之主用心所應爾。是復不可取與禄山宿構仇怨之朔方軍一名, 故朔方軍為唐室中 語 吟詠者, 朔方健兒」乃泛指安氏 不睦, 而思別求 不一而足, 玄宗雖極寵任禄 肅宗遂專倚朔方軍戡定大難, 一新解。 此 興之關 詩, 誦, 此固不煩舉例者也。 考唐代安禄 所統北方軍 鍵。 自來箋釋之者衆且詳 至「朔方健兒好身手, 安禄 Ц 少陵平生於朔方軍及其主帥郭子儀李光弼諸公,推崇讚 但亦兼用思順, 山為平盧范陽河 隊而 山叛變, 至此 言, 此詩為少陵在安氏將領統治長安時所作, 收復兩京, 矣, 則又不 玄宗幸蜀, 昔何勇鋭 則與 委以勁兵, 東三鎮主 何待今日不學無術, 唐室附逆諸臣, 知「朔方」為軍 唐室因得延續百五十年之祚而 肅宗 今何愚。 帥, 蓋所以防制 即位靈武, 而 與其結為兄弟之朔方 一之句 政區域固定之專名 移指其所統三鎮健 復何以異?釋杜詩 老 而健忘 禄 而 則膛 靈武 Ш 目結舌 維 者之饒 朔

兒。少陵作詩,絕不致昧於當日情勢,文理不通,一至於此也。然則「朔方健兒」一詞,果何所 於朔方軍 指耶?鄙意實指 安禄山誘害其酋長阿布思,襲取其兵卒,而此種兵卒,後遂成為禄山所統軍隊之主 同羅部落而言也。何以得知「朔方健兒」之名乃指同羅部落者?因同羅部落本屬

新唐書貳壹柒下回鶻傳同羅傳略云: 力者也。茲略引有關史料,以釋證之如下。

書肆叁下地理志關內道安北都護府龜林都督府條注云: 請内屬,置龜林都督府。 安禄山反, 劫其兵用之, 號曳落河者也。曳落河猶言健兒云。

貞觀二年,以同羅部落置。

安禄山事蹟上云:

自是禄山精兵無敵於天下。) Ш 年朝京師, 阿布思等」句下原注云:阿布思者,九姓首領也。 王阿布思率同羅數萬以會之,布思與禄山不協, (天寶)十一載三月,禄山引蕃奚步騎二十萬直入契丹, 因請爲將, 共討契丹。 玄宗甚禮焉。 慮其見害, 乃率其部以叛。後爲回鶻所破, 布思美容貌, 多才略, 代爲蕃首。 遂擁衆歸漢北。(寅恪案, 開元初, 以報去秋之役。 禄山恃寵, 爲默啜所破, 禄山誘其部落降之, 朔方節度副使奉信 布思不爲之下。 請降附。 同書同卷 天寶 同 元

新唐書貳貳伍上安禄山傳略云:

所掠, 阿布思以師會。 [天寶]十一載,率河東兵討契丹。禄山不得志,乃悉兵討契丹以報。帝聞,韶朔方節度使 欲襲取之,故表請自助。布思懼而叛,轉入漠北。禄山不進,輒班師。會布思爲回紇 奔葛邏禄。 布思者,九姓首領也。開元初,爲默啜所困,内屬。帝寵之。禄山雅忌其 禄山厚募其部落,降之。葛邏禄懼, 執布思送北庭, 獻之京師。 禄山已

安禄山事蹟上略云:

得布思衆,

則兵雄天下。

盧,范陽,河東]三道以節制。 [禄山]養同羅及降奚契丹曳落河(原注:「蕃人健兒爲曳落河。」)八千餘人爲假子,總[平

舊唐書壹貳壹僕固懷恩傳略云:

靈武,懷恩從郭子儀赴行在所。時同羅部落自西京叛賊,北寇朔方,子儀與懷恩擊之,遂 延爲金微都督。懷恩世襲都督,歷事[朔方]節度王忠嗣安思順,皆委之心腹。肅宗即位於 領率其部落來降, 僕固懷思 破同羅千餘騎於河上(參通鑑貳壹捌至德元載九月條)。肅宗雖仗朔方之衆,將假蕃兵以張 鐵勒部落僕骨歌濫拔延之曾孫, 分置瀚海燕然金微幽陵等九都督府於夏州, 語訛, 謂之僕固。 貞觀二十年, 鐵勒九姓大首 别爲蕃州以禦邊, 授歌濫拔

遣首領隨懷思入朝。 乃遣懷恩與燉煌王承寀使於回紇, 肅宗乃遣廣平王爲元帥, 請兵結好。 以子儀爲副, 回紇可汗遂以女妻承寀, 而懷思領回統兵從之。

新唐書貳貳伍上安禄山傳略云:

廣平王東討, 回紇葉護以兵從。[張]通儒等衰兵十萬,陣長安中。賊皆奚,素畏回紇,

也。 此 能敵抗。 將引花門之部衆, 後安氏屯守西京之武力,已大减弱。肅宗即位靈武,又遣僕骨部落酋長僕固懷恩, 可為所欲為矣。同羅部落之役屬禄山 之外族也。 據 三種族 此, 在安氏勢力統治之下, 所最畏忌者, 為朔方軍。 鄙意「昨夜東風吹血腥,東來橐駝滿舊都。」二句, 合,驚且囂, 同羅僕骨及回紇種類甚相近, 然則西京之收復, 所居住 安禄 之地, 山雖久蓄異謀, ,大敗。王師入長安。 以收兩京, 或直隸於朔方軍, 得此消息, 同羅部落乃朔方軍武力之重要部分, 可計日而待, 則安氏防守長安之精兵, 僅餘奚部落, 而奚部落素畏回紇, 然不得同羅部落為其軍隊主力, 密告李唐宗室之留陷長安者, 一, 實非得已, 故既至長安之後, 不久即又叛歸 其勇健善鬭, 李唐宗室之受困長安者, 或與朔方軍政區相鄰近 為中 國當時東方及北方諸外族所最畏憚者。 與「朔方健兒好身手, 既得襲取此部落以 恐亦未敢遽發大難。 所以深慰之, 亦不久可以解 概可稱為與朔方軍 昔何勇鋭今何 且諄 除也。少陵當 為己 其舊巢。 結援回紇 蓋禄 戒其勿洩 關 用, 係密 Ш 更 切

故少陵牽連及之。 愚 一一句 應是 同詠 同羅昔日本是朔方軍 事, 不可分為兩截。 一勁旅, 蓋同 今則反覆變叛, 羅 心部落, 其 初入長安時, 自取敗亡, 誠可謂大愚者也。 必與駱駝隊羣偕 來, 錢

謙 益治 杜 詩 至 精, 而 唯 引舊 唐書史思 明 傳所 載

禄

il

陷

兩

京

常以駱

駝

運

兩

京御府

珍寶於范陽,

不知

紀

極

禪 篇 詠 餘 花 以 今治杜 怎, 學 訓蒙之陋 甚畏回紇之奚部 門剺面 釋 古今稱 證 詩者 古 亦 既已叛去, **秦駝** 有 更善於説 請雪恥, 雖衆 其文詞 語 過 二之句, 於少陵之處, 實不足供説詩治史博學通識君子之一 之美, 落 不復為安氏守長安矣。今唐兵又將引回紇部衆以收西京, 慎勿出 而於少陵之為人, 理 也。 似猶 回紇一至, 奚必奔潰也。 少陵 忠義之忱 口他人狙。」四句,一氣連讀, 未 然少陵推 達 為中 間 國第 也。 似猶知之未 或取 理之明, 此四 一詩人, 與王右 句應與 料 盡。 事 丞「凝碧池頭」之句 其被 綜合八句, 之確 F 不揣 覽也。 困長安時所作之詩, 文「竊聞 不可隔 則 愚 妄 遠 其文理連貫, 邏輯 非 斷。少陵之意蓋謂同 天子已傳位, 右 因為略發其覆如 |丞所 連 類為説。 能 幾 如哀 長安精鋭守 及。 聖德 殊 明 江 晰 此 由 不 北 此 知 頭 羅 服 非僅 言之, 哀王孫 摩詰藝術 部 固知三 南 兵, 落 單 | 夙畏

於 唯

測者, 也。 玖原題作空屋題,下注云:「十月十四日夜。」據昌黎先生集貳肆監察御史元君妻京兆韋氏 白氏文集壹肆有感元九悼亡詩,因為代答三首。其二為答騎馬入空臺五律。此詩今元氏長慶集 不同之假設,以備參證。但其主旨不在考定微之作詩之年月,而在拈出唐代地方官吏俸料 寅恪於清華學報第拾卷第叁期元微之遣悲懷詩之原題及其次序文中,曾據「今日俸錢過十萬」之 公案。此為是篇與前文不同之點。儻承讀詩論世之君子,並取參究,賜以教誨, 以為微之作此詩,疑在 唐代官俸隨時隨地互不 亦不敢自 信以為定説。不過欲藉此提出 相同,今存史料,殊不完具,不易知其詳實之數額。故所依據以 「通州司馬權知州務之時,非權刺史之職,不能有「過十萬」之月俸 問題,以資討論。前文已聲明此意, 尤所感幸! 茲復 別立

[夫人]以元和四年七月九日卒。其年之十月十三日葬咸陽。

誌銘略云:

微之次年春即貶江陵府士曹參軍事。 故知微之空屋題詩注之「十月十四日夜」,乃元和四年十

魂消 陽道 之以監 月十四日 隔 察御史分務東臺, 家人覆墓迴。」之句 年 夜, 及「今夜商 即韋氏葬於咸陽之次夕。觀其 故以職事留於洛陽。 山館中夢」之句, 也。 其三為山驛夢 知此詩為微之於元和五年春貶 「更想 七絶。 此樂天代答詩所以有 咸陽道, 今元氏長慶集玖原題作感夢。 魂車昨 「鰥夫仍繋職」 夜回。」之句, 江 陵土 曹 據其 可證 多 及「寂 軍 是 影絶 寞咸 時 微

商

Ш

一驛館時之所作也

作, 和五 今白氏文集第壹肆卷中所載之詩,其著作先後相距有至二十年以上者,如王昭君二首,下注 代答三首同 云:「時年十七。」考樂天生於大曆七年。其十七歲為貞元四年,其答山驛夢 甚久最 究作於何 一年春微之貶江 不同 故微之謝公一首, 頗有作於謫江陵時之可能。若果如此, 謝 著之例 , 俸錢方能有多寡之別也。又微之此首原作, 唐書伍伍食貨志,監察御史俸錢三萬。)及其由監察御史貶江陵士曹參軍之後, 列於第壹肆卷者, 公最 時 也。 小偏憐女」一首,亦不能作於貶江陵以前,因韋氏未卒之時, 陵之後。 殊不易考定, 據此 推 自貞元四年至元和五年, 論 其中多是元和 即使微之此首原作亦與其 則樂天代答詩三首, 五年白公在長安時 其間· 其 雖不能確知作於何時, 一答謝家最 他空屋題、 有二十一年之久。此著作年月先後相 所作 無論此詩所言「俸錢過十萬」之 小偏憐女七律及微之之 感夢二首為相 白和 元詩 一詩,至早作於元 但今白集諸詩 微之已任監 其 間 距 距 不 離不得 久之時 官 察御 原 與

六千

月給亦有餘。

(為恨, 與唐會要玖壹、 是於 制 固不相合, 人情亦不可通。 重加審 册 府 元龜伍 而微之一 此點誠 佰 陸及新唐書伍伍食貨志所載京兆諸 由 關 御 史貶為士曹, 係唐代官俸全部之問題 即 有如 斯厚俸, 非僅限於 府 則 判司 不得身 詩一 月俸之 入帝 句之考證 城 額 相 復 差

遂旁搜資料

查

別擬假設

以為解

釋

文材料 時 新 考 關 據 迎別。 章唐代京官外官俸料 唐 於 釋證之。 集伍常樂里 曼册 相 時 書 唐代官吏俸料 伍 雖 百 讀者 亦 府 最 官俸錢定額 伍 樂天詩文多言及禄俸, 食貨志 所載 承 近故也。 用洪氏之書, 開 幸 取 貞 居 諸書, 偶 制 Th 元 現存微之詩中言及俸錢者, 四年京文武及京兆府縣官元給及新 題 並 度 觀之, 十六 與元白詩文之涉及俸料錢者 不同之問 所載皆極不完備 今唐會要玖壹至玖貳 然洪氏隨筆之旨趣在 韻 亦 時 不 題 昔人已嘗注意 為校 敢掠美於前賢之微意也 及證 書郎 明 肅代 故元 Z 内 寅恪前文亦已論及, 以 白 記述白公之「立身廉清, 外官料錢門、 詩 後, 如容齋五筆捌白公説俸禄條 互相 中 内輕外重與社會經濟之情勢, 加 俸料 比 每 證, 問 月當錢 册府 題 以資 之數 頗難 元 今祇取樂天詩 推論, 龜 作精 伍 家無餘 並 佰陸邦計部 密之研 新 蓋 元 唐 積。 即 白 書 是 文關 著作 食貨 究 」本文則 故所 俸 其 例。 僅 與 禄 涉 志 門及 俸 能 此 所 在 本

料

便利之故,後有重複引用此兩書之材料,亦不注出。)載貞元四年京文武及京兆府縣官元給及 寅恪案,唐會要玖壹册府元龜伍佰陸(下引此兩書,其卷數不別標明者,悉與此同。又為行文

新唐書伍伍(下引此書, 其卷數不別標明者, 悉與此同。又後有重複引用此書之材料, 亦不注 校書正字[等]各十六貫文。(寅恪案,册府「校」作「較」,誤。「貫」作「千」,義同。)

新加每月當錢數略云:

出。)食貨志載會昌後官俸額略云:

據此,與詩所言之數相合。 秘書省崇文弘文館校書郎正字[等]萬六千。

又白集壹貳為左拾遺時作醉後走筆酬劉五主簿長句之贈云:

月慙諫紙二百張, 歲愧俸錢三十萬。(寅恪案,容齋五筆捌白公説俸禄條「二百張」作「二千

寅恪案, 唐會要册府元龜略云: 拾遺[等]各三十貫文。

張」。)

新唐書食貨志略云: 拾遺〔等〕三萬。

據此, 一十四年條)。此不過避上句諫紙月計之重複, 與詩所言之數相合。唐代俸錢自開元二十四年六月以後,本應以月計(見上引三書開元 故易為歲計, 而舉其成數耳。

又白集貳玖再授賓客分司云:

俸錢七八萬,給受無虚月。

同書叁伍劉禹錫罷太子賓客除秘書監時酬夢得貧居詠懷見贈云:

寅恪案, 唐會要册府元龜略云:

日望揮金賀新命,

俸錢依舊又如何。

太子賓客諸卿監[等]各八十貫文。

新唐書食貨志略云:

據此,太子賓客月俸八萬,與詩言[七八萬]之數略同。又太子賓客與秘書監俸錢額數相等, 秘書殿中内侍監太子賓客[等]八萬。

詩

又白集叁叁從同州刺史改授太子少傅分司云:言「俸錢依舊」, 亦相符合。

月俸百千官二品,朝廷僱我作閑人。

同書叁陸為太子少傅分司時春日閑居三首之三云:

又問俸厚薄,百千隨月至。

同書叁柒以刑部尚書致仕後自詠老身,示諸家屬云:

壽及七十五,俸霑五十千。

同書同卷刑部尚書致仕云:

半俸資身亦有餘。

俸隨日計錢盈貫。(自注:「尚書致仕請半俸。」)同書同卷狂吟七言十四韻略云:

同書同卷贈諸少年云:

老慙退馬霑芻秣。(自注:「謂致仕半禄也。」)

寅恪案, 唐會要册府元龜略云:

六尚書太子三少[等]各一百貫。

新唐書食貨志略云:

尚書太子少保少傅[等]百萬。(寅恪案,少保少傅次序應互易。)

又册府元龜云:

貞元五年四月,以太子少傅兼禮部尚書蕭昕爲工部尚書,前太子少詹事韋建爲秘書監,並

但取新志與會要册府比勘,已知其必有譌誤。 府之數,多至十倍。疑唐代舊文,本以貫計,新書改「貫」為「千」時, 據會要册府,太子少傅尚書月俸俱一百貫文,即十萬。致仕半俸為十萬之半數,即五萬, 即作於會昌時,斷無相差十倍之理,其為誤計, - 貫,皆與詩所言之數相合。唯新唐書食貨志所載俸額,自太師起,至太子少傅止,較會要册 念歸老之臣,時命賜其半焉。致仕官給半禄料, 況新志所載俸錢之數, 尤顯然易見也。 為會昌時之定額,而白詩 譌為「萬」,遂進一位。今 或五

又白集伍初除[京兆府]户曹,喜而言志云:

四五萬,月可奉晨昏。廪禄二百石,歲可盈倉困。

寅恪案,禄米別是一問題,於此姑置不論。唐會要册府元龜貞元四年勅定京兆府縣官元給及新

加每月當錢條略云:

曆十二年四月二十八日勅。

京兆府縣官惟兩縣簿尉減五千。(寅恪案,「減」字從册府。

會要作「加」,疑誤。)餘並同大

京兆判司兩縣丞各三十五貫文。 同上二書載大曆十二年四月二十八日勅略云:

新唐書食貨志載會昌俸錢定額略云:

諸府大都督府判官[等]三萬五千。

據此,大曆貞元及會昌時,京兆府户曹參軍月俸祇三萬五千,與詩言之數,不相符合。

又白集貳陸送陝州王司馬建赴任云:

治中,隋文帝改爲司馬。煬帝改爲贊治,後改爲丞。皇朝曰治中,後避高宗諱,改曰司 公事忙閑同少尹,(寅恪案,唐六典叁拾:「[京兆]少尹二人從四品下」注云:「魏晉以下有 開元初,改爲少尹,置二員。」然則,「同少尹」即同於京兆少尹也。)料錢多少敵尚

The

寅恪案,唐會要册府元龜大曆十二年四月加給京百司文武官及京兆府縣官每月料錢條略云: 六尚書[等]各六十貫文。

又同年五月釐革諸道觀察使團練使及判官料錢條略云:

駕五十五貫文,長史司馬各五十貫。 州縣給料。(其大都督府長史准七府尹例。左右司馬准上州别駕例,支給料錢。)[上州]别

舊唐書叁捌地理志陝州大都督府條云:

廣德元年十月吐蕃犯京師,車駕幸陝州,仍以陝爲大都督府。天祐初,昭宗遷都洛陽,駐

非用此等材料,則別為考釋如下。 尚書之料錢六萬文相近也。但此僅依大曆十二年四月及五月勅定之官書紙面材料而言。 據此, 陜州在樂天時代, 實為大都督府。其司馬料錢准上州別駕例支給, 為五萬五千文, 頗與

檢白集此詩前第肆題為大和戊申歲大有年詩。 前第叁題為贈悼懷太子挽歌辭二首題下自注:

奉韶撰進。」據新唐書捌貳敬宗五子傳略云:

是亦作於太和二年戊申。由是觀之,送王司馬詩當亦作於此年,或距離 一年去大曆十二年為五十一年,若取相去較近之材料如唐會要貞元四年京文武及京兆府縣官元 悼懷太子普,大和二年薨。帝(文宗)惻念不能已,故贈邺加焉。 不甚遠之時間。

考太和

六尚書[等]各一百貫文。京兆府縣官。(唯兩縣簿尉减五千文,餘並同大曆十二年四月二 十八日勅。

給及新加每月當錢條略云:

革諸道觀察使團練使及判官料錢條略云: 司 一書大曆十二年四月二十八日勅定加給料錢條, 僅載少尹五十貫,未載司馬月料。 其年五月釐

州縣給料。(其大都督府長史准七府尹例, 左右司馬准上州别駕例, 支給料錢。)[上州]别

駕五十五貫文。長史司馬各五十貫。

唐書食貨志略云: 長史司馬

新

見前所論。)上州别駕五萬五千,上州長史司馬五萬。 唐世百官俸錢,會昌後不復增減, 今著其數。尚書[等]百萬。(寅恪案,「百」當作「十」,

貫,或五萬五千文。其額數相差甚多,不得如樂天詩所言司馬之料錢「敵尚書」矣。 據此,則尚書每月俸料為一百貫,或十萬文。而陝州大都督府司馬准上州別駕例,仍為五十五 口 馬實支之額數亦近於十萬,幾與尚書相等耶? 豈當日陝州

又白集肆叁江州司馬廳記略云:

況而言。讀者須分别觀之,不可誤會也。)歲廪數百石,月俸六七萬。予佐是郡,行四年 下」之制度而言。其下「歲廪數百石,月俸六七萬。 案唐[六]典上州司馬秩五品。(寅恪案,樂天此語乃據唐六典叁拾「上州司馬一人從五品 」等語, 乃據元和十三年作廳記時之實

同書肆伍與元九書略云:

矣。時元和十三年七月八日記

今雖謫佐遠郡, 引筆鋪紙, 有念則書,言無次第,勿以繁雜爲倦, 而官品至第五,月俸四五萬。潯陽臘月,江風苦寒,歲暮鮮歡, 且以代一夕之話也。 夜長無

上引會要及册府載大曆十二年五月勅定料錢數

[上州]長史司馬各五 貫。

新 唐書食貨志載會昌後俸額略云:

上州長史司馬 等]五 萬。

據此,

大曆會昌俸料錢之數,

與與

元九書約

略

相合,

而與

一司馬廳

記

所言則相差甚遠。

又汪

立名

本白香山詩集引年譜舊 本元和十年 一乙未條 下略 Z

江州有詩云:「樹木凋疏山雨後。」又江樓聞砧詩云:「江人授衣晚,

十月始聞砧。

初到

是秋末冬初始到也。臘月有與元九書。

也。 俸料, 然則樂天與元九書作於元和十年十二月初抵江州蒞任未久之時,江州司馬廳記作於元和十三年 七月八日佐郡將及四 任時 引 十三年秋, 鄙意樂天兩 江 州 決無誤記之事 僅據官書紙 司 馬廳 作江州司馬廳記時, 記 文所以互異之故 0 年之時。 面 而忘卻與元九書中 但取此 一般通則記載之定額而言, 此四年之間 兩文互相 則蒞任已行將四年, 實由 比勘, 與元九書中 亦有「月俸四五萬」之語, 官職既是依舊 相差竟至二三萬之多。 其時 江州 尚 一 既知其地方特別之實數, 未知當日地方特別收 馬月俸之數, 俸錢自無變更。 以未 容齋五 比較, 乃其 遂不 筆捌白公説 且以本人述己身之 元和 入之實 十年 - 覺其 遂於官舍廳 數。 前 初冬始到 後 俸 至元 矛盾 禄

與元九書所言 中言及之。此廳記之文,必是當日地方特別規定之常額,較之與元九書中所言, 以相比勘, ,雖與事實不符,然取與流傳至今根據唐代中央政府頒佈之材料, 則轉與之相合, ,益可證知樂天作與元九書時,祇依官書紙面一般通則之額數 如會要册府唐 更宜可信。 唯

也。

籍所載, 綜合以上 不相合。 可以推知唐代中晚以後,地方官吏除法定俸料之外,其他不載於法令,而可以認為正當之收入 與樂天詩文所言者,多不相合。且樂天詩文所言之數,悉較史籍所載定額為多。 一所比證之例言之,凡關於中央政府官吏之俸料, 獨至地方官吏, (京兆府縣官吏, 史籍雖附繫於京官之後, 其實亦地方官吏也。 史籍所載 報數, 與樂天詩文所言者無 )則史

為數遠在中央官吏之上。如白氏文集陸肆策林叁省官併俸减使職條云:

使職多於郡縣之吏, 俸優於臺省之官。 積習生常, 煩費滋甚。

即 是 人其例

兵興以來,

諸道使府,

或因權宜而置職

一置而不停。

或因暫勞而加俸,

加而無減,

至

又内外官吏同 [大曆]十四年正月宰臣常衮與楊綰同掌樞務,道不同。先是百官俸料寡薄, 一時間,同一官職,而俸料亦因人因地而互異, 如唐會要云

之。時[韓]滉判度支,衮與滉各騁私懷,所加俸料,厚薄多由已。

唐會要册府元龜元和七年中書門下奏略云:

郡刺史無大小,給皆千貫。常衮爲相,始立限約。至李泌又量其閑劇,隨事增加。閑劇之 艱難以來,網禁漸弛,於是增置使額,厚請俸錢,故大曆中,權臣月俸有至九千貫者,列

間,厚薄頓異。

人隨事 即是其例證。故考史者不可但依官書紙面之記載,遽爾斷定官吏俸料之實數。 治唐史者所不可不知者也。 , 偶有特別之記載, 因而得以依據證實之。若欲獲一全部系統之知識, 祇可隨時隨地隨 殊非易事。 此亦

樂天詩文中言俸料者比證既竟,茲再推論微之「謝公最小偏憐女」詩之問題。

新唐書肆玖下百官志略云:

江陵[等]府,府尹各一人。少尹二人。司録參軍二人。功曹,倉曹,户曹,田曹,兵曹,

法曹,士曹參軍事各二人。

唐會要册府元龜記載大曆十二年料錢之數略云:

京兆及諸府少尹[等]各五十貫文。司録[等]各四十五貫文。判司[等]各三十五貫文。

新唐書食貨志記載會昌後官俸之制略云:

諸府少尹[等]六萬五千。諸府大都督司録參軍事[等]四萬五千。諸府大都督府判官三萬五

千。(寅恪案,「官」疑「司」之誤。以新志上文已載「節度推官支使防禦判官四萬」,此處不應

如上所論唐代中晚以後,地方官吏除法定俸料之外,其他不載於法令,亦可認為正當收入之推 於尚書之一百貫,或十萬文。江州上州司馬月俸,可由官書紙面之四五萬,而實支至六七萬 遠,但若例以陝州大都督府司馬俸料錢,可由官書紙面之五十五貫,或五萬五千文,而實支等 於江陵,江陵士曹參軍即判司,其月俸紙面額數祇三萬五千,去「俸錢過十萬」之數, 1,及其本人與當權執政者人事之關係,則江陵士曹參軍之元微之,「俸錢過十萬」,亦非不可 地方政府官吏俸料之額數, 重出。且作「判司」與會要及册府等所載符合。殆後人習於「判官」之名,而罕見「判司」之 會要册府與新志所載, 因以致誤歟?) 因時代先後有所不同, 額數亦參差互異。但此亦關於中晚唐以 其實際無論與任何紙面之定額,皆不符合者也。 微之此詩若作 相差甚

六日所進謝官狀)云: 書壹陸陸白居易傳(可參白集伍玖元和五年四月二十六日所進奏陳情狀及其年五月

此為一假設,僅可備參考,不得視為定論也。

奏來。居易奏曰,臣聞姜公輔爲内職,求爲京府判司,爲奉親也。臣有老母,家貧養薄 [元和]五年,當改官,上謂崔羣曰,居易官卑俸薄,拘於資地,不能超等,其官可聽自便

乞如公輔例。於是除京兆府户曹參軍。

白集伍初除户曹, 喜而言志。詩略云:

韶授户曹掾,捧韶感君恩。感恩非爲己,禄養及吾親。喧喧車馬來,賀客滿我門。不以我

爲貪,知我家内貧。

杜牧樊川集壹陸載上宰相求湖州三啟及上宰相求杭州啟,其求杭州啟云:

作刺史,則一家骨肉四處皆泰。爲京官, 則一家骨肉四處皆困。

觀白氏傳及樂天之詩,牧之之啟,更可知其時京官外官收入多寡,判若天淵。此則中晚唐士大

夫共同之心理及環境,實不獨白杜二人為然也。

又册府元龜會昌六年中書門下奏云:

去, 諸州刺史既欲責其絜己,須令俸禄稍充,但以厚薄不同,等給無制,致使俸薄處,無人願 禄厚處,終日争先。

白集陸肆策林叁使官吏清廉,在均其禄,厚其俸條略云:

足者,由所在官長侵刻不已也。夫上行則下從,身窮則心濫。 今之官吏所以未盡貞廉者,由禄不均,而俸不足也。不均者,由所在課料重輕不齊也。不 今官長日侵其利, 而望吏之

不日侵於人,不可得也。

元白詩中俸料錢問題

詩文中所言俸料實數,取與現存當時法令規定之定額,互相比證,以見新唐書食貨志記載之有 也。其餘可參趙耘松翼陔餘叢考壹柒唐制內外官輕重先後不同條,於此不復備論。茲僅據元白 此 可與上論同時同官而俸料互異之材料相參證,並可知內外官有輕重之別,外官復有厚薄之分

譌 兹更有可附論者,范攄雲谿友議卷下豔陽詞條載微之詩,此句作「今日贈錢過百萬」,其「百」字 誤,並標舉唐代肅代以後內外官俸不同之特點如此

為「十」字之譌,自不待言。唯其以「俸錢」為「贈錢」,即「賻贈」之意,初視之,似亦可通。但檢

唐會要貞元十年二月條云:

韶應文武朝官有薨卒者,自今已後,其月俸料宜皆全給,仍更准本官一月俸錢,以爲賻

原詩, 則是此等「賻贈」祇限於文武朝官之本人身死而言,與其妻無關。故「贈錢」二字,殊不能援引以 為解釋。 ,此句必為「今日俸錢過十萬」, 況樂天「答謝家最小偏憐女」詩,有「誰知厚俸今無分」之句,更可證范書之誤, 絶無可疑矣。 而微之

原載一九三五年十月清華學報第拾卷第肆期)

## 順宗實録與續玄怪録

勘。故李書諸問題,於此俱可不必論及,以免支蔓。茲節録其文於下。 用作例證。韓書世所習讀,故止略引其文。李書則其名稱異同,著作年代及文句校釋諸端,頗 者,苟能於官書及私著等量齊觀,詳辨而慎取之,則庶幾得其真相,而無誣諱之失矣。韓愈之 多疑滯之義,未易通解。但茲篇所引據之李書一節,為太平廣記所未收入者,其字句無從比 品質絕不類似,然其所紀元和一代,憲宗與閹宦始終隱秘之關係,轉可互相發明。特並舉之, 順宗實録者,朝廷史官撰進之國史也。李復言之續玄怪録者,江湖舉子投獻之行卷也。 通論吾國史料,大抵私家纂述易流於誣妄,而官修之書,其病又在多所諱飾,考史事之本末 兩書之

涵芬樓影南宋本續幽(玄)怪錄壹辛公平上仙條略云:

洪州高安縣尉辛公平,吉州廬陵縣尉成士廉, 幸」字初視之,極可通。細審之,則疑是「辛」字之鵲。蓋所以别於下文之「成公」也。徐乃昌 [緑衣吏王臻]曰:「我乃陰吏之迎駕者,此行乃人世不測者也。 同居泗州下邳縣。於元和末偕赴調集,行次閱 幸君能一觀!」(寅恪案:

幾例有劇變,而閹宦實為此劇變之主動者。外廷之士大夫,則是宫禁之中閹宦黨派鬥爭時及決 寅恪案,復言假道家「兵解」之詞,以紀憲宗被弒之實,誠可謂「微而顯,志而晦,婉而成章」者 矣(此語見杜預春秋左氏經傳集解序)。唐代自中葉以後,凡值新故君主替嬗之際,宫禁之中, 前,延聲曰:「時到矣!」將軍頻眉揖之,唯而走。自西厢歷階而上,當御座後,跪以獻上。 覺足已到一板門前。 既而左右紛紜,上頭眩,音樂驟散,扶入西閣,久之未出。三更上御碧玉輿,肩舁下殿。 而三更四點,有一人多髯而長,其狀可畏,忽不知其所來,執金匕首長尺餘,拱於將軍之 將軍金甲仗鉞來,立於[宣政]殿下,五十人從卒環殿露兵,若備非常者。殿上歌舞方歡, 上仙軍馬之]大將軍。居數日, [大將軍]部管兵馬戍時, [辛隨之]齊進, 入光範[門]及諸門。 上第二板門王家。辛君初五更立灞西古槐下。」及期,辛步往灞西,臻引辛謁〔陰世遣迎天子 先生隨盦叢書續編覆刻李書,附有校勘札記,「幸」字未著異讀。)成公曰:「何獨棄我?」 成君也。秘不敢泄。更數月方有攀髯之泣。(寅恪案,「攀髯之泣」見史記貳捌封禪書。 二百騎引,三百騎從,如風如雷,颯然東去。出望仙門,將軍乃勅臻送公平,遂勒馬離隊,不 曰:「君命稍薄,故不可耳。非敢不均其分也。入[長安]城,[成君]當舍於開化坊西門北壁 [將軍]遂步從而出。自內閣及諸門,吏莫不嗚咽羣辭,或收血[淚],捧輿不忍去者。過宣政殿, 臻曰:「此開化[坊]王家宅,成君所止也。」公平扣門一聲,有人應者,

勝後可憐之附屬物與犧牲品耳!有唐一代之政治史中,此點關係至鉅,特宫禁事秘,外間本不 也。茲先節録順宗實録及其他有關史料於下,然後綜合論之,以證成鄙説。 元和一代,其君主與閹人始終之關係,後來之宦官尤欲隱秘之,以免其族類為士大夫衆矢之的 易知,而閹 人復深忌甚諱,不欲外廷有所得聞。憲宗為中興之英主,其聲望更不同於他君,故

五百家註昌黎先生文外集順宗實録關係宫禁中宦官黨爭者如:

外集陸實録壹(原注:「起藩邸,盡貞元二十一年二月。」)云:

入,以韶召[王]叔文,坐翰林中,使决事。伾以叔文意入言於宦者李忠言,稱韶行下,外 [貞元二十一年正月] 德宗大漸,上疾不能言。(寅恪案,「上」指順宗。下同。)[王] 伾即

外集捌實録叁(原注:「起四月,盡五月。」)云:

珍等惡其專權,削去翰林之職。 [五月]辛卯以王叔文爲户部侍郎,職如故,賜紫。初,叔文欲依前帶翰林學士, 宦者俱文

外集玖實録肆(原注:「起六月,盡七月。」)略云:

王伾詐稱疾自免。自叔文歸第,伾日詣中人並杜佑,請起叔文爲相,且揔北軍。知事不 卧至夜,忽叫曰: 伾中風矣!明日遂輿歸不出。

[七月] 乙未韶軍國政事宜權令皇太子某勾當。(寅恪案, 「某」字即憲宗之名「純」。

上自初即位則疾,患不能言,至四月益甚。天下事皆專斷於叔文,而李忠言王伾爲之内

懼,不測其所爲。會其與執誼交惡,心腹內離,外有韋皐裴垍(原注:「當作均。 [章]執誼行之於外。既知內外厭毒,慮見摧敗,即謀兵權,欲以自固。而人情益疑

牋表,而中官劉光奇俱文珍薛盈珍尚[行]解玉等皆先朝任使舊人,同心怨猜,屢以啓上。

外集拾實録伍(原注:「起八月,盡至山陵。」)略云: 上固已厭倦萬機,惡叔文等,至是遂召翰林學士鄭絪衛次公王涯等,撰制誥而發命焉。

叔文既得志,與王伾李忠言等專斷外事。叔文入至翰林,而伾入至柿林院,見李忠言牛昭

容等,故各有所主。

等條,皆可為例證。

舊唐書壹陸拾韓愈傳云:

時謂愈有史筆,及撰順宗實録,繁簡不當,敘事拙於取捨,頗爲當代所非。穆宗文宗嘗詔 史臣添改,時愈壻李漢蔣係在顯位,諸公難之,而韋處厚竟别撰順宗實録三卷。

五百家註昌黎先生文集叁捌進順宗皇帝實録表狀云: 去八年十一月臣在史職,監修李吉甫授臣以前史官韋處厚所撰先帝實録三卷,云未周悉,

臣於吉甫宅取得舊本,自冬及夏,刊正方畢。文字鄙陋,實懼塵玷。謹隨表獻上。 令臣重修。臣與修撰左拾遺沈傳師、直館京兆府咸陽縣尉宇文籍等,共加採訪,並尋檢韶 莫不備書。苟關於時,無所不録。吉甫慎重其事,欲更研討,比及身殁,尚未加功。 修成順宗皇帝實録五卷。削去常事,著其繫於政者,比之舊録,十益六七。忠良姦

者。臣當修撰之時,史官沈傳師等採事得於傳聞,詮次不精,致有差誤。聖明所鑒,毫髮 無遺。恕臣不逮,重令刊正。今並添改訖,其奉天功烈,更加尋訪,已據所聞,載於首 右臣去月二十九日進前件實録。今月四日宰臣宣進止,其間有錯誤,令臣改畢却進舊本 儻所論著, 尚未周詳, 臣所未知, 乞賜宣示, 庶獲編録, 永傳無窮。

順宗實録壹卷首附注略云:

言改修非是。夫史册者,褒貶所在,匹夫善惡尚不可誣,況人君乎?議者至引雋不疑、第 無全篇。」按[新唐書壹肆貳]路隋傳:「文宗嗣位,隋以宰相監修國史。初,韓愈撰順宗實 撰三卷,誤矣。新史[壹柒陸韓愈傳]又云:「自韓愈爲順宗實録,議者開然不息,卒竄定 表狀所云,乃監修李吉甫以韋處厚所撰未周悉,令臣重修,而舊傳反謂所撰不當,處厚别 樊[澤之汝霖] 曰,舊史公傳云:(寅恪案,即舊唐書壹陸拾韓愈傳。文見上引。)公進實録 , 書禁中事太切直, 宦寺不喜, 訾其非實。帝韶隋刊正, 隋建言, 衛尉卿周君巢[等]皆

崇文總目,順宗皇帝實録有七本,皆五卷。題云,韓愈等撰。五本略,而二本詳, 所以采摭無遺,且以公爲知言也敷? 俾臣得下筆。臣謂不然。且愈所書,已非自出,元和以來,相循逮今,雖漢等以嫌, 兩存之。其中多異同。」然則是非取捨,後世安所折衷耶? 終之,唯公之信而已。此新史 温公[資治通鑑]考異[壹玖順宗永貞元年二月李師古發兵屯曹州條下]云:「景祐中, 永貞間數事耳。舊史以爲韋處厚別撰者固非,而新史又謂卒竄定無全篇者,亦非也。司馬 不罷。」由是觀之,則公於元和十年夏進此實録後,纔一刊正。是文宗朝所特改者,貞元 公議。請條示甚謬誤者,付史官刊定。有韶摘貞元永貞間數事爲失實,餘不復改。漢等亦 五倫爲比,以蔽聰明。臣[李]宗閔、臣[牛]僧孺謂史官李漢、蔣係皆愈之壻,不可參撰

韓文類譜陸洪慶善興祖韓子年譜元和十年乙未條云:

進順宗實録狀云,去八年十一月臣在史職,監修李吉甫授臣以前史官韋處厚所撰先帝實録 褒善貶惡之旨明甚。當時議者非之,卒竄定無全篇,良可惜也。史又云,愈說禁中事頗切 三卷,令臣重修。吉甫慎重其事,欲更研討。比及身殁,尚未加功。臣於吉甫宅取得舊 自冬及夏, 繁簡不當,敍事拙於取舍。按退之作史,詳略各有意,削去常事,著其繫於政者。其 刊正方畢。按吉甫九年十月卒,則進實録在此年夏也。 舊史云, 愈撰實

直,内官惡之,往往於上前言其不實,此言是也。

寅恪案,樊洪二氏之説頗為詳盡。關於退之撰順宗實録之公案,可據以判定矣。

舊唐書壹捌肆宦官傳俱文珍傳(新唐書貳佰柒宦者傳上劉貞亮傳同)略云:

[文珍]乃與中官劉光琦薛文珍尚衍解玉等謀,奏請立廣陵王爲皇太子,勾當軍國大事。順

宗可之。及太子受内禪,盡逐[王]叔文之黨。

劉禹錫劉夢得外集玖子劉子自傳云:

桓立順,功歸貴臣。(寅恪案,此借東漢時事爲比,詳見後漢書列傳陸捌宦者傳孫程傳曹 是時太上久寢疾, (寅恪案, 「太上」指順宗。)宰臣及用事者都不得召對, 宫掖事秘, 而建

騰傳等。)

舊唐書壹伍憲宗紀下略云:

[元和十五年正月庚子]上崩於大明宫之中和殿。時以暴崩,皆言內官陳弘志弑逆。史氏諱

而不書

.書壹捌肆宦官傳王守澄傳(新唐書貳佰捌宦者傳王守澄傳略同)云:: 憲宗疾大漸 内官陳弘慶(志)等弑逆。憲宗英武,威德在人,内官秘之,不敢除討,但云

資治通鑑貳肆壹唐紀憲宗紀云:

珍序及王鳴盛蛾(蟻)術編伍柒俱文珍條, 文韋執誼劉禹錫柳宗元之徒乎?韓退之與宦官俱文珍有連, 依據上引諸條綜合觀之,可知前言永貞內禪即新故君主替嬗之事變,實不過當日宮禁中閹 忽視之耶?丁丑夏日偶讀續玄怪録, 諱其事,遂令一 當日之閹宦, 競爭之結局, 務思芟夷改易,絶其跡象。李書此條實乃關於此事變倖存之史料, 即元和一代, 不敢討賊, [元和十五年正月]庚子[憲宗]暴崩於中和殿。時人皆言內常侍陳弘志弑逆, 脅迫順宗以擁立憲宗之本末,殊不欲外廷知之也。及憲宗又為内官所弒, 其説誠不誣矣。 復經憲宗鑒定添改,則所紀者,當能得其真相,但即因是轉為閹 朝國史,於此大變,若無若有,莫能詳述。然則永貞內禪及憲宗被弒之二大事 但云藥發, , 其君主與宦官始終之關係, 外人莫能明也。 夫順憲二宗帝王父子且為其犧牲品及傀儡子, 因取與順宗實録等量齊觀, 可以推證得知者,故順宗實録中關涉宫禁諸條 實為穆宗以後閹黨之深諱大忌, 此據昌黎先生外集叁送汴州監 而論證之如此 豈得以其為小説家言. 何況朝臣若 人所惡。 故凡記載之涉及 其黨類諱之, 閹人更隱 蓋其黨類 王 既傳自 軍俱文 伾 人兩黨 王叔 ifij

(原載一九四〇年一月國立北京大學四十週年紀念論文集乙編上册)

#### 魏志司馬芝傳跋

三國志魏志壹貳司馬芝傳云:

今當等所犯妖刑, 特進曹洪乳母當,與臨汾公主侍者共事無澗神,繫獄。下太后遣黄門詣府傳令,芝不通, 聖聽,若不得已, 輒敕洛陽獄考竟, 而上疏曰:「諸應死罪者,皆當先表須報。前制書禁絶淫祀,以正風俗。 以垂宿留。 辭語始定, 黄門吴達詣臣, 傳太皇太后令。臣不敢通, 懼有救護, 由事不早竟,是臣之罪,是以冒犯常科,輒敕縣考竟,

刑戮,伏須誅罰。」

裴松之注釋無澗神之義云:

,山名,在洛陽東北。

寅恪案,「無澗神」疑本作「無間神」,無間神即地獄神,「無間」乃梵文Avici之意譯,音譯則為 後來香山等之比。泰山之名漢魏六朝內典外書所習見。無澗即無間一詞,則佛藏之外,其載於 「阿鼻」,當時意譯亦作「泰山」。裴謂無澗乃洛陽東北之山名。此山當是因天竺宗教而得名,如

史乘者,惟此傳有之,以其罕見之故, 裴世期乃特加注釋, 即使不誤, 恐亦未能得其最初之義

子華既以佛教之無間神當之,則佛教在當時民間流行之程度,亦可推見矣。 據此可知釋迦之教頗流行於曹魏宮掖婦女間,至當時制書所指淫祀,雖今無以確定其範圍,

(一九四九年)

而

# 逍遙遊向郭義及支遁義探源

世説新語文學類云:

馮太常共語, 莊子逍遥篇舊是 因及逍遥。 、難處, 諸名賢所可鑽味, 支卓然標新理於二家之表, 立異義於衆賢之外, 而不能拔理於郭向之外。支道林在白馬寺中, 皆是諸名賢尋味

之所不得。後遂用支理。

習知,不待詳考。自東漢末黨錮之後, 義之何所從出 雖簡略, 寅恪案,郭象莊 政 如東漢末之清議, 其 事 然尚可據以推論其旨要之所在及其學説之所本也。今撰此篇 一部依附於地方中正制度,以不與世主直接衝突,因得倖存。其餘則捨棄具體人物任 類何驃騎作會稽條注引郭泰別傳及賞譽類下庾公為護軍條注引徐江州本事)即 為範圍 子注今存,支遁逍遙論今得見者,僅世説此條劉孝標注所徵引之一節而已。文 其他概不涉及。茲請先論向郭義。魏晉清談出於後漢末年之清 已不為世主所容。 繼以魏武父子之摧抑,其具體評議 故人倫鑒識 (参晉書肆叁王戎傳及柒肆 ,止以考證向郭義及支遁 中朝 X 桓 物任 彝 傳 用之當 清 並 人所 世説

著及僅存之作也。(後漢書列傳伍捌郭太傳云:「林宗雖善人倫,而不為危言覈論,故宦官擅政 用當否之評議,變為假設問題抽象學理之討論。此觀於清談總彙之世説新語一書,其篇類之標 世說新語文學類鍾會撰四本論始畢條劉注云: 何驃騎作會稽條注引郭泰別傳略云:「泰字林宗,有人倫鑒識。自著書一卷, rfn 一不能傷也。及黨事起,知名之士多被其害,惟林宗及汝南袁閎得免焉。」又世説新 可以證明, 」然則清談之風實開自林宗,故抽象研討人倫鑒識之理論,亦由林宗啟之也。 遭亂亡失。」寅恪案,抱朴子外篇肆陸正郭篇云:「林宗周旋清談閭閻, 而鍾會之才性四本論(參南齊書叁叁王僧虔傳)及劉邵人物志,又此清議變相之最 , 無救於世道之陵 論取 語政事類

魏志曰,會論才性同異, 論同 中書令李豐論異,侍郎鍾會論合,屯騎校尉王廣論離。文多不載。 傳於世。四本者,言才性同,才性異,才性合,才性離也。尚書

### 劉邵人物志中材能篇云:

異體之小大也。故鼎亦宜有大小,若以烹犢,則豈不能烹雞乎?故能治大郡,則亦能治小 小者也。以實理寬急論辨之,則當言大小異宜,不當言能大不能小也。若夫雞之與牛,亦 凡所謂能大而不能小,其語出於性有寬急。性有寬急,故宜有大小。寬弘之人宜爲郡國, 使下得施其功,而總成其事。急小之人宜理百里,使事辦於己。 然則郡之與縣, 異體之大

體事實之問題,今則變為抽象理論之問題而已。斯則清議與清談之所由分也。若持此義以觀逍 妄測。所可注意者, 寅恪案,孔才年輩先於士季。據其人物志上體別篇,「偏材之性,不可移轉矣。」之語, 固守性分,聞義不徙。」之注,則其説或與士季才性合之論略有近似處。然鍾論既佚, 即性分才能大小宜適諸問題,皆劉書之所討論,而此諸問題本是清議 自 及 中具 劉昞

夫小大雖殊, 而放於自得之場, 則物任其性,事稱其能, 各當其分。 逍遥一也, 豈容勝負

及

遥遊郭象注中:

明性分之適。 鵬鯤之實, 吾所未詳也。 達觀之士, 夫莊子之大意,在乎逍遥遊放,無爲而自得。故極小大之致,以 宜要其會歸, 而遺其所寄, 不足事事曲與生說, 自不害其弘旨,

證。特標出之,以求當世研精郭注者教正。 多近同之處。故疑向子期之解逍遥遊,不能不受當時人物才性論之影響。惜文籍缺略, 之語,則知向郭之逍遙遊義, 雖不與劉氏人物才性之説相合,但其措意遣詞,實於孔才所言頗 無從確

欲論證者,即支遁新義其所依據之佛經確為何經,及此新義是否果為林公之所創發二事而已。 論叢第壹集)及拙著支愍度學説考(見蔡元培先生六十五歲慶祝論文集),於此可不贅述。茲所 支遁逍遥遊新義之為佛教般若學格義,已詳湯用彤先生所著釋道安時代之般若學述略(見哲學

高僧傳肆支遁傳略云 至晉哀帝即位, 頻遣兩使, 以爲逍遥。遁曰,不然,夫桀跖以殘害爲性。若適性爲得者,彼亦逍遥矣。於是退而注逍 山。沉思道行之品,委曲慧印之經。遁嘗在白馬寺,與劉系之等談莊子逍遥篇云, 支遁字道林,本姓關氏。 ,羣儒舊學莫不嘆伏。注安般四禪諸經及即色遊玄論聖不辯知論道行旨歸學道誡等。 陳留人,或云河東林慮人。家世事佛,早悟非常之理,隱居餘杭 徵請出都, 止東安寺。講道行般若, 白黑欽崇, 朝野悦服。以 各適性

世説新語文學類略云

晉太和元年閏四月四日終。春秋五十有三。

有北來道人,好才理,與林公相遇於瓦官寺,講小品。於時竺法深孫與公悉共聽, 屢設疑難。林公辯答清析, 辭氣俱爽。此道人每輒摧屈。

殷中軍讀小品,下二百籤,皆是精微,世之幽滯。嘗欲與支道林辯之,竟不得。今小品猶 于法開始與支公争名,後精漸歸支,意甚不分,遂遁跡剡下,遣弟子出都。語使過會

稽,於時支公正講小品。開戒弟子,道林講比汝至,當在某品中。因示語攻難數十番。 云,舊此中不可復通。弟子如言,詣支公,正值講,因謹述開意,往反多時,林公遂屈。

厲聲曰,君何足復受人寄載?

廣 弘明集貳捌上王洽與林法師書云:

今道行指歸通敍色空,甚有清致。

藏記捌載支道林大小品對比要鈔序云:(文多脱誤,故不迻録。

高僧傳肆康僧淵傳云:

僧祐出三

誦放光道行二般若, 即大小品也。

寅恪案,小品疑即支讖譯道行經也。又小品乃專名。劉孝標世説新語文學類殷中軍讀小品條注

釋氏辨空經,有詳者焉,有略者焉。詳者爲大品,略者爲小品。

經當之,則又不知殷浩支遁皆不及見此鳩摩羅什譯之小品也。 語殊空泛,不能確指。日本思田仲任世説音釋叁有北來道人條,

以鳩摩羅什譯小品般若波羅蜜

據上引諸條,知林公於道行一經實為顓門之業。其借取此經旨意以釋莊子,乃理所當然。考出 藏記集柒載道安道行經序云:

逍遥遊向郭義及支遁義探源

要斯法也, 與進度齊軫, 逍遥俱遊。

高僧傳伍僧光傳略云:

格義舊說也。如是解釋,未知確否,附識於此, 釋僧光冀州人。爲沙彌時,與道安相遇於逆旅。道安後復從之,相會欣喜,因共披文屬 此爲莊子之逍遥遊。 前作支愍度學說考時, 思,新悟尤多。安日 僧光意謂且務證解逍遥遊之真諦,不必非難昔日所受於先輩之逍遥游 先舊格義於理多違。 不以此傳文之「逍遥」爲書篇之名。今細繹上文有「披文」之語, 光曰,且當分析逍遥,何容是非先達。 以俟詳考。)

同書陸慧遠傳云:

年二十四,便就講説。當有客聽講,難實相義, 於是惑者曉然。是後安公特聽慧遠不廢俗書。 往復移時, 彌增疑昧。遠乃引莊子義爲連

佛説 子逍遥 義容可與逍遥遊義附會也。取此諸條,依其時代先後及地域南北之關係,綜錯推論之,則借用 安心目中有此格義也。 寅恪案, 解逍遙遊者矣。慧遠少時在南遊荆州之前,其講實相義, 游 格義之定義, 一篇有所考釋,故今略補證之。據道安道行經序, 依僧光「且當分析逍遙, 見高僧傳肆法雅傳及拙著支愍度學説考,茲不重論。 何容是非先達。 既 亦已引莊子義為連類 取道行經與逍遙 之語, 則知先舊格義中 但寅恪前未別於莊 遊並 則般 實 明是道

寅恪近年撰書世説新語文學類鍾會撰四本論始畢條後一文,以為當日主才性離異者,

道行般若之意旨, 以解釋莊子之逍遙遊, 實是當日河外先舊之格義。但在江東, 支遁本陳留或林慮人,復家世事佛,疑其於此種格義,本已有所薰習。據世説新語文學類王逸 則為新理耳。

少作會稽條(高僧傳肆支遁傳略同)云:

品藻類郗嘉賓問謝太傅條注引支遁傳),實超絕同時之流輩。此所以白黑欽崇, 推為宗匠, 舊義原出於人倫鑒識之才性論。故以「事稱其能」及「極小大之致,以明性分之適。」為言。 可知林公標此新義,其文采辭令必非當日諸館道人所能企及,固不僅意旨之新拔已也。又向郭 逍遙新義,遂特受一世之重名歟? 窺見其隱, 因論莊子逍遥遊,支作數千言,才藻新奇,花爛映發。王遂披襟解帶,留連不能已。 乃舉桀跖性惡之例,以破大小適性之説。然則其人才藻新奇,神悟機發 (世説新語 。林公

而

原載一九三七年四月清華學報第壹貳卷第貳期)

九七

司馬氏黨之鍾會相似, 氏之黨, 即 曹氏與司馬氏公開决裂以前,故其生世較早, 主才性同合者,為司馬氏之黨。孔才卒於齊王芳正始中,尚在嘉平元年司馬懿殺 亦不必執此目為於魏晉兩朝皇室有所偏袒也。一九六五年。 兩黨分野未甚明確, 假使其持論與

治元史者,莫不知元代社會有蒙古色目漢人三階級。陶九成南村輟耕録壹氏族條,載蒙古七十

種,色目三十一種,漢人八種。其所舉漢人八種之名曰:

叁卷)。其蒙古色目氏族比較表,較之錢竹汀元史氏族表及柯蓼園學士丈新元史氏族表,尤為 校之,頗多重複脱漏。近年日本箭內亘博士著元代社會之三階級一文(見滿鮮歷史地理報告第 陶氏此文,自來疑其譌舛。故所舉蒙古色目氏族之名,以元祕史拉施特書聖武親征録及元史等 高麗 女直 竹因歹 术里闊歹 竹温 竹赤歹 渤海(原注:女直同。)

輟耕録編者於漢人八種中,不舉漢人,可謂不合之極。又如後述嚴密言之,漢人亦有二

詳審。其論陶氏所舉漢人八種之名曰:

人八種,當可改爲漢人十種者也。 種,嘗在金治下之支那人曰漢人,在宋治下之支那人曰南人。而從其待遇上差别言之,漢

錢竹汀大昕十駕齋養新録玖趙世延楊朶兒只皆色目條曰:

時謂之漢人。漢人有官至宰執者,而南人不得入臺省。順帝時稍用南人,而入參政者, 危素一人耳。漢人南人之分,以宋金疆域爲斷, [元史]列傳第五卷至三十二卷,皆蒙古色目人。第三十三卷至七十五卷,皆漢人南人也。 趙世延雍古部人, 元時稱夏人爲唐兀氏。 皆列於色目, 即按竺邇之孫, 則朵兒只亦當爲色目人矣。耶律石抹完顏粘合烏古論 唐兀亦色目三十一種之一。 蓋色目人也, 江浙湖廣江西三行省爲南人。 而與漢人同列, 其人各自有姓, 誤矣。 如李恒高智耀來阿 楊朵兒只西夏人。 皆遼金舊族 河南省唯江 元

又錢氏元史氏族表序曰

北淮南諸路爲南

耶律石抹粘朮合字魯之倫,出自遼金,當時所謂漢人也。

錢氏言遼金舊族, 元時謂之漢人, 其説是也。然元代遼金舊族,

何以俱稱漢

Ifij

陶

寅恪案

年外國成説, 謬如此。 九成以黄巖人著書,列舉漢人氏族八種之名,轉遺漢族本身而不載。 蓋元代漢人之名,必有待發之覆。今為考證當日漢人之名,其譯語本為何字,兼采近 覈以蒙古波斯舊史之文,依其界説之變遷及涵義之廣狹,立一假定之説, 陶氏縱極 疏忽, 亦何 以解釋

明火源潔華夷譯語蒙文編人物門,漢人曰乞塔。乞塔固為中國人之通稱。然元初所謂漢人, 疑

尚有他譯名也。海鹽朱教授希祖所藏日本元禄十二年翻刻元泰定本陳元靚事林廣記庚集卷拾至 元譯語人事門,漢兒曰托忽歹。蠻子曰囊家歹。今取舊史校之,知托忽歹為札忽歹之譌,而囊

家歹之語,則本之金人故稱也。茲以舊史之文證之。 拉施特論中國之一節(見 Blochet 校本拉施特蒙古史波斯原文第貳册第叁貳捌頁及 Quatremère

拉 ,施特蒙古史波斯法文對譯本第捌伍頁至玖陸頁)云:

Khatai 國者,蒙古人稱爲 Djavkout ,支那語謂之 Khanzi。以 Kara-moran (黄河)與 Matchin

國即支那人所謂 manzi (蠻子)者爲界。又與 Tchourtcheh 及游牧人所居 Kara-Khatai 荒漠之

地接界。蒙古語 Tchourtcheh 之名,蓋因支那人稱此國人爲 Nangias。與 Khatai 以黄河爲 界。此水源出吐蕃及迦濕彌羅,常不可渡。其國都名 Khingsai。(即臨安,殆行在之音

譯。)距 Khan-balik (大都)四十日程。

特書同。(見 André Müller, 本拉施特書第捌陸頁所引,並可參 Blochet 本拉施特書第貳册第叁貳捌頁。)其文略云: 又波斯文舊題 Abd-allah-Bedawi 所著 Nizam-altawarikh (譯言史貫)第捌篇論中國一節,與拉施 Historia Cathaica 第捌頁至第壹壹頁。 原書未見,僅據

古語謂之 Djavkout。印度人謂之 Tchin。吾等(波斯人)謂之 Khatai。 Khatai 分爲數國。其名隨各種語言而不同。支那語謂 Khanjo-tchou (tchi ) Tchoun-Koné。蒙

為札字之譌也 中國之通稱,則無疑義。故至元譯語人事門,漢兒曰托忽歹,正記録當時習俗之通稱。托字當 寅恪案,兩書所述,俱出一源。是 Djavkout 一語,究為何字轉譯,雖無定論,要為當時蒙古語

拉施特書記憲宗伐宋事(見 Blochet 本第貳册第叁貳叁頁所引)云:

蒙哥令支那未來皇帝領蒙古及 Djavkout 攻宋。


[八年戊午十一月]命忽必烈統諸路蒙古漢軍伐宋。

元史叁憲宗本紀云:

又元祕史(見葉氏觀古堂刊本續集卷貳第伍肆頁下至伍伍頁上及伍捌頁上)云: 肅良合祕史之莎郎合思)諸地。此廣義之泛稱,與輟耕録所舉可互證也。 本第玖壹頁注)以 Djavkout 之名包括 Khatai,Tchourtcheh,Tangut 及 Solangah (高麗即元史之 兩書所記,實為一事。此 Djavkout 為漢軍譯語之確據也。又拉施特書 (Vol. 241, Quatremère

鳴詁列論 額赤格余延 父 自的行 也客 大 位 撒兀周 皇帝

0



此札忽屬即拉施特書之Djavkout。至元譯語之托忽歹之托字為札字之譌,可據此證明。至蒙古 斡歌歹皇帝説:「自坐我父親大位之後,添了四件勾當。一件平了金國。」

或曰乞塔傷,即與華夷譯語之乞塔同一字也。

之稱金人,姑就元祕史而論,札忽陽之外,或曰阿勒壇,即蒙文金字之意譯。或曰主兒扯陽

即

又至元譯語 女直之對音。 人事門,蠻子曰囊家歹。囊家即拉施特之 Nangias。法蘭西伯希和教授 Prof. Paul

Pelliot 謂即華語南家二字之音譯。(見一千九百十三年巴黎亞細亞學會雜誌第壹壹集第壹期)而

粘罕云:「你說得也煞好,祇是你南家說話多捎空。」

南字以與家字聯接,故譯音稍變。並引三朝北盟會編貳貳馬擴茆齋自敍云:

蒙古源流陸(参一千九百十三年巴黎亞細亞學會雜誌第壹壹集第壹期伯希和君論文)云: 金人稱宋為南家,蒙古亦承用之。後遂為中國之通稱。不僅如拉施特書,限於支那之南部。 如

肆第捌陸頁)及滿蒙漢藏四體文鑑人類門華文漢人二字,蒙文均作囊家之音。 此文中國 字, 據蒙文原本(見 Schmidt 本第貳壹拾頁第貳行)作 Nangiad-ulus。 雖其界説

[阿勒坦汗]行兵中國,侵凌騷擾。

本拉施特書第貳册第叁貳肆頁注)。

譯

語

不同,

而此舊名尚存於近代書籍。

然則 Blochet 君謂今日蒙文已無此字者殆非也(見 Blochet

與至元

又元典章貳貳户部鹽法通例條云:

今各路官司依例斷遣漢兒人蠻子人申解遼陽省發付出 軍。

如錢 捌壹選舉志及元典章叁壹禮部科舉式目條所載漢人南人分配區域, 此稱漢兒人蠻子人尤與至元譯語脗合。 氏十駕齋養新録所謂以宋金舊疆為斷者也。 其他漢人南人之稱,相當於元代之官書者甚衆, 尤足資多證。至其分別 如元史 則

故, 無他 今據上述諸端, 語 其子目遂不列漢人。此限於當日語言界説所致,殊不足為異也。輟耕録氏族條,固多繆 以稱金治下之漢族。當日列舉氏族之名,其總目為漢人,以別無他名稱金治下漢族之 知札忽陽,乞塔陽等名,姑不論其字之原義如何,但蒙古既用以指金人,又別

不同 推廣變遷者之所為。蓋一時代之名詞,有一時代之界説。其涵義之廣狹,隨政治社會之變遷而 範圍之內。陶氏襲用蒙古最初故籍原文札忽歹舊語標目之下, 未列南人為不合,殊不知蒙古語當日自有囊家歹之專名,以稱南人,實不在札忽歹即漢 絕未增損一語,間有重複舛譌,殆為迻譯傳鈔所致。至箭內博士又以陶氏所舉漢 惟此漢人八種一節,後人均視為疏略尤甚者,寅恪則頗疑其全襲蒙古最 往往鉅大之糾紛譌謬,即因茲細故而起,此尤為治史學者所宜審慎也。 固不能兼列南人, 如後來界説 初故籍 人八 舊題之原 人總稱 種中

(原載一九二九年八月清華學校研究院國學論叢第貳卷第壹號)

## 幾何原本滿文譯本跋

説 疑 文復 卷。 同 異者也。 精 幾 度 及其數目之多寡亦往往與數理精蘊本不合。 北 何 蘊中十二卷之幾何原本校之, 行 姑不論滿文本譯自數理精 有軼 海 往歲游學海外 然數理 原本滿文譯本寫本七卷, 嘗讀數理精蘊本, 圖書館影本讀之。此本不依歐氏原文多譯, 所附幾何約 二本之文字詳略及各卷所附圖式, 出 情蘊本第陸卷至第拾卷共為六十四條, 數理精蘊本之外者, 諸 偶於圖書館檢夏鳥氏 (Sommer Vogel)耶穌教會著述目録見有滿文幾何原 書, 僅就 怪其與利徐共譯本體裁絕 蘊本, 抑數理 利徐 舊藏景陽宫, 其體制內容適與之相符。 如滿文本之第壹卷卷首序論即 共譯 本刪節者, 精蘊本譯自滿文本, 則大抵符合, 蓋歐幾里得書前六卷之譯本也。 如滿文本之第陸卷即數理精蘊本之第陸卷至第拾 故與利泰西徐文定共譯本 異。 而滿文本之第陸卷則為 皆不相類, 復與清 惟滿 此二本之相 文本所分卷數間 初杜臨甫之幾何 不載數理 頗致疑於清 要之此二本同 同者 精 也。 蘊 九十條。 聖祖及諸 -迥異。 戊辰 本 今綜 中, 論 有 出 約 於 不 仲 寅恪取 及 校 此二本之互 又滿文本之 同 冬, 臣 方位 源 一本之異 所列 删 寅恪始 改 伯 則無 數理 條

耳。 柒頁 密絶 稱御製(據李儼君所言)。數理精蘊中之幾何原本與景陽宮之幾何原本滿文譯本原為一書, 殆出 本,又不似利徐共譯本之刪節本,殊不知其所從出。然數理精蘊中之割圓術,本西説也, 乾隆二十三年譯為滿文,但彼為利徐共譯本,非此景陽宮七卷本也。今此七卷本既非利徐 故凡關於證明之文, 於耶穌教會諸子之手, 六卷之本, 其自序略謂:「此本為實用者而作。 必能盡易原書體裁。 舊傳拜 然則此七卷之滿文譯本者,蓋景陵當日幾暇格物之書,西海疇人重譯顓門之業, 意在 )即其 以資淺學實習之用者, 死敬天之禮, 取便寬施,而不知轉以是失其精意。 非僅論數論象之書,實為希臘民族精神之所表現。 考法蘭西人支那學書目 (H. Cordier: Bibliotheca Sinica, Vol. II, P. 1092), 天學初函於 例也。 恐非僅就利徐共譯本所能删改而成者。 寅恪因之疑此滿文譯本及數理精蘊本皆間接直接出於浩氏相類 概從芟略 而夏鳥氏目録所載者, 考歐邏巴洲十六七世紀時,歐幾里得之書,屢經編校刊行,頗 亦有不妨寬假之意。然顓門名家之學, 與應世之術不同, 云云。」(見 Thomas 如德意志人浩爾資曼 Wihelm Holtzmann 所譯德文幾何原本前 耶穌教會諸子號稱通達權變, 當亦即此書也。 實用者僅知當然已足,不必更示以所以然之理。 Ľ. 惜局處中 . Heath 英譯幾何原本第貳版第壹册第壹佰 土 此滿文譯本及數理精蘊本皆 夫歐幾里得之書, 無從廣徵歐書舊刊, 折衷中 條理統 若一 西 似之本, 為之證 有纂譯 無依據 迄乎茲 雖 系 於東 經删 而 共譯 明 詭

世, 自萬曆至康熙百年之間, 已一譯再譯, 尤不可以尋常滿文譯籍等視之矣。 猶在人間,即此一段因緣,已足特加珍護。況復藉以得知歐幾里得前六卷之書, 則其事之關係於我國近世學術史及中西交通史者至大 赤縣神州

(原載一九三一年四月歷史語言研究所集刊第貳本第叁分)

異之所由來也。 唐蕃兩地載籍互相差異,非得書册以外之實物以資考證,則無以判別二者之是非,兼解釋其差 徹辰薩囊台吉), 其所紀土伯特事, 蓋本之西藏舊史。然取新舊唐書吐蕃傳校其書, 則贊普之 薩納囊徹辰洪台吉著蒙古源流(四庫全書總目伍壹史部雜史類蒙古源流條提要稱作者之名為小 。乘,雖間雜以宗教神話,但歷代贊普之名號世系,亦必有相傳之舊説,決不盡為臆造。今 往往不同,而年代之後先,相差尤甚。夫中國史書述吐蕃事,固出於唐室當時故籍,西

蒙古源流貳略云:

誤。)羅壘,倫多卜等,兄弟五人。長子藏瑪出家爲僧(句)次子達爾瑪(句)持松(寅恪案, 戊戌,年十三歲,衆大臣會議輔立即位。在位二十四年,歲次辛酉,年三十六歲,殁。汗 松下略一壘字,滿文本已如是。)自前歲次戊子紀二千九百九十九年之丙戌年所生。 穆迪子藏瑪(寅恪案,坊刊本藏作減,誤。)達爾瑪,持松壘,(寅恪案,坊刊本持作特

無子,其兄達爾瑪即位。

宗天復元年。惟蒙古源流此節所紀達爾瑪,持松壘贊普之名號年代,皆有錯誤。茲先辨正 戊戌年即西曆紀元後八百七十八年,唐僖宗乾符五年。 謂「自前戍子紀二千九百九十九年之丙戌年」,即西曆紀元後八百六十六年,唐懿宗咸通七年。 寅恪案,薩納囊徹辰洪台吉以釋迦牟尼佛湼般後一歲為紀元。據其所推算,佛滅度之年,為西 為治唐史者之一助歟? 曆紀元前二千一百三十四年。 兼解釋其差異之所由來,然後詳稽其年代之先後,以訂正唐蕃兩地舊史相傳之譌誤,或可 故其紀元前之戊子元年,為西曆紀元前二千一百三十三年。 辛酉年即西曆紀元後九百零 年, 其名

名號之譌誤有二:一為誤聯二名為一名。一為承襲蒙古文舊本字形之譌, 而誤讀其音。

何謂誤聯二名為一名? 檢新唐書貳壹陸下吐蕃傳略云:

資治通鑑考異貳壹唐紀壹叁文宗開成三年吐蕃彝泰贊普卒,弟達磨立。 贊普(寅恪案, 此指可黎可足,即彝泰贊普。)立幾三十年。死。以弟達磨嗣。

坊刊本蒙古源流貳云 彝泰卒及達磨立,實録不書。舊傳續會要皆無之。今據補國史。

汗(寅恪案,此指持松壘。)無子,其兄達爾瑪,癸未年所生,歲壬戌,年四十歲,即位。因

0

其從前在世爲象時,曾設惡愿, 二十四年之間,惡習相沿,遂傳稱爲天生邪妄之郎達

藏語謂象爲朗glan。 ) 汗將大乘三藏以下, 下乘以上之三乘及四項僧人,

清高宗御製文初集壹貳翻譯四體楞嚴經序略云:

今所譯之漢經,藏地無不有,而獨無楞嚴,其故以藏地中葉,有所謂狼達爾嗎汗者,毀滅 年]壬申,而譯成於[二十八年]癸未。 師所授記。 可據。且日 補敦祖師曾授記是經當於後五百年,仍自中國譯至藏地。 佛教。焚瘞經典時,是經已散失不全。其後雖高僧輩補苴編葺,以無正本,莫敢妄增。獨 雖無似也, [楞嚴經]若得由漢而譯清, 而實不敢不勉力焉。因命莊親王[等]董其事。蓋始事自乾隆[十七 由清而譯蒙古, 由蒙古而譯土伯忒, 此語乃章嘉國師所誦梵典,炳炳 則適合補敦祖

原文第壹貳頁第壹貳行,其名亦為 Glandarma,即蒙古源流之朗達爾瑪及清高宗文中之狼達 目提要,皆言其與薩納囊徹辰洪台吉所紀述多相符合。今據 Emil Schlagintweit 本嘉喇 又藏文嘉喇卜經 Rgyal-rabs 者,(聞中國有蒙文刊本,寅恪未見。)蒙古源流譯本子注及四庫總 達 爾瑪非為一人,彰彰明甚。至於持松壘與達爾瑪孰為兄弟及朗達爾瑪汗時, ,亦即新唐書及通鑑考異之達磨,而蒙古源流之持松壘,在嘉喇卜經則稱為 Ral-pa-can,與朗 楞嚴經有無藏文 小經藏 爾

譯本 寅恪所見諸本言之,惟施密德氏 Isaac Jacob Schmidt 之蒙文校譯本,二名分列,又未消略, 文譯本, 説 此必當日滿文譯者所據喀爾喀親王成袞札布進呈之蒙文本, 無不如是也。 皆不必論。 遂因而不改。即彭楚克林沁所校之中文譯本(曾見江安傅氏轉録本),亦誤其 今故宫博物院景陽宫所藏蒙古源流滿文譯本, 惟持松壘與達爾瑪之為二人,則中國史籍, 蒙古源流及西藏歷世相傳之舊 已有斯誤 誤聯達爾瑪、 以致輾轉 持松壘二名為一 句讀。 實 以 中

較成衰札布之本為佳也。

物, 何謂承襲蒙文舊本字形之譌,而誤讀其音?此彝泰贊普名號,諸書皆差異。今據最正確之實 同。(見 F. W. Thomas. Tibetan Documents Concerning Chinese Turkestan, Journal of the Royal 書唐長慶及蕃彝泰紀元。 īF. 其消略調 即拉薩長慶唐蕃會盟碑碑陰吐蕃文, (據前北京大學研究所國學門所藏繆氏藝風堂拓本)補 誤 並解釋其差異之所由來焉。 其所載贊普之名號為 Khri-gtsug Ide-brtsan。 據長慶唐蕃會盟碑碑陰吐蕃文,首列贊普名號, 近年發見之藏文寫本亦

Asiatic Society of Great Britain and Ireland, Jan. 1928 pp.71, 72, 76.)

新唐書貳壹陸下吐蕃傳略云:

[元和]十二年贊普死。

可黎可足立爲贊普。

寅恪案,可黎可足即碑文之 Khri-gtsug,其下之 lde-brtsan,則從渻略。且據此可知當時實據藏

文之複輔音而對音也。

資治通鑑貳叁玖唐紀伍伍云:

[憲宗元和十一年]二月西川奏,吐蕃贊普卒。新贊普可黎可足立。

同書貳肆陸唐紀陸貳云:

寅恪案

[文宗開成三年]吐蕃彝泰贊普卒,弟達磨立。

普者,實以年號稱之也。茲取此碑碑陰蕃文徧校諸書,列其異同於左:

會盟碑碑陰末數行,吐蕃年號為 Skyid-rtag,即彝泰之義。然則可黎可足之號為彝泰贊

北 施密德氏所轉寫之拉丁字而言,Thi 者,藏文為 Khri。以西藏口語讀之之對音,嚴格言之,當 本第叁陸拾頁所引菩提末之文)。贊普之名為 Thi-a Tsong-lTe-bDsan。此書原文寅恪未見,僅據 菩提末 Bodhimör 此書紀贊普世系,實出於藏文之嘉喇卜經(據施密德氏蒙文蒙古源流校譯 差異也。 一發見藏文寫本之 brTsan,此乃施密德氏轉寫拉丁字之不同(藏文古寫僅多一 r),非原文之有 Thi也。ITe者,據會盟碑蕃文應作 IDe,蒙文 d, t皆作◆形無分別。bDsan者,即碑文及西 ung 或 ong 作了形,字體極相近似,故致譌。或菩提末原書本不誤,而譯讀者之誤,亦未 應作gtsug,蒙文轉寫藏文之引(g)作引形,轉寫藏文之引(a)或作h,作計形,ug,uk作引 惟aTsong一字,則因蒙文字形近似而譌。蓋此字會盟碑蕃文本及西北發見之藏文寫

可知也。

蒙古源流施密德校譯本 者,乃 gtsug 之譌讀。藏文引(g)字,蒙文作?,與蒙文•(b)字形近故誤。蒙文之 ug,轉 據是本,此贊普之名作 Thi-btsong-lte, 略去名末之 brtsan。至於 bt-

為ük亦以形近,誤為ong。見上文菩提末條。

易淆混。故藏文之 lde, 遂譌為滿文之 lui 矣。或者成袞札布之蒙文原本, 亦已譌誤, 以蒙文t字d字皆作d形,o字u字亦皆作d形。又e字及i字結尾之形作內及內俱極相似, 遂因襲而不知改也。 贊普名凡二見,一作 Darmakriltsung Lui,一作 Darmakribtsung,皆略去 Brtsan 字。此名誤與達 蒙文原本,雖不可得見,幸景陽宮尚藏有滿文譯本,獨可據以校正中文譯本也。 或依西藏口語讀音轉寫, 蒙古源流滿文譯本 爾瑪之名聯讀, 先後殊不一致也。ung 乃 ug 轉為 ük 之誤,見上文菩提末條。又藏文 lde 所以譌成壘者 已詳上文。惟藏文之 Khri,滿文或依藏文複輔音轉寫,如此名之 Kri 即是其例。 蒙古源流中文譯本非譯自蒙文,乃由滿文而轉譯者。今成袞札布進呈之 如持蘇隴德燦 Cysurong tetsan 之 Cy (滿文者),即是其例。蓋其書之 據滿 滿文譯本 文本, 此 頗

因襲不改。二本中此贊普名一作達爾瑪持松壘,一作達爾瑪持松。滿文 kri 作持者,依藏文口 文津閣本及坊刊本漢譯蒙古源流 中文蒙古源流既譯自滿文,故滿文譯本之誤,中文譯本亦

對音。(梵文名詞以 a 字為語尾者,中亞文則改作 i 字,蒙文佛典中亦與中亞文相同。如阿難陀 本文無大關係,故不多論。)又此二本持字俱作特,乃誤字,而先後校此書者,皆未改正。 及難陀等,蒙文語尾 a 字,易作 i 字。蓋承襲中亞文,而非承襲梵文也。此問題頗複雜,因與 語讀之也。考義淨以中文詫為梵文之tha字對音,則 thi 字固可以滿文之考(Cy)字,中文之持字 松

字乃滿文 Tsung 之對音,其誤見上文菩提末條。

至此誤歟?餘見上文所論。 字重聲,松崇二字亦壘音。殆當時譯者並列依原字及依口語兩種對音,而傳寫者雜糅為一,遂 蒙文書社本漢譯蒙古源流 名稱作哩者,依滿文 Kri 而對哩音。其作卜者,滿文譯本固有 b 字音也。第二名稱則持哩一 是本此贊普名一作達爾瑪哩卜崇壘,一作達爾瑪持松哩卜崇。第

此贊普之名號既已辨正,其年代亦可考定焉。諸書之文,前多已徵引,茲再録之,以便省覽 而資比較。

唐會要玖柒云

元和十一年西川奏吐蕃贊普卒。十二年吐蕃告哀使論乞冉獻馬十匹,玉帶金器等。

[唐書壹玖陸下吐蕃傳云:

[憲宗元和]十二年四月吐蕃以贊普卒,來告。

新唐書貳壹陸下吐蕃傳略云:

[憲宗元和]十二年贊普死,使者論乞髯來[告喪]。可黎可足立爲贊普。

資治通鑑貳叁玖唐紀伍伍云:

[憲宗元和]十一年二月西川奏, 吐蕃贊普卒。新贊普可黎可足立。

新唐書貳壹陸下吐蕃傳略云:

贊普(寅恪案,此指可黎可足。)立幾三十年。死。以弟達磨嗣。

資治通鑑貳肆陸唐紀陸貳云:

[文宗開成三年] 吐蕃彝泰贊普卒。弟達磨立。

資治通鑑考異貳壹唐紀壹叁會昌二年十二月吐蕃來告達磨贊普之喪條略云:

普。此年卒者,達磨也。文宗實録不書彝泰贊普卒。舊傳及續會要亦皆無達磨。 實録丁卯吐蕃贊普卒,遣使告喪,贊普立僅三十餘年。據補國史,彝泰卒後,又有達磨贊 新書據補

三年已卒。達磨立,至此五年,而實録云,僅三十年。亦是誤以達磨爲彝泰也。

國史。疑文宗實録闕略,故他書皆因而誤。彝泰以元和十一年立,至此二十七年。然開成

蒙古源流貳略云:

[持松壘]歲次戊戌,年十三歲。衆大臣會議輔立即位,在位二十四年。歲次辛酉,年三十

然此為別一問題,姑不置論。至諸書所記彝泰贊普嗣立之年,亦無一不誤者,何以言之?唐蕃 會盟碑碑陰蕃文,唐蕃年號並列。唐長慶元年,當蕃彝泰七年。長慶二年,當彝泰八年。 七十八年。辛酉年為唐昭宗天復元年,西曆紀元後九百零一年。可知蒙古源流所載年代太晚, 寅恪於上文據薩納嚢徹辰洪台吉書所用之紀元推之,戊戌為唐僖宗乾符五年,西曆紀元後八百

三年,當彝泰九年。又新唐書貳壹陸下吐蕃傳云:

[長慶二年劉元鼎使吐蕃會盟還,

〕虜元帥尚塔藏館客大夏川,

集東方節度諸將百餘,

置盟

策臺上, 編曉之, 且戒各保境, 毋相暴犯。策署彝泰七年。

舊唐書壹玖陸下吐蕃傳下略云:

長慶元年九月吐蕃遣使請盟,上許之。乃命大理卿兼御史大夫劉元鼎[等]充西蕃盟會使。 酉即十日。)文武孝德皇帝韶丞相臣[崔]植,臣[王]播,臣[杜]元穎等與大將和蕃使禮部 有四載。歲在癸丑冬十月癸酉,(寅恪案,癸丑當作辛丑。長慶元年辛丑十月甲子朔。癸 十月十日與吐蕃使盟,宰臣[等]皆預焉。其詞曰,維唐承天,撫有八絃。十有二葉,二百 寄盟文要節。預盟之官十七人,皆列名焉。其劉元鼎等與論訥羅同赴吐蕃本國就盟。仍勅 尚書論訥羅等會盟於京師。大臣執簡, 播告秋方。大蕃贊普及宰相鉢闡布尚綺心兒等,

元鼎 到彼令宰 相已下, 各於盟文後自書名。二年二月遣使來請定界。六月復遣使來朝。

關 十四年之説 此贊普在位二十四年, 前歲長慶元年之盟策, 年,至長慶元年, 為彝泰末年, 泰元年。 通 丈重校訂紀元編, 有二葉之語 於唐蕃會盟事 鑑所 泰元 年, 文宗開成三年, 載 元鼎自吐 年 共計二十四年, 與依據會盟碑等所推算之年代,不期而闇合,似非出於臆造所能也。 月, 實當唐憲宗 指自 乃據吐蕃當日來告之年月, 即西曆八百二十一年也。 舊唐書 蕃使迴。 皆據此推算, 高祖至穆宗為十二帝, 故彝泰七年即長慶元年, 而非長慶二年。梁曜北 不知其説是否正確, 即 所記, 元和十年, 奏云, 西曆紀元後八百三十八年, 適相符合。寅恪於蒙古源流所紀年歲, 雖其間一 今證以會盟碑碑陰蕃文,益見其可信。故吐蕃可黎可足 去四月二十四 然則其即贊普之位, 不免有所 然則劉元鼎長慶二年所見虜帥 但憲宗元和 而 而非當時事實 一百有四載 脱誤, 日到吐 十年, 蕃牙帳, 但終較新 亦即 至遲亦必在是年。 發生之真確年月也。 補國史所紀可黎可足贊普卒之歲 蓋從武 即西曆 以五月六日會盟訖 唐書、 固未敢盡信, 德元年, 紀元後八百十 玉繩元號略及羅雪堂 通鑑等為詳 論偏曉諸: 唐會 即西 要、 又蒙古源 將之盟 曆六 五年 新舊 百十八 盟文 贊 唐 流 中 即

千年舊史之誤書,

異地譯音之譌讀,

皆賴以訂正。然中外學人考證此碑之文,以寅恪所

書所載名號年代既多譌

誤

又復互相

違異,無所適

從。

幸得會盟

碑

碑陰殘字

數行

以資

大玉天球,非若尋常碑碣,僅供攬古之士賞玩者可比也。 知,尚未有論及此者,故表而出之,使知此邏逤片石,實為烏斯赤嶺(此指拉薩之赤領而言)之

附記

故宫博物館亦藏有蒙文本。蓋皆據成袞札布本鈔寫刊印者也。 (一)寅恪近發見北平故宮博物院藏有蒙古源流之蒙文本二種。一 一為寫本。一為刊本。瀋陽

brtsan之音譯。此乃關於彝泰贊普之新史料,可與茲篇互證者也。 (二)寅恪近檢北平圖書館所藏敦煌寫本,見八婆羅夷經附載當日吐蕃詔書。 坐禪人為當今神聖贊普乞里提足贊聖壽延長祈禱」等語。考乞里提足贊即 Khri-gtsug-lde 中有「今諸州

(原載一九三〇年五月歷史語言研究所集刊第貳本第壹分)

## 靈 |州寧夏榆林三城譯名考(蒙古源流研究之二)

歷史上往往有地名因其距離不遠,事實相關,

復經數種民族之語言輾轉多譯,

以致

近校此書,獲讀昔人所未見之本,故得藉以釋其疑而正其誤,此蓋機會使然, 學,轉能勝於前賢也 雖治史學之專家,亦不能不為其所誤者,如蒙古源流之靈州寧夏榆林等地名, 是其 非寅恪之慵鄙不 例。 名稱淆混 寅恪

施密德氏 Isaac Jacob Schmidt 蒙古源流校譯本第肆篇 Turmegei 城附注云:

本書著者以爲西夏之都城。

又第玖篇 Temegetu 城附注云:

此城或即本書著者所稱爲成吉思汗所攻取,而西夏末主所居之 Turmegei 城, 殊未敢決言。

王觀堂國維先生蒙古源流校本肆圖默格依城旁注云: 圖默格依城,而無衣兒格依城,不知漢譯與西譯何以互異?衣兒格依城,元史太祖本紀作 友爾馬哥波羅游記注謂撒囊徹辰屢説西夏之衣兒格依城 Irghai。此書紀西夏城邑,僅兩舉

文,庶幾得以釋正施王之疑誤,並可補那珂氏所考之未備。凡前賢之説,其是者固不敢掠美, 故不及榆林之名 寅恪案,施氏未見蒙古源流之滿文及中文譯本。觀堂先生未見蒙文原本及滿文譯本,故其言如 日本那珂通世成吉思汗實録壹貳所考靈州寧夏地名頗精審, 然彼書為元秘史之日文譯本, 斡羅孩城,地理志作兀剌海城,元秘史作額里合牙(旁注寧夏二字),又作兀剌孩。 且其所徵引, 猶未完備。茲更詳稽蒙古源流諸譯本之異同,證以元明舊史之

文及中文譯本 Temegetu 及 Irgai 之名以中國舊名譯之。於 Turmegei 以對音譯之。茲先論 施密德氏蒙古源流蒙文本 Temegetu 之名凡五見,Turmegei 之名凡兩見,Irgai 之名凡五見。滿 Temegetu 及 Irgai 之名,然後再及 Turmegei 之名。

其非者亦不為曲諱,惟知求真而已。

Thi 常理而言,滿文本譯者,當為蒙人或滿人之精通蒙文者,其譯此二城之名,以中國舊名當之, 蒙古源流染紀往迎達賴喇嘛事云: 滿文譯本 Temegetu 作 Iui Lin,即中文本之榆林。譯 Irgai 作Ning Hiya,即中文本之寧夏。以 不用對音,非憑虛臆造,必有所依據,固無可疑。茲復取中國舊史所紀,與蒙古源流所載為 一之史實,而有關於此二城之名者,參互校覈之,益可以證明其所譯之不誤也。

於是寧夏城之王爲首,都堂總兵大小各官,以次延請,頗著恭敬。

寅恪案,此節蒙文本寧夏作 Irgai,其王之名作 Tsching Wang。明史壹壹柒諸王傳貳云:

慶靖王楠,太祖第十六子。洪武二十四年封。二十六年就藩寧夏。

同書肆貳地理志寧夏衛下注云:

洪武二十六年慶王府自慶陽府遷此。

同書壹佰貳諸王世表叁略云:

慶端王倪憒,萬曆五年襲封。十六年薨。

倪燌。此時之王既為慶王,則其建邸之城,非寧夏莫屬。然則 Irgai 之為寧夏,可無疑矣。 據此,Tsching Wang 者,慶王之對音,蒙古源流紀此事於甲申年,即萬曆十二年。此慶王當為

又蒙古源流染云

寅恪案,蒙文本徹辰濟農上有博碩克圖 Buschuktu 一詞,即明史之卜失兔。甲午為明萬曆二十 歲次甲午徹辰濟農年三十歲,復行兵明地,由阿拉善前往,榆林城之馬姓總兵追至。

一年。明史貳叁捌麻貴傳云:

營張春井。貴乘虚搗其帳於套中, 斬首二百五十有奇, 還自寧塞, 復邀其零騎。會寇留内 貴以功增秩予廢。尋擢總兵官,鎮守延綏。[萬曆]二十二年七月卜失兔糾諸部深入定邊, 地久,轉掠至下馬關,寧夏總兵蕭如薰不能禦,總督葉夢熊急檄貴赴援,督副將蕭如蘭等

又同書玖壹兵志及壹柒捌余子俊傳紀延綏徙治事相同,今並錄之。

兵志略云:

[成化]七年延緩巡撫余子俊大築邊城。先是,東勝設衛守在河外,榆林治綏德。後東勝內 遷,失險,捐米脂魚河地幾三百里。正統間,鎮守都督王禎始築榆林城。至是[延緩巡撫

余子俊傳云:

余]子俊乃徙治榆林。

往往得利去。自子俊徙鎮榆林,增衛益兵,拓城置戍,攻守器畢具,遂爲重鎮。 初延綏鎮治綏德州,屬縣米脂、吴堡悉在其外,寇以輕騎入掠,鎮兵覺而追之, 輒不及,

Temegetu 之應譯為榆林,又可無疑矣。Irgai 之為寧夏,Temegetu 之為榆林,既已證明, 清代兩江總督為南京總督之例。當萬曆二十二年之秋, 寧夏鎮總兵為蕭如薰, 遂譯為馬姓耳。明憲宗成化七年以後,延綏徙治榆林,蒙古源流所稱榆林總兵,亦猶西人習稱 成袞札布蒙文本編校者,或滿文本譯者,以其不類漢姓,故略去下一音,僅餘 Ma音,中文本 施氏蒙古源流蒙文本榆林作 Temegetu,總兵之姓名作 Magha,當即麻貴之對音,而轉寫微譌。 則蒙古源流蒙文本之 Magha 必為麻貴,Magha 既為麻貴,則 Temegetu 城非榆 延綏鎮總兵為麻 林莫屬。是 則音

書亦有 格依 故中文圖默格依,即蒙文滿文本之 Turmegei, 祖本紀二十一年丙戌冬十一月庚申帝攻靈州同一事,則靈州之為朵兒篾該, 為傳寫之譌。 譯之圖默格依 此城名 Temegetu 及 Irgai 之例,不以對音譯, 鄙意秘史載狗兒年攻靈州一節,其蒙文音譯朵兒篾該旁注靈州二字, Turmegei 多桑 D'Ohsson 讀為 Derssekai, 即元秘史壹貳之朵兒篾該, 額爾篤曼 Erdmann 讀為 亦即元秘史之朵兒篾該。然則蒙古源流之圖默 而以中國舊名譯, 當為靈州二字無疑也。 對音適切, 其為一地, Deresgai 自無 無待再為之證明。 疑義。 其中s之音 與元史壹太 拉 施 特

拾地理志叁甘肅等處行中書省所屬寧夏府路與兀剌海路並列。其為二地可知。 元秘史續集貳 合牙無疑也。惟先生又謂衣兒格依城即斡羅孩, 兀刺海, 兀刺孩, 其説非也。所以知其非者 與額里合牙對音適符,而西夏國都即寧夏,又與旁注脗合,故衣兒格依 Irghai 靈州二字者相同。多桑 D'Ohsson 引拉施特書謂西夏國都名 Irghai, 額里合牙, 三城之譯名皆已考定, 其説是也。 額里合牙與兀剌孩同列一卷中, 對音既異, 一則旁注寧夏, 一 然後可以辨昔賢舊說之是非。 所以知其是者, 元秘史續集貳額里合牙旁注寧夏二字, 觀堂先生謂衣兒格依城 蒙古人謂之 Ircaya, 則否。 Irgai 即元秘 即元秘史之額里 如朵兒篾該旁注 且地理志兀剌海 又元史陸 Ircaya

太祖四年由黑水城北兀剌海西關口入河西,獲西夏將高令公, 克兀剌海城。

與元史壹太祖本紀略云:

四年己巳帝入河西,夏主李安全遣其世子率師來戰,敗之,獲其副元帥高令公, 克兀剌海

城,薄中興府,引河水灌之,堤決,水外潰,遂撤圍還。

所載適符。據此可知是役僅克兀剌海,而未克中興府。元史陸拾地理志叁寧夏府路云:

自唐末有拓拔思恭者,鎮夏州。世有銀夏綏宥静五州之地。宋天禧間,傳至其孫德明,

懷遠鎮爲興州以居,後升興慶府, 又改中興府。

夫中興府即寧夏 亦即衣兒格依 Irgai ,然則衣兒格依與兀剌海决不得為一地明矣。

又元史壹太祖本紀略云

[二年]丁卯秋再征西夏,克斡羅孩城。四年己巳帝入河西,克兀剌海城。

聖武親征録云:

[丁卯]秋再征西夏,冬克斡羅孩城。

斡羅孩與兀剌海對音適合, 故史家皆以為一地。如柯蓼園劭忞丈新元史叁太祖本紀下略云::

ifi 柯氏以斡羅孩即兀剌海,故第一役亦作兀剌海,第二役則言復入。(柯氏繫第一 不繫於四年己巳者,蓋從拉施特書及聖武親征録。屠敬山寄丈蒙兀兒史記叁成吉思可汗本紀 二年丁卯秋 帝親征西夏, 入兀剌海城。 五年庚午秋,帝再伐西夏,復入兀剌海城。 二役於五年庚午,

口。 於蛇年」之語 (即寧夏)絶 亦 類似之事,不知所出,待考。)若斡羅孩與兀剌海為一地, 」觀堂先生所云, 與新 元 史同。 無關涉,焉得謂衣兒格依即斡羅孩乎?又屠氏於蒙兀兒史記叁成吉思可汗本紀 寅恪 案, 當即 惟觀堂先生聖武 元史譯 指此。 文證補壹下太祖本紀譯證略云:「馬年 然此事拉施特氏實繫於馬年, 親征録校注 庚午西夏獻女為好條, 則據上文所述, 而非蛇年。 有「此 秋 又征 徧 年 檢上 與衣兒格依 合 事 申, 拉 年 施 即 納 特 蛇 書繫 ļ.

貳此 (燧)牧庵 文不 作「兀納城」, 集中書左丞李公家廟碑之兀納, 僅作「某某城」。 當出 亦即兀剌城。 於屠氏之推想, (寅恪案, 未必別見他本也。 今武英殿聚珍本姚牧菴 )然兀納剌與兀 集壹

刺

孩對音殊不

相近,

如無他證

似不能合為一

地也。

貳下二年丁卯條

謂兀剌孩即元史壹貳玖李恆傳之兀納剌。

又於同書二十有一年丙戌條

謂

姚

也。 何以互異?今寅恪以機緣獲見先生當日所未見之本,遂得釋此疑。若先生有知,亦當為之一快 觀堂先 僅兩舉 生前數年校蒙古源流時,未見蒙文滿文諸本,故不知 Irghai ·圖默格依, 而友爾馬哥波羅游記所引之 Irghai, 不見於中文本, 即寧夏, 因不解漢 謂此書紀西 譯 與 夏城

至施 為靈外 密 德 氏 既已證明為兩地, 疑 Temegetu 或與 實無牽合為一之理。 Turmegei 同為一 地。 且蒙古源流著者。 據上文所述, Temegetu 亦未顯稱圖默格依為西夏國 為榆 林 Turmegei

都,惟言其為末主錫都爾固汗所居耳。(靈州為夏人先世繼遷舊都,蒙古源流著者容有誤會。)

今綜合上文所述,除中國近日如洪鈞王國維諸家所譯之對音不計外,得以證明四端:

然則施氏所疑之不當,又不待言也。

- (一)Turmegei 圖默格依,朵兒篾該,靈州 Derssekai Deresgai 等名,同屬一地。
- (二)Irgai,(Irghai),寧夏,中興府,夏王城(見元史太祖本紀二十二年)等名,同屬一地。

(三)Temegetu,榆林等名,同屬一地。

哥波羅游記注誤以西凉府之 Egrigaia 當寧夏等問題,以其不在本文範圍之内,姑不具論。茲僅 就此關於蒙古源流之三城,考定其譯名,或亦讀是書者之一助敷? (四)兀剌海,兀剌孩,斡羅孩等名與 Irgai 非屬一地。至其當今日之何地及友爾 Henry Yule 馬

(原載一九二九年八月國立中山大學語言歷史學研究所週刊第捌集玖貳 玖叁期合刊, 一九三〇年六月歷史語言研究所集刊第壹本第貳分)

## 彰所知論與蒙古源流(蒙古源流研究之三)

明, 元帝 烈太子真金所造。 之要籍。 習之人。 三百年, 然與蒙古民族以歷史之新觀念及方法, 師 八思巴為忽必烈製蒙古國書。元亡而其所製之國書亦廢不用。彰所知論者,帝師為忽必 而蒙古源流自乾隆以來,屢經東西文字之迻譯(滿文漢文及德文), 然則蒙古民族其文化精神之所受於八思巴者,或轉在此而不在彼, 而其書之基本觀念及編製體裁,實取之於彰所知論。 其書依仿立世阿毘曇之體 其影響至深且久。 捃摭吐蕃舊譯佛藏 今日和林故壤, 故蒙古源流之作, 而成。 於佛教之教 始亦當日所不及知 至今猶為東洋 至元 在 義固 國字難逢通 元 亡之後將 無所發 史學

益 考東西文字之蒙古舊史, 其世界創造及民族起源之觀念, 凡有四類。最初者, 民族相似之感生説。 一國之舊載, 以天 方教之言。 與其本來近於夫餘鮮卑等民族之感生說, 而蒙古民族之皈依佛教者 稍後乃取之於高車突厥等民族之神話。 以間接受之於西藏之故 及其所受於高車突厥諸民族之神話 迨受阿剌伯波斯諸 其史書則掇採 為與夫餘 國之文化 天竺吐 鮮 卑 則 追

似者, 多及焉 卷上情世界品中吐蕃蒙古王族之譯名,與許氏本嘉喇卜經, 刀口 及老獺稚傳説 已成一完整之建築, 加 於第三類之回教化者, 愈上者, 面言之, 源流諸書互 兩 而混合之。夫蒙古民族最初之時叙述其起源, 類略徵舊史之文, 則日本内藤虎次郎博士之蒙古開國之傳說(見内藤氏讀史叢録)並今西龍博士之朱蒙傳説 其時代轉較後而較新者也。今日所存之阿剌伯文波斯文土耳其文等蒙古舊史,大抵 是謂重疊之工事。有如九成之臺,累土而起,七級之塔,歷階 一證,以備治蒙古史者之參考。其天竺諸王名字,則皆見於佛乘, (見内藤博士頌壽紀念史學論叢)諸論文中已詳言之。 若更於其上施以樓閣之工, , 與蒙古源流無涉, 於此可不論。 闡明其義,以見帝師與蒙古史之關係, 未嘗不可因是益臻美備而壯觀 而冠以感生之説。譬諸棟宇, 至第一類與夫餘鮮卑等民族之感生説相 (Rgyal-rabs, ed. 及其後來之影響。 亦無庸贅述。 而登, 其構 Schlagintweit 非難推知,故不 瞻。 既加以覆蓋 並取 茲僅 然自建 造之愈高 彰所 就第 知論 屬 第

元朝秘史壹略云:

當初元朝 騰汲(吉)思名字的水,來到於斡難名字的河源頭,不兒罕名字的山(蒙文音譯不 一個慘白色的鹿(蒙文音譯豁埃馬闌勒, 的人祖, 是天生一個蒼色的狼, (蒙文音譯字兒帖赤那, 蒙古 源流作郭斡瑪 喇勒。 蒙古 源流 相 作布爾特 配 T **崎**罕哈 同 渡

呵,那時纔知道也者。 恰似黄狗般爬出去了。您休造次説。這般看來,顯是天的兒子,不可比做凡人。久後他每做帝王 子背處共說:俺這母親無房親兄弟,又無丈夫,生了這三個兒子,家內獨有馬阿里黑伯牙 干在時生的別勒古訥台(蒙古源流作伯勒格特依)、不古訥台(蒙古源流作伯衮德依)兩個兒 道每夜有黄白色人自天窗門額明處入來,將我肚皮摩挲。他的光明透入肚裏去時節,隨日月的光 阿說:别勒古訥台,不古訥台!您兩個兒子疑惑我這三個兒子是誰生的,你疑惑的也是。您不知 兀歹(蒙古源流作瑪哈賽)家人,莫不是他生的麽?道説間,他母親知覺了。因那般他母親阿闌豁 根。)死了的後頭,他的妻阿闌豁阿(元史太祖本紀、宗室世系表、輟耕録作阿蘭果火, 古源流作阿掄郭斡。)又生了三個孩兒。一個名不忽合答吉, (元史太祖本紀、宗室世系 篾兒干(元史太祖本紀、宗室世系表、陶宗儀輟耕録作脱奔咩哩犍,蒙古源流作多博墨爾 (元史太祖本紀、宗室世系表、輟耕録作孛端叉兒,蒙古源流作勃端察爾。)朵奔篾兒 宗室世系表、輟耕録作博合覩撒里直,蒙古源流作博克多薩勒濟固。)一個名字端察 輟耕録作博寒葛答黑。蒙古源流作布固哈塔吉。)一個名不合禿撒勒只,(元史太祖本 蒙古源流作布爾干噶勒圖納。)前住着。産了一個人,名字唤作巴塔赤罕。朵奔 蒙

又拉施特集史(節録洪鈞元史譯文證補壹上太祖本紀譯證上)略云:

何察數夕, 以證我言。衆曰, 諾。黎明時, 果見有光入帳, 片刻復出。衆疑乃釋。 其有私。阿闌郭斡曰, 天未曉時, 有白光入自帳頂孔中, 化爲男子, 與同寢, 古,一名乞頗。乞頗義爲奔瀑急流,以其膂力邁衆,一往無前,故以稱名。乞頗後裔繁 曰,我如不耐寡居,曷不再醮,而爲此曖昧事乎?斯蓋天帝降靈,欲生異人也。不信, 朵本巴延(祕史作朶奔篾兒干)早卒,阿闌郭斡(祕史作阿闌豁阿)寡居而孕,夫弟及親族疑 那)。妻子甚多,長妻曰郭斡馬特兒(祕史作豁埃馬闌勒),生必特赤干(祕史作巴塔赤罕)。 相傳古時蒙兀與他族戰,全軍覆没,僅遺男女各二人,遁入一山,斗絶險巇, 後世地狹人稠,乃謀出山,而舊徑燕塞,且苦艱險。繼得鐵礦,洞穴深邃。爰伐木熾 篝火穴中, 鼓風助火, 鐵石盡鎔, 衢路遂闢。後裔於元旦鍛鐵於爐, 君與宗親次第捶 而山中壤地寬平,水草茂美,乃携牲畜輜重往居, 蒙兀之出阿兒格乃衮, 其後人最著稱者, 名其山曰阿兒格乃衮。 日孛兒特赤那(祕史作孛兒帖赤 故有孕。 二男一名腦 惟一徑通出 E

之,單于曰,不可,未徹之間耳。復一年,乃有一老狼,晝夜守臺嘷呼,因穿臺下爲空 與天。乃於國北無人之地,築高臺,置二女其上。 匈奴單于生二女,姿容甚美, 國人皆以爲神。單于曰, 吾有此女, 安可配人, 日,請天自迎之。經三年, 其母欲迎

考魏書卷壹佰叁高車傳(參北史玖捌高車傳及通典壹玖柒邊防典壹叁高車傳)云:

將下就之。 穴,經時不去。其小女日,吾父處我於此,欲以與天,而今狼來,或是神物,天使之然。 其姊大驚,曰,此是畜生,無乃辱父母也!妹不從,下爲狼妻而産子。後遂滋

龜玖伍陸外臣部種族門突厥條)略云: 又周書伍拾異域傳下(参隋書捌肆及北史玖玖突厥傳並通典壹玖柒邊防典壹叁突厥上及册府元

中,遂生十男。十男長大,外託妻孕,其後各有一姓,阿史那即一也。子孫蕃育,漸至數百 昌。疑周書有脱文。俟考。)山有洞穴,穴内有平壤茂草,周回數百里,四面俱山。狼匿其 有孕焉。彼王聞此兒尚在,重遣殺之。使者見狼在側,並欲殺狼。狼遂逃於高昌國之北山 十歲,兵人見其小,不忍殺之,乃則其足,棄草澤中。有牝狼以肉飼之。及長,與狼合,遂 突厥者,蓋匈奴之别種,姓阿史那氏。别爲部落。後爲鄰國所破,盡滅其族。有一兒,年且 茹茹。 茹茹主阿那瓌大怒,使人罵辱之。 曰,爾是我鍛奴, (寅恪案,通典作「負於西海之東,止於山上。其山在高昌西北。」其意似謂狼負此子逃於高 經數世,相與出穴,臣於茹茹。居金山之陽,爲茹茹鐵工。[土門]恃其强盛,乃求婚於 何敢發是言也。

據此 考元史壹太祖本紀云: 則狼祖及鍛鐵事, 皆高車突厥之民族起源神話,而蒙古人襲取之無疑也。

太祖法天啓運聖武皇帝諱鐵木真,姓奇渥温氏,蒙古部人。其十世祖字端叉兒,母曰 一阿蘭

居,夜寢帳中,夢白光自天窗中入,化爲金色神人,來趨卧榻。阿蘭驚覺,遂有娠,産一 果火,嫁脱奔咩哩犍,生二子,長曰博寒葛答黑,次曰博合覩撤里直。既而夫亡,阿蘭寡

子,即孛端叉兒也。孛端叉兒狀貌奇異,沉默寡言,家人謂之癡。獨阿蘭語人曰,此兒非

癡,後世子孫必有大貴者。

又拉施特集史(依洪鈞元史譯文證補壹上太祖本紀譯證上所載)云:

載。據庫藏國史及知掌故者,參訪合徵之焉。 蒙兀先無文字,世系事蹟,口相傳述,無史記以爲定論。自朵本巴延至成吉思汗約近四百

洪氏注云:

朵本巴延即元史之脱奔咩哩犍。本紀叙帝先系,始於此人。據此數語觀之,當是蒙古國史 源流之世系多。 亦始此人,而元史本之也。自此以上世系,當是傳述得之。故元史之世系少,而祕史蒙古

寅恪案,洪氏之説極是,而阮元撰四庫未收書目元祕史提要云:

是編所載元初世系,孛端叉兒之前,尚有一十一世。太祖本紀述其先世,僅從孛端叉兒 始。諸如此類,並足補正史之紕漏。

古民族 有者之所致。故孛端叉兒以前一十一世之事蹟,乃蒙古民族起源史後來向上增建之一新層級 之原始形式。 神話。如元祕史及拉施特集史之所載者,姑不論其經後世史官刪削與否,要為尚不盡失其簡單 濟鮮卑契丹日本滿洲等民族所傳者極相近似(詳見内藤虎次郎今西龍兩博士論文), 較元史之簡單感生説, 寅恪案, 最初所固有者,亦未可知。今之元史記蒙古民族起源,僅述此感生説, 元史所記阿蘭果火不夫而孕事, 乃民族起源之感生説。此種感生説, 而祕史所記世系較元史為多者,乃由採用突厥等民族神話,追加附益於其本來固 恐尤荒誕不可徵信。烏能補正其紕漏乎?阮氏殆失言矣。 不更追述此 與夫餘高勾麗百 或者即 前之 為蒙

蒙古源流卷壹卷貳叙天地剖判及天竺吐蕃二國歷代事蹟。其卷壹云: 持逃往寧博地方,次子博囉咱逃往包博地方,第三子布爾特齊諾(祕史音譯作字兒帖赤那。 義爲蒼色的狼。)逃往恭布(卷叁作恭博)地方。 (土伯特) 色哩持贊博汗之子曰智固木贊博汗, 爲奸臣隆納木篡弑。

其三子皆出亡。

長子置

其卷叁續叙略云

方,即娶恭博地方之女郭斡瑪喇勒(祕史音譯作豁埃馬闌勒,義爲慘白色的鹿。)爲妻,往 篡奪汗位,其子博囉咱置持布爾特齊諾等兄弟三人俱各出亡。季子布爾特齊諾出之恭博地 古土伯特地方尼雅持贊博汗之七世孫色爾(哩)持贊博汗[之子智固木贊博汗]爲其臣隆納木

後,阿輪郭斡哈屯(祕史作阿蘭豁阿)每夜夢一奇偉男子與之共寢。天將明,即起去。因告 行事。生子必塔斯干必塔察干(祕史作巴塔赤罕)二人。多博墨爾根(祕史作朵奔篾兒干)卒 旁人之言疑我。因語以夢中情事,且云,爾等此三弟殆天降之子也。 勒格特伊(祕史作别勒古訥台)伯衮德依(祕史作不古訥台)二人遂疑其母。其母云,爾等二人誤聽 從無寡婦生子之理。其夫之連襟瑪哈賚(祕史作馬阿里黑伯牙兀歹)常往來其家, 伊妯娌及侍婢知之。如是者久之,遂生布固哈塔吉(祕史作不忽合答吉)博克多薩勒濟固 語之。必塔地方人衆議云,此子有根基,我等無主,應立伊爲君。遂尊爲君長,諸惟遵旨 渡騰吉思海。東行至拜噶勒江所屬布爾干噶勒圖那(祕史作不峏罕哈勒敦納)山 地方人衆, (祕史作不合禿撒勒只)勃端察爾(祕史作孛端察兒)等三子。後漸長成。有好事者譖之云, 詢其故,遂援引古額訥特珂克(天竺)人衆所推尊之土伯特地方之尼雅持贊博以 疑即此人。伯 下, 遇必塔

料,列為直貫一系之事蹟。換言之,即糅合數民族之神話,以為一民族之歷史。故時代以愈推 者(見屠寄蒙兀兒史記世紀第一),豈不異哉! 幾可略得一近似之真。然近日學人猶有謂「吐蕃蒙兀實一類也。〔蒙古〕源流之説,未可厚非。 而愈久,事蹟亦因愈演而愈繁。吾人今日治史者之職責,在逐層削除此種後加之虛偽材料, 此,可知蒙古源流於祕史所追加之史層上,更增建天竺吐蕃二重新建築,採取並行獨立之材

史。 夫逐 條 其為佛藏之附庸而忽視之也。 材料,而成書者。然則帝師此論與蒙古史之關係深切若是,雖非乙部之專著, 論 主既採仿梵文所製之吐蕃字母,以為至元國書,於是至元國書遂為由吐蕃而再傳之梵天 列於下。 撒囊之蒙古源流 後來蒙古民族實從此傳受一歷史之新觀念及方法。蒙古源流即依此觀念,以此方法,採集 其造論亦取天竺吐蕃事蹟,聯接於蒙兀兒史。於是蒙兀兒史遂為由西藏而上續印度之 層向上增建之歷史,其例自不限於蒙古史。其他民族相傳之上古史,何獨不然。 一書而論,推究其所以致此疊累式之原因,則不得不沂源於彰所 茲取彰所知論卷上情世界品中吐蕃蒙古王族名字, 治史者固不可以 以舊史校之, 知 今就 論。 此 小 通 論 徹

論云

如來滅度後千餘年, 西番國有王曰呀乞嘌贊普。

雅赤(卷壹作赤卷叁作持)贊。 寅恪案,此王即藏文嘉喇卜經之吐蕃第一贊普 Gnya-khri btsan-po。亦即蒙古源流卷壹卷叁之尼

論云。

二十六代有王曰袷陀朶嘌思顏贊。

寅恪案,此王即嘉喇卜經之二十五代王 Lha-tho-tho-ri-snyen-(snyan)-btsan。亦即蒙古源流壹之

拉托托里年贊。 彰所知論譯地名「拉薩」作「袷薩」,故此王名之「袷」字,亦為 Lha 之對音

論云

後至第五王, 名曰雙贊思甘普。

亦即舊唐書壹玖陸吐蕃傳之棄宗弄贊,新唐書貳壹陸吐蕃傳之棄宗弄贊及棄蘇農。 Khri-ldan-srong-btsan, 即蒙古源流貳之持勒德蘇隆贊。(蒙文書社本蒙古源流作哩勒丹蘇隆贊) 此王即嘉喇卜經之 Srong-btsan-sgam-po, 亦即蒙古源流貳之蘇隆贊堪布。 此王亦稱

後第五代有王名曰乞嘌雙提贊。

陸,新唐書貳壹陸吐蕃傳之乞黎蘇籠獵贊,皆指此人也。 此王即嘉喇卜經之 Khri-srong-lde-btsan。亦即蒙古源流貳之持蘇隴德燦。 舊唐書壹玖

部一之

後第三代有王名曰乞喋倈巴瞻。

貳壹陸吐蕃傳之可黎可足。詳見拙著吐蕃彝泰贊普名號年代考(中央研究院歷史語言研究所集 lde-btsan,敦煌中文八波羅夷經寫本之乞里提足(足提)贊,亦即蒙古源流貳之持松壘,新唐書 寅恪案,此王即嘉喇卜經之 Ral-pa-can,長慶唐蕃會盟碑陰及敦煌發見藏文寫本之 Khri-gtsug-

刊第貳本第壹分)。

論云

始成吉思從北方多音國如鐵輪王。

寅恪案,藏文多為 Mang-po,音為 Krol。故以多音為蒙兀兒之譯名。取其對音相近也。

司之

寅恪案,此名即元史太宗窩閥台之異譯。其子名曰斡果戴,時稱可罕,紹帝王位。

論云:

有子曰古偉, 紹帝位。

寅恪案,此名即元史定宗貴由之異譯。

論云

成吉思次子名朵羅。

寅恪案, 此名即元史睿宗拖雷之異譯。

論云

朵羅長子名曰蒙哥,亦紹王位。

寅恪案,此名與元史憲宗之譯名相同。

論云

王弟忽必烈紹帝王位。

寅恪案,此名與元史世祖之譯名相同。

論云:

帝有三子,長日真金。

寅恪案,此名與元史裕宗之譯名相同。

二曰厖各刺。

寅恪案,此名即元史安西王忙哥剌之異譯。

論云:

三曰納麻賀。

寅恪案, 此名即元史安北王那木罕之異譯。

(原載一九三一年四月歷史語言研究所集刊第貳本第叁分)

蒙古源流作者世系考(蒙古源流研究之四

依文津閣本,不別注明。)云: 蒙古源流作者於其書第捌卷自述其世系(文津閣本蒙古源流捌第叁頁。以下徵引此書,頁數悉

二年。西曆一千六百零四年。)年十一歲,因係六國肇興道教人之後裔, 右翼之庫圖克台徹辰洪台吉之長姪巴圖洪台吉之子薩納囊台吉甲辰年生。 指伊始祖名號 (即明萬曆三十

給與薩納囊徹辰洪台吉之號。

源流作者之世系次序,究應從滿文及漢文本作「長姪」?抑應從二蒙文本作「曾孫」?則治此書 蒙滿漢文諸本所以致此歧異者,或由傳寫之譌,或由迻譯之誤,未易推知, 第柒頁中行及施氏本蒙古源流第貳陸伍頁德文翻譯)。夫「長姪」與「曾孫」世代相距,遠近懸殊。 合,而成袞札布及施密德二蒙文本,(成本卷捌第肆頁。施本卷玖第貳陸肆頁。)則與滿文漢文 二本不同。其最顯著者,即滿漢文本「長姪」二字,蒙文本俱作「曾孫」(可參施密德氏蒙文字典 蒙古源流漢文本,原從滿文本譯出。故滿文本卷捌第肆頁所載此節文義,與漢文本悉 姑置不論。 但蒙古

者, 所不可不知, 而亟待判明也。 茲就此書先後所載最有關之資料, 綜合比證, 求得一真確之

事實,庶可决擇諸本之是非從違,以供讀此書者之參考。

蒙古源流陸第壹捌頁云:

其庫圖克圖徹辰洪台吉庚子年生。

寅恪案,「庫圖克圖」之下一「圖」字,依施氏蒙文本,當作「台」字,與諸本皆作「圖」字者不同。 台吉」也。庚子年為明嘉靖十九年,西曆一千五百四十年。 若施氏本不誤,則此卷陸第壹捌頁之「庫圖克圖徹辰洪台吉」即卷陸第叁頁之「庫圖克台徹辰洪

又蒙古源流陸第貳拾頁云:

徹辰洪台吉之長子鄂勒哲依伊勒都齊,丙辰年生。

又蒙古源流柒第壹捌頁及壹玖頁略云: 寅恪案,丙辰年為明嘉靖三十五年,西曆一千五百五十六年。

徹辰洪台吉子長子鄂勒哲依伊勒都齊之子巴圖洪台吉,庚辰年生。復以其祖巴圖爾徹辰洪 台吉之號贈給,令其執政。

茲依上列諸條所載事實,作一世系簡表於下: 寅恪案,庚辰年為明萬曆八年,西曆一千五百八十年。

頁之文,應依二蒙文本,易「長姪」為「曾孫」,而讀為: 據上表, 可知蒙古源流作者薩納囊徹辰洪台吉,乃庫圖克台徹辰洪台吉之曾孫。故此書卷捌第叁

然世系次序及血統關係既已證明,讀此書者,當不致因此別滋誤解也 著其曾祖之名,而不及其祖鄂勒哲依伊勒都齊 自述家世,不得不記其父之名,以明其所從出。 此節文意謂, 漢文譯本遂亦承襲其譌焉。又此節滿文及漢文本「始祖」二字,復不同於二蒙本,亦微有語病 台吉」二人之間,世次相距,不應若是之遠。或以蒙文字形近似之故,因改「曾孫」為「長姪」, 台徹辰洪台吉之曾孫」一語,屬下文之「巴圖洪台吉」而言,疑「庫圖克台徹辰洪台吉」與「巴圖洪 右翼之庫圖克台徹辰洪台吉之曾孫(逗)巴圖洪台吉之子(逗)薩納囊台吉甲辰年生(句) 薩納囊台吉者,庫圖克台徹辰洪台吉之曾孫,而巴圖洪台吉之子也。蓋此書作者 一代。滿文本譯者殆誤會此文之意, 復以嘉名之錫,實自肇興道教之曾祖而來,特 以「庫

# 高鴻中明清和議條陳殘本跋(原文見明清史料第壹册)

事本末之文, 以資參證 臣各條陳意見。 寅恪案, 内閣大庫檔案中發見高鴻中條陳殘本一紙。僅附識「二月十一日到。」及「三月十三日奏了。」數字。 清崇德七年即明崇禎十五年春清人聞明兵部尚書陳新甲遣職方郎中馬紹愉來議和,諸 此殘本乃其時所上意見書之一也。茲不廣徵舊籍。但逐録明史及清史稿所載此

清史稿叁太宗本紀貳略云:

迓之。壬午, 明使馬紹愉等始至。六月辛丑, 都察院參政祖可法張存仁言, 明寇盗日起, 好固朕夙願。爾等以朕意傳示之。五月己巳朔,濟爾哈朗等奏,明遣馬紹愉來議和, 甲書爲驗。上曰,明之筆札多不實,且詞意誇大,非有欲和之誠。然彼真僞不可知, 宜要其納貢稱臣, 兵力竭而倉廪虚, [崇德七年]三月乙酉,阿濟格等奏,明遣職方郎中馬紹愉來乞和,出明帝敕兵部尚書陳新 以黄河爲界。上不納。以書報明帝曰,自茲以往,盡釋宿怨, 征調不前, 勢如瓦解, 守遼將帥喪失八九。今不得已乞和,計必南遷。 而

海中往來者,則以黄城島之東西爲界。越者各罪其下。貴國如用此言, 分,又奚較焉。使者往來, 國逃亡亦互歸之。以寧遠雙樹堡爲貴國界,塔山爲我國界, 期以面見。 吉凶大事, 交相慶弔。 而互市於連山 歲各以地所産互爲饋 兩君或親誓天地 適中之地。 其自 兩

或遣大臣蒞盟,唯命之從。否則後勿復使矣。遂厚齊明使臣及從者,遣之。

後明議中變

和事竟不成。

也罷。」之第二説不甚相遠。此本當時較切情事之議,自異乎外廷誇大之言也。 條件, 無恥之尤者矣。 觀 在。朝鮮前例, 此 可知鴻中所言, 與祖可法張存仁之説相類, 所論至苛。 其實崇禎季年, 豈得遽以相加?故清廷報書亦僅欲以寧遠為界。 蓋漸染中原士大夫誇誕之風習, 雖内憂外患不可終日, 然究為中華上國, 應是同時議論。瀋陽當日明室降臣,其於和議 匪獨大言快意, 與鴻中所陳「以 且欲藉此以諂諛新 名分尚存, Ш 海 [關]為界 主 體 是誠 制仍

又明史貳伍柒陳新甲傳云:

初, 陞後見疆事大壞, 述宗龍之言於帝。 和亦可恃。 新甲以南北交困,遣使與大清議和。私言於傅宗龍。宗龍出都日,以語大學士謝陞。 帝默然。 言官賦愕, 尋諭新甲密圖之, 交章劾陞。 陞遂斥去。帝既以和議委新甲, 手韶往返者數十, 帝召新甲詰責。 而外廷不知也。 新甲叩頭謝罪。 린 言官謁陞, 陞進日, 陞言上意主和, 倘肯議 諸

答無滯。帝初甚倚之,晚時惡其洩機事,且彰主過,故殺之不疑。 徧行金內外。給事中廖國遴、楊枝起等營救於刑部侍郎徐石麒,拒不聽。 怒。至七月,給事中馬嘉植復劾之,遂下獄。新甲從獄中上書乞宥,不許。新甲知不免, 之。帝愠甚,留疏不下。已,降嚴旨切責新甲,令自陳。新甲不引罪,反自詡其功。帝益 甲視之,置几上。其家僮悮以爲塘報也,付之鈔傳。於是言路譁然。 戒以勿洩。外廷漸知之,故屢疏争,然不得左驗。一日,所遣職方郎馬紹愉以密語報, 陳演亦於帝前力救,且曰,國法敵兵不薄城,不殺大司馬。帝曰,他且勿論, 不甚於薄城耶? 遂棄新甲於市。新甲爲楊嗣昌引用,其才品心術相似。軍書旁午, 給事中方士亮首論 大學士周延儒

同書貳伍貳楊嗣昌傳略云:

當是時,流賊既大熾,朝廷又有東顧憂,嗣昌復陰主互市策。適太陰掩熒惑,帝减膳修 崇禎初,再增百四十萬。總名遼餉。至是,復增勦餉、練餉,額溢之。先後增賦千六百七 省。嗣昌則歷引漢永平、唐元和、宋太平興國事,蓋爲互市地云。給事中何楷疏駁之。給 自是益不理於人口。我大清兵入墙子嶺青口山,京師戒嚴。召盧象昇帥師入衛。 嗣昌與監督中官高起潛主款,議不合,交惡。象昇陣亡。神宗末,增賦五百二十萬。 御史林蘭友相繼論列,帝不問。嗣昌既以奪情入政府,又奪情起陳新甲總督,

十萬,民不聊生,益起爲盗矣。

之費, 據 之所在, 不敢毅然自任 和。成一不戰不和,亦戰亦和之局,卒坐是以亡其國。此殘篇故紙,蓋三百年前廢興得失關鍵 此 財 則楊嗣昌陳新甲等皆主和議,而新甲且奉其君之命而行事者。徒以思陵劫於外廷之論 因略徵舊籍, 以為參證如此。 盡 而兵轉增, 兵多而民愈困。 遂致無成。 夫明之季年, 觀其與清人先後應對之方,則既 外見迫於遼東, 内受困於張李。 養百萬之兵, 不能力戰, 又不敢言 糜億兆

(原載一九三二年四月清華週刊第叁柒卷第捌期)

近人多疑真諦譯大乘起信論之偽, 其說已為世所習聞。最近復以為非偽作, 其所持重要之證據

在續高僧傳壹捌曇遷傳。其文略云:

今日中外學人考證佛典雖極精密,然其搜尋資料之範圍,尚多不能軼出釋教法藏以外。特為擴 以有偽造之部分, 據如何, 尚未遷化, 建德六年。齊幼主承光元年。)周滅齊。若起信論為偽作,則曇遷不能於周未滅齊之前, 蓋真諦於陳太建元年(此年即五六九年)正月十一日遷化。太建九年(此年即五七七年。周武帝 有後加偽序, 一部分真史料,特為標出,以明其決非後人所能偽造。至此序為託名智愷之作, 精研華嚴十地維摩楞伽地持起信等。逮周武平齊,逃迹金陵。 茲非所欲辨。即使此論之真偽可定, 或卒後未久,且遠在北朝,早已有精研偽造論本之理也。 而真序亦可附於偽論,二者為不同之問題,不可合併論之也。 而偽造之序中亦可以有真實之資料。 今認智愷序為偽撰, 而此論智愷序之真偽又別為一事。 故以此論為非偽作。 復次, 而偽撰之序中實含 真論本文可以 真序之中可 則不待論。

其論 真諦

充其研究之領域,使世之批評佛典者,所持證據,不限於貝多真實語及其流派文籍之中,斯則 不佞草此短篇之微意也。

偽智愷序云:

地理之關係, 二為官制掌故之關係。初學記肆(文苑英華壹伍捌、太平御覽叁貳同。)江總衡州 寅恪案,偽序中此節乃實録,非後人所能偽造者也。何以知之? 請就二事以為證明:一為年月 九月十日於衡州始興郡建興寺敬請法師敷演大乘,闡揚祕典,示導迷途,遂翻譯斯論一卷。 值京邑英賢慧顯、智韶、 智愷、曇振、慧旻與假黄鉞大將軍蕭公勃以大梁承聖三年歲次癸酉

秋日正淒淒,茅茨復蕭瑟。姬人薦初醖,幼子問殘疾。園菊抱黄華,庭榴剖珠實。聊以著

書情,暫遣他鄉日。

九日詩云:

寅恪案, 總第九舅蕭勃先據廣州,總又自會稽往依焉。梁元帝平侯景,徵總爲明威將軍始興內史, 陳書貳柒江總傳(南史叁陸江夷傳附總傳略同)云:

以郡秩米八百斛給總行裝。會江陵陷,遂不行。總自此流寓嶺南積歲。

梁元帝承制,以始與郡爲東衡州。又陳書玖歐陽頗傳(南史陸陸歐陽頗傳同)云:

據 為南北交通 此, 總持詩題之衡州, 要道, 行旅之所經過。 實指東衡州, 總持 即偽智愷序之衡州始興郡也。 南朝詞人也, 自於其地不能 總持 不有所題 既曾流寓嶺南, 詠。 故初學 記 始 興 貳

叁載江總經始興廣果寺題愷法師山房詩云:

雲狀 息舟候 香埠, 空留折桂 恨别在寒林。 いい 竹近交枝亂, 山長絶徑深。 輕飛入定影, 落照有疏陰。 不見投

始 例以其二名之下一字見稱目也。 此 興之地,然則此愷 愷法師之名雖 不可 確知, 但必知道安之號安法師, 今除智愷之外, 尚未發現其他適當之愷法 慧遠之號遠公之比, 師, 而為某愷。 得與 江 一總會 蓋僧 聚於 徒皆

復次, 通鑑壹陸伍梁紀 法師豈即智愷敷 元帝紀承聖三年(此年即五五四年)九月條

云

帝好玄談 [九月]辛卯於龍光殿講 老子。 曲江侯[蕭 」勃遷居始與。

信論 則 據 及南史所無, 智愷是時 此 事之年月地理人名皆與江總詩及通鑑切合, 則 承 南史伍壹吳平侯景傳附有勃始末, 似 聖三年九月蕭勃實在始興。 司馬氏 亦在始興。 所紀之原始材料尚未檢出。其必有確 可見偽序中 所述智愷等與蕭勃於承聖 又據江 總衡州 但甚簡略。)若後人妄造序中此節, 而蕭勃此時在始興一事 九日詩及經始興 據, 三年九月十日 自不待言。 廣 果寺題 了僅載 (今梁書貳 請 真諦 通鑑, 愷 法 何能冥會如 鄱 師 肆 為梁 辯 Ш 蕭 大 房 陳 景 乘起 傳 書

斯必得有真實資料,以為依據。至承聖三年為甲戌而非癸酉,則記述偶差,事所恆有, 毋

庸置疑。此所謂年月地理之關係也。

梁書陸敬帝紀(南史捌梁本紀下同)略云:

太平二年(此年即五五七年)二月太保廣州刺史蕭勃舉兵反。

在六朝時如此也。在六朝時,此種自建之名號殊有一定之方式及稱謂,已成為朝章國故, 從來舉兵之人,無論其是非逆順,必有自行建樹之名號,否則將無以命令處置其部下,此 來不預政治不習掌故之佛教僧侣所能知悉而偽造者也。偽序中稱蕭勃之官銜為:

不僅

假黄鉞大將軍。

考晉書拾安帝紀略云:

元興三年三月景戌以幽逼於[桓]玄,萬機虚曠, 令武陵王遵依舊典承制總百官行事, 加侍

中。

同書陸肆武陵忠敬王遵傳云:

朝廷稱受密韶,使遵總攝萬機,加侍中大將軍,移入東宫,內外畢敬, 遷轉百官,稱制

書

宋書壹武帝紀(南史壹宋本紀上同)云:

南朝從此以為故事。如南齊書捌和帝紀(南史伍齊本紀下同)云:

將軍揚州刺史。 [中興元年]十二月丙寅建康城平。己巳,皇太后令,以梁王爲大司馬, 封建安郡公。依晉武陵王遵承制故事,百僚致敬

録尚書事,

梁書壹武帝紀(南史陸梁本紀上同)略云:

大將軍揚州刺史。封建安郡公,食邑萬户。給班劍四十人。黄鉞侍中征討諸軍事並如故。 [中興元年]十二月丙寅,宣德皇后授高祖中書監都督揚南徐二州諸軍事大司馬録尚書驃騎

依晉武陵王遵承制故事。

回書伍世祖紀(南史捌梁本紀下同)云:

大都督中外諸軍事司徒承制,餘如故。 [太清]三年三月侯景寇没京師。四月太子舍人蕭歆至江陵,宣密韶,以世祖爲侍中假黄鉞

夫蕭勃舉兵必自立名號,其立名號必求之相傳舊典。今梁陳書及南史皆紀載勃舉兵始末至簡。

治掌故。若謂後世僧徒絕無真實根據而能杜撰如此,殊於事理不通。此所謂官制掌故之關係 偽序中所述勃之名號,乃遠依晉武陵王遵承制故事,近襲梁元帝自立成規,深切適合南朝之政

也。

必要。其 依上述二 ,多據歷代三寶記立論。其實費書所紀真諦翻譯 例如近日刊布之日本正倉院天平藏金 理由 故鄙意以為此序雖是偽造,而偽序中却有真史料。至以前考證大乘起信論之偽 光明經僧隱序即與歷代三寶記壹壹所載者微有參 經論之年月地址 亦有問題, 殊有 再加檢討之

茲以此事軼出是篇範圍,故不置論。

差是也。

(原載一九四八年十二月燕京學報第叁伍期)

### 武曌與佛教

(甲)本文討論之範圍

李義山文集肆紀宜都內人事略云:

冕,符瑞日至,大臣不敢動,真天子也。大家始今日能屏去男妾,獨立天下,則陽之剛亢 明烈可有矣。如是過萬萬世,男子益削,女子益專。妾之願在此。后雖不能盡用,然即日 進,思有以諫。后坐帷下倚檀机,與語,問四方事。宜都內人曰:大家知古女卑於男耶? 武后篡既久,頗放縱,躭內習,不敬宗廟。四方日有叛逆,防豫不暇。時宜都內人以唾壺 天下事者,皆不得其正,多是輔昏主,不然抱小兒。獨大家革天姓,改去釵釧,襲服冠 后曰:知。内人曰:古有女媧,亦不正是天子,佐伏羲理九州耳。後世孃姥有越出房閣斷

寅恪案,武曌在中國歷史上誠為最奇特之人物,宜都内人之語非誇詞,皆事實也。自來論武嬰

下令誅作明堂者。(寅恪案,此指薛懷義。)

者雖頗多,其實少所發明。茲篇依據舊史及近出佚籍,參校推證,設一假定之説, 世宗教信仰之薰習及其本身政治特殊地位之證明二點。其他政治文化等問題與武曌有關者 上奇特人物之認識,亦一助也。但此文所討論者,僅以武曌與佛教之關係為範圍, 即其 或於此國史 母氏

### (乙)楊隋皇室之佛教信仰

以明界限。

隋盛日無異也。請先以蕭梁後裔蕭瑀之事證之。 亡國遺裔。其昔時之政治地位,雖已喪失大半,然其世代遺傳之宗教信仰,固繼承不替, 南北朝諸皇室中與佛教關係最深切者,南朝則蕭梁,北朝則楊隋,兩家而已。兩家在唐初皆為 與梁

**酱唐書陸叁蕭瑀傳略云** 

家。太宗以對羣臣吐言而取捨相違,心不能平。瑀尋稱足疾,時詣朝堂,又不入見。太宗 瑀字時文。 每與沙門難及苦空, 以爲供養之容。又賜王褒所書大品般若經一部, 太宗謂曰:甚知公素愛桑門,今者不能違意。瑀旋踵奏曰:臣頃思量, 高祖梁武帝。 必詣微旨。 曾祖昭明太子。 太宗以瑀好佛道, 祖祭, 後梁宣帝。 嘗賣繡佛像 並賜袈裟, 父巋, 明帝。 以充講誦之服焉。 - 軀, 並繡 好釋氏, 瑀 形狀於佛 常修梵 會瑪

量乎?朕猶隱忍至今,瑀尚全無悛改。宜即去茲朝闕,出牧小藩。可商州刺史,仍除其 復不用。一迴一惑,在於瞬息之間,自可自否,變於帷扆之所。乖棟梁之大體,豈具瞻之 浮華。往前朕謂張亮云:卿既事佛,何不出家?瑀乃端然自應,請先入道。朕即許之,尋 際。身俗口道,莫辯邪正之心。修累葉之殃源,祈一躬之福本。上以違忤君主,下則扇習 何其繆也。而太子太保宋國公瑪踐覆車之餘軌,襲亡國之遺風。棄公就私, 嶺騰煙, 假餘息於熊蹯, 引殘魂於雀散。子孫覆亡而不暇, 社稷俄頃而爲墟。報施之徵, 武窮心於釋氏,簡文鋭意於法門,傾帑藏以給僧祇,殫人力以供塔廟。及乎三淮沸浪,五 經,固弊俗之虚術。何則?求其道者,未驗福於將來。修其教者,翻受辜於既往。至若梁 謂侍臣曰:瑀豈不得其所乎?而自慊如此。遂手詔曰:至於佛教,非意所遵。雖有國之常 未明隱顯之

唐釋彦悰護法沙門法琳別傳中載貞觀十一年正月(適園叢書本唐大詔令集壹壹叁作二月)道士女

冠在僧尼之上韶略云:

封。

世,崇信滋深。人冀當年之福,家懼來生之禍。由是滯俗者聞玄宗而大笑,好異者望真諦 至於佛教之興,基於西域。爰自東漢,方被中華。神變之理多方,報應之緣匪一。暨乎近 而争歸。始波湧於間里,終風靡於朝廷。遂使殊俗之典,鬱爲衆妙之先。諸夏之教,

乘之 出自柱 自今已後, 流遯忘反, 下。 齊供行立。 鼎祚克昌, 於茲累代。 至於講論 既憑上德之慶。 朕夙夜夤畏, 道士女冠宜在僧尼之前。 天下大定, 緬 惟 至道。 亦賴無爲之功。 思革前弊, 庶敦本系之化, 納 諸 宜有解 軌 物。 况 朕之 闡

尊祖宗之風,

貽諸萬葉。

系中, 用。若推其本心,則誠如其責蕭瑀詔書所謂「至於佛教,非意所遵」者也。當日佛教處此 觀上録唐太宗兩詔 楊隋皇室崇奉釋氏之事實於下: 前此 似亦崇奉者。 境之中, 高祖紀及通鑑壹玖壹武德九年五月辛巳下韶命有司沙汰天下僧尼道士女冠條)。且 兼涉道士女冠 覓得 及優禮玄奘等(詳見慈恩大師傳陸), 十年, 惟有 中興教法之宗主。 以李氏為唐國姓之故, 即唐高祖武德九年五月雖有沙汰僧尼道士女冠之韶,其實並未實行(詳 如貞觀三年閏十二月癸丑為殞身戎陣者建立寺刹(見舊唐書貳) 利用政局之變遷, ,知佛教自隋文帝踐祚復興以來,至唐太宗貞觀十一年,始遭一嚴重之壓 非專為僧尼而發也。 今欲論此中興教法宗主之武曌與佛教之關係, 以恢復其喪失之地位。而不意竟於「襲亡 本易為道士所利用。而太宗英主 蓋佛教自北周武帝廢滅以後, 皆其顯著之例。其實太宗於此等事皆別 因隋文帝之革 其對佛教 山國遺 請先略述其外家 及 風」之舊朝別 新 語書貳 有 雖 周 彼時 政 偶 見舊唐 朝 治 前

不

太

韶

唐釋道宣集古今佛道論衡實録貳隋兩帝重佛宗法俱受歸戒事條云:: 扇之, 穢雜, 兒天佛所祐, 後,每顧羣臣, 佛法當滅,由兒興之。尼沈静寡言,時道吉凶,莫不符驗。初在寺養帝,年至十三,方始 墮地。尼曰:何因妄觸我兒,遂令晚得天下。及年七歲,告帝曰:兒當大貴,從東國來。 赤光照室, 流溢户外, 紫氣滿庭, 狀如樓閣, 色染人衣, 内外驚異。帝母以時炎熱, 案隋著作郎王邵述隋祖起居注云:帝以後魏大統七年六月十三日生於同州般若尼寺。 撰感應傳。所以周祖竊忌黑衣當王,便摧滅佛法。莫識隋祖元養佛家。王者不死,何由 遂前後置塔諸州百有餘所。皆置銘勒,隱於地府。感發神端,充物耳目。 悉皆同時起大興國寺。仁壽元年帝及後宫同感舍利, 由小時在寺, 及周滅二教,尼隱皇家。帝後果自山東入爲天子,重興佛法,皆如尼言。及登位 恐墮井, 寒甚幾絶, 自爲養之。太祖乃割宅爲寺,以兒委尼,不敢召問。後皇妣來抱, 勿憂也。尼遂名帝爲那羅延,言如金剛不可壞也。又曰:兒來處 追念阿闍黎,以爲口實。又云:我興由佛法, 乃在佛屋, 儼然坐定, 困不能啼。有神尼者名曰智仙,河東劉氏女也。少出家,有戒行。 至今樂聞鐘聲。 乃命史官爲尼作傳。帝昔龍潛所經四十五州, 遂以禪觀爲業。 及帝誕日, 並放光明, 砧槌試 而好食麻豆,前身似從道人 無因而至。 忽化爲龍, 之, 異倫 語太祖日 宛然無 及登極 王邵所 俗家

識(參考道宣續高僧傳貳陸感通篇隋釋道密傳)。

隋書壹高祖紀(北史壹壹隋本紀同)云:

皇妣吕氏, 以大統七年六月癸丑夜,生高祖於馮翊般若寺,紫氣充庭。 有尼來自 河東, 謂

致令晚得天下。」 高祖,忽見頭上角出,徧體鱗起。皇妣大駭,墜高祖於地。尼自外入,見曰:「已驚我兒, 曰:「此兒所從來甚異,不可於俗間處之。」尼將高祖舍於别館,躬自撫養。皇妣嘗抱

其[蒲州]栖巖寺者,即是太祖武元皇帝之所建造。道宣廣弘明集壹柒隋安德王雄百官等慶舍利感應表云:

楊氏為北 寅恪案, 有可注意者二事:一為隋高祖父母之佛教信仰,一為隋高祖本身幼時之佛教環境。夫 帝王創業,史臣記述,例有符瑞附會之語,楊隋之興,何得獨異?但除去此 周勳戚,當北周滅佛之時,而智仙潛慝其家,則楊氏一門之為佛教堅實信徒,不隨 類附會例 時

主之好惡轉移,於此益可以證明也。

隋書叁伍經籍志道佛經類 云: 一条 人名 医甲基 医多类 对 人名 人名 人名 人名 人名 人名

開皇 等諸大都邑之處,並官寫一切經,置於寺内,而又别寫藏於秘閣。天下之人從風而靡, 元年, 高祖普韶天下, 任聽出家。仍令計口 出錢, 營造經像。而京師及并州相州洛州

相景慕。 任聽出 家條 民間佛經多於六經數十百倍(參閱通鑑壹柒伍陳紀宣帝太建十三年隋主 韶境内之

續高僧傳捌隋釋曇延傳略云:

隋文創業, 未展度僧。延初聞改政, 前後别請度者 比丘五百童子之數。敕遂總度一千餘人,以副延請。此皇隋釋化之開業也。 共論開化之模,孚化之本。延以寺宇未廣,教法方隆。奏請度僧,以應千二百五十 應有四千餘僧。 周廢伽藍並請興復。 即事剃落。法服執錫,來至王庭。帝奉聞雅度,欣泰 三寶再弘, 功兼初運者, 爾後遂多 又延之力 凡

常認為弑父弑君荒淫暴虐之主,與桀紂幽厲同科,或更不如者。然因其崇奉佛教,尤與天台宗 或 用,而其家世及本身幼時之信仰,要為一重要之原因,則無疑也。至於煬帝, 寅恪案,周武帝廢滅佛教。隋文帝代周自立,其開國首政即為恢復佛教。此固別有政治上之作 南宋天台宗僧徒志磐撰佛祖統紀叁玖開皇十一年晉王廣受菩薩戒於智者大師條述曰: 茲篇所能詳論, 創造者智者大師有深切之關係之故, 種不同文化價值論上之問題,不止若唐代改易漢書古今人表中老子等級之比也。 今但擇録天台宗著述中與此問題有關之文, 其在佛教中之地位, 適與其 略附詮釋,以供參證 在儒家教義中者相反, 在中國 此問 歷史上通 此乃吾 題非

Ш 身」。(原注:「闍王受決經。」寅恪案,今此經文作「淨其所部」。志磐所據本「其」作「身」 之比。 恪案,此語出北本大涅槃經貳拾梵行品第捌之柒末段。)又佛爲授記,却作後佛,號「淨 屬前因, 滯自銷。 世謂煬帝禀戒學慧,而弑父代立。何智者之不知預鑑耶?然能借闍王之事以比決之,則此 Ш 紀。原注本在篇末,今移於此。)以是比知,則煬帝之事,亦應有前因現逆二者之義。孤 保龕壟。而章安結集,十年送供。(原注:「事見智者本紀。」寅恪案,見佛祖統紀陸智者 鑒之深矣。故智者自云:「我與晉王深有緣契。」今觀其始則護廬山主玉泉, 垂裕記」三字。今移置下文「孤山」二字之下。)有能熟思此等文意,則知智者之於煬帝, 即智圓維摩經略疏垂裕記壹。) [垂裕記]云:「菩薩住首楞嚴定者或現無道,所以爲百王之監也。」(寅恪案,此語見孤 故云「淨身」。)又「闍王未受果而求懺,令無量人發菩提心。」(寅恪案,原本此處有 故佛言:「闍王昔於毘婆尸佛發菩提心,未嘗墮於地獄。」(原注:「湼槃經云。」寅 故觀經疏釋之,(寅恪案,此指智者大師之觀無量壽佛經疏。)則有二義:一者事 由彼宿怨,來爲父子。故阿闍世此云:「未生怨。」二者大權現逆,非 終則創國清 同俗間

無罪。非但無罪,如阿闍世王受决經且載其未來成佛之預言。智圓之書,成於北宋初期,志磐 阿闍世王為弑父弑君之惡主。 然佛教經典如大涅槃經梵行品則列舉多種理由, 以明其

重興釋 帝王所能並論。此點與儒家之評價適得其反。二種文化之同異是非,於此不必討論。 也。夫中國佛教徒以隋煬帝比於阿闍世王,則隋煬在佛教中,其地位之尊,遠非其他中國 之書,成於南宋季世,雖皆較晚,疑其所論俱出於唐代天台宗相承之微言,而非二人之臆説 及佛藏之文於後,以資證明。 測得知。 氏於周武滅法之後,隋煬帝又隆禮台宗於智者闡教之時,其家世之宗教信仰, 而武曌之母楊氏既為隋之宗室子孫, 則其人之篤信佛教,亦不足為異矣。茲節録舊史 固可以推 但隋文帝 歷代

舊唐書壹捌叁外戚傳(新唐書貳零陸外戚傳同)略云:

氏。則天立爲皇后, 追贈士養爲司徒周忠孝王, 初[武]士韄娶相里氏,又娶楊氏,生三女。長適越王府功曹賀蘭越石,次則天, 封楊氏代國夫人。 賀蘭越石早卒, 封其妻 次適郭

爲韓國夫人。尋楊氏改封爲榮國夫人。咸亨二年榮國夫人卒。

唐書壹佰楊恭仁傳(舊唐書陸貳楊恭仁傳略同)略云:

新

楊恭仁,隋[司空]觀王雄子也。 及臨朝,武承嗣攸寧相繼用事。后曰:「要欲我家及外氏常一人爲宰相。」乃以執柔同 執柔, 恭仁從孫, 歷地 官尚 書。武后母即恭仁叔父達之

唐書柒壹下宰相世系表楊氏觀王條云:

新

達字士達。隋納言,始安泰侯。(寅恪案,隋書肆叁、北史陸捌楊達傳「泰」作「恭」,應據

舊唐書伍貳后妃傳下玄宗元獻皇后楊氏傳(新唐書柒陸后妃傳上同)云:

玄宗元獻皇后楊氏,弘農華陰人。曾祖士達。隋納言。天授中以則天母族,追封士達爲鄭

王,贈太尉。

錢易南部新書甲云:

新唐書柒壹下宰相世系表楊氏觀王房條云: 龍朔中楊思玄恃外戚典選,多排斥選士。

思玄,吏部侍郎。

書肆叁及北史陸捌等本傳,茲不備録。此武曌血統與楊隋關係之可推尋者。自來論史者多不及 弘明集壹柒隋安德王雄百官等慶舍利感應表之安德王雄。雄及其弟達事蹟,詳見周書貳玖、 寅恪案,依據上述,可知武曌之母楊氏為隋宗室觀王雄弟始安侯達之女。觀王雄者, 即前引廣

此事, 其實此點甚可注意也。

請論沙門不合拜俗啟一首,下注云: 唐釋彦悰所編之沙門不應拜俗等事叁載龍朔二年四月二十七日西明寺僧道宣等上榮國夫人楊氏

等詣門致書云爾。

宗室家世遺傳所致。榮國夫人既篤信佛教,武曌幼時受其家庭環境佛教之薰習,自不待言。 遺傳之事實推測之(參閱拙著天師道與濱海地域之關係),則榮國夫人之篤信佛教, 所以篤信佛教之由,今以史料缺乏,雖不能確言,但就南北朝人士其道教之信仰,多因於家世 據倫敦博物館藏敦煌寫本大雲經疏 首。據此可知武曌之母楊氏必為篤信佛教之人,故僧徒欲藉其力以保存不拜俗之教規。 又彦悰書陸尚 載有龍朔二年八月十三日西明寺僧道宣等重上榮國夫人楊氏請論不合拜親啟 (見羅福萇沙州文録補 中 亦必由楊隋 至楊氏

伏承神皇幼小時已被緇服

貞觀十一年武士彠女年十四入宫條云: 之語,則武曌必在入宫以前,已有一度正式或非正式為沙彌尼之事。所以知者, 據通鑑考異拾

舊則天本紀: 崩時年八十二。唐曆、 要皆云八十一。唐録政要:貞觀十三年入官。據武氏入宫年十四。今從吴兢則天實録爲八 故置此年。 焦璐唐朝年代記、 統記、 馬總唐年小録、 聖運圖、

若依君實之考定,武曌既於貞觀十一年年十四歲入宫,則貞觀二十三年太宗崩後, 出宫居感業

所以能彼此互相利用, 以來所喪失之權勢。而武曌復轉借佛教經典之教義 影響之深切,得此一事更可證明矣。後來僧徒即藉武曌家庭傳統之信仰,以恢復其自李唐 十四歲未入宫以前 寺為尼時, 其年已二十六歲。以二十六歲之年, 而言。然則武曌幼時,即已一度正式或非正式為沙彌尼。其受母氏佛教 實有長久之因緣, 非一朝一夕偶然所可致者, 古人決不以為幼小。故幼小之語, ,以證明其政治上所享之特殊地位。二者之 此本篇所討論問題之第 顯指武曌年 開國 信仰

(丙)武曌與佛教符讖之關係

家經典不許婦人與聞國政。其顯著之例如尚書牧誓云: 牝雞無晨。牝雞之晨,惟家之索。

儒

偽孔傳云:

雌代雄鳴則家盡;婦奪夫政則國亡。

詩大雅瞻卬云

如賈三倍。君子是識。婦無公事。休其蠶織。

毛傳云

鄭箋云

賈物而有三倍之利者, 小人所宜知也。 而與朝廷之事,其非宜亦猶是也。 君子反知之,非其宜也。今婦人休其蠶桑織絍之

流 能 觀 亦輕賤女身。 怪之論也。武曌頒行天下以為受命符讖之大雲經,即屬於此大乘急進派之經典。 於儒 至於大乘急進派之經典, 此即知武曌以女身而為帝王,開中國政治上未有之創局。如欲證明其特殊地位之合理,決不 家經典求之。 如大愛道比尼經下所列舉女人之八十四態, 此武曌革唐為周,所以不得不假託佛教符讖之故也。考佛陀原始教義 其中乃有以女身受記為轉輪聖王成佛之教義。 即是其例。後來演變, 此 誠 所謂 其 漸 原 非 易初旨。末 常異 本實出自

天竺,非支那所偽造也。

文與本篇主旨有關者於後 近歲敦煌石室發見大雲經疏殘卷。王國維氏為之跋尾, 未及備載 茲亦補録 其有關者, 並略附以詮釋。 以資參校, 凡王氏跋中所已詳者,皆不重論。但佛典原文王 而便説明。 考證甚確 (並見沙州文録補)。茲節録其

大雲經疏王氏跋云:

卷中所引經曰及經記云云,均見後凉曇無讖所譯大方等無想經。 此經又有竺法念譯本,名

唐書之說爲非。志磐佛祖統紀從之,故於武后載初元年書「勅沙門法朗九人重譯大雲經」, 及日本宫内省所藏諸本俱作大方等大雲經也。)案舊唐書則天皇后本紀「載初元年, 經中有女主之符,因改爲大雲寺。」皆以此經爲武后時僞造。然後凉譯本之末,固詳說黑 不云偽造。今觀此卷所引經文,皆與凉譯無甚差池。豈符命之説皆在疏中,經文但稍加緣 河女主之事,故贊寧僧史略謂「此經晉代已譯,舊本便曰女王,於時豈有天后云云。 書后妃傳所紀略同。宋次道長安志記大雲寺經亦云:「武太后初, 光明寺沙門進大雲經, 唐氏合微。故則天革命稱周。其僞大雲經頒於天下,寺各藏一本,令昇高座講説。」新唐 千人。」又薛懷義傳「懷義與法明等造大雲經,陳符命,言則天是彌勒下生,作閻浮提主. 十人爲撰大雲經,表上之,盛言神皇受命之事。制頒於天下,令諸州各置大雲寺, 大雲無想經。曇公譯本中亦屢見「大雲」字,故知此爲大雲經疏也。 ,武曌之頒行大雲經於全國,與新莽之「遣五威將軍王奇等十二人班符命四十二篇於天 不盡僞託敷?又此疏之成,蓋與僞經同頒天下。故敦煌寺中尚藏此殘卷。 蓋王氏偶爾筆誤。至曇無讖所譯, 僅高麗藏本作大方等無想經, 其餘宋元明等藏 (寅恪案, 竺法念應作 」頗以 有沙門

下」(見漢書玖玖中王莽傳)正同一政治作用。蓋革命開國之初,對於民衆宣傳及證明其新取得

地位之合理也。今檢曇無讖譯大方等大雲經肆大雲初分如來涅槃健度第叁陸略云:

佛告淨光天女言:汝於彼佛暫一聞大湼槃經。 捨是天形, 即以女身當王國土,得轉輪王所統領處四分之一。 以是因緣, 今得天身。 (寅恪案, 值我出 此武 復聞深

又同 經陸大雲初分增長健度第叁柒之餘略云 稱金輪皇帝之故。 )汝於爾時實爲菩薩。爲化衆生, 現受女身。

文但稍 佛教經典若為新譯或偽造 巧為傅會。 如志磐輩之重譯説,亦非事實。今取敦煌殘本,即當時頒行天下以為受命符讖之原本, 殊不能據此以為有歧異之二譯本也。 上特殊之地位,既不能於儒家經典中得一合理之證明,自不得不轉求之於佛教經 我涅槃已七百年後, 加緣 臣即奉此女以繼王嗣。 觀曇無讖譯大方等大雲經之原文,則知不獨史籍如舊唐書等之偽造説為誣枉 其 幾全部符合。間有一二字句差池之處,而意義亦無不同。此古來書册傳寫所習見 於曇本 其城有王, 不盡偽託。 原文, 是南天竺有一小國, 名曰等乘。其王夫人産育 則必假託譯主,或別撰經文。其事既不甚易作,其書更難 」又云:「此 則全部 女既承正,威伏天下。 襲用, 疏之成, 絶無改 又因此 名曰無明。 易。 蓋與偽經 可知薛懷義等當時即取舊譯之本, 一女, 閻浮提中所有國土悉來承奉, 既不偽造, 名曰增長。 彼國有河, 同 頒 天下。」則尚 亦非 其王未免忽然崩亡。 名曰黑闇。 重譯。 有 然則 未諦 南岸有城, 王跋 也。 附以 典。 以 違者。 蓋武 取 與今佛 即 為一經 而 信於

年 其 期為道教所壓抑之後, 柒守正門)。 至若李思順解釋大雲經以為唐興之符命一案,則又「劉秀當為天子」之類也(見通典壹 尤不必涉及。 殆 經典教義可供女主符命附會之利用, 三月釋教在道教之上制以為證明 仍不 不盡 近世學者往往以新莽篡漢之故, 如即 此類政治與符讖關係,前人治史,多不知其重要,故特辨之如此。佛教在 但武曌之頒行大雲經與王莽之班符命四十二篇, 寅恪不敢觀三代兩漢之書,固不足以判決其是非。而其事亦軼出 取前代舊譯之原本, 所以能至武周革命而恢復其楊隋時所享之地位者,其原因固甚複雜 曲為比 輒謂古文諸經及太史公書等悉為劉歆所偽造或竄改者 要為一 附, 主因。 較之偽造或重譯者, 茲多録唐大韶令集壹壹叁所載武 其事正復相類, 猶為事 半而功倍。 自可 本篇 取 範圍之外, 周天授二 陸玖刑典 與 李唐初 由此觀 並 其 Tro

觀 此制文,凡武曌在政治上新取得之地位, 境而敦化,弘五戒以訓人。爰開革命之階,方啓維新之命。 朕先蒙金口之記, 方寺(寅恪案,「寺」當作「等」,即指大方等大雲經而言。 緇服處黄冠之前, 雖實際 少如如, 又承寶偈之文。 理忘於先後, 庶得道有識以歸依, 而翹心懇懇,思展於勤誠。 歷教表於當今, 極羣生於迴向。 本願標於曩劫。 布告遐邇, 自今以後,釋教宜在道法之 宜協隨時之義, )發揚,顯自在之丕業。 大雲闡奥 知朕意焉。 以申自我之 明王國之禎 馭

悉與佛典之教義為證明,則知佛教符讖與武周革命

#### 丁)結論

此 章)。歷五十四年至天授二年(西曆六九一年)三月,周已革唐命,而有釋教在道法之上之制(制 間 隋煬帝唐太宗及武曌尤多所關涉。故綜合前後政治之因果, 文見丙章)。又歷二十年唐室中興之後,景雲二年(西曆七一一年),復敕僧道齊行並進(敕文見 自貞觀十一年(西曆六三七年)正月,(或二月,見乙章。)韶道士女冠在僧尼之上(韶文見乙 唐大韶令集壹壹叁)。約而論之,凡有三變。若通計自隋煬帝大業之世迄於唐睿宗景雲之初, . 附臆説,成此短篇,以供研求國史中政治與宗教問題者之參證。 百年間佛教地位之升降,與當時政治之變易,實有關係。而與此百年間政治上三大怪傑即 依據中西文化之同異, 類次舊文

茲有間接與大雲經有關之謝靈運辨宗論中華夷分別一點, 運 辨宗論 其餘涉及佛教大小乘教義之演變諸問題,則概從省略,以免枝蔓。嚴可均輯全宋文叁貳謝 Z 略論述之如下。但祇就此端範圍推

難於受教,故閉其累學,而開其一極。夷人易於受教,難於見理,故閉其

頓了, 而誣道無學,夷人悟理有學,而誣道有漸。 而開其漸悟。 漸悟雖可至,昧頓了之實,一極雖知寄,絕累學之冀。良由華人悟理 是故權實雖同,其用各異。

寅恪案,靈運文中所討論者,在華人主頓夷人主漸一事,專為道生之大湼槃經而發。

慧皎高僧傳柒義解肆竺道生傳略云:

於南京,果稱闡提悉有佛性,與前所說合若符契。 孤明先發,獨見忤衆,於是舊學以爲邪說, 譏憤滋甚, 又六卷泥洹先至京都,生剖析經理,洞入幽微,迺説一闡提人皆得成佛。於時大本未傳, 遂顯大衆擯而遣之。後涅槃大本至

今據同書貳曇無讖傳略云:

還外國究尋。後於于闐更得經本中分,復還姑臧譯之。後又遣使于闐尋得後分,於是續譯 華,地持,優婆塞戒,金光明,海龍王菩薩戒本等六十餘萬言。讖以涅槃經本品數未足, (識)往罽賓齎大湼槃前分十卷。頃之,復進到姑臧,譯寫初分十卷。次譯大集,大雲,悲

然則一闡提可以成佛之大涅槃經出於于闐,確有證明。

爲三十三卷。

玄奘大唐西域記壹貳瞿薩旦那國:

王城東南五六里,有鹿射僧伽藍,此國先王妃所立也。昔者此國未知桑蠶,聞東國有之,

治繭, 婚東國, 國素無絲綿,桑蠶之種,可以持來,自爲裳服。 命使以求。時東國君秘而不賜,嚴勑關防,無令桑蠶種出也。瞿薩旦那王乃卑辭下 尚以雜葉針之, 自時厥後, 桑樹連蔭, 王妃乃刻石爲制, 既至關防,主者遍索,唯王女帽不敢以檢,遂入瞿薩旦那國,止鹿射伽藍故地。 ,奉迎入宫,以桑蠶種留於此地,陽春告始,乃植其桑。蠶月既臨,復事採養。 敢有犯違, 國君有懷遠之志,遂允其請。瞿薩旦那王命使迎婦而誠曰:爾致辭東國君女, 明神不祐, 遂爲先蠶,建此伽藍,數株枯桑,云是本種之樹也。故今此 女聞其言, 密求其種, 以桑蠶之子置帽絮 不令傷殺, 蠶蛾飛盡 禮, 乃得 求 我

國有蠶不殺,竊有取絲者,來年輒不宜蠶。

及北史玖柒西域傳于闐國傳(參魏書壹佰貳西域傳)云:

可見于闐之地,舊為華夏民族移居之土。大湼槃經既出于闐,又主張頓悟,靈運謂華人主頓 殊有根據, 自高昌以西,諸國人等,深目高鼻,唯此一國,貌不甚胡,頗類華夏。 未可以想像之空論目之也。

歷代三寶記壹貳新合大集經條略云:

Ш 于閩東南二千餘里,有遮拘迦國,彼王純信敬重大乘。彼土又稱,此國東南 甚險,其內安置大集,華嚴, 寶積, 楞伽, 方廣舍利, 弗陀羅尼, 華聚陀羅尼,

羅藏,摩訶般若,八部般若,大雲經等凡十二部,皆十萬偈。

寅恪按,歷代三寶記所引此文與澄觀大方廣佛華嚴經隨疏演義鈔壹伍所録文字略有出入,遮拘 迦作遮拘槃,藏大雲經等十二部作十一部。槃與迦表面似非同一對音, 但王明清揮塵後録陸

趙正夫[挺之]丞相元祐中與黄太史魯直[庭堅]俱在館閣,魯直以其魯人,意常輕之。 吏來問食次, 正夫必曰:來日喫蒸餅。一日聚飯行令, 魯直云:欲五字從首至尾各一字,

復合成一字。正夫沈吟久之曰:禾女委鬼魏。魯直應聲曰:來力勑正整。協正夫之音。闔

座大笑。

有 至於藏經部數, 然則趙挺之讀餅為整,乃其鄉音, 關 確有明證。大唐西域記壹貳 應以十一部為是。 夫大雲經雖未明言出於于闐國, 但與于闐相鄰近之遮拘迦 可見迦與槃之對音互異, **斫句迦國條略云** 亦由當日地方之土音不同 所致也。

流寔廣,從此而東,踰嶺越谷,行八百餘里,至瞿薩旦那國。 國中大乘經典部數尤多,佛法至處,莫斯爲盛也。十萬頌爲部者凡有十數,自茲已降, 周千餘里, 編户殷盛。臨帶兩河,頗以耕植蒲萄梨柰。文字同瞿薩旦那國,言語有異。 此

册府元龜玖陸拾外臣部土風貳云:

[于闐]國人善鑄銅器,其治曰 西山城, 有屋室市井, 菓蓏菜蔬與中國等, 尤信佛

等所載 比 屬于闐之影響,據言文字與于闐國同。可證此大乘文化,實從于闐而來。寅恪昔年與鋼君 2較各種文字之金剛經,始知玄裝所譯之本,源出自于闐文。是以較其他譯本為繁。 借此稿本 知遮拘 此國 迦 國 位置, 即大唐西域記中之斫句迦國。 絕不能有此遼遠之里程也。此國崇尚大乘,文化雖較于闐為低, 歷代三寶記所 云東南 一千餘里當是訛 寫, 但 與西 其 和泰 人 仍

綜合言之, 、大雲經雖不出于闐, 但亦出自于闐相近之遮拘迦。據北史玖柒西域傳于闐國傳略

經已不見,故無從詳加説明也

土宜五穀並桑麻。 城東有大水北流,號樹枝水。城西十五里亦有大水名達利水, 與樹

與大雲經所言「有一小國,名曰無明。彼國有河,名曰黑闇。南岸有城,名曰熟穀。」等文相印 已求之於華夏民族以外之經典, 藉資宣傳。殊不知女身得為帝王之說, 之華夏移民實有間接關係也。復曌因中國儒教等經典最重男輕女,不許女身得為帝王 利河即 由是言之,武曌所據以女身得為帝王之教義,亦間接出自于闐, 土耳其語言之Kara Kachi,Kara,為黑暗之義,與「土宜五穀並桑麻」等語, 與謝靈運辨宗論及遮拘 實源出華夏移民所主 翊似皆可 故 不得 迦

張 此俗所謂家有祖傳之實,苟為子孫所忘 今述大雲經教義已畢, 聊舉此端, 以供好事之博雅通人一笑云爾。 而別從他人求乞。斯真為中外學説歷史之一奇事

陈沙

經, 之跋文(載史學雜誌第貳卷第伍陸期合刊)。總而言之,大周刊定衆經目録不著録新譯 關於武曌與佛教符讖之問題,可參考矢吹慶輝博士著三階教之研究及湯用彤先生所作 尤足證薛懷義等無重譯或偽撰此經之事也。 大雲 同

(原載一九三五年十二月歷史語言研究所集刊第伍本第貳分)

### 讀洛陽伽藍記書後

劉知幾史通伍補注篇云:

妨,遂乃定彼榛桔, 亦有躬爲史臣, 手自刊補, 列爲子注。若蕭大園淮海亂離志,羊衒之洛陽伽藍記, 雖志存賅博, 而才闕倫敍, 除煩則意有所怪,畢載則言有所 宋孝王關東風

俗傳,王邵齊志之類是也。

廣圻思適齋集壹肆洛陽伽藍記跋略云:

顧

予嘗讀史通補注,知此書原用大小字分别書之,今一概連寫,是混注入正文也。意欲如全

謝山治水經注之例,改定一本,惜牽率乏暇,汗青無日,爰標識於最後,世之通才倘依此

例求之,於讀是書,思過半矣。

於是吳若準洛陽伽藍記集證即依顧氏之説,分析正文子注,羣推為善本。吳氏自序其書云: 古本既無由見, 未必一如舊觀, 而綱目麤具,讀是書者,或有取乎?

然吳本正文太簡,子注過繁。其所分析疑與楊書舊觀相去甚遠,唐晏因是有洛陽伽藍記鈎沉之

作。其洛陽伽藍記鈎沉自序云:

子注已雜入正文,無復分别,亦竟無人爲料理出之,此書遂不可讀矣。近者之江吴氏創始 昔唐劉知幾謂洛陽伽藍記「定彼榛楛,列爲子注。」斯言已逾千歲,而世行本皆刊於明代, 未盡夫塵障。鄙人索居海上,偶展此書,覺有會於心, 爲之畫分段落,正文與注,甫得眉目。 都已盡卷,未敢謂足揆原編,然較各本則有間矣。 然究嫌其限域未清, 乃信手鈎乙。 混淆不免, 數則以後, 雖少勝於舊編 迎刃而 猶

故唐本正文較之吳本溢出三倍,似可少糾吳氏之失。但唐氏之分別正文子注,其標準多由主 是否符合楊書之舊,仍甚可疑。近人張宗祥君之洛陽伽藍記合校本附録吳本及唐本所分正

並記其後。略云: 證本遂起而分之。然極簡略, 昔顧澗 蘋先生欲仿全氏治水經注之例, 分别此書注文而未果。吴氏聞斯言於其舅朱氏, 作注而非作記矣。楊氏具史才,當不如此。唐氏復因吴氏之簡, 恐非楊氏之舊。如楊氏舊文果如吴氏所述

也。

無如隱以前之古本可以勘正,實不必泥顧氏之說,强爲分析,致蹈明人竄改古籍之覆轍

五卷原本注文,且誤入正文,則亦未爲盡合也。蓋此書子注之難分,實非水經注之比。苟

起而正之。然第

則記文寥寥,

注

張君於唐氏所定第壹卷城內永寧寺條正文東西兩門皆亦如之一節下附案語云:

東西兩門皆亦如之」者,言與「南門圖以雲氣云云」種種相同也。今「圖以雲氣」四十一字作

注文,則「皆亦如之」一語, 無歸宿矣。

於第伍卷城北凝圓寺條「所謂永平里也注」之「注」字下附案語云:

衒之此記本自有注,不知何時併入正文,遂至不能分别。此「注」字之幸存者,自此至下文 不可勝數」句,當是凝圓寺注文。鈎沉本以此下一句爲正文。

又於其附録之鈎沉本正文城北禪虚寺條「注即漢太上王廣處」句下附以案語, 重申其説云:

此處「注」字幸存,即漢太上王廣處六字,明係注文,不得誤入正文。

字,故後人傳寫牽連,不可分別,遂成今日之本。張君所舉之例,疑是楊書原本偶用「注」字, 傳寫楊書,轉應因此不易淆誤。今之注文混入正文者,正坐楊書原本其子注大抵不冠以「注」 原本子注亦必甚多,自無疑義,若凡屬子注,悉冠以「注」字,則正文之與注文分別瞭然,後人 轍。」可謂矜慎。於楊書第伍卷,舉出幸存之「注」字,尤足見讀書之精審,不僅可以糾正唐氏 後人不復删去,實非全書子注悉以「注」字冠首也。鄙意衒之習染佛法,其書製裁乃摹擬魏晉南 之違失已也。然竊有所不解者,吳唐二氏所分析之正文與子注,雖不與楊書原本符會,而楊書 張君之合校本最晚出,其言「不必泥顧氏之説,強為分析,致蹈明人竄改古籍之覆

所蔡元培先生六十五歲紀念論文集中,詳考佛書合本子注之體。茲僅引梵來數事, 藍記一書之製裁義例,懵然未解,固無足異。寅恪昔年嘗作支愍度學説考,載於歷史語言研究 例,後代章句儒生雖精世典,而罕讀佛書,不知南北朝僧徒著作之中,實有此體,故於洛陽伽 北朝僧徒合本子注之體,劉子玄蓋特指其書第伍卷惠生宋雲道榮等西行求法一節, 注之體裁。茲節録 比要鈔序、 書, 證成鄙説, 支敏度合維摩詰經序、壹壹竺曇無蘭大比丘二百六十戒三部合異序等,俱論合本子 其餘不復備論。梁僧祐出三藏記集柒支敏度合首楞嚴經記 一二,以見其例如下。 、捌支道林大小品對 以立 以此類楊 一説舉

支敏度合維摩詰經序略云:

所出爲本,以蘭所出爲子, 然斯經梵本出自維耶離, 若其偏執一經,則失兼通之功。廣披其三,則文煩難究。余是以合兩令相附, 先後譯傳,別爲三經,同本人殊出異,或辭句出入,先後不同,或有無離合,多少 在昔漢興,始流茲土。於時有優婆塞支恭明,逮及於晉,有法護 分章斷句, 使事類相從,令尋之者瞻上視下,讀彼案此,

竺曇無蘭大比丘二百六十戒三部合異序云: 余因閑暇,爲之三部合異,粗斷起盡,以二百六十戒爲本,二百五十者爲子,以前出常行戒

全句繫之於事末,而亦有永乖不相似者,有以一爲二者,有以三爲一者,余復分合,令事相

比丘大戒二百六十事(原注:「三部合異二卷。」)云:

何事?)答:說戒。(僧答言:布薩。)不來者囑授清淨說!(諸人者,當說當來之淨!答 說戒者乃曰:僧和集會,未受大戒者出!僧何等作爲?(衆僧和聚會,悉受無戒 !於僧有

據上所引,魏晉南北朝僧徒合本子注之體例,可以推知。洛陽伽藍記伍凝圓寺條,紀述惠生宋 雲等使西域事既竟,楊氏結以數語云:

嫌重複, 觀今本洛陽伽藍記楊氏紀惠生使西域一節,輒以宋雲言語行事及道榮傳所述參錯成文,其間頗 **衒之按**,惠生行紀事多不盡録。今依道榮傳、宋雲家紀,故並載之,以備缺文。 實則楊氏之紀此事,乃合惠生行紀道榮傳及宋雲家傳三書為一本,即僧徒「合本」之

至乾陀羅城,東南七里有雀離浮圖。道榮傳云:城東四里。

,支敏度所謂「合令相附」及「使事類相從」者也。 楊書此節之文如:

即竺曇無蘭大比丘二百六十戒三部合異序後所附子注之例。其「道榮傳云:城東四里。」乃是正 文「東南七里有雀離浮圖」之子注也。又楊書此節之

[迦尼色迦]王更廣塔基三百餘步。道榮傳云:三百九十步。

例 其「道榮傳 一、二例, 證成 定其文。吳唐 是子注也。 惠生等西行求法 》鄙説, 云:三百九十步。」乃是正文「三百餘步」之子注也。其餘類此者,不勝枚舉。 亦如顧氏之意, 欲世之通才依此求之, 寫成定本, 為讀是書者進一解,並以求教於通知古今文章體制學術流變之君子。 故自楊氏此書正文與子注混 張三家治此 一節,而吳唐二氏俱以此節悉為子注,張君無所糾正,其意殆同目此 書極勤 亦未 能發此久蔽 淆之後, 顧氏雖據史通之語 之覆, 以復楊書之舊觀耳。夫史通 因舉魏晉南 北 知其書之有 朝僧徒合本子 注 茲僅揭 而未 文全 所論

其為合本。 亦 抑 更有可申論者, 體材, 前人研治者甚多, 因經後人删削, 裴松之三國志注人所習讀, 然終以不曉此義, 其合本子注之體材, 益難辨識。 但皆不知其為合本子注之體。劉孝標世説 無所發明, 徒資紛擾, 至水經注雖知其有子注 殊可憫惜。茲特附及之 ifij 新 不知 語

(原載一九三九年九月歷史語言研究所集刊第捌本第貳分)

宗鏡録 宗等, 政治, 絶業, 朝佛教之總彙。 諸家宗 而精采微遜, (Pascal),其欽聖之情,固無差異,而欣戚之感,則迥不相侔也。基公承慈恩一家之學,顓門 中 人之説相關者數條比勘之, 以見其異同。 ,今古無儔,但天竺佛教當震旦之唐代,已非復盛時,而中國六朝之世則 家之説者。 追稽 雖為紛爭之局 派學説異同之人, 最 此土撰述總詮通 晚 其 出 雄盛 万原始, 道宣所謂「佛法綱要盡於此焉」者也。 亦最繁博。 嘗論支那佛教史, 之氣, 莫不導源於羅什, 而思想自由,才智之士亦衆。佛教輸入,各方面皆備, 論之書, 更遠不逮遠基之作, 實為慧遠。 然永明之世, 其最著者有三, 遠公事 要以鳩摩羅什之時為最 蓋非偶然也。 支那佛教已漸衰落, 頭見道宣 亦猶耶教聖奥古斯丁(St. 大乘法苑義 今取大乘義章之文, 當六朝之季, 續高僧傳捌。 盛時 林章, 故其 代。 綜貫包 宗鏡 其所著大乘 書雖 中國 平正 録 Augustin )與巴士卡兒 自創 與隋唐大師 羅 及遠法師 數 篤實 之佛宗 不然。 義章 百 不同後來之拘守 年 間 罕有 其時 此 書, 如智顗玄 南 書是已。 如天台 北 倫 神州

朝

天台智者大師妙法蓮華經玄義壹下,解「四悉檀」為十重。其一釋名略云:

「遍」,「檀」翻爲「施」。佛以四法遍施衆生,故言「悉檀」也。 悉檀,天竺語。南岳師例,「大湼槃」梵漢兼稱。「悉」是此言,「檀」是梵語,「悉」之言

大乘義章貳四悉檀義四門分別條云:

四悉檀義, 出大智論, 言悉檀者, 是中(外?)國語, 此方義翻, 其名不一。如楞伽中子注

釋言,或名爲宗,或名爲成,或云理也。

對音,遂致智者大師有此誤釋,殊可笑也。 寅恪案,「悉檀」乃梵語 Siddhānta 之對音,楞伽注之言是也。其字從語根 Sidh 衍出, 檀」,乃 dâna 之對音。其字從語根 dâ 衍出,二語絕無關涉,而中文譯者,偶以同一 之「檀」字 檀施」之

又道宣集古今佛道論衡卷丙文帝韶令奘法師翻老子為梵文事條云:

盛談,道俗同委。今翻「末伽」,何得非妄?奘曰:傳聞濫真,良談匪惑。未達梵言,故存 袂曰:「道」翻「末伽」,失於古譯。古稱「菩提」,此謂爲「道」。未聞「末伽」以爲「道」也。奘 曰:今翻道德, [玄奘]染翰綴文:厥初云「道」,此乃人言,梵云「未伽」,可以翻「度」。諸道士等,一時舉 確爾難乖,豈得浪翻,冒罔天聽! 道士成英曰:「佛陀」言「覺」,「菩提」言「道」,由來 奉敕不輕。須覈方言,乃名傳旨。「菩提」言「覺」,「末伽」言「道」,唐梵音

恒習。「佛陀」天音,唐言「覺者」。「菩提」天語,人言爲「覺」。此則人法兩異,聲采全乖。 末伽」爲道,通國齊解。如不見信,謂是妄談,請以此語,問彼西人。足所行道,彼名何

寅恪案,「佛陀」梵文為 Buddha,「菩提」梵文為 bodhi,同自語根 Budh 衍出。然一為具體之名, 一為抽象之名。所謂「人法兩異」者,混而同之,故慈恩以為不可。「末伽」梵文 Mârga 之對音,

物?非「末伽」者,余是罪人。非惟罔上當時,亦乃取笑天下。

慈恩以為「道」之確譯者也。

大乘義章壹捌無上菩提義七門分別條略云: 菩提」胡語,此翻爲「道」。問曰:經說第一義諦亦名爲「道」,亦名「菩提」,亦名「湼槃」。

者,是「末伽道」。名「菩提」者,是「菩提道」。良以二種,俱名「道」故,得翻「菩提」,而爲 名爲「道」。與彼外國「湼槃」「毘尼」此悉名「滅」,其義相似。經中宣說第一義諦名爲「道」 亦名「菩提」,亦曰「末伽」。如四諦中,所有道諦,名「末伽」矣。此方名少,是故翻之,悉 道」與「菩提」,義應各別。今以何故,宣説「菩提」翻名「道」乎?釋言:外國説「道」名多,

一道」女

恩之譯老子,始成問題也。蓋佛教初入中國,名詞翻譯,不得不依託較為近似之老莊,以期易 寅恪案,慧遠之書,皆本之六朝舊説。可知佛典中,「道」之一名,六朝時已有疑義,固不待慈

後知其意義不切當,而教義學説,亦漸普及,乃專用對音之「菩提」,而捨置義譯之「道」。

之感,斯蓋非唐以後之中國人,拘於方以內者所能知矣。 之一例,而中國佛教翻譯史中此重公案,與今日尤有關係。吾人欲譯外國之書,輒有此方名少 此時代變遷所致,亦即六朝舊譯與唐代新譯(此指全部佛教翻譯事業,非僅就法相宗言。)區別

又大乘義章壹衆經教迹義三門分別條略云:

當知非是頓漸所攝。所以而然, 不得言漸。 (晉武都山隱士)劉虬所云, 又設餘時所爲,衆生聞小取證,竟不入大,云何言漸?是故頓漸攝教不盡。又 佛教無出頓漸二門。是言不盡。如佛所説四阿含經五部戒律, 彼説被小, 不得言頓。 説通始終, 終時所說, 不爲入大

復五時七階之言,亦是謬浪。

寅恪案,遠師學説,多與吉藏相近。 人秉五時之規矩, 格無方之聖化, 嘉祥著述如法華玄論壹所謂 妄謂此經,猶爲半字, 明因未圓,辨果不足。五時既

爾,四宗亦然。廢五四之妄談,明究竟之圓旨。

及法華遊意第肆辨教意門所謂:

等語,皆是。又窺基妙法蓮華經玄贊壹顯時機條略云: 方五時説 北土四宗論,無文傷義。昔已詳之, 今略而不述也。

破。

且略應止

基 然與諸祖先後同時諸大師中,亦有不以五時之説為然者。就吾人今日佛教智識論, 詁。以此推論, 宗之説, 何方面觀察評論之耳 出一源也。可知天台宗五時判教之義,本非創自天台諸祖,不過襲用舊說, 公大乘法苑義林章壹所引菩提流支法師別傳破劉虬五時判教之説,皆略同大乘義章之説, 一類學説 王輔嗣程伊川之注傳, 絶無歷史事實之根據。 皆中國人思想整理之一表現,亦此土自創佛教成績之一,殆未可厚非 則徐健庵成容若之經解,亦未必不於阮伯元王益吾之經解外,別具優點, 以歷史語言學論, 雖與易之本義不符,然為一種哲學思想之書, 其不可信, 豈待詳辨? 然自中國哲學史方面論, 凡南北朝五時 固為謬妄, 而以哲學思想論, 未始非進步者。 或竟勝於正 如易非 也。 而稍變易之耳。 則五時判教 嘗謂 世間 要在從 確之訓 筮象數 四

義林章宗鏡録 為翻譯之問 上所舉三事, 天台悉檀之説, 題。 二書也 凡此諸端,大乘義章皆有詳明正確之解釋,足見其書之精博, 為語言之錯誤。五時判教之説,為歷史之錯誤。 或勝於大乘法苑 慈恩末伽之説

又此書日本刊本, 其卷壹標題下,有:

草書惑人,傷失之甚。傳者必真,慎勿草書。

似亦為草書,殆當日傳寫佛典,經論則真書,而注疏則草書。其風尚固如是歟?因並附記 以質博雅君子。 「疏,其一即此書,惜未取以相校。觀日本刊本「慎勿草書」之語,則東國所據,最 六字。寅恪所見敦煌石室卷子佛經注 一疏,大抵草書。 合肥張氏藏敦煌草書卷子三種, 初中 土寫

(原載一九三〇年六月歷史語言研究所集刊第壹本第貳分)

# 禪宗六祖傳法偈之分析

神秀慧能傳法偈壇經諸本及傳燈録等書所載,其字句雖間有歧異之處,而意旨則皆相符會。

茲

神秀偈曰:

依敦煌本壇經之文,分析説明之。

身是菩提樹。心如明鏡臺。時時勤拂拭。莫使有塵埃。

慧能偈曰:

菩提本無樹。明鏡亦非臺。佛性常清淨。何處有塵埃。

心是菩提樹。身爲明鏡臺。明鏡本清淨。何處染塵埃。

又偈曰:

論者,即古今讀此傳法偈者衆矣,似皆未甚注意二事: 敦煌本壇經偈文較通行本即後來所修改者,語句拙質,意義重複,尚略存原始形式。 二偈中「心」「身」二字應須互易,當是傳寫之誤。諸如此類,皆顯而易見,不待贅言。 茲所欲討 至慧能第

金明館叢稿二編

(一)此偈之譬喻不適當。

請分別言之於下。 一)此偈之意義未完備。

何謂譬喻不適當?考印度禪學,其觀身之法,往往比人身於芭蕉等易於解剥之植物, 蘊俱空, 肉體可厭之意。此類教義為佛藏中所習見者,無取博徵。 請引一二佛典原文, 以説明陰 以見其

鳩摩羅什譯摩訶般若波羅蜜經貳肆善達品第柒玖云:

行如芭蕉葉,

除却不得堅實

又玄奘譯大般若波羅蜜多經肆柒貳第貳分善達品第柒柒之貳(即前經同本異譯)云: 如實知行如芭蕉樹, 葉葉析除 實不可得。

又鳩 摩羅什等譯禪秘要法經中云:

又沮渠京聲譯治禪病秘要經略云 先自觀身,使皮皮相裹,猶如芭蕉, 然後安心。

次觀厚皮九十九重,猶如芭蕉。次復觀肉,亦九十九重,如芭蕉葉。中間有蟲,細於秋

蟲各四頭四口九十九尾。次當觀骨,見骨皎白,如白瑠璃。九十八重,四百四脈入其骨 流注上下,猶如芭蕉。

婆尸至釋迦牟尼,皆坐於一定之樹下,成最正覺。其關於釋迦牟尼之文句,茲遂録於下: 據此,可知天竺禪學觀身取譬之例。至於傳法偈中所謂菩提樹者,乃一樹之專稱,釋迦牟尼曾 而成正覺者。依佛陀耶舍共佛念譯長阿含經壹第壹分初大本緣經所載,先後七佛自 毗

我今釋迦文。坐於鉢多樹。 我今如來至真坐鉢多樹下, 成最正覺。佛時頌曰:

玄奘西域記捌摩揭陀國上云:

坐其下,成等正覺, 金剛坐上菩提樹者,即畢鉢羅之樹也。昔佛在世,高數百尺。屢經殘伐,猶高四五丈。佛 因而謂之菩提樹焉。莖幹黄白,枝葉青翠,冬夏不凋,光鮮無變。

據此, 體之教義。此所謂譬喻不適當者也。 可知菩提樹為永久堅牢之寶樹, 决不能取以比譬變滅無常之肉身,致反乎重心神而輕肉

意義不完備者也 照。今偈文關於心之一方面, 言及譬喻。 何謂意義未完備?細繹偈文, 無論其取譬不倫, 即使比擬適當,亦缺少繼續之下文,是僅得文意之一半。此所謂 已將譬喻及其本體作用敍說詳盡, 其意在身心對舉。 言身則如樹, 分析皆空。心則如鏡, 光明普 詞顯而意賅。身之一方面 僅

此 此偈中關於心之部分,其比喻及其體用之説明,佛藏之文相與類似者不少。茲僅舉其直接關係 作者藝術未精,空疏不學,遂令傳心之語,成為半通之文。請略考禪家故事,以資説明。 然則此偈文義何以致如是之乖舛及不具足乎? 應之曰:此蓋襲用前人之舊文,集合為一偈,而 事,即神秀弟子淨覺所著楞伽師資記中宋朝三藏求那跋陀之安心法。其原文云:

亦如磨鏡。鏡面上塵落盡,心自明淨。

故須依師言教 背境觀心,息滅妄念,念盡即覺悟, 無所不知。

此即宗密禪源諸詮集都序貳敍禪宗之息妄修心宗,

所謂:

者是也。凡教義之傳播衍繹,必有其漸次變易之蹟象,故可依據之,以推測其淵源之所從出, 如鏡昏塵,須勤勤拂拭, 塵盡明現,即無所不照。

及其成立之所以然。考續高僧傳貳伍習禪六曇倫傳(江北刻經處本)略云:

也。異時[端禪師]告曰,令汝學坐,先淨昏情。猶如剥葱,一一重重剥却,然後得淨。 曰,汝繫心鼻端,可得静也。倫曰:若見有心,可繫鼻端。本來不見心相,不知何所繫 釋曇倫姓孫氏, 汴州浚儀人。十三出家, 住修福寺, 依端禪師。然端學次第觀, 便誠倫 倫

曰,若見有葱,可有剥削。本來無葱,何所剥也。

言 擬既切,語意亦完。今神秀慧能之偈僅得關於心者之一半。其關於身之一半,以文法及文意 失其本旨矣。蓋曇倫學禪故事原謂本來無葱,故無可剥。本來無心,故無可繫,身心並舉,比 常服食之葱。 能之偈必從此脱胎, 據續高僧傳,曇倫卒於武德末年,年八十餘。則其生年必在魏末世。故以時代先後論, 源於先代, 證以禪門舊載, ,俱不可通。然古今傳誦,以為絶妙好詞,更無有疑之者,豈不異哉! 予因分析偈文内容! 即文詞故實亦莫不掇拾前修之緒餘,而此半通半不通之偈文,是其一例也。 可謂能近取譬者也。若復易以「冬夏不凋,光鮮無變」之菩提寶樹, 為之説明。使參究禪那之人,得知今日所傳唐世曹溪頓派, 可無疑義。 芭蕉為南方繁茂之植物, 而北地不恆見。 端禪師 匪獨其教義宗風溯 因易以北地日 則比擬不倫 神秀慧

原載一九三二年六月清華學報第柒卷第貳期)

# 有相夫人生天因緣曲跋(「有相」寫本多為作「有於」)

北當日民間盛行之故事,歌曲畫圖,莫不於斯取材。今觀佛曲體裁, 鳴大莊嚴經論之支流, 柏林人類學博物館土魯蕃部壁畫中有歡喜王觀有相夫人跳舞圖。可知有相 品 伍入宫門學處第捌貳之貳仙道王及月光夫人事,亦與此同。梵文 Divyāvadāna 第叁柒 尼之名亦相同。 (見一九零七年通報 Prof. Sylvain Lévi 論文),西藏文甘珠爾律部卷玖, 魏吉迦夜曇曜共譯之雜寶藏經卷拾,優陀羨王緣有相夫人生天事,適與此合。石室比丘 氏藏敦煌石室寫本佛曲三種(見敦煌零拾卷肆),其第叁種,貞松先生謂不知演何經。 惟國 王名稱異, 近世彈詞一體,或由是演繹而成。此亦治文化史者,所不可不知者也。 或別有所本, 未可知也。又義淨譯根本説 殆童受喻鬘論, 均載此事。 夫人生天因 切有部毘奈耶卷肆 Rudrāyana 即所謂馬 緣, 寅恪曾見 為西

## 須達起精舍因緣曲跋

謂不知演何經。寅恪詳繹其内容,蓋演須達起精舍因緣中舍利弗降伏六師一節也。 上虞羅氏所藏敦煌石室唐寫本佛曲第壹種(見敦煌零拾四之一),首尾俱殘闕不完。雪堂參事丈

檢賢愚經拾(大正大藏本)須達起精舍品肆壹所載: 正使此輩, 六師之衆, 滿閻浮提, 數如竹林,

切都集。六師徒衆,有三億人。是時人民,悉爲國王及其六師,敷施高座。爾時須達,爲 城外寬博之處,與沙門較。舍衞國中,十八億人,時彼國法,擊鼓會衆。若擊銅鼓,八億 人集。若打銀鼓,十四億集。若振金鼓,一切皆集。七日期滿,至平博處,椎擊金鼓, 意。國王是時,告諸六師,今聽汝等,共沙門較。是時六師,宣語國人,却後七日, 而作是念, 而施高座。時舍利弗, 此會大衆,習邪來久,憍慢自高,草芥羣生,當以何德,而降伏之。思惟是 須達歡喜, 更著新衣, 沐浴香湯, 即往白王, 我已問之, 六師欲較, 在一樹下, 寂然入定, 諸根寂默, 遊諸禪定, 不能動吾足上一毛,欲較何等, 恣隨其 當於

嵐風,吹拔樹根,倒著於地,碎爲微塵。衆人皆言,舍利弗勝,今勞度差便爲不如。又復 剛杵,遥用指之,山即破壞,無有遺餘。衆會皆言,舍利弗勝,勞度差不如。 時舍利弗, 衆會,枝葉鬱茂,華果各異。衆人咸言,此變乃是勞度差作。時舍利弗,便以神力,作旋 形容,法服有異,及諸六師,忽然起立,如風靡草,不覺爲禮。時舍利弗便昇須達所敷之 自知無術,僞求較能,衆會既集,怖畏不來。王告須達,汝師弟子,較時已至,宜來談 切大衆,當爲我禮。爾時六師,見衆已集,而舍利弗,獨未來到,便白王言,瞿曇弟子, 當以二德,即立誓言,若我無數劫中,慈孝父母,敬尚沙門婆羅門者。我初入會,一 六師衆中,有一弟子,名勞度差,善知幻術。於大衆前,咒作一樹,自然長大,蔭覆 泉池樹木,華果茂盛。衆人咸言,此是勞度差作。時舍利弗即便化作金剛力士, 更整衣服, 是時須達,至舍利弗所,長跪白言,大德!大衆已集,願來詣會。時舍利弗,從禪定 其池四面,皆以七寶,池水之中,生種種華。衆人咸言,是勞度差之所作也。 並含其水,池即時滅。衆人悉言,舍利弗勝,勞度差不如。復作一山, 化作一大六牙白象, 其一牙上, 有七蓮華, 一一華上, 有七玉女。其象徐詳, 以尼師壇,著左肩上,徐詳而步,如師子王,往詣大衆。是時衆人,見其

故寅恪頗疑此殘卷卷首第壹之「毛」字,或即「不能動吾足上一毛」之「毛」字。考巴利文增一阿含

dhi-Mantānam Yadidam Mahā Moggallāno 故目連神通事蹟,多散見於諸經典,而舍利弗之以神 經 Auguttara-Nikāya (英倫巴利學會本)第壹篇 Eku-Nipāta 第壹肆品 Etadagga-Vagga 列舉釋迦牟 三藏瞿曇僧伽提婆譯增一阿含經貳玖(大正大藏本)所載 尼諸大弟子品德,稱舍利弗為大智慧,大目犍連具神通。Mahāpannānam-Yadidam Sariputto Id-則降伏六師, 見於賢愚經須達起精舍緣品外,尚有以腰帶與目連較力事, 見東晉罽賓

將詣阿耨達泉。 時起者,吾當捉臂,將詣彼泉。是時舍利弗便作是念曰,目連方便試弄吾耳。 是時目連復重語曰,云何舍利弗神足之中,能勝吾乎?然今先遣使在前耶?若舍利弗不 躬解竭支帶在地,語目連曰,設汝神足第一者,今舉此帶,使離於地, 是時目連復作是念,今舍利弗,復輕弄我,將欲相試乎? 然後捉吾臂 爾時尊者舍

移,當舉此帶時,此閻浮地大震動。 使動。是時舍利弗取此帶繫著閻浮樹枝。是時尊者目連,盡其神力,欲舉此帶,終不能 今解帶在地云, 即時申手, 能舉者然後捉吾臂將詣泉所。是時目連, 而取帶舉,然不能使帶移動, 如毫釐許。 是時目連盡其力勢, 復作是想, 此必有因事不可苦 移此帶

及鳩摩羅什譯大智度論肆伍(大正大藏本)所載:

舍利弗見目連貴其神通,即以腰帶擲地語言,汝舉此帶去。目連以兩手舉帶, 不能離地

即 入諸深定舉之, 地爲大動, 帶猶 著地。

遊記 今取 小説, 此佛典 載 (與賢愚經原文較,已足見演經者之匠心,及文學 唐三藏車 遲 國鬭法事 ,固與舍利弗降伏六師事同。又所述三藏弟子孫行者豬 藝術 漸 進之痕跡, 而今世通行之西

證者採覓焉。戊辰元夕義寧陳 寅恪

等,各矜智能諸事,

與舍利弗目

犍連較力事,

或亦不無類似之處。

因併附記之,

以供治小説考

八戒

(原載一九二八年十月清華學校研究院國學論叢第壹卷第肆

倫敦博物館藏敦煌本唐梵翻對字音心經一卷,前有序文,題:

西京大興善寺石壁上録出,慈恩和尚奉昭 (韶)述。

觀自在菩薩與三藏法師玄奘親教授梵本,不潤色。

序文後附不空譯蓮花部等普讚三寶梵文對音一節。又經名題下注云:

寅恪嘗取此本與今存諸梵文本及譯本校讀一過,其異同已別於學校講授時詳言之。茲不贅述。 間 部等普讚三寶梵文對音之不空,即居於此寺。今本又列對音三寶讚於此本心經序文及本文之 中文,意義往往譌舛,句讀離析,亦多未當。又與玄奘譯本之文詳略互異,其非出於華梵兼通 惟此本對音,自「尾儞也乞叉喻」至「只哆囉孥」一節重複,當是傳寫之誤。而梵文對音下所注之 逐字注之,以不解梵語文法,故多謬誤也。此本心經之序,既稱録自西京大興善寺,而譯蓮花 之大法師如慈恩其人者,固不待言。疑此本梵文對音,雖受自西僧,而此土學侣取漢譯之義 ·。或者對音三寶讚與此本心經俱出於不空之手數?

序文中所紀此經傳授始末, 頗為詭異, 似不可信, 然亦有所本。 大慈恩寺三藏法師傳壹 六:

服飲食之直。 莫賀延磧長八百餘里, 音菩薩及般若心經。 病者慚愧 古日沙河。 乃授法師此 初法師在蜀, 上無飛鳥, 經。 見一病人身瘡臭穢, 因常誦習。 下無走獸, 至沙河間, 復無水草。是時 衣服破污, 逢諸 悪鬼 愍將向寺, 顧影, 奇狀 異類 唯一心但 施與衣

人前後, 雖念觀音,不得全去,即誦此經, 發聲皆散。 在危獲濟, 實所憑焉。

釋真空實卷, 摩竭陀國那爛陀寺,現身昇空等靈異 可知裝公與此經原有一 西遊記等書所從出也。 段因緣。若序文中所言觀音化身, 保衛行途, 則皆後來附益演變之神話故事, 取經滿願, 即唐三藏取經詩 後復於中天竺

銷

又陸放翁 入蜀記伍 A

乾道五年九月一十三日泊 柳子, 夜過全證二僧舟中, 聽誦梵語般若心經。 此經 惟 蜀僧能

往見之,

固無足異

也

據此, 受梵本心 西蜀 )經於成都,未嘗不可信。其度磧所遇鬼怪, 會有梵語般若心經之本, 必為前代傳授之舊,至南宋時僧徒猶能諷誦。 乃沙漠空氣之幻影。今日旅行其地者, 然則慈思之

寅恪所見敦煌本中文金光明經冥報傳(合肥張氏所藏)西夏文之譯本(北平圖書館藏)及畏兀吾文

常經典序文目之也。復次,太平廣記壹佰貳至壹佰捌報應類壹至柒金剛經條,壹佰玖報應 之序文而別行者。寅恪初不知廣記諸條之來源, 法華經條 二十四年普魯士科學院哲學歷史組壹柒報告), 風尚 本(俄國科學院佛教叢書第壹柒種),皆取以冠於本經之首。 歷敍 以告世之研究小説源流者。 )姻緣,盛談感應,乃一變相之冥報傳。實考證玄奘取經故事之重要材料, ,壹佰拾至壹壹壹報應類玖觀音經條等故事,當皆取自金剛經、法華經、 取果報故事與本經有關者, 編列於經文之前, 雖殘闕不完,以體例推之, 茲因讀此敦煌卷子, 始豁然通解, 以為流通之助。由是言之, 吐蕃文金剛 經冥報傳(一千 應亦相 觀音 此 同 殊未可以 故並附及 本心 經 斯 卷首 類捌 九百 經序 蓋當 尋

原載一九三〇年十二月清華學校研究院國學論叢第貳卷第貳

附

俞樾春

在堂隨筆玖

云

般若波羅蜜多心經云, 色不異空, 空不異色。 色即是空, 空即是色。 余謂 既云不異

引支道林即色論妙觀章云,夫色之性也, 不必更云即是矣。 誦此經者, 人人皆以此四句爲精語, 不自有色, 色不自有, 實複語也。 雖色而空。 及讀世說文學篇注 故曰,色

即爲空,色復異空。此二句語簡而意賅,疑經文本云,色即是空,空即是色。色復異 空復異色。蓋即 金剛經非法非非法之旨。所謂無實無虚也。余於金剛經注言之詳

譯者誤

生精通中國訓詁古文章句之學,此條乃拘於中文範圍,故有此誤説耳。時代囿人,不足為 蓋宣傳宗教,不厭重複。梵文諸經本中,往往有 Peyala 或作 pya.即重誦三遍之意。 寅恪案, 今心經梵文原本尚存,「色不異空」一節,共有六句。玄奘譯為四句,已從省略。 曲園先

病也。

(一九六五年六月)

唐道宣大唐內典録拾歷代所出疑偽經録(唐智升開元釋教録壹捌偽妄亂真録同)載有 號法句經疏一卷,今俱刊入大正續藏疑似部中,寅恪取閱之,了無精義,蓋偽經之下品也。 辯注及斯坦因第貳仟貳壹號佛説法句經一卷。又巴黎國民圖書館藏敦煌寫本伯希和第 倫敦博物館藏敦煌寫本斯坦因第貳肆柒肆號佛為心王菩薩説投陀經卷上一卷五陰山 室寺禪 貳 叁貳 師

伍 惠

法句經兩卷(下卷寶明菩薩)。

又鐵琴銅劍樓本白氏文集貳和答[元微之] 詩十首之一和思歸樂云 其實明菩薩之語,與此法句經所載符會,然則經文雖偽撰,而李唐初葉即已流行民間矣。

身委逍遥篇,心付頭陁經。

局書壹肆和[元微之]夢遊春詩一百韻結句云:

自注云:

微之常以法句及心王頭陀經相示,

寅恪昔日讀白詩至此,以未能得其確詁為憾。 故申言以卒其志也 今見此佚籍, 始知白詩之心王

之佛為心王菩薩説投陀經, 至其所謂法句經,

藏所收吳晉以來相傳之舊本也。特為記之,以告同讀香山詩者,此或亦今日老嫗之所不能解者

即敦煌寫本之偽法句經,復是一

偽書,

而非今佛

頭陀經即敦煌寫本

(原載一九三九年十月歷史語言研究所集刊第捌本第壹分)

敦煌零拾之三種佛曲皆屬此體,

似不如逕 演義

稱之為

經舊

見

小説

文體

然古杭夢餘録武林舊事等書中本有説

原式,仍用散文詩歌合體者,

則為今日之彈

佛典製裁長

演

此 偶

敦煌本維摩詰經文殊師利問疾品演義跋

斯 原始之形式,及其嬗變之流別,故為中國文學史絕佳資料。考佛教初起,其教徒本限 那共 家?斯那答言:譬如此去三千餘里,若遣少健,乘馬齎糧, 漸推及於在家之居士。北魏吉迦夜曇曜共譯之雜寶藏經玖難陀 何者得道?斯那答言:二俱得道。王 復問、 捉於器仗 言:若俱得道, 得速達不? Ŧ 於出家之 何 與 王答 必出 那伽

不達,況無糧也。斯那言:出家得道,喻如少壯,在家得道,如彼老人。 斯那復言:若遣老人,乘於疲馬,復無糧食,爲可達不?王言: 縱令齎糧,猶恐

法,以香華散著其身,雖以神力去之而不得去,復轉之使為女身。然則淨名之宅神, 據此 大弟子, 盡其玩弄遊戲之能事, 舍利弗者,佛弟子中智慧第一之人。維摩詰宅神之天女以智辯窘之,甚至故違沙門戒 其神通道力, 遠過於諸菩薩聲聞等。佛遣其大弟子及彌勒佛等往問其疾, 則同為佛教信徒,出家在家之間,未嘗無階級高下之分別也。若維摩詰者,以一 其程度高下有如是者。故知維摩詰經之作者,必為一在家居士,對於出家僧侣,可謂 實佛藏中所罕見之書也。唐復禮十門辯惑論通力上感門云: 竟皆辭 與釋迦之 避 在家之 而不

竊見維摩神力, 獨以卑移尊, 於理非順,實亦佛與菩薩, 掌運如來,但十地之觀, 尚隔羅縠, 豈無等差,如有等差,安能運佛?如無等差, 如何一掌之内,能容十號之尊乎?非

#### 又云

維摩羅詰者,示居家而弘道,不思議道利用無方,是以五百聲聞,咸辭問疾;八千菩薩, 莫能造命。 彌勒居一生之地, 服其懸解;文殊是衆佛之師,謝其真入。

可知維摩詰經紀其書中主人之神通道力,逾越恆量,故與其他經典衝突,宜乎復禮釋權

觀此,

一之十疑以之為首也。夫大乘佛典之編纂,本後於小乘,而維摩詰經者,又為更後 否則在家居士豈能凌駕出家僧侣之上,如淨名經之所紀者乎?蓋當此經成書之時 已不盡出於出家僧侣之手,即在家居士,亦有從事於編纂者, 期之著 佛教經

斯其明證也。

摩詰故事在印度本國之起源,不可詳考。

玄奘大唐西域記柒云

吠舍釐國有窣堵波, 傳云積 即無垢稱長者現疾説法之處云。去此不遠有窣堵波,長者子寶積故宅也。 是毗摩羅詰故宅基址,多有靈異。去此不遠, 有一神舍,

又法苑珠林貳玖聖蹟部略云:

寺東北四里許有塔,是維摩故宅基, 方丈之室也。 於大唐顯慶年中物使衛長史王玄策因向印度,過淨名宅, 並長者寶積宅,菴羅女宅, 尚多靈神。其舍壘甎,傳云積石,即是説法現疾處 佛姨母入滅處,皆立表記。 以笏量基, 止有十笏, 故號

凡地方名勝古蹟,

流 或神話先已傳播於社會,然後始能産生。據玄奘之記載,可知維摩詰故事, 維摩詰 行之故事也。今僅於中文之資料考之,亦可略見其在印度本國變遷滋乳之始末焉。 共十三品, 其書譯於中國北宋之世。中文先後凡數譯, 即後漢嚴佛調譯古維摩經一卷. 經梵本今日或尚存在,以未得見,故不置論。藏文正藏中有法戒譯聖無垢稱所説大乘經 固不盡為歷史事實, 亦有依託傅會者。但依託傅會之名勝古蹟, 在印度當時 要須此故事 必

奘 譯 説 絶, 佚。西晉竺 廣佈人間 吳支謙 無垢稱經六卷,今存。自後漢至北宋時將千載, 叔 譯 繭 可以推知。然此但就維摩詰居士本身,及維摩詰經本經言之耳。 譯毗摩羅詰經 維摩詰説 不思議法門經 三卷, 今佚。後秦鳩摩羅什譯維摩詰 二卷, 今存。西晉竺法護譯維摩詰 而此 經 屢經 所説經 多譯, 三卷, 所説 則梵 法門經 此經 文原 今存。 本流 鳩 及唐玄 摩羅什 卷, 傳不

僮 [僕象馬車乘皆何所在?於是維摩詰以偈答曰 時 會中 有菩薩名普現色身問維摩詰言: 居士父母妻子親戚眷屬吏民智識悉爲是誰

本佛道品

Z.

智度菩薩母, 方便以爲父, 一切衆導師, 無不由是生。

法喜以爲妻,慈悲心爲女,善心誠實男,畢竟空寂舍。

弟子衆塵勞,隨意之所轉,道品善知識,由是成正覺。

是此經作者之原意,維摩詰居士實無眷屬,故於方便品雖言諸度法等侣,四攝爲伎女,歌詠誦法言,以此爲音樂。

其現

有

眷

屬

而

佛道

品

則

據此

皆紀維摩詰 其父母 妻子 摩詰 子事,是維摩詰實有子矣。 悉託之抽 子問經 象名詞, 卷, 絶非 梁月婆首那譯 謂具體之人也。 大藏中復有隋耆那崛多譯月上女經 大乘 頂 而今大藏中 王 經 一卷, 有西晉竺法護譯佛教大方等 隋耆那 堀多 一卷, い譯善 思童子 紀維摩詰女月 經

詰實有妻矣。諸如此類,皆維摩詰故事在印度本土自然演化滋乳之所致,而自翻譯輸入支那之 上事,是維摩詰實有女矣。又月上女經卷上云:「其人(指維摩詰言)有妻,名曰無垢。」是維摩

後,其變遷程序亦有相似之蹟象焉。隋吉藏淨名玄論貳云:

(慕)。母姓釋氏,名喜,年十九嫁。父年二十三婚,至二十七於提婆羅城內生維摩。 佛譬喻經云:淨名姓碩(?),名大仙,王氏。别傳云:姓雷氏, 父名那提, 此云智基

有子字曰善思,甚有父風,佛授其記,未來作佛。别有維摩子經一卷,可尋之也。

又嘉祥維摩詰經義疏壹云:

舊傳云:佛譬喻經説,淨名姓王氏。别傳云:姓雷氏。祖名大仙。父曰那提,此云智慕。 母姓釋氏,字喜,十九嫁。父二十三婚。子曰善思,甚有父風,如來授記,未來作佛。吉

又唐復禮十門辯惑論通力上感門末云:

藏未得彼經文也

亦將金粟之名,傳而有據者也。

下注云:

吉藏師云:金粟事出思惟三昧經,自云未見其本。今檢諸經目録,無此經名。竊謂西國有

敦煌本維摩詰經文殊師利問疾品演義跋

東方未譯者矣。

又文選王簡棲頭陀寺碑文云:

金粟來儀。

李善注云:

發迹經曰: 淨名大士是往古金粟如來。

寅恪案,唐道宣續高僧傳壹壹吉藏傳云:

皆收聚, 在昔陳隋廢興,江陰凌亂, 置於三間堂内。及平定後,方洮簡之,故目學之長,勿過於藏。 道俗波迸,各棄城邑,乃率其所屬,往諸寺中, 但是文疏 並

然則嘉祥為當時最博雅之大師,而關於維摩詰之經典,如佛譬喻經及思惟三昧經皆所 洽之學人,亦不得窺見。蓋維摩詰經本一絕佳故事,自譯為中文後, 有,顯出於中國人之手,非譯自梵文原經。雖流佈民間,而不列於正式經典之數。所以一 等為同類之書,亦嘉祥之所未見。因知此類經典,所記姓氏,如王氏雷氏等, 最流行之金粟如來名詞, 所紀内容,雖有武事哲理之不同, 各繫以事蹟, 與其在天竺本土者, 復不知所出。李崇賢文選注所引之發迹經, 實等於 不期而闇合。 一姓之家傳, 而其原始流別及變遷滋乳之程序, 即原無眷屬之維摩詰 而與今日通行小説如楊家將之於楊氏, 遂盛行於震旦。其演變滋 今已不存, 為之造作其祖及父母妻子 必非 疑與 頗復相似。 印 征東征西 佛譬喻經 未 度所能 代博 即

之士也。 更推 並 行。 論之, 亦 猶説 當六朝之世 外國輸 則印 唐 小英雄傳小五 入者, 而以文學流別言之, 度之頂 由維摩詰故事 如頂王經等, 王經月上女經, 義以及重夢後傳之流, 則為同類之著作。 至今流傳不絕。 而演變滋乳之文學,有印度輸入品與支那自製 六朝之佛譬喻經思惟三昧 與其本書正傳之比。 本土 然此 自製者 祇可為通 經等, 如佛譬 識者道 雖 與 喻經等 維 為方等之 摩 Ifij 詰 不能 經 品 喻於拘 本 聖 經之 典 方 關 相

聞

以

同

類之書,

千歲而後,

其所遭際殊異至此

誠

可謂

有幸有不幸者矣。

乏幽渺之思, 者, 見 維 有 語 感 石 遮傳 録並 刻 摩 生吞活剥之嫌 謂 然敦 復遞 吾 故 冥 國 元 摩 煌 曲 相 小説 事之見於美術 、報記等濫俗文學。惜乎近世小説雖多, 詩示疾 仿效, 中 淨名故事縱盛 本, 龐 大抵為佛 居士及其女靈照故事, 像), 尚在人間(伯希 實可視為用中國紡織 其藝術得以隨 品者, 當時文化藝術藉以想像推 教化。 行於 若楊惠之之所塑(鳳翔) 一時, 時代而改進, 六朝維 和 敦煌攝影集第壹册第壹壹片), 品裁製之「布拉吉」。 乃印度哲理化之中國作品 而陳義過高 摩詰 故事 當更勝於昔人。 與此 之佛典, 知, 終不適於民族普通心 經有關 天柱寺), 故應視為非文字之史料, 實皆哲理 東施效顰 係者,殊為罕見。豈 此類改 即 但觀其 蘇子瞻之所詠, 雲岡 小説之 進之作品, 終為識者 石刻, 理所致 八内容 變相。 猶存代 而與 摹擬 自 所笑也。 耶?或謂 以支那民 今已不 假使 必 此 過甚 有 演 後 以 雲 他 可得 來作 義 禪 族 異 殘 於

卷 可 以 4 相 證 發 明 者 世

又北 經 頌 京 卷。 圖 後者以 館 藏 敦 五 煌 言律 卷 子 :句十四首, 中 有

維 摩 詰

經菩

薩 品 持 世

菩薩對

學

也。

附識

於此

以俟考

證

焉

分詠全經各品之義,

未知何人所作, 佛不任問疾一節,

亦維摩詰經之附

俗

文一卷及維

摩

(原 載一九三〇年五 月歷史語言研究所集刊 第貳 本第壹分)

其為何種經典。後王君取其文字之真確可識及疑似參半者,皆注譯之,持以見示。 片。(Innermost Asia, vol. III, Plates)標題品目既未獲覩, 書中亦有此經。據 A.A.Dragunov 君鈔寄之目録,其第壹種即是此經。至其與此殘本異同如何 得與其相當之中文原本卷帙品目及文句之所在,而譯夏為漢之工事,得此憑藉,遂可比勘參 茲取此西夏譯文殘本與中文原本相應之卷帙品目,條列於下,以備參考。至漢夏原本及譯 因未得見,不敢確言。以意揣之,當無差別。西夏佛經多自中文迻譯,而俄國所藏此經之名為 西夏文大般若波羅蜜多經殘本,王靜如君已別為譯證。俄國科學院亞細亞博物館所藏西夏文 定其異同。 異,悉載王君所為譯證中,不復具詳於此焉 可知西夏譯本亦從中文玄奘本所轉翻也。 雖此殘本卷帙至少,然因是亦略有發明,斯固治西夏學者之一快也。 寅恪所見西夏文殘本, 前後首尾復不完具,故初亦未能定 僅據 斯 於是漸次 坦 大 書之影 推

(一)斯氏影片 CXXXVI (右下)K.K.V.b.022.a 為大般若波羅蜜多經第壹玖陸卷初分難信解品第

品第叁

叁肆之壹伍,即大正藏第伍卷第壹零叁零頁上第壹玖行至中第壹行 (一)斯氏影片 CXXXXVII (右上)K.K.V.b.04-b 為大般若波羅蜜多經第貳佰卷初分難信解

肆之壹玖,即大正藏第伍卷第壹零柒肆頁上第貳柒行至中第玖行。(此片中文原出卷數品名及

文句為王君所檢出,不敢掠美,附此聲言。)

(三)斯氏影片 CXXXVI (左下)K.K.V.b.023e.I 為大般若波羅蜜多經第叁伍叁卷初分多問不二品

第陸壹之叁,即大正藏第陸卷第捌壹肆頁下第壹柒行至第貳柒行。 四)斯氏影片 CXXXVI (左下)K.K.V.b.023e.II 為大般若波羅蜜多經第叁伍捌卷初分多問不二

品第陸壹之捌,即大正藏第陸卷第捌肆伍頁中第貳伍行至第貳玖行。

寅恪嘗讀慈恩法師傳拾略云:

大,學徒每請删略。法師將順衆意,如羅什所翻,除繁去重。作此念已,於夜夢中,即有 向諸衆説, [顯慶]五年(西曆六六○年)春正月一日,起首翻大般若經,梵本總有二十萬頌。文既廣 供養諸 以相警誡。 還依廣翻。 佛。 或昇高座, 夜中乃見諸佛菩薩眉間放光,照觸己身,心意怡適。法師又自見手 或見乘危履險,或見猛獸搏人。流汗顫慄,方得免脱。覺已驚懼 爲衆説法。 多人圍繞, 讚嘆恭敬。 或夢見有人奉已名果

覺而喜慶,

不敢更删

一如梵本。然法師翻此經時,

汲汲然恒慮無常。謂諸僧曰,玄奘今

勤,勿辭勞苦。至龍朔三年(西曆六六三年)冬十月二十三日方乃絶筆。合成六百卷。稱爲大 年六十有五,必當卒命於此伽藍。(寅恪案,指玉華寺。)經部甚大,每懼不終。人人努力加

般若經焉

此經為大藏中卷帙之最富者。若非慈恩忍死從事,歷四載之久,必不能成此鉅工無疑也。 熙時葛鱔所著般若綱要,自述原起云:

散如客,親者疑訝。已畢事之日,矻矻乍解,胸臆如釋去一物,身心大休,頗爲罄快。是 年。)除月告竣。其間病疽病脱,心則無輟。從事大經,恰得二年,而以夜分計之,實爲 晚忽下停淤數升,而神思略無困倦。自念大經六百卷,閱時亦不下六百日。 鍵户,以闕自限。惟二時飯粥,間歇少傾,即二淨亦不遠左右。後圃草色, 三載。此一時中,更無雜想縈繞,亦止餘經兼進。因茲多病,恒慮無常,誓欲徹通晝夜, 遂於己酉(康熙八年。西曆一六六九年。)新正開經,迄今庚戌(康熙九年。西曆一六七〇 吹燈起坐,雞聲月色,領納甚親。或時紙窗色青,短檠發赤,投筆而起。至於居恒 當夏候曉,露坐庭除,冷泉盥漱,便復開卷,日射几席,乃復入户。冬夜熟睡 室邇 偶唱

譯大般若波羅蜜多經,因取六百卷之大經,反覆檢閱,幸而得其與西夏譯本相應之處。此經意 據此,則六百卷之大經,譯之者固甚難,而讀之者復不易也。寅恪初察此殘本内容,頗類玄奘

文 義既 誠相比並,然此中甘苦,如人飲水,冷煖自知,亦有未易為外人道者也。今幸王君得以考定其 品。往往掩卷躊躇,廢書歎息。故即此區區檢閱之機械工作,雖絕難與昔賢翻譯誦 故比勘異同印證文句之際, 詳載所著譯證, 有重複,文句復多近似。當時王君擬譯之西夏文殘本,仍有西夏原字未能確定及無從推 寅恪更就此殘本西夏文字中關於譯漢為夏者,拈舉二事,以質正於世之治 常有因一字之羨餘,或一言之缺少,亦須竟置此篇 讀之勤 別 苦精 尋他 知

#### (一) 州

夏學者。

名詞 字,又第柒行之第拾字及第壹壹字,又第玖行之第壹陸字與第拾行之第壹字,皆是此 斯氏影片CXXXVI(右下)K.K.V.b.022.a 第貳行之第玖字及第拾字,又第肆行之第肆字及第伍 書類編第貳伍頁第肆行)。 大般若經中文「有情」之譯語也。但西夏文妙法蓮華經以此名詞譯中文之「衆生」(見羅氏西夏國 有情」一名詞 中國舊譯 交互雜用, 為「衆生」。 蓋「有情」與「衆生」其意義原無二致也。所可注意者, 不復分別。 玄奘新譯為「有情」。 如金光明 最勝王經貳「夢見懺悔品」之頌云: 其後若義淨所譯 金光明 最勝王經 梵文 則衆生 Sattva 名詞 即

當願拔衆生。令離諸苦惱。願一切有情。皆令住十地。

為此二名詞,意義既悉相等,無庸強為分別,譯以不同之語。 明最勝王經為藏文,不論中文原本作「有情」或「衆生」, 據梵文金光明經原本「衆生」「有情」,俱作 Sattva,義淨所以譯以不同之中文名詞者, 意義 相同, 不妨並用,以免文字之重複也。 考唐代吐蕃翻 一概以藏文之 Sems-can 譯之, 法成如此翻譯, 自有其 經大德法成譯 義淨中 理 蓋 其意殆以 文本金光 由。 天 此

及留舍利令諸有情恭敬供養,及留舍利普蓋衆生。

北平圖書館藏有西夏譯義淨本金光明最勝王經殘本,其卷壹如來壽量品中略云:

據此 史中一重公案也。 依字直譯為夏文。此種翻譯方法,可謂採純粹形式主義,與法成譯漢為藏之方法不同。 金光明最勝王經之人。故此二者之優劣得失,實為翻譯事業不易解决之問題,又不僅漢夏譯經 夏文大般若經殘本,以飜點為中文「有情」之譯文,則其譯者之旨趣與其所用方法,當有異於翻 其「有情」二字,西夏文為「膬(情) 煮(有)」。其「衆生」二字,西夏文為「硫 則金光明最勝王經西夏文譯者,譯漢為夏時,凡中文原本之名詞,其義同 而字異者 (衆)對(生)」。 今此 旧 西

### ) 頒

斯 氏影片CXXXVI(左下)K.K.V.b.023e.I.第叁行之第壹肆字及第壹伍字,又第柒行之第壹伍字

pa也。 與中國及西藏之翻譯此名詞,皆不相同。以意揣之,殆「無上」一名詞,其所含「無更上」之義 在西夏語言中, 尚未甚習慣 西夏文此經譯自中文,不依原本直譯作「無上」,而譯作「最上」,捨形譯主義,而取意譯主義 比較級 (Comparative degree )為 uttara。若於 uttara 之前加以「無」意之 an,則成 anuttara。其義 若波羅蜜多經原本作「無上」,即梵文之 anuttara,(中文音譯為「阿耨多羅」)藏文之 Bla-na-med. 及第壹陸字,又第玖行之第玖字及第拾字,皆是此名詞。直譯之,則為「最上」之義。中文大般 「無更上」。故此名詞就文法形式論,為比較級。其意義則為極高級。此讀佛典者所習知也。今 考梵文 uttara 一語,本出於 ud。以文法言,其極高級 (Superlative degree )為 uttama。其 ,故須改譯,以免誤會敷?特識於此,以俟推證。

(原載一九三二年歷史語言研究所單刊甲種之八西夏研究第壹輯

## 西遊記玄奘弟子故事之演變

演義諸書,益知宋代説經,與近世彈詞章回體小説等,多出於一源,而佛教經典之體裁與後來 印度人為最富於玄想之民族,世界之神話故事多起源於天竺,今日治民俗學者皆知之矣。自 小説文學, 教流傳中土後, 蓋有直接關係。此為昔日吾國之治文學史者,所未嘗留意者也。 印度神話故事亦隨之輸入。觀近年發現之敦煌卷子中,如維摩語經文殊問 疾品 佛

僧祐出三藏記集玖賢愚經記云:

據此, 以此推之,可知當日中央亞細亞說經,例引故事以闡經義。此風蓋導源於天竺, 故今大藏中法句譬喻經等之體制, 緣分聽,於是競習胡音,析以漢義。精思通譯,各書所聞。還至高昌, 遮于瑟者, 河西沙門釋曇學威德等凡有八僧,結志遊方,遠尋經典, 則賢愚經者,本當時曇學等八僧聽講之筆記也。今檢其內容,乃一雜集印度故事之書。 漢言五年一切大衆集也。 實印度人解釋佛典之正宗。此土釋經著述, 三藏諸學各弘法寶, 於于闐大寺遇般遮于瑟之會。般 説經講律依業而教。 乃集爲 後漸及於東 如天台諸祖 學等八僧隨

事。 隨其說者聽者本身之程度及環境,而生變易,故有原為一故事,而歧為二者,亦有原為二故 亦 而混為 若能溯其本源 則已支那化,固與印度釋經之著作有異也。夫説經多引故事,而故事一經演講, 者。又在 析其成分, 同 一事之中, 則可以窺見時代之風氣, 亦可以甲人代乙人, 批評作者之技能, 或在同一人之身,亦可易丙事為丁 於治小説文學史者 不得不

鳩 摩羅什譯大莊嚴經論叁第壹伍故事,難陀王説偈言:

助敷

昔者頂生王。將從諸軍衆。並象馬七寶。悉到於天上。羅摩造草橋。得至楞伽城。 無有諸 梯隥。 次詣楞伽城。 又復無津梁。 吾今欲

蓋印度最流行故事之一也。茲節録賢愚經壹叁頂生王緣品第陸肆之文如下: 讖 譯仁王般若波羅蜜經下卷、 經聖行品、中阿含經壹壹王相應品四洲經、元魏吉迦夜曇曜共譯之付法藏因緣傳壹 寅恪案, 譯文陀竭 此所言乃二故事, 王經、施護譯頂生王因緣經及賢愚經壹叁等。 不空譯仁王護國般若波羅蜜經護國品 一為頂生王 昇天因緣, 見於康僧會譯六度集經肆第肆拾故事、涅槃 梵文 Divyāvadāna 法炬譯頂 生王故事經、 第壹柒篇亦載之, 鳩摩羅

馬屎尿下落,汙仙人身。諸仙相問,何緣有此?中有智者告衆人言,吾聞頂生欲上三十三 (頂生王)意中復念,欲昇忉利,即與羣衆蹈虚登上。時有五百仙人住在須彌山腹,

王云何命終,何以報之?王對之曰,若有此問, 害之,獨霸爲快。惡心已生,尋即墮落,當本殿前, 貝扣弓, 人王貌類 吹之,張弓扣彈,千二百門一時皆開。 此快見城有千二百門,諸天惶怖,悉閉諸門,著三重鐵關。頂生兵衆直趣不疑,王即取貝 到王邊,扶輪御馬,共至天上。未至之頃,遥睹天城,名曰快見,其色皦白,高顯殊特。 即立誓願, 天,必是象馬失此不淨。仙人忿恨,便結神咒,令頂生王及其人衆悉住不轉。王復知之, 末後帝釋是大迦葉。 阿修羅王即時崩墜。 種, 其初見者, 若我有福,斯諸仙人悉皆當來,承供所爲。王德弘博,能有感致, 不能分别, 唯以眼眴遲疾知其異耳。 頂生自念, 時阿修羅王與軍上天, 帝釋尋出,與共相見,因請入宫,與共分坐。 我力如是, 便可答之,頂生王者由貪而死。統領四域 委頓欲死。諸人來問,若後世問頂生 無有等者。 與帝釋關。 帝釋 王於天上受五欲樂 今與帝釋共坐何爲?不如 不如。 頂生復出, 五百仙人盡 天帝 吹

此鬧天宫之故事也。 四十億歲,七日雨寶,及在二天,而無厭足,故致墜落。

事也。 意之間,併合鬧天宫故事與猿猴故事為一,遂成猿猴鬧天宫故事。其實印度猿猴之故事雖多, 又印度最著名之紀事詩羅摩延傳第陸編,工巧猿名 蓋此二故事本不相 關涉, 殆因講説大莊嚴經論時, Nala 者, 此 一故事適相連接 造橋渡海, 直抵楞伽。 講説者有 此 意或無 猿猴故

猿猴而 ,分別至嚴。 鬧 天宫,則未之聞。支那亦有猿猴故事,然以吾國昔時社會心理,君臣之倫,神獸之 若絶無依藉, 恐未必能聯想及之。此西遊記孫行者大鬧天宫故事之起原

又義淨譯 根本説 一切有部毘奈耶維事叁佛制苾芻髮不應長緣略云

芳園。 聞斯語已, 大臣曰,此是凡人,犯我宫女,可將大蟻填滿窟中,蜇螫其身。 果耶?答言不得。且置斯事,汝得初定,乃至四定?答並不得。王聞是已,轉更瞋怒, 鬼,艾芻即往入坎窟中。王聞聲已,即便睡覺, 今可於水林山處, 林木皆茂, 時具壽牛卧在憍閃毘國, 曰,是何沙門?答曰,釋迦子。問言汝得阿羅漢果耶?答言不得。汝得不還,一來,預流 上衣破碎, 彼人敬諾 鵝雁鴛鴦鸚鵡舍利孔雀諸鳥, 便作是念:此善沙門,來依附我,實無所犯,少欲自居。非法惡王,横加傷 既疲, 時王聞已,行至窟所,執劍而問,汝是何物?答言,大王!我是沙門。 周遍芳園,皆可修治。 下裙垢惡, 偃卧而睡。 一依王教。既修管已, 住水林山出光王園内猪坎窟中。 於一樹下跏趺而坐。宫人遥見,各並驚惶, 時彼内人, 性愛花果,於芳園裏隨處追求。 還白王知。 在處哀鳴, 除衆瓦礫,多安淨水,置守衛人。我欲暫住園中 拔劍走趁。問宫人曰, 時彼王即便將諸内宮以爲侍從 遍諸林苑。 後於異時,其出光王於春陽月, 時出光王命掌園人曰,汝 時有舊住天神近窟邊者, 鬼在何處?答曰, 時牛卧苾芻鬚髮 有鬼!

我今宜可作救濟緣。 並持弓箭。 臣即授與, 即自變身爲 其猪遂走 一大猪, 急出花園。 從窟走出。王見猪已, 王 隨後逐。 時彼茲芻, 告大臣 急持 日, 衣鉢 可 將馬

而去。

此 西遊記猪八戒高家莊招親故事, 必非全出中國人臆撰, 而印度又無猪豕招親之故事, 觀此 嚴正而趨於滑稽,由教訓 為招親。 來之講説 西遊記猪八戒高家莊招親故事之起原也 出光王因持弓乘馬以逐之, 則知居猪坎窟中, 鬚鬆蓬長, 受傷害者 輾轉代易, 憍閃毘國之僑, 則窟邊舊住之天神也。 賓主淆混, 而變為譏諷,故觀 以音相同之故, 指牛卧為猪精, 可知此故事中之出 衣裙 牛卧苾芻雖非猪身, 破垢 變為高家莊之高。 其與前此原文之相異,即知其為後來作者之改良。 尤覺可笑。然故事文學之演變, 鷩犯宫女者 光王, 即以牛卧苾芻 而居猪坎窟中 牛卧苾芻也。 驚犯宫女, 以事相 為猪。 變為大猪,從窟 天神又變為猪 其 此故 類 似之故 意義往往由 事復 經

又慈恩法師傳壹云:

念觀音菩薩及般若心經。 莫賀延 磺長 八百餘里,古曰 病者慚愧, 乃授法師此經。 初法師 少河。 在蜀 上無飛鳥, 見一 因常誦習。 病 下無走獸, 人身瘡臭穢, 至沙河間, 復無水草。 衣服破污, 逢諸惡鬼, 是時 愍將 顧 影 奇狀異類 向 唯 施與 N' 衣 但

人前後, 雖念觀 音, 不能令去, 及誦 此經, 一皆散。 在危獲 濟, 實所

此 傳 所載 世 人習 知 (胡適教授西遊記考證亦引之), 即西遊記流沙河沙和尚故事之起 原也。

據此三者之起原,可以推得故事演變之公例焉。

曰:僅就 一故事之内容, 而稍變易之,其事實成分殊簡單,其演變程序為縱貫式。

如原

有

玄

二日 奘度沙 雖僅就 河逢諸惡鬼之舊説, 故事之内容變易之,而其事實成分不似前者之簡單,但其 略加傳會,遂成流沙河沙和尚故事之例是也。 演變程序尚為縱貫

乃接合之,使為一人一事,遂成猪八戒高家莊招親故事之例

獨之驚犯宫女, 天神之化為大猪。此二人二事,

雖互

係,

然其

八人其事

古

是也。

分別

別之二故事,

而混合為一。遂成孫行者大鬧天宫故事之例是也。

式。

如牛卧芯

其演變程序, 三曰:有二故事, 其内容本絶無關 則為横通式。如頂生王昇天爭帝釋之位, 涉, 以偶 然之機會, 與工巧猿助羅摩造橋渡海, 本為各自分 混合為一。 其事 實成分, 因之而複

之範 又就故事中主人之構造成分言之,第叁例之範圍,不限於一故事, 雖 限 於 一故事,但在一故事中之材料,其本屬於甲 者, 猶可取 故其取用材料至 而附諸乙 廣。第貳 例

仍演為此 不甚狹。 第壹 人此事。 例之範圍 今西遊記中玄奘弟子三人, 其法寶神通各有等級。 則 甚 小 其 取 材 亦因 而 限制 此故事 中 原有 之此 其高下之分別, 人此事 雖 故其取材尚 稍 乃其故事 加 變易

構成時,取材範圍之廣狹所使然。觀於上述此三故事之起原,可以為證也。 因考其起原, 並略究其流別, 以求教於世之治民俗學者。 寅恪講授佛教翻譯文學,以西遊記玄奘弟子三人,其故事適各為一類,可以闡發演變之公例:

(京載一九三つ丰八月麼乜吾這卅七斤嶌

(原載一九三〇年八月歷史語言研究所集刊第貳本第貳分)

# 西夏文佛母大孔雀明王經夏梵藏漢合璧校釋序

中「種類」之「種」,與「種子」之「種」,為語各異,而漢譯則同一「種」字。「真」字本「種子」之 與為「明」字之「rig」形音俱極近似,且「rigsnags」一名詞中「rig」之後,即聯接「snags」字首之「s」。 以治國語之正軌,洵可稱近日吾國學術界之重要著述矣。寅恪於西夏語文未能通解,不敢妄有 此 或者夏人初譯此名詞時,誤以「rig」為「rigs」,遂不譯為「明」,而譯為「種」敷? 其實佛典原文 流變遷, 其文字而已, 尚未有用今日比較語言學之方法, 為支那語同系語言之一,吾國人治其學者絕少,即有之,亦不過以往日讀金石刻辭之例 治吾國語言之學,必研究與吾國語言同系之他種語言,以資比較解釋,此不易之道也。西夏語 一卷佛母孔雀明王經之考釋,雖其中或仍有俟他日之補訂者,要已足開風氣之先, 然有欲質疑而承教者二事:此經題「夏賀」二字,當中文「種咒」二字,即藏文「rig siags」 考「rig」乃梵文「Vidya」之譯語,實當中文之「明」字,而藏文「種類」之「種」字為「rigs」, 與吾國語言互相印證發明者。 有之,以寅恪所知,吾國人中蓋自王君靜如始。 於其同系語言中, 考辨其音韻同異, 探討 而示國人 然則即 其源

佛經 多,而譯自藏文者少。但西夏與吐蕃, 種咒」為一 種咒」成 與「種類」之「種」作「整 而為西夏語言 名詞, 名詞, 意為「原本咒語」數? 就吾人今日所見西夏文字佛教經典 與中文之「種智」等同 , 尚在譯漢為夏之前。此類譯名若果歧誤, 」者不同。 言語民族既屬大同, 屬一類之語詞綴合歟? 豈西夏語 言亦同 [中土之例,此二「種」字可以通用 土壤教俗復相接近, 抑夏人即 後來自必知之,特 用 行而論 「種子 一之本義 疑其 其譯 翻譯 以襲用已 自中文者 而聯

而

他西夏文字佛典同發見者,有中文銷釋真空實卷寫本一卷。據胡君適跋文考定為明萬曆以 又今日所見西夏文字之石刻及經典, 代玄奘譯經, 藏藏文甘珠爾 國雖亡, 而通 解其文字者猶衆。 悉改新名, 據稱為明萬曆時寫本。 而以六朝舊譯為譌誤之比歟?此其 獨至 其鐫造雕印多在 何時其文字始無 寅恪見其上偶有西夏文字。 完代, 人能讀 實 0 (西夏 殊不易考 又與 已滅 八此佛 知。 之後。 柏林國 母 孔雀 據此 明王 家 可

圖

經 書 西

及其 館所 知

夏之

久, 不煩更易

,荀卿所謂「約定俗成」者也。此例在藏文所譯梵文佛典中,往往遇之,殆不似唐

慶陽李司寇家有西夏實録, 其子孔度屢見許, 而不 可得。

作。

又錢謙

益牧齋有學集貳陸「黃氏千頃齋藏書記」云:

明 以慶陽 萬 曆時代相近。 地望準之, 故綜此三事觀之, 李氏仍藏有西夏實録之原本或譯本, 則明神宗之世, 西夏文字書籍 自為可 能之事。以錢 其 遺存於西北者, 氏所述言之, 當不甚

,或尚有能通解其文字之人歟? 此其二

為其書序,謹拈出此二重西夏文字學公案,敢請國內外治此學之專家,試一

參究,以為何如?

寅恪承王君之命,

(原載一九三二年歷史語言研究所集刊第貳本第肆分)

北京圖書館以所輯敦煌石室寫經題記彙編來徵序於寅恪。寅恪受而讀之,以為敦煌寫本之有題 記者不止佛教經典,而佛教經典之有題記者此編所收亦尚未盡,然即取此編所收諸卷題記之著 有年月地名者, 與南北朝隋唐之史事一參究之,其關係當時政治之變遷及佛教之情況者,約有

及唐高宗武則天時代者,以比例計之,最居高位。隋書叁伍經籍志佛經類總序(通鑑壹柒 此編所收寫經題記之著有年號者,上起西晉,下迄北宋,前後幾七百年,而其中屬於楊隋 可得而言:一則足供證明,一則僅資談助,請分別陳之。

伍朝

宣帝紀太建十三年條同)云:

等諸大都邑之處, 開皇元年,高祖普韶天下, 並官寫一 切經,置於寺内,而又别寫藏於祕閣。天下之人從風而靡, 任聽出家,仍令計口出錢,營造經像。而京師及并州相州洛州

相景慕,民間佛經多於六經數十百倍。

敦煌石室寫經題記彙編序

楊氏有國不及四十年,而此編所收寫經題記之著有開皇仁壽大業之年號者,凡三十有

足異。 妙法蓮 孝緒 論者謂 收。 足 今觀 未有之創局,實為吾國政治史中一大公案。寅恪昔已詳論(見拙著「武曌與佛教」), 六種。 故不置論 恐讀者誤會, 供證 名所能概括。 吳越錢氏捨 是編所收寫經題記,著有唐高宗武則天之年號者,若是之衆,亦可徵當時佛教之盛 又後梁為西魏周隋之附庸者三十餘載。 華經), 録序 故知 永 明者是也。 明之世, 。又是編所收尚有其他西北諸地如吐峪溝等所出經卷 唐代佛教之盛 (敦煌本古逸經論章疏並古寫經 史氏謂當時「民間佛經多於六經數十百倍」, 佛教教義 特為聲明其義於此。)除南齊武帝永明元年所譯之佛説普賢經一卷外(此編誤題為 其餘諸卷皆書於梁武帝之世, 則齊梁時代寫經 然則 入西關磚塔之實篋印陀羅 佛教甚盛 又是編所收寫經題記 是編之題「敦煌石室寫經」者,蓋就其主要部分北京圖書館所藏者言之耳。 以證明其政治上特殊之地位。 始於高宗之世。此與武 梁武尤崇内法, 必多。 南朝寫 目録尚有天監十一年寫摩訶般若波羅 尼經實 其著有中國南方地名或南朝年號者, 前後七百年間 而其中天監五年所寫之大涅槃經特著明造 經可因通常 襄陽之地, 而江左篇 則天之母楊氏 出 現在 蓋武嬰以女身而為帝王, 實非誇 南方, 章之盛, 南北交通之會, 既在北朝西部統屬之下如是之久, 為隋代 不應與 大之詞。 若嚴格論之, 亦無踰梁時 觀王雄之後 其他西北出土 李唐 流入北 開 (見廣弘明集叁阮 亦非 開中 蜜 國 地, 經為此編所未 有 高 國有史以來 關 敦 諸 其 祖 於荆州 煌 經 (事固 武 , 所謂 太宗 石 並 周 列 則 僅 頗 革

非難事 南朝寫 非後梁蕭巋之天保也。)與其封內地名連文者,亦不於此編少留跡象乎? 名之題記,但此題記殘缺不完,尚有疑義,亦未能斷定也。此文成後十年, 其故也。茲姑妄作一假設,以解釋之。北齊書叁拾崔暹傳(北史叁貳崔挺傳附暹傳同)云: 自應不勘, 論者之説 編所收寫經題記之中?(此編惟仁壽元年所寫攝論疏有辰州崇敬寺之語, []字當是「瓜」字之誤認。趙説甚是。積歲疑滯, 一旦冰釋。附識於此, 以表欽服感謝之 是何故耶? )夫陳及隋唐, 經之因以輾轉流 則 何以其三世之年號(此編有天保一年所寫妙法蓮華經 南 南 朝帝王年號之在梁武以後者, 朝 所寫諸 且後梁君臨襄土三十餘載, 中國南方佛教依然盛行,其所寫經卷,竟不因通常南北交通之會,流至西 經, 入西北, 既可因通常 亦非甚難也。 南北交通之會, 與夫隋唐統一 祖孫三世佛教信仰未嘗少替, 寅恪以為此説 流入北地, 時代, 雖是, 南方郡邑之名, 一卷, 又經後梁屬境轉至 然猶 有 當是北齊高洋之天保 由此觀之, ,則其封 未能 承趙萬里先 可指 盡解釋者。 何以 為隋代 内所寫佛經 恐尚別有 全 西 不見於 南 生告以 蓋如 方地

魏梁 派通和, 要責皆遣人隨聘使交易,遲惟寄求佛經。梁武帝聞之,爲繕寫,以幡花贊唄送

至館 焉。

**恒宣續高僧傳壹叁吉藏傳略云**:

王又於京師置日嚴寺, (寅恪案,「王」指晉王即隋煬帝。)别教延藏, 往彼居之。欲使道振

中原,行高帝壤。 乃率其所屬, 既初登京輦, 往諸寺中, 但是文疏, 道俗雲奔。 並皆收聚, 在昔陳隋廢興, 置於三間堂内。 江陰凌亂, 及平定後, 道俗波进, 方洮簡 各棄城

又同書壹陸僧實傳云

之,故目學之長,

勿過於藏, 注引弘廣, 咸由此焉。

實。既而慧心潛運,南北疏通,即爲披決,洞出情外,並神而服之。 逮太祖(宇文泰)平梁荆後,益州大德五十餘人各懷經部,送像至京。以真諦妙宗,條以問

廣弘明集貳貳隋煬帝寶臺經藏願文云:

是以遠命衆軍,隨方收聚。未及朞月,輕舟總至。乃命學司,依名次録, 覃思澄明所由,用意推比,多得本類。莊嚴修葺,其舊惟新。寶臺四藏,將十萬軸。因發 弘誓,永事流通。仍書願文,悉連卷後。頻屬朝覲,著功始畢。今止寶臺正藏,親躬受 略,重清海濱,役不勞師,以時寧復。深慮靈像尊經,多同煨燼,結鬘繩墨, 至尊(隋文帝)拯溺百王,混一四海。平陳之日,道俗無虧,而東南愚民餘熸相煽。 法本,遠布達摩。必欲傳文,來入寺寫, 有大小,僧徒亦各衆寡,並隨經部多少,斟酌分付。 持。其次藏以下, 則慧日法靈道場,日嚴弘善靈刹。此外京都寺塔,諸方精舍,而梵宫互 勿使零落, 兩失無作。 授者既其懇至, 受者亦宜殷重。長存 並延道場義府 湮滅

聚作亂, 皇]八年冬大舉伐陳, 後數載突厥寇邊,復爲行軍元帥。出靈武, 徙上爲揚州總管, 以上爲行軍 鎮江都。每歲 元帥。 一朝。 及陳平, 無虜而還。及太子勇廢,立上爲皇太子。 高祖之祠太山也, 復拜并州總管。 領武候大將軍。 俄而 江南高 明年歸 等相

寅恪案,隋書貳高祖紀略云:

晉王廣爲行軍元帥, [開皇]十五年正月庚午, 擊破之。冬十月乙丑,皇太子勇及諸子並廢爲庶人。十一月戊子, 上以歲旱, 祠太山 以謝愆咎。二十年夏四月壬戌,突厥犯塞,

又通鑑壹柒柒隋紀高祖紀開皇十年云:

晉王廣爲皇太子。

以并州總管晉王廣爲揚州總管,鎮江都(詳見隋書貳高祖紀下及肆捌楊素傳等)。

之於北土矣。 南北朝政治雖為分隔對立, 為皇太子之後, 據此,晉王廣鎮江都每歲 南入北者, 事所常有, 一但其次藏以下所分貯之寺院慧日等道場,悉不在南而在北。其正藏既用以自隨,則煬帝自立 亦必移運北行,以便「躬親受持」無疑。然則煬帝所廣搜之南朝佛典, 其例頗多,不勞舉證。但此類由南朝輸入北國之佛經, 一朝,即願文所謂:「頻屬朝覲」者也。其「著功始畢」,雖未能定於何 而文化則互相交流影響,佛教經典之由私人往來攜取由 若在平時, 皆已盡 僅經 數輸

方 南北 餘 有 弱。 蜀僧各懷經部北至長安, 其措施非私人資力之所能 朝政治之變遷, 攜 如吉藏因 蓋有資 取 或收聚, 陳亡之際, 力及交通法禁等困 如崔 則難以致此, 暹之得梁武之贊 得大收經卷, 使僧實得通南朝佛教之新義。 且與南京 難也。 至若隋煬帝因江南高智慧等之亂 北朝政治之變 其後入京, 許者, 故眾多數量之收聚及輸送, 實為例外。 2遷有關. 則所洮簡之南朝精本, 此二例雖為私人之收聚及輸送,然非值 至其餘 固不待 通 言也 其 悉收南朝之經卷, 常之人, 事常與 當亦隨之入北。五 南 則其數 北朝 政 量 而輸之北 治之 更 能 不

後 僅 行 由 南 既 故其中 言之, 齊 南 武帝 恐亦 北 相 永 至 南朝經卷之輸入北方, 無李唐五代北宋時南方所造者在也 同 小 明之五卷而已。 有 則南 寫 在陳時 方寫經之數量, 及造於吳地者。 是敦煌經卷之寫於南朝或南方者, 其數量 亦應不大異於北土。 較多者, 又歷李唐 如吉藏 代 而今檢此編題記, 之所收, 迄於北宋, 當非復吉藏蜀僧及隋煬所收送 隋煬之所藏 更四 百年 其有 南朝年 皆在 其 間 陳亡 佛教流 號

南 夫經卷較多數 年 朝 江 年 號者 陵 陷没 則又屬 時 量之自南入北 北 朝 將 於南齊之世。 + 虜 獲之戰利 既如前 依此 述, 品 而 大抵由 論 後復隨凱旋 故頗 南 疑 北 天監 朝政 之軍以北 治 Ŧi. 年 變 造 遷 歸者。 於荆 所 致, 州之一 考 而敦 西 魏 煌寫 卷 所 遣 乃 經 攻 梁 題 梁 元 記之著有 諸 帝

中

惟楊忠即後來隋之太祖武元皇帝,

其

人最為信佛(詳見拙著「武曌與佛教」中楊隋皇室之佛

大將 承聖

周書壹玖楊忠傳(北史壹壹隋本紀略同)略云:

顯六州諸軍事,涇州刺史。天和三年以疾還京。 及于謹伐江陵, 乃拜總管涇幽(寅恪案,「幽」當依趙明誠金石録貳貳普六茹忠墓誌跋作「豳」。 忠爲前軍, 屯江津, 遏其走路。及江陵平, 朝廷立蕭詧爲梁王。 )靈 保定四

窺測, 滅者, 之佛典, 問 傳至於今日。 然則西魏之取 是則貝多葉中果有真實之語, 題之參考, 則此梁武之世荆州寫造之佛典, 是誠可幸可珍,而又可哀者矣。 但此寫經題記竟得以殘關之餘, 蓋當年江陵圍城之內,蕭七符拔劍擊柱,文武道盡之時,不隨十四萬卷圖書而 江陵, 所謂僅資談助者是也。 按諸舊史, 楊忠既參預其事,後又為涇豳靈雲鹽顯六州總管,居西北之地凡五歲之 徵以遺編 可以信受不疑者耶? 質之大雅君子,亦當為之一笑也。 若此僅資談助之假設, 殆為楊忠當日隨軍所收, 或亦有可能歟?此則未得確證 嘗謂釋迦氏之教其生天成佛之奥義,殊非凡鄙淺識所能 編輯 - 搜羅成於今日,頗與內典歷劫因緣之說若相冥會 而竟為史實, 因而攜往西北, 姑作假設 則此 遂散在 編 所收 以供 南朝數 人間 他日解决 灰 飛 卷 煙 流

(原載一九三九年十月歷史語言研究所集刊第捌本第壹分)

## 童受喻鬘論梵文殘本跋

卷十卷兩本。 皇十七年十二月十三日所上,是當時已有兩本。 房歷代三寶記作一十卷。 鳴菩薩 大莊嚴論鳩摩羅什譯,隋法經等衆經目録作十五卷,與今世通行本卷數相同。隋費長 至十卷本與今世通行之十五卷本有 按法經等之衆經目録, 故仁壽二年彦琮等所撰之衆經 無異同 開皇十四年五 則不可考矣。 月十四日撰畢,歷代三寶記 至元法寶勘 目 録 日 録玖 備載 為開 五

世, Kalpanāmanditikā, herausgegeben Von Heinrich Lüders, Leipzig, 1926)° 甚多,柏林大學路得施教授Prof. Heinrich Lüders 檢之,見其中有大莊嚴論殘本。寅恪嘗遊普魯 世奇著, 此,元時實有藏文譯本。然今日藏文正續大藏中均無此書。 而此校本尤其最精之作, 從教授治東方古文字學, 故亦夙聞其事。至今歲 大莊嚴經論十五卷, 天壤間僅存一中文原譯之孤本而已。昔年德意志人於龜茲之西,得貝葉梵文佛教經 馬鳴菩薩造, 凡能讀其書者皆自知之,不待為之贊揚。茲僅就梵文原本考證論 梵云蘇怛囉阿浪迦囉沙悉特囉, 始得盡讀其印行之本(Bruchstücken der 是以自來東西學者, 與蕃本同 教授學術 均以為此 有盛 名於 典 鵬

主之名字,及此論之原稱,並與中文原譯校核,略舉一二例,以見鳩摩羅什傳譯之藝術,或可 為治古代佛教翻譯史者之一助。惟論主名字及此論原稱,諸考證之已見於教授書中者,今皆不

重述,庶可以備異義而資別證 焉。

據梵文原本論主之名為Kumāralāta。普光阿毗達磨俱舍論記陸(金陵刻經處本)云:

窺基成唯識論述記捌(金陵刻經處本)云: 鳩摩邏多,此云豪童,是經部祖師,於經部中造喻鬘論癡鬘論顯了論等。

奇事 翅羅國有鳩摩邏多, 此言童首(寅恪案,「首」應作「受」。)造九百論, 時五天竺有五大論 此破日出論者,即經部本師,佛去世後一百年中,北天竺怛刃(寅恪案,「刃」應作「叉」。) 喻如日出, 名譬喻師 明導世間。名日出者,以似於日。亦名譬喻師。或爲此師造喻鬘論,

之,茲不贅述。二,元時此論之西藏文譯本,何以有莊嚴經論數字之梵文音譯? 寅恪以為慶吉 者二。一,此書既為童受之喻鬘論,何以鳩摩羅什譯為馬鳴之大莊嚴論,其故教授書中已詳言 本内容又無不符合,則今所謂馬鳴之大莊嚴經論,本即童受之喻鬘論,殊無可疑。然有不同解 即童,Lāta 即受,Drstānta 即喻,Kalpanāmanditikā 即鬘論或莊嚴論,音義既悉相同,而華梵兩 又梵文原本第玖拾篇,即譯文卷壹伍之末,標題有Kalpanāmanditikā drstānta 等字,按Kumāra

譯。 尚質, 此 于 凡藏文所譯佛教經典,其名稱均音義俱譯,自近歲西北發見之唐時蕃文寫本, 之證,然則慶吉祥等所見之蕃本當是譯自中文,故亦仍用中文莊嚴經論舊名也。 名有梵文音譯 法華之類, 羅什翻譯之功, %雅潔, 名。 翼國 藏經 據此 大寺遇 是賢 而莊 秦人好文。 時 應為 莫不如是。 校勘中藏佛典, 二事, 莫不出自其手。若言普及, 愚 嚴經論數字之梵文音譯, 般遮于瑟之會 經, 主 數千年間,僅玄奘可以與之抗席。今日中土佛經譯本,舉世所流 則至元録所載大莊嚴經論之名, 又如楞嚴經者, 」及「胡經委悉, 因。 此蓋本其國從來翻譯佛經體例。 原無梵本, 但華 確見此論藏文譯本, 梵之文, 聽講經律, 此土偽經, 而今日藏文正 П 繁簡 則藏文譯主,據後來中文原名, 嚀反覆 雖慈恩猶不能及。 各書所聞 迥不相 乾隆時譯為藏文, 或三或四,不嫌其繁。 藏中有此經, 理不應疑。 有梵文音譯, 同, 如賢愚經者,南北朝時沙門曇學威德等於 還至高昌, 道安摩訶 所以致此之故, 其文不皆 惟此蕃本, 當是譯自中文。 實不足為藏文別 而此 鉢羅 集為一部, 藏文譯本 若波羅蜜經鈔序 」者是也。 譯為梵音也。 當是自中文原譯 上 其經名 此 凉州 迨今日之藏文 有 藏 一本譯 文譯 沙門慧朗命 行者 寅恪嘗謂 直譯 亦有 何 所謂 以 本 本 自梵文 梵文 识 之 ? 如 重 較諸 金 其 譯為 鳩 岡川 摩 郷

高僧傳染僧叡傳 昔竺法護出正法華經, 金陵刻經處本)云: 受決品云:「天見人,人見天。」什譯經至此,

乃言曰:「此語與西

域義同,但在言過質。」叡曰:「將非人天交接,兩得相見?」什喜曰:「實然!」

又慧立彦悰等之慈恩法師傳拾云:

略。 [顯慶]五年春正月一日,起首翻大般若經。梵本總有二十萬頌,文既廣大,學徒每請删 法師將順衆意, 如羅什所翻,除繁去重。

故羅什譯文凡散文已竟,而繼以偈頌之處,必綴以「説偈言」數字。此語本梵文原本所無, 篇之末節,則中文全略而未譯,此删去原文繁重之證也。喻鬘論之文,散文與偈頌兩體相間。 文,均可證明。今大莊嚴經論譯本卷拾末篇之最後一節,中文較梵文原本為簡略,如卷壹壹首 蓋羅什譯經,或删去原文繁重,或不拘原文體制,或變易原文。茲以喻鬘論梵文原本,校其譯

譯文, 所以加級此語者, 越家。檀越既見已,心生大歡慶。燒香散名華,速請令就坐。既至須臾頃,還復沙彌形。 彼諸沙彌等,尋以神通力,化作老人像,髮白而面皺,秀眉牙齒落。僂脊而拄杖, 蓋為分別文偈兩體之用。然據梵文殘本以校譯文, 如卷壹之 詣彼檀

節,及卷壹壹之

我以愚癡故,不能善觀察,爲癡火所燒。願當暫留住,少聽我懺悔。猶如脚跌者,扶地還

得起,待我得少供。

一節,本散文也,而譯文為偈體。

按高僧傳貳鳩摩羅什傳云:

偈頌,皆其式也。但改梵爲秦,失其藻蔚,雖得大意,殊隔文體,有似嚼飯與人,非徒失 重文制。其宫商體韻,以入絃爲善。凡覲國王,必有贊德。見佛之儀,以歌歎爲貴, 初沙門慧叡才識高明, 常隨什傳寫。什每爲叡論西方辭體, 商略同異。云:天竺國俗, 甚

觀此則什公於天竺偈頌,頗致精研,決無梵文原本為偈體或散文,而不能分辨之理。 原文不符者,此不拘原文體制之證也。卷貳之

味,乃令嘔噦也。

諸仙苦修行,亦復得生天。

以公名改作「諸仙」二字。又卷肆之 一節,「諸仙」二字梵文原文本作Kanva等,蓋Kanva者,天竺古仙之專名,非秦人所習知,故易

汝知蟻封,而欲與彼須彌山王比其高下。

節,及卷陸之

猶如蚊子翅,扇於須彌山,雖盡其勢力,不能令動摇。

使讀者易解。此變易原文之證也。凡此諸端,若非獲茲貝多殘闕之本,而讀之者兼通倉頡大梵 須彌梵本一作Mandara,一作 Vindhya,蓋此二名皆秦人所不知,故易以習知之「須彌」,

之文,則千載而下,轉譯之餘,何以知哲匠之用心,見譯者之能事。斯什公所以平居淒愴,興 歎於折翮。 臨終憤慨, 發誓於焦舌歟?

第壹集第叁期,一九二七年十二月清華學報第肆卷第貳期, (原載一九二七年十一月國立中山大學語言歷史學研究所週刊

## 南嶽大師立誓願文跋

糾紛,不易明悉。今即取誓願文中關於此二事者,證諸史籍, 料 其所表現思想之特徵, 天台宗創造者慧思作誓願文, 取本人一生事蹟, 南嶽大師著述中, 視為重要資料, 自為一問題。 實亦古人自著年譜最早者之一,故與吾國史學之發展, 考慧思所生時代, 南北朝並立, 頗有後人偽託之作。 略加解釋,或亦可供治南北朝末年思想史者之參考乎? 然則此誓願文之真偽究何如者, 依年歲編列。其書不獨研求中古思想史者,應 其君主年號及州郡名稱, 以驗其真偽。 殊有關 是否可依據為正 真偽判定之後 皆交錯 係。但今日 重複 最為 所傳 確 史

唐道宣續高僧傳貳壹(金陵刻經處本)慧思傳云:

傾覆國亂 [慧思]以齊武平之初, 前路梗塞, 背此嵩陽,領徒南逝,高鶩前賢,以希棲隱。初至光州, 權止大蘇山。 數年之間, 歸從如市。 值梁孝元

在范陽王之前,且為中原統治之朝。僧傳所言,係指後主之年號, 北齊君王以武平紀年者有 一為後主緯, 即溫國公。 自不待言。 為范陽王紹義。 北朝齊後主武平 後主之武平

元年當南朝陳宣帝太建二年庚寅, 即西曆五七〇年。南朝梁孝元帝之傾覆, 在其承聖三年, 當 朝齊文宣帝天保五年甲戌, 故道宣所紀必有譌誤。今慧思立誓願文略云: 即西曆五五四年。二者相距已逾十五年之久,實與當時情 事不

四十,是末法一百二十一年,在光州開岳寺。至年四十一,是末法一百二十二年,在光州 我慧思是末法八十二年,太歲在乙未十一月十一日於大魏國南豫州汝陽郡武津縣生。年至

境大蘇山中。

寅恪案,慧思生於北朝魏宣武帝延昌四年乙未,當南朝梁武帝天監十四年, 知南北朝並立 八四十 其正確如是, 則非後世僧徒所能偽造, 固無容疑也。 - 歲適值南朝梁元帝承聖三年,即西曆五五四年。江陵之陷即在是歲, 其年號歲月後先交互之間,雖以道宣之博學,猶不能無誤,而此誓願文之記 實與史籍符會。 即西曆 五一五年。

#### 又立誓願文略云:

至年四十四,是末法一百二十五年,太歲戊寅,還於大蘇山光州境内。唱告四方,我欲奉 齊光寺方得就手, 報先心願, 造金字摩訶般若波羅蜜經。從正月十五日教化,至十一月十一日,於南光州光城都光城縣

奉造金字摩訶般若波羅蜜經一部,並造瑠璃寶函盛之。

魏書壹佰陸中地形志云。

光州。(原注: 「治掖城。 皇與四年分青州置。 延興五年改爲鎮。 景明元年復。」)領郡三。

又同卷云:

縣十四

光州。(原注:「蕭衍置。魏因之。 治光城。」)領郡五。縣十。

北光城郡。領縣二。光城。(原注:「州治。」)樂安。

南光城郡。領縣二。光城。(原注:「郡治。」)南樂安。

之光城縣,與大蘇山較近故也。夫此類行政區域,其名稱至為重疊混雜。若作者非當時親歷之 者,以別於北光城郡之光城縣。 下文之「光城郡光城縣」言。蓋言「南光州」者,以別於治掖城之「〔北〕光州」。〔南〕光城郡光城縣 寅恪案,誓願文中「南光州光城都光城縣」之「都」字,自當為「郡」字傳寫之誤。而「南」字則直貫 所以知者,以此時慧思適在大蘇山中。以地望準之, 南光城郡

産物, 今據誓願文中關於年曆地理二事觀之,已足證明其非偽作。此文之真偽既經判定,而文中所述 而非後來所可偽託。 即求長生治丹藥一事,最為殊特。似與普通佛教宗旨矛盾。寅恪以為此類思想確為當時 請略考當日社會文化狀況及天台宗學説之根據,以説明之於下。

人,恐難有如是之正確。然則誓願文非後世所能偽託,此又一證矣。

誓願文中如

及

是故先作長壽仙人,藉五通力,學菩薩道。自非神仙,不得久住。爲法學仙,不貪壽命。 又復發願,我今入山懺悔一切障道重罪,經行修禪,若得成就五通神仙及六神通。

及

誓於此生得大仙報。

及

以此求道誓願力,作長壽仙見彌勒。

誓願入山學神仙,得長命力求佛道。

及

及

渴,

爲護法故求長命,不願生天及餘趣。願諸賢聖佐助我,得好芝草及神丹。療治衆病除饑

, 常得經行修諸禪。願得深山寂静處, 足神丹藥修此願, 藉外丹力修內丹。

等語,皆表現求長生治丹藥之思想。考印度佛教末流,襲取婆羅門長生養性之術,托之龍樹菩 薩。如今日藏文丹珠爾第壹壹捌函中龍樹所造諸論,皆是其例。

慈恩大師傳貳略云:

仍就停一月,學經百論廣百論。其人是龍猛弟子, 之,可三十許。形質魁梧, 明日到磔迦國東境, 至一大城。城西道北有大菴羅林。 神理淹審。明中百諸論,善吠陀等書。有二侍者, 親得師承,說甚明淨。 林中有一七百歲婆羅門。 各百餘歲 及至觀

又唐澄觀大方廣佛華嚴經隨疏演義鈔柒云:

又案,西域記唐三藏初遇龍樹宗師,欲從學法。師令服藥,求得長生,方能窮究。

思,本欲求經,恐仙術不成,辜我夙願。遂不學此宗,乃學法相之宗。

是也。 寅恪案, 據隋書叁肆經籍志 此二説皆相似, 而皆不可信。然有一事可注意者,即欲學龍樹之宗, 子部醫方類著録西域諸仙藥方中有: 必先求長生之法

龍樹菩薩藥方四卷。

及隋費長房歷代三寶記壹壹載

性質推之, 攘那跋陀羅之譯本, 疑亦託名龍樹所造也。) 寫本龍樹五明論一卷,今刊入大正大藏經第貳壹卷。以隋書經籍志及丹珠爾載龍樹所造論 北周時,攘那跋陀羅譯五明論合一卷。(寅恪案,此論雖未言何人所造,然日本石山寺有

日 知南北朝末年, 此類依託龍樹之學説,已自天竺輸入中土。 慧思生值其時, 自不能不受其影

如武 誓願 肅 之,天台原始之思想,雖不以神仙為極詣,但視為學佛必經之歷程。有似上引澄觀華嚴 習,其思想之推演變遷,遂不期而與道家神仙之學說符會。明乎此,則天台祖師棲止之名山 此部分實與當時道家所憑藉之印度禪學原是一事。故天台宗内由本體之性質,外受環境之薰 記龍樹宗師告玄奘之語意, 《當南嶽天台等,皆道家所謂神仙洞府,富於靈藥,可以治丹之地,固不足為異也。總而言 其學本出於天台宗之湛然所作「神仙傳論」(見全唐文伍壹玖)亦有: 況天台創義立宗, 悉依大智度論, 而大智度論乃龍樹之所造。 文中盛談求長生治丹藥之事也。又天台禪學其中堅之一部分, 即先須服藥, 求得長生之後,方能窮究龍樹之學是也。 本為南北朝之小乘禪 龍樹實為天台宗始祖。 後如唐之梁 疏鈔所 宜乎 Thi

予嘗覽葛洪所記,以爲神仙之道,昭昭焉足徵已。

唐之中葉猶復存在。茲因徵考所及,並附論之於此。 之言。蓋梁氏宗佛陀而信神仙,尚是原始天台思想。可見南北朝末年思想界中此重公案,迄於

(原載一九三二年十月歷史語言研究所集刊第叁本第叁分)

## 清華大學王觀堂先生紀念碑銘

而不忘。 因得以發揚。思想而不自由,毋寧死耳。斯古今仁聖所同殉之精義 舉先生之志事,以普告天下後世。其詞曰:士之讀書治學,蓋將以脱心志於俗諦之桎梏,真理 尤思有以永其念。僉曰,宜銘之貞珉,以昭示於無竟。因以刻石之詞命寅恪,數辭不獲已,謹 海寧王先生自沈後二年,清華研究院同人咸懷思不能自已。其弟子受先生之陶冶煦育者有年, 一死見其 表哲人之奇節,訴真宰之茫茫。來世不可知者也。先生之著述,或有時而不章。 獨立自由之意志,非所論於一人之恩怨,一姓之興亡。 或有時而可商。 惟此獨立之精神, 自由之思想,歷千萬祀,與天壤而同久, 嗚呼!樹茲石於講舍,繫哀思 ,夫豈庸鄙之敢望。先生以 共三光而 先生

方法, 也。先生之學博矣,精矣,幾若無涯岸之可望,轍跡之可尋。然詳繹遺書, 曲 自昔大師 前 因亦兒堅考」 與吾國之舊籍 以知先生之學, 而尤在能開 之作, 後已刊未刊之作,共為若干卷, 靜安先生既殁, 殆可舉三目以概括之者。一曰取地下之實物與紙上之遺文互相釋證。 如「紅樓夢評論」及「宋元戲曲考」「唐宋大曲考」等是也。 巨子, 如「殷 拓學術之區宇, 等是也。 互相 其關 亦嘗讀先生之書,故受命不辭。 補 羅雪堂先生刊其 IE. 辭中所見先公先王考」及「鬼方昆夷玁狁考」等是也。 係於民族盛衰學術興廢者, 三曰取外來之觀念, 凡屬於遼金元史事及邊疆地理之作, 補前修所未逮。故其著作可以轉移一時之風氣, 八遺書 刊行於世。 四集。 與固有之材料互相參證。 先生之弟哲安教授, 後五年, 先生之門人趙斐雲教授, 不僅在能承續先哲將墜之業, 謹以所見質正於天下後世之同讀先生之書者。 如 「萌古考」及 命寅恪為之序。 凡屬於文藝批 此三類之著作 其學術内容及治 一日取異族之故 凡屬於考古學及上 而示來者以軌則 元 為其託命之人, 復採輯編 朝秘 評及小説 寅恪雖 其學術 史之 不足 校 其

傷之事 術界最 文史考 時 性 見先生之世,或者更能心喻先生之奇哀遺恨於一時一地,彼此是非之表歟?一千九百三十四 生之書者乎?如果有之, 於 生 而 頗 一所謂 有是 多不 間地域之理性,必非其同時間 質 時 固 能解, 間 彼 非之論者 重 有 亦 所死之故 要之産物也。 異 地域 同 是非 因而有是非之論。 故也。 範 所 又何足怪 庫 用 ,不止局於一時間一 一縱廣 方法 此 嗚呼 亦 今先生之書, 則 亦 不 其人於先生之書, 是非者。 途徑縱多, 耶?嘗綜攬吾國三 神州之外, 盡 寅恪以謂古今中外志士仁人, 符會 地域之衆人所能共 流佈於 若就彼此 地域 要皆 恐亦無以遠出 更有 足 而已。蓋別有超越時間地域之理性存 世, 鑽味既 九州。 所是非 十年來, 以 轉移 世之人大抵能稱道其 喻。 今世之後, 者言之, 三類之外。 時之 人世之劇變至異, 然則先生之志事, 多為世人所 神理 風氣 相接, 往往憔悴憂傷, 則彼此 此先生之書所以 更有來世 而 終古 不但 示 學 來者以 等量 能 末 獨於其平生之志事 想 其 曲 繼之以死。 見先生之人 間 共 軌 而齊觀之, 為吾國 儻 則。 喻 焉。而此 亦有能 以其 不解 吾 近 國 其所 誠 超 讀 写. 他 先 莊 越 E 想 大

原載一九四〇年二月商務印書館海寧王靜安先生遺書)

歲次甲戌六月三日陳寅恪謹序。

## 與劉叔雅論國文試題書

叔 文法 遠 時 Thu 語 試 者之國文 或 國 語 時 為標準 但尚 豐 先 間 有 文文法未成 精 生講 而 所 富 據 是 積 今日 程 力俱 與 依 漢 度。 又與 誠 據 年 席, 意 此 經 語 印 口 歐語 略陳 節省。 庶幾 華 同 不 不欺, 立之前 驗 承 命代 待 夏 系之語言比較研究, 所 論 得 鄙 民 系化之文法, H 者。 實事 若就 使應 擬 意 族 似無過 以為今後國文試 今夏入學考 語 但此 敬 求 此 試 言文學之特性 是之 祈 者, 義言之, 在今日 垂 事言之甚 於對對子之一 即 教。 無甚 馬 種 試 氏文通 辦 幸甚 又在草昧時期, 僥 國 易, 法, 文題 題 倖, 有 密切關 方法。 行之則 幸甚 學術界, 應與 目 或甚 不妨於今夏入學考試 格義 1 寅恪 前 冤屈之事。 係者 」式之文法 難。 凡考 此方法去吾輩理想中之完善方法 此 中國 藏 異 連 最 試 緬 歲 其 以之測 校閱清 先 語文真 國 語 旨 須 文 趣, 系比較研究之學未發展 閱卷者良心上不致受特別痛苦 既 問 驗 必考 吾 時 即 華 IE 不 程度 宜施之 文法, 畫 求 大學入學國 試一 今日 其 方法, 文 始能 理之 尚 於 依 用之, 據 未 不 於 通 其 文 能 同 何 閱 以 與 形 試 成 語 種 測 卷 7 文 否 九 卷 真 法 驗 古 簡 中 此 以 必 應 甚 單 其 潦 中

也。 學説 所謂 此特種 共 三字以 所以 與數別 語言之文法 之文法矣。昔希臘民族武力文化俱盛之後,地跨三洲,始有訓釋標點希臘文學之著作 今吾 今評其 一女子獨睡, 為女性單 假使能之, 複 甚 動 野蠻人」者。當日固無比較語言學之知識 品 語 羅馬又全部 詞有十八轉。 別之, 曲 也 其文法變化皆有特殊之表現。例如一男子獨睡,為男性單數。二男子同 國人所習見之外國 言之規 價值 此 研 夫所謂 其 究 種 矜為巧便。然若依此理論, 充類至盡, 則 亦已變為普通語言學音韻學, 文 動 律 此 法 尚在天竺文法之下。 詞 因 種 並非 變化 某種 吾中國之文法,何不一一做效, [襲翻譯之,其立義定名, 語 完全時間式, 言之特殊現 根 語言之文法者, ·數。二女子 語文法, 據某 如依新法 一特種 而有不完全之義。不完全時 相, 僅近世英文文法耳。其代名詞有男女中三性 譯 同睡, 歸納為若干 造漢 但 語言之規律, 其中一小部 因其為用於隸 字, 名學, 為女性複數。 以傳統承用之故, , 且其所擬定之規律, 亦非通籌全局 其字當為「鹼」。 通 或文法哲學等等, 則, 分, 以臻美備乎?世界人類語 即 屬 能推之以概 成立 符於世 阿剌伯希伯來等語 同語系之語言, 至若一男子與一女子 間 一有 界語 式 頗有譌誤可笑者。 天竺古語 獨 括 轉有完全之義 立 言之公律, 萬 而 個性之統 族 不 故 復成 言, 其 放 其 名詞 言中, 弊 為某特 除此之外 諸 Thi 睡, 動 系 如西 害 及有 同 詞 遂造 四 尚 是 有 睡 為男性 海 亦 甲種 歐近 有 他 不 其 以教 種 統系之 而 十四四 則 性 甚 她 為 複 别 牠 世

梵語 之,不能 之支流 基督教之影響至深, 律。苟違犯之者,則為不通。并非德人作德文文法喜繁瑣 之西 必先假定其同 之發達。 不能確定 吾國 言之學 波斯 歐 有 語 沂 甲 故欲 性。 -種特殊 中 為功。 裔。 文約 語等, 世 ,且常錯認其特性之所在 必具 或 語 迄乎近 因此 略摹 號稱始有文法。 於縱貫之方面 出 詳 互 現 一源 知 如英文名詞 而所與互相比較者, 一相比較 相, 仿印歐系語之規律, 歷史觀念 確 種語言, 昔日歐人往往以希伯來語言為世界語言之始祖, 世, 證 故有 以演繹 研究, 比較語言之學興, 種語言之特殊現相及其性質 今日尚有此種特殊現相。 甲 有三格 ifij 剖別其 種文法。 夫印歐系語文之規律, 遞變隔離分化之關係, 具 於是系内各個語言之特性逐 有 源流 又必須屬於同系中 德文名詞 歷史觀念者, 而成一非驢非馬, 乙種 編為漢文典, 舊日謬誤之觀念得以革除。 於横通之方面 語 則 言, 有 四格。 有乙種特殊 必不能認賊作父 故此 未嘗不間有可供中國之文法作參考及採用 以 乃各自成為大同而小異之言語。 如何, 便歐人習讀。 大同而小異之語言。 穿鑿附會之混沌怪物。 種語言之文法, 法文名詞有男女二 英人作英文文法尚簡單 比較其差異。 漸 非綜合分析, 現相, 發 見。 自亂 印歐 故有 馬眉 而自附其 因 由是言之, 亦不得 其 乙種 叔 其 系 性, Ħ 蓋 效之, 宗統也。 能 語 相 文法。 不如此 言 取 語言於希 天 不特設 比 學 同 德文名 同系之語言, 遂有 也。 較 系 往 從事比 遂 即 語 故分析 文通之 日 則 以 有 伯 歐洲 此 詞 同 法 研 究 如 規

者。 能就白樂天等在中國及日本之文學上,或佛教故事在印度及中國文學 實為赤縣神州 僧徒有竺法雅者 諸 中 互 面 未成立 途徑進行, 穿鑿附會 國文法 格義」式之文法自欺欺人,用之為考試之工具。又非甚有學之人,故又不能即時創造 之觀念。 或 相比較 不同系之漢文, 其中有與高中卒業應備之國文常識相關者,亦有漢語漢文特殊優點之所在, 如梵語 必先將 以為 研 之暫時 否則古今中外, 其他 將來自可達到真正中國文法成立之日。但今日之吾輩, 既非甚不學之人, 怪誕 究 國文文法之「格義」觀念, 文典中, 附會中西學說之初祖。即以今日中國文學系之中外文學比較一類之課程言, 測 代用 百出 屬 驗之標準。 方符合比較研究之真諦。 取內典外書以相擬配,名曰「格義」(「格義」之義詳見拙著「支愍度學説 有不合者, 於某種語言之特性者 語 品, 莫可追詰 根之説是也。 人天龍鬼, 此 無可奈何,不得已而求一過渡時代救濟之方法 方法即 即指為不通。 更 為對對子。 摧陷廓清, /無所謂研究之可言矣。 比較研究方法之義 今於印 無 一不可取以相與 若亦同視為天經地 蓋此種比較研究方法, 嗚呼!文通,文通, ·歐系之語言中, 所對 然後遵循藏緬等與漢語同系語言,比較研 不逾 八比較。 十字, 義 將其 荷馬 ,必須具有歷史演變及系統 已能表現中 金科玉律, 何其 規則之屬 口 比屈 上之影響及演變等問 不通如是耶?西晉之世, 原, 於世 或 以 按 條 語 為 既如 界 孔子可 文特性之多方 真 可藉以測驗高 逐 語 句 此 IF. 中 故羞 比歌 公律 真正 或 故 亦祇 文 異同 施 法

(甲)對子可以測驗應試者,能否知分別虛實字及其應用。

文則 此 理 易解, 可不論 不待多言。 因特拈出 所不解者 此 重公案, 請公為我 清華考試 英文, 有不能分別動詞名詞者, 必不録取

(乙)對子可以測驗應試者,能否分別平仄聲。

本國音 者不能分平仄,則不能完全欣賞與瞭解,竟與不讀相去無幾,遑論仿作與轉譯。 識 不依文鏡祕府論之學説 此 點最 吾國語言之平仄聲與古代印度希臘拉丁文同,而與近世西歐語言異。然其 讀 一要則一。今日學校教學英文, 則不知其文句起迄。故讀古書,往往誤解。 曲 領訓 聲調高 關 」耶?又凡中國之韻文詩賦詞曲無論矣, 多依聲調而決定。印歐語系之標點法 重要, 詁之學者, 下與語 乃數年閱卷所得之結論。 言遷變,文法應用之關 豈待在講堂始調平仄乎? ,以苛試 高中卒業生。但平仄聲之分別,確為高中卒業生應具之 亦須講究其聲調之高下,獨國文則不然,此 今日中學國文教學, 必須注意者也。 吾人今日當 係, 大正一切藏經句讀之多譌, 即美術性之散文, 學者早有定論。 不盡能施用於中國古文。若讀者不通平仄聲 抑 在高 中畢業以 今日大學本科學生, 前, 亦必有適當之聲 即 須 知 即由於此。又漢 「天子聖 乃殖 關於語 又中國古 調。 民 地之表 哲 言文學 有 若 欲 窺 常 然 燈

史及詞曲目錄學之諸公得知今日大學高中學生,其本國語言文學之普通程度如此。諸公之彈 言語道 聲實下淚」,皆諧和亦皆不諧和,二者俱無分別。講授文學, 人, 若不能分別平仄 力, 演為單音語,其文法之表現,即依託於語詞之次序。昔人下筆偶有違反之者, 然讀者必須知此句若作「聽猿三聲實下淚」, 斷之感。此雖末節,無關本題宏旨,所以附論及之者,欲使學校教室中講授中國文學 以遷就聲調。 中古以後之作,多因聲調關係, 高談博引, 豈不徒勞耶?據此, 可以利用對子之方法, 此種破例辦法之是非利弊, 則此問題, 以實行之。 於彼絕不成問 則知平仄聲之測驗, 如「聽猿實下三聲淚」之例。此種句法, 則平仄聲調不諧和。故不惜違反習慣之語 別為 題。 蓋其人讀「聽猿實下三聲淚 問題, 而遇此類情形, 應列為大學入學國文考試及格 不必於此討 論。 真有思惟路絶 但讀此 」與 雖不必仿 聽 詩句之

(丙)對子可以測驗讀書之多少及語藏之貧富。

今日學生所讀中國書中, 但 專名或成語, 而對者能以專名或成語對之, 則此人讀書之多少及語藏之貧富, 就 其 所讀數量言, 今人之著作太多, 二者之比例相差過甚, 古人之著作太少。 必非合理之教育, 非謂今人之著作, 亟須矯正。 若出 學生不可多 可以測

及格。 者,其人之思想必通貫而有條理,決非僅知配擬字句者所能企及。故可藉之以選拔高才之士 警策之儷句, 不覺與其說暗合,殊可笑也。)對一對子,其詞類聲調皆不適當,則為不對,是為下等,不 梅村歌行中對句之妙。其所舉之例,如「南内方看起桂宫,北兵早報臨瓜步。」等,皆合上等 言外之意是也。此類對子,既能備具第三階段之合,即對子中最上等者。趙甌北詩話盛稱吳 此新意義,雖不似前之正及反二階段之意義,顯著於字句之上,但確可以想像而得之, 調,不但能相當對, 又有反,是為中等, 日稱為合掌對者, 凡上等之對子,必具正反合之三階段。(平生不解黑智兒[一譯[黑格爾]]之哲學,今論此事, 條件, 即使詞類聲調皆合,而思想重複,如燕山外史中之「斯為美矣,豈不妙哉!」之句,舊 亦莫不如是。惜陽湖當日能略窺其意,而不能暢言其理耳。凡能對上等對子 實則不獨吳詩為然,古來佳句莫不皆然。豈但詩歌,即六朝文之佳者,其篇 亦為下等,不及格。因其有正,而無反也。若詞類聲調皆適當 而且所表現之意義,復能互相貫通,因得綜合組織,別産生一新意義。 可及格。此類之對子至多,不須舉例。若正及反前後二階段之詞類聲 即有正

昔羅馬西塞羅Cicero 辯論之文,為拉丁文中之冠。西土文士自古迄今,讀之者何限,最近時德

漢族 在, 人始 學特性之研究發展以後。 愐 而欲 今言及此者 其所非。吾輩固不必, 自矜其天寶末年之時世裝束, 語文之特性 發見其文含有對偶。拉丁非單音語言, 文有對 研究此種特性者,不得不研究由此特性所産生之對子。 非欲助 挾其十九世紀下半世紀「格義」之學, 今日言之,徒遭流俗之譏笑。 · 駢驪之文,增高 且無從與之校量也。尊意以為何如? 而 不知天地間別有元和新樣者在。 其地位。不過藉以説 偶, 然彼等既昧於世界學 以相非 不易察知。故時歷千載, 難 明對偶確為中 此 IE 義當質證 可醫諸 亦祇得任彼等是其所是 術之 白 於他 國語 [髪盈. 現 年中 猶有 文特性之所 狀 顛之上 國 待 復 語 一陽宮 不識 一發之 言

(原載一九三二年九月五日天津大公報文學副刊)

附記

行卷可以觀史才詩筆議論之意。 題。時寅恪已定次 餘年前, 蓋曾 遊清華 叔雅先生任清華大學國文系主任。 十園者, 日赴北戴河 可以 寫實。 未遊清華園者, 休養,遂匆匆草就普通 若應試者不被錄取, 一日過寅恪曰, 大學入學考期甚近 可以 想像。 則成一遊園驚夢也。 國文試 此即趙彦衛雲麓漫鈔 題, 題 為 夢 一笑! 遊清 · 其對 玖所 請代

六叟陳寅恪識 惟馮友蘭君 猴,而「行者」與「適之」意義音韻皆可相對,此不過一時故作狡猾耳。又正反合之説 對仗文學之能事。馮應榴蘇文忠詩註肆伍未知「韓盧」為犬名,豈偶失檢耶?抑更有 玖范睢傳),「行」與「退」皆步履進退之動詞,「者」與「之」俱為虛字。東坡此 子之題為「孫行者」,因蘇東坡詩有「前生恐是盧行者,後學過呼韓退之。」一聯(見東坡後 寅恪所以以「孫行者」為對子之題者,實欲應試者以「胡適之」對「孫行者」。 而劉胡並登鬼録,思之不禁惘然!是更一遊園驚夢矣。一九六五年歲次乙巳五月七十 贈虔州術士謝[晉臣]君七律)。 一人能通解者。 蓋馮君熟研西洋哲學, 「韓盧」為犬名(見戰國策拾齊策叁齊欲伐魏條 復新遊蘇聯返國故也。今日馮君尚健 聯可 蓋猢猻 稱 及 極 史記 當時 乃猿 可言 中 或 柒

### 劉叔雅莊子補正序

樸學。其所著書,幾何不為金聖歎胸中獨具之古本,轉欲以之留贈後人,焉得不為古人痛哭 耶?然則先生此書之刊佈,蓋將一匡當世之學風,示人以準則,豈僅供治莊子者之所必讀而已 依古本改正。」夫彼之所謂古本者,非神州歷世共傳之古本,而蘇州金人瑞胸中獨具之古本也。 敢遽判。繼而思之,嘗亦能讀金聖歎之書矣。其注水滸傳,凡所删易,輒曰,「古本作某,今 訂舊文, 多任己意, 而與先生之所為大異者。寅恪平生不能讀先秦之書, 二者之是非 雖能確證其有所誤,然不詳其所以致誤之由者,亦不之正。故先生於莊子一書,所持勝義猶多 合肥劉叔雅先生文典以所著莊子補正示寅恪,曰,姑強為我讀之。寅恪承命讀之竟,歎曰,先 由是言之,今日治先秦子史之學,與先生所為大異者,乃以明清放浪之才人,而談商周邃古之 曰, 先生之為是, 非得已也。今日治先秦子史之學, 著書名世者甚衆。 可謂天下之至慎矣。其著書之例,雖能確證其有所脱,然無書本可依者,則不之補。 ,此書殊不足以盡之也。或問曰,先生此書,謹嚴若是,將無矯枉過正乎?寅恪應之 偶聞 人言, , 其間 初亦未 頗

哉?一九三九年歲次己卯十一月十四日修水陳寅恪書於昆明靛花巷北京大學研究所宿舍。

# 楊樹達積微居小學金石論叢續稿序

文石刻則其少數脱離之片段,未有不瞭解多數匯集之資料,而能考釋少數脱離之片段不誤者。 感事 學術之林,始終未嘗一藉時會毫末之助,自致於立言不朽之域。與彼假手功名, 諸學校 先生平日熟讀三代兩漢之書,融會貫通,打成一片。故其解釋古代佶屈聱牙晦澀艱深之詞 赤縣神州訓詁小學之第一人。今讀是篇 長沙楊遇夫先生自辰谿湖南大學寄示近著積微居小學金石論叢續稿若干卷, 業於時務學堂 恪於此別有感焉, 無不文從字順, 經史之人,非通經無以釋金文,非治史無以證石刻。 詩 首, 寂寞勤苦, 有「祇有青山來好夢, 犂然有當於人心。此則讀先生之書者,自能知之,不待寅恪贅言也。 後復游學外國, 百年以來, 逾三十年, 洞庭衡嶽之區,其才智之士多以功名著聞於世。 不少間輟。持短筆, 其同時輩流 可憐白髮換浮名。 益信其言之不誣也。 頗有遭際世變,以功名顯者, 照孤燈, 羣經諸史, 乃古史資料多數之所匯集。 」之歎。 先後著書高數尺, 自昔長於金石之學者, 寅恪嘗聞當世學者稱先生為今日 獨先 命寅恪序之, 媵以 先生少日即已肄 生講 傳 因得表見者 誦 雖然,寅 於海 授於南北 必為深研 句,

歲次壬午十二月二十五日陳寅恪謹書於桂林雁山別墅。 多所論列,因先生之命,故別陳所感者如此,不識世之讀先生書者,以為何如也。一九四二年 者,亦儒宗所應具,斯誠可喜之兆也。又何歎哉?又何歎哉?寅恪未嘗學問,豈敢於先生之書 文化於京師太學。其時縱有入夢之青山,寧復容先生高隱耶?然則白髮者, 平之宙合,天而不欲遂喪斯文也,則國家必將尊禮先生,以為國老儒宗,使弘宣我華夏民族之 生民之禍亂, 至今日而極矣。物極必反, 肥瘠榮悴, 固不相同, 而孰難 孰易,孰得孰失,天下後世當有能辨之者。嗚呼!自剖判以來, 自然之理也。一旦忽易陰森慘酷之世界,而為清朗和 國老之象徵。浮名

### 楊樹達論語疏證序

於于闐大寺,遇般遮于瑟之會。三藏諸學各弘法寶, 此土詁經之法大異。 乃自來詁釋論語者所未有,誠可為治經者闢一新途徑,樹一新模楷也。天竺佛藏,其論藏別為 語言之與論語有關者,並間下己意,考訂是非,解釋疑滯。此司馬君實李仁甫長編考異之法: 矛盾疑滯者,若不考訂解釋,折衷一是,則聖人之言行,終不可明矣。今先生匯集古籍中事實 聖言簡奧,若不採意旨相同之語以參之,則為不解之謎矣。既廣搜羣籍, 先生著論語疏證適成, 孔子之生,距今歲將二千五百載,神州士衆方謀所以紀念盛事,顯揚聖文之道,而長沙楊遇夫 然不敢治經。及讀先生是書, 形似而實不同也。夫聖人之言,必有為而發,若不取事實以證之, 如譬喻之經,諸宗之律, 出三藏記集中, 寄書寅恪,命為之序。寅恪平生頗讀中華乙部之作,間亦披覽天竺釋 喜曰, 先生治經之法, 殆與宋賢治史之法冥會, 雖廣引聖凡行事, 述出賢愚因緣經始末云:「釋曇學威德等八僧, 説經講律,依業而教,學等八僧,隨緣分 以證釋佛說, 然其文大抵為神話物語, 以參證聖言, 則成無的之矢矣。 而與天竺詁 西 其言之

則未見有受釋氏之影響者。惟皇侃論語義疏引論釋以解公冶長章,殊類天竺譬喻經之體。殆六 證 歲次戊子十月七日陳寅恪書於北平清華園不見為淨之室。 史無成, 朝儒學之士, 銜之洛陽伽藍記等,頗似當日佛典中之合本子注。然此諸書皆屬<br />
乙部,至經部之著作,其體例 學之法, 知古人不取 記 彼佛教譬喻諸經之體例 精思通 今此 而天竺 詁經之法, 亦有受其薰習者。寅恪嘗謂裴松之三國志注,劉孝標世説新書注 幸見先生是書之出,妄欲攀引先生為同 譯, 此法以詁經也。 經 漸染於佛教者至深, 具存, 各書所聞。 所載悉為神話物語。 與此土大異,於此亦可見一例也。 還至 蓋孔子説世間法, 則形 高 雖似 亦嘗襲用其法, 乃集 而實 世之考 為 不同, 故儒 一部。」然則, 類以自重 高昌之壁畫, 以詰 家經 固不能取其法, 典 孔氏之書耶? 不識先生亦笑許之乎?一九四 南北朝佛教大行於中國, 必用史學 賢愚 釋敦煌之變文者 經實當時 以釋儒 但此 考 據 為舊 家 即實 酈道 曇學 注中 經 往往 等 典 事 元 水經注 也。 所僅 求 聽 取 講 是之法治 寅恪 見 大 經律之 之以為 夫治 1 治 口

(原載一九四八年十二月十二日香港星島日報「文史」拾期)

#### 陳述遼史補注序

紛錯 諸 坊本建炎以來繫年要録, 所可企及平?寅恪僑寓香港 得昔人合本子注之遺意。 則忽豁 稱契丹史事之總集, 所撰遼史補 度量之外矣。由今思之,儻非其書喜聚異同, 其實非也。 局於所見 期之注三國 然心 殆極 世態詭變之至奇。然其中頗復有 通意會。 注 序例, 一志,深受當時內典合本子注之薰習。此蓋吾國學術史之一大事, 不知古今學術系統之有別流, 著述體裁之有變例, 趙宋史家著述, 平生讀史凡 急取 近日吾國史學不可多得之作也。 抱持誦讀。其汴京圍困屈降諸卷, 所述人事利害之迴環, "讀之, 誠乙部之傑作, 值太平洋之戰, 見其所論寧詳毋略之旨 四十年, 如續資治通鑑長編 從無似此親切有味之快感, 豊庸 不甚可解者, 扶疾 妄子 取材詳備, 之書, 入國, 回憶前, 三朝北盟會編 矜詡 甚與鄙見符合。 歸正首丘 乃取當日身歷目覩之事 在絕島 曷足以臻是耶?況近日營州舊壤 筆削 以喜聚異同 自比 而死亡飢餓之苦, 蒼黃 途中 建炎以來繫年 得陳 若使全書告 夏五 逃死之際, 玉 郭公斷 書先 丁,以 要録 坐長煩 而後代評史 國論是 爛朝 取 生述 成 遂亦置 相印證 巾 寄示 報者 殊 無為 口 能

遼陵玉册,已出人間。葬地陶瓶,猶摹革橐。 所不可或緩者。 族千年之往事及其與華夏關係之痛史,不隨刧波之火以灰燼。 寅恪頻歲衰病,於塞外之史,殊族之文,久不敢有所論述。惟尚冀未至此 不有如釋教信徒迦葉阿難之總持結集, 故遼史補注之作, 尤為今日 何以免契 身蓋

山別墅。

棺之日,獲逢是書出版之期,

今日發聲唱導之時,

不勝深願誠禱者也。一九四二年歲次壬午十一月十九日陳寅恪書於桂林雁

而補注之於遼史,亦將如裴注之附陳志,並重於學術之林,

斯則

(原載一九四二年十二月讀書通訊第伍陸期)

#### 陳垣燉煌刧餘録序

識, 也。 學者縱欲 所貢獻。吾國學者,其撰述得列於世界燉煌學著作之林者,僅三數人而已。夫燉煌 此古今學術史之通義 所藏燉煌寫本八千餘軸,分別部居, 宗教史。 内, 所出經典, 流。治學之士, 時代之學術, 自發見以來,二十餘年間, 然亦未始非以燉煌所出經典, 涵括至廣, 其 有所致力, 書 精博, 又以中文為多,吾國燉煌學著作,較之他國轉獨少者,固因國人治學,罕具通 必有 得預於此潮流者, 謂之預 而憑藉未由也。新會陳援庵先生垣, 世皆讀而知之矣。 其新材料 非彼閉門造車之徒 與 東起日本, 新問 稽覈同異, 題。 今復應中央研究院歷 流(借用佛教初果之名)。 取用此材料, 西迄法英, 所能同喻者也。燉煌學者,今日世界學術之新潮流 散佚至衆, 迄無詳備之目録, 不易檢校其內容 編為目録, 諸國學人, 以研求問題, 往歲嘗取燉煌所出摩尼教經,以考證 史語言研究所之請, 號曰燉煌却餘録。 各就其治學範圍, 其未得預者, 謂之未入流。 ,則為此時代學術之新潮 誠治燉煌學者 就北平圖 在吾國 先後咸有 境

鳴菩薩 知。 佛説 變, 思耳 斯 相 部寫本百分之一,而世所未見之奇書佚籍已若是之衆 經, 有 翻 與互 經 歸 H 地獄 不流 既 破昏 諸 缺之工 諸紙背題 大德法成辛酉年(當是 於佛教故 員 經 足贊普之韶 則 變等, 念法 雑緣 説 此 入於異 明論等, 一具也。 或 而 殘篇故 人 平均通計之, 記 所引龍 喻 事 等, 者也 有關 獲茲憑藉, 國 大 寅恪有以 有關 書, 書既 由 紙 樹論 皆有關於學術之考證者也。 於小説文學史者也。 即 記 中 姓氏録所載貞觀時 未必實有繫於學術 秘 成 維摩詰經頌 於佛教教 知其不然 藏 彌 唐武宗會昌元年)出 宜益 則吾國 不見於日本石山寺寫本龍樹 命寅恪序之。 於私家。 勒之對 能取用材料以研求問題, 義者也。 有之八千餘 音, 茲國 請舉 唐睿宗玄宗讚文等, 可與中 諸郡著姓等, 之輕 佛説孝順子修行成佛經, 首羅比 數例以明之。 有之八千餘軸 或日, 佛本行集經 軸 重 一麥與 亞發見之古文互證。 但此 者 燉煌者 比於異 在。 人抄録經典, 儻 綜 僅就寅恪所曾讀者而 泣演義, 五明 有關 摩尼教經之外 今日之編斯 有關 勉作燉煌學之預流 國及私家之 蓋當時唾棄之賸 吾國學術之傷心史也。 論中, 合並世 於唐代 維 於唐代詩歌之佚文者也。 摩詰 及周 當是 史事 録 所存燉煌 六朝舊譯之原 經菩薩 所藏 也 廣 舊譯 者也 如 順 不過 言 餘 11 丘見月光童子經等 八年 婆 又何多讓 寫 别 演 精華 其 佛說 羅 庶幾內可以 本 本 聊 道宗 為數 夷 以 之佚文。 其 取質 禪 經 寄 Ė 發 焉。 尚 往 門 所 其 藉 量 其他 相 見 西 不 經 載 憤 唐 之 及 天 此 叶 慨 取 如

此

歷

却僅 存之國寶, 外有以襄進世界之學術於將來, 斯則寅恪受命綴詞所不勝大願者也。

(原載一九三〇年六月歷史語言研究所集刊第壹本第貳分)

### 陳垣元西域人華化考序

致也。 句 則 東北 有 論 史學之材料 各別 不然 清 難徵之結論 述為滿足。 代經學 夫義理 隅之地 何以三百年間 獨清 株連 其 大都完整 材料 一詞章之 因其材料殘闕寡少 而 代之經學與 慘 號稱極盛, 其論既出之後, 晚明 酷 不能綜合貫通,成一有系統之論述。 往往殘闕 整 學者有 而較備 學及八 初清數十年間之載記 史學之不振如是?是必別有其故,未可以為悉由當世人主 而又寡 而史學則遠不 史 所畏避 學, 股之文, 具 固不能犂然有當於人心, 少, 其解 俱為 及解釋無定之故, 與史學 其解 釋 因 考 亦有 逮宋 據之 而 耳。 釋尤不確定, 不 本不 所限 敢致力於史, 學, 其他歷代數千歲之史事 制 故治 同 論者輒謂 轉可利用 物, 以誇誕之人,而治 非 其 以謹愿之人, 而治其 可 八學者, 是 而人亦不易標舉反證以相 人執 愛新覺羅氏以外族入主 固 一二細微疑似之單證 業者 【然矣。 説 亦並 號為樸學之徒。 然清 又別為一類之人, 可不取 而 無從判決其 經學, 治經學 即有 室所 所忌 則不甘以片段之 最 以以 摧毀壓抑之 中 則 當 諱, 忌 否也 詰 但 諱 威 所差異者 附 亦 者 能 會 依 非 屢 其 不過 經 甚 起 廣 違 所

力 以來, 之士, 質正 論問 佈 漢之書, 諦 衰 誠 晶 例 頹 口 成 書 於先生 歸 本 哀矣。 題 庶幾宋賢著 而 鬼 為左 係 未之有 外受 能 誕 始 物 新 吾 而喜 以 其誇 為考 為其 經 會 及當 傳設 陳 世 此清 餘 苟 國學術風氣之轉移者至大, 學家之所 談中 力肄及 也。 援 界思 學者 誕者 據之學者, 形 述之 世 庙 代 態略具, 而 之 今復取前所著元西 潮 經 古以降民 先 為者。 所發 規模 之激 又流 學 學 可不 生之書, 發 殆視: 者 於奇 讀唐以 明 盪 則能 展 羣捨史學而 先生是書之所發明 族文化之史, 為 則讀者自能 過 至於先生是 尤為中 何但 其論 甚 文 詭 事 悠謬 後書, 儒 E 所以 畢, 左 史之作, 老 傳。 域 趨 外學人 病 豈僅局 知之, 轉致史學之不振 以求 其真 人華化考, 而 於經學之一途。 ,故承命不 銷 書之材料豐實 今日 愁送日 不 所 漸 速 可究詰。 狀之果肖似 於元代西域 更 效。 吾 推 能 (無待於 脱除清 必 威 服 立具。 聲譽 可 治學 辭。 刻木印 雖 示 蓋先生之精思博 之士, 欲藉 其謹 既 以 代 也。 有 與 寅恪之贅言者也。 當時史 條 人華化 經 研治史學之人,大抵於宦 否, 準 行, 易 理 [愿者, 近 是略言清代史學 師 致 繩 明 競言 二十 畫者 命寅恪序之。 之舊 學地位之 辨, 事 王 而 年來, 既止 染, 其 古 利 與 分析 史, 而 趨 識 禄 觀者 已哉? 向 有 於解釋文句, 亦 卑下若此 與綜 察其 摯仲 或 隨之。 兩皆不 吾 以 所以 寅恪 合 然則 或 人 合 持 洽 内 學 於今日 千九百三十五 謂 感 是 論 不 者 於是 不 知 一者俱 書之 成以 振 敢 也 杜 民 由今思之, 史學 之由 族文 間 觀 自 而 元 凱 極其 重 錢 後休退 世 有 往 刊 類 春 曉 能 才 流 平 秋 兩 討 智 經 以

(原載一九三四至三五年勵耘書屋叢刻本元西域人華化考)

### 陳垣明季滇黔佛教考序

外學者 志節 之宗教史。 中 合論。 無待贅言者也。 聞見之博若是。至識斷之精, 頗喜讀 國史學莫盛於宋,而宋代史家之著述, 陋有以 成已 然自來史實所昭示, 内典 今日追述當時政治之變遷 滇黔實當日之畿輔, 域文化之精英者 、致之。 然其有之,實自近歲新會陳援菴先生之著述始。 誦 又旅居滇地, 讀 抑寅恪讀是書竟,別有感焉。世人或謂宗教與政治不同物,是以二者不可參互 而仰慕之矣。 元明及清, 宗教與政治終不能無所關涉。即就先生是書所述者言之, 而於先生是書徵引之資料, 蓋由於此。 而神州正朔之所在也。 體制之善, 今復以所著明季滇黔佛教考遠寄寅恪讀之, 治史者之學識更不逮宋,故嚴格言之,中國乙部之中, 以考其人之出處本末, 及明社既屋, 於宗教往往疏略, 此不獨由於意執之偏蔽, 亦同先生前此考釋宗教諸文, 是又讀是書者 故值艱危擾攘之際, 其地之學人端士, 所未見者, 雖曰宗教史, 先生先後考釋摩尼佛教 始十之七八。 相率 以邊徼一隅之地 未嘗不可作政治史讀 並命綴以 遁 逃於禪 其 搜 间。 明末永曆 文 幾無完 亦其 所共 羅 以全其 之勤 猶略 海内 知見 善

也。 負如來。今先生是書刊印將畢,寅恪不獲躬執校讎之役於景山北海之旁,僅遠自萬里海山之 先生講學著書於東北風塵之際,寅恪入城乞食於西南天地之間,南北相望,幸俱未樹新義,以 可立 終不能無所關涉之一例證歟?一九四〇年歲次庚辰七月陳寅恪謹序。 外,寄以序言,藉告並世之喜讀是書者。誰實為之,孰令致之,豈非宗教與政治雖不同物 金陵瓦解。乃南馳蒼梧瘴海,轉徙於滇池洱海之區,亦將三歲矣。此三歲中,天下之變無窮。 嗚呼! 便共立心無義。 治此 計 昔晉永嘉之亂,支愍度始欲過江,與一傖道人為侣。謀曰,用舊義往江東, 權救飢耳。無為遂負如來也。憶丁丑之秋, 寅恪別先生於燕京, 及抵長沙, 而 既而此道人不成渡,愍度果講義積年。後此道人寄語愍度云,心無義 恐不 而

(原載陳垣明季滇黔佛教考一九四〇年八月本)

#### 姚薇元北朝胡姓考序

時俱進 漸 此 姚 證 梁書蘭欽王僧辯侯景諸傳, 之染胡化者, 中國之君主及諸王之名, 類之名, 附著 君薇元著一論文, 染宫廷皇族之勢力, 而 乃胡 殊與推求事實有關, 黑獺 言者, 胡漢雅俗 語「渾」之對音,亦即「賀六渾」之雅譯漢名, 然其當日所言,迄今猶有他人未能言者。此讀者自知之,無待寅恪贅論。惟不能不於 」則本其胡名, 兼有 即吾國史乘, 本來之胡名及雅譯之漢名。 題曰北朝胡姓考,近欲刊行,遺書來徵序引。 雖似兩歧,實出一源,於史事之考證尚無疑滯,可不深論。又如 然其 治史者不得置而不究。如清室君主之名, 其中頗有藏文轉譯梵名之蒙古對音者,於此雖足以推證其 並非其字也。 事 均目 不止胡姓須考, 顯 明 為黑泰, 易見, 由此推之, 故亦可不詳究也。 可知泰 如北朝之宇文泰, 胡名亦急待研討是也。 」即胡 而「賀六渾」則本其胡名, 胡化漢人高歡, 語「獺」之對 至於清代史事, 周書北史俱稱其字為黑獺 世祖福臨之前, 寅恪以為姚君之學, 音, 凡入居中國之胡人及漢人 史稱其字為賀六 亦即一黑獺 則滿文名字之考 並非 本為滿洲語 時 其 之 字也 渾。 西番佛教 元代統治 雅 固已 譯漢 此 Ifi 與

正法! 人。」)又傳聞翁氏姊婿,即注樊南文集補編之清代學者錢振倫,其中式道光十八年戊戌 漢文雅名, 之漢文對音, 督噶禮所上滿文奏摺多本,中夾一紙片,上書漢文「勿使汗阿媽知及我弟鄂爾弼云云」等語。 十七名進士時,原名福元,後所以改名振倫之故,實出孝欽后意旨。蓋清代翰苑簡放學政主考 、翁文恭公日記同治六年丁卯二月廿日條 汗」字源出「可汗」,在滿 其漢文文件之外, 尚有滿蒙文檔案, 先皇帝以是呼余者也。諳達等退而識之。」又此條「福齡阿」下原注云:「漢文天 外間固不得 寅恪頗疑此事與穆宗之滿名「福齡阿」有關,未知確否?此等滿文名, 由君主朱筆圜出。孝欽垂簾聽政,語軍機大臣曰,錢福元之名, 兼據其上下語氣, 此點實關噶禮之死及皇儲之爭,惜已不能考知鄂爾弼果為何人。以後來清代諸皇 實則仍別有滿文之名, 故清世亦不以之避諱。 而知也。 内藏康熙朝重要史料。如已刊佈之汪景祺西征隨筆, 寅恪曩於北平故宫博物院發 洲語,通常以之當漢文「皇」字,「阿媽」為滿洲「父」字之音譯, 此紙疑出廢太子胤礽之手,而鄂爾弼當是聖祖諸子之一, 如穆宗漢名載淳, 但自聖祖玄燁以降, 如康熙朝先以貪婪罪罷斥,後坐忤逆罪自盡之兩 云:「上讀滿字至福齡阿, 翁同 秘箧, 漢化益深, 龢謂其滿文名為福齡阿, 外附「敢不在 顧謂諳達曰, 諸帝之名傳於世者, 即其 我何能園出?錢公遂易 中年羹堯案 御前開拆者 僅用於家庭宫禁之 此余 即 如胤 是 生有 附件之 科二甲 在熱河 既 其例。 即

陋劣, 芸閣 君徵序, 兄輩亦將伊戲笑輕賤 家」,「衣」為「的」。)則適與「塞思黑」之音符合。 、恪書於桂林雁 世俗 見有滿洲語「腰子筐」一詞,若綴以繫屬語尾「衣」字,(如「包衣」之「衣」。滿洲 學士 亦決 加 , 廷式, 知者 遂附 無以猪狗名其同父之人之理。其究為何義, 提桶 相傳 陳 以 柄」之説, 亦止 以「塞思黑」之義為「提桶柄」,然「提桶柄」之義亦難索解。 山別墅。 考證胡名之説, 為滿洲語猪狗之義。 其 」之語(見東華録 漢文雅 乃傳祭酒之語者, 名, 以求教於世之博通君子。一九四三年歲次癸未 而 其説 雍正四年五 不傳 至為不根。 其 記憶有 滿 文之名故也。 月十七日 證以東華 所未確耶?寅恪懷此 無論 殊難考知。 阿 戊申條)。豈其改名本取像於形狀之 録所載世宗斥塞思黑「癡肥 其那 又 胤禩胤 嘗聞光緒 塞思黑非 補之改名 疑問 寅恪偶檢清 朝盛 滿 八久未 文猪 四月二十五 伯 狗之音 四 熙祭酒昱 能 其 語「包」為 文鑑器 决 臃腫, 那 大 語 塞

(原載一九四三年七月讀書通訊陸玖期)

寅

### 鄧廣銘宋史職官志考證序

吾國 證 諸 史尤甚。 容易耶?蓋天水一朝之史料, 可庇蔭百十人矣。 異, 正史中 木, 華夏民族之文化, 將 近 獲讀先生考辨辛稼軒事蹟之文,深服其精博,願得一見為幸。及南來後, 來 藉為改創之資乎?鄧恭三先生廣銘, 雖已凋落, 年之學術, 若欲補 刊佈於世。其用力之勤, 持論之慎, 所止之境, 今固未敢斷論。 卷帙最為繁多。 數百年來, 其闕 由是言之, 宋代之史事, 而本根未死, 陽春氣暖 如考古歷史文藝及思想史等, 遺 歷數千載之演進,造極於趙宋之世。後漸衰微,終必復振。 正其譌誤 曾匯集於元修之宋史。 必先精研 惟可一言蔽之曰, 真能熟讀之者, 夙治宋史,欲著宋史校正一書, 乃今日所亟應致力者。 萌芽日長, 及至盛夏, 枝葉扶疏, 亭亭如車蓋, 本書, 並世治宋史者, 未能或之先也。 以世 然後始有增訂 自來所謂正史者, 局激盪 實無幾 宋代學術之復興, 及外緣薰習之故, 人。 更何 此為世人所共知,然亦談 I 事之可言。 論探索其 皆不能 或 先以宋史 新 同寓昆明青園學 無 寅恪前居舊京 咸有 宋 根 宋 所 學之 史 譬諸 據 闕 職 顯著之 誤 官志 比較 書, 建 冬季之 Thi 17 其 何

覩, 術之同異,以慰釋之。庶幾益得專一於校史之工事,而全書遂可早日寫定歟?一九四三年歲次 恪承先生之命, 致於不朽之域。 有斜陽煙柳之句。 壬午一月二十七日陳寅恪書於桂林雁山別墅。 必勘 越等倫。他日新宋學之建立,先生當為最有功之一人,可以無疑也。噫!先生與稼軒生同 ,遭際國難, 有所不樂者, 而寅恪病榻呻吟, 餘力,可以從事著述。殊不意其撥冗偷閒,竟成此篇。 為是篇弁言,懼其羇泊西南, 其鄉土蹤跡, 間關南渡,尤復似之。然稼軒本功名之士,仕宦頗顯達矣,仍鬱鬱不得志 先生則始終殫力竭智,以建立新宋學為務,不屑同於假手功名之士,而能自 輒以達觀遣之。然則今日即有稼軒所感之事,豈必遽興稼軒當日之歎哉 救死不暇, 固難與之論學論史, 但當時亦見先生甚為塵俗瑣雜 雖不異前賢,獨傭書養親,自甘寂寞, 胸次或如稼軒之鬱鬱, 是其神思之缜密, 因并論古今世變及功名學 ,乃迥不相同。故身歷 志願之果毅 所 木 疑 寅

原載一九四三年三月讀書通訊陸貳期)

馮友蘭中國哲學史上册審查報告

得失, 部, 凡 竊 同 家去今數千年, 皆有所為而 而 怪目之乎?但此 後古人立説之 查此 僅存 著中國古代哲學史者, 一境界, 欲藉 書, 而 或晦 此 系條理之整 無 殘餘 發。 而對於其持論所 取材謹嚴, 持論精確, 隔 関膚 澀 用意與對 斷片, 而 種 其時代之真相, 故其所處之環境, 難解, 同情之態度,最易流於穿鑿傅會之惡習。因今日所得見之古代材料 廓之論。 理, 象, 以窺測其全部結構, 其對於古人之學説 則著者有意無意之間, 非經過解釋及排比之程序, 以不 否則 始可以真 得不如是之苦心孤 極難推知。 數千年前之陳言舊説 所受之背景, 允宜列入清華叢書, 、瞭解。 所謂真 吾人今日可依據之材料 必須備藝術 應具瞭 非完全明瞭, 則其學説不易評論, 往往依其自身所遭際之時代, 瞭 詣 絶無哲學史之可言。 解者 解 表一 與今日之情勢迥殊 家欣賞古代繪畫雕 以貢 之同情, 必神 種之同 獻於學界。 遊冥 方可下筆。 情, 僅為當時所遺存最小之一 想, 始 茲將 然若 與立 刻之 能 何 批 蓋古 其優 評 加以聯貫綜合之 説之古 眼光及精神 所居處之環境 不可 其 點概括言之、 人著書立説 學 而古代 説 以 或 可 之是非 笑可 哲學 然

絶無依 術之叢 固不可也。 偽材料亦有時與真材料同 古書之真偽。 在於是。 之惡習, 近日中國 日自身之哲 所薰染之學説 時之作, 中國古代史之材料 則去古人學説之真相 據, 治史者皆認為無關史學, 至於馮 號 iffi 學者 其誤固 亦可隨其一時偶然興會, 而為之改移, 幾若善博者能呼盧成盧, 於此 或 但能考出其作偽時代及作者,即據以説明此時代及作者之思想, 具 稱整理國故之普通 然真偽者 瞭 一宗傳 自也。 别 解之同 君之書, 以推測解釋古人之意志。 別具特識 不俟論。 所著 燈之語 情 愈遠。 其取 者, 之中 如儒家及諸子等經典, 不過相對問 一可貴。 利用 録 今人能知其非 狀況, 用 則馮君此 或 材料 而且 材料 而齗 此弊至今日之談墨學而極矣。 「哲學 如某種偽材料, 有害者也。 齗 題, 誠可為長嘆息者也。今欲求一 少史者, 亦具 此 致 作庶幾近之。 亦應為 辯 而最要在能審定偽材料之時代及作者 由 於其 通 人一時之所作, 此之故, 即其今日自身之哲學史者也。 識 皆非一時代一作者之產物。昔人籠統認為 然史論之作者 横 表章者也。 切 若逕認為其所依託之時代及作者之真産 請略言之。 方 所以 今日之談中國古代哲 面 全加 若推 此 而 亦缺 以中國今日之考 以 不知以縱貫之眼光 今日之墨學者, 或有意 此 表 揚, 意 乏史學之通 中國古代哲學史, Thi 及 為之流 於中 或無 學者, 其言 喝雉成雉之比。 則變為一真材料 據學 意 國之 識 佈者 任何古書古字 論 而利 大抵 所 史學 其發為言論 致。 視為 愈 有 用之。 其 能矯傅會 E 即 、理由 Tri 足辨別 條 談 種學 理統 其今 則 馮 此 中 君 實

批 此 助於考史。故蘇 所為而 明末之政論也。今日取諸人論史之文,與舊史互證,當日政治社會情勢,益可藉此增加瞭解 評古人詩集, ,所謂廢物利用,蓋不僅能供習文者之摹擬練習而已也。若更推論及於文藝批評, 即已印入作者及其時代之環境背景,實無異於今日新聞紙之社論時評。若善用之,皆有 此事 [子瞻之史論,北宋之政論也。胡致堂之史論,南宋之政論也。 ,固難證明,或亦間接與時代性有關 輒加塗抹,詆為不通。初怪其何以狂妄至是,後讀清高宗御製詩 斯又利用材料之別一例也。寅恪承命審查 王船山之史論 集, ,如紀曉嵐之 頗疑. 有 其

(原載一九三一年三月學衡第柒肆期,一九三四年八月商務印書館馮友蘭中國哲學史)

馮

君之作,

謹具報告書,並附著推論之餘義於後,以求教正焉。

# 馮友蘭中國哲學史下册審查報告

尚乞鑒定是幸!寅恪於審查此書之餘,並略述所感,以求教正。 貫。允宜速行刊佈,以滿足已讀前册者之希望,而使清華叢書中得一美備之著作。是否有當 思想史之有數著作,而信寅恪前言之非阿私所好。今此書繼續完成 書上册寅恪曾任審查,認為取材精審,持論正碻。 自刊佈以來, 評論贊許, 體例宗旨, 以為實近 仍復與前 年吾 册 國

明。 治之人,而晉南北朝隋唐五代數百年間,道教變遷傳衍之始末及其與儒佛二家互相關係之事 定推論儒道之關係,所説甚繁(東洋文庫本),仍多未能解決之問題。 此書作者,取西洋哲學觀念, 繁至久。 佛教經典言:「佛為一大事因緣出現於世。」中國自秦以後,迄於今日,其思想之演變歷 教之方面,如新安之學説, 昔閻百詩在清初以辨偽觀念, 要之, 祇為 一大事因緣, 以闡明紫陽之學,宜其成系統而多新解。然新 其所受影響甚深且遠, 即新儒學之產生, 陳蘭甫在清季以考據觀 自來述之者,皆無愜意之作。近 及其傳衍而已。此書於朱子之學, 念, 而治朱子之學, 皆有 蓋道藏之秘籍, 儒家之産 所創 迄今無專 生,關 日常盤 獲。 多所發 於

實 學説 世, 君, 是以佛教學 篤孝義之行, 現。故二千年來華夏民族所受儒家學説之影響,最深最鉅者,實在制度法律公私生活之方面 實現之也。 太史公所謂一至 而 關 遂成 佐成秦治。 言中國之思想 與吾國 悉採 即 尚 於學説思想之方面 入不改本來 則三教之説, 有 有待於研究。 固定之制度。 儒 入法典。 夫政治社會一切公私行動, 漢承秦業, 傳統之學説, 釋道三教之目 嚴家諱之禁。 始皇乃能並冠帶之倫」之「倫」。 面 秦之法制實儒家 能於吾國 目者, 此則吾國思想史上前修所遺之缺憾, 可以儒釋道三教代表之。 要為不易之論。儒者在古代本為典章學術所寄託之專家。 其官制法律亦襲用前朝。 如國家有慶典,則召集三教之學士,講論於殿廷,是其 或轉有不如佛道二教者。如六朝士大夫號稱曠達, 若玄奘唯識之學,雖震動一時之人心,而卒歸於消沈歇絕。 思想史上,發生重大久遠之影響者, 存在之制度, (北周 此皆儒家之教訓 一派學説之所附繫。 衛元嵩撰齊三教論七卷。 無 一不相 此雖通俗之談,然稽之舊史之事實, 固無預於佛老之玄風者也。 )為儒家理想之制度, 莫不與法典相關, 衝突。 遺傳至晉以 中庸之「車同 輸入之後, 見舊唐書肆柒經籍志下。 更有 後, 皆經 俟於後賢之追 法律與 而法典為儒家學説 軌, 若久不變易, 國人吸收改造之過程。 而於秦始皇 一禮經並 書同文, 釋迦之教義, 而夷考其實,往 一例。 補者也。 稱 李斯受荀 一之身 行 則絶 驗以今世之 儒 同 )至李 近雖 家 倫 故自晉 具體之實 難 無父無 南北 周 īfij 」(即 有人 即则之 其 官之 唐之 得以 忠 朝

子, 收。 以排 中 焉 作。故此 朝 本傳 道 U 儒 家 教意義 凡新 後之道 並自為傳以 欲 其 興 其真能於思想上自成系統, 外來之 結 然其 即 例 與李習之之關 元 來之大 書祇 繼 儒 局 已足 教 當 承 盡 最 死 家之學説 年四 教義。 乘 此 量 可認為天台宗後來受華嚴宗影響之史料, 富 亦等於玄奘唯 灰, 吸收 見 述 止 包 種 之一宗也 疑終 + 其 觀 羅 遺 新 此 義 係, 七 業 儒 法門一書, 至 家産 (孤 幾無 不能 種思想上之態度, 然仍不忘其本來民族之地 而能 廣 。)似亦於宋代 實啟新儒家開創之 山閑居 復振。 識之學, 生之問題, 不有道教, 演變 (其 大成者。 創造者慧思所作誓願文, 有所創獲者, 乃依據大乘起信論者 至 編 其故 一繁, 0 在吾國思想史上,既不能居最高之地位, 竊疑中 新儒家為先覺。二者之間, 猶有未發之覆 其年代 或與道教有關之佛教為之先導。 I 不似 自六朝時亦已如此。 他, 動機。北宋之智圓提倡中 國自今日以後, 儒教之偏 以性 必須一方面吸收輸入外來之學説,一方面 猶在 位。 質與 司馬君實作中 在也。 既融 重 環 而不能據以論南嶽之思想 恐係華嚴宗盛 政治社會制 最足表現其 境互相 成 至 即使能忠實輸 雖似相 道教對輸 家之説 方圓 庸廣義 其 度, 反, 關 庸, 鑿 、思想。 以 後, 係如 树, 如天台宗者 入之思 後, 之前 故 而實足以 甚至以僧徒 入北 天台宗偽 思 何, 勢不 至於北 則 (孤 且 想上尤 想 堅 美 得不 亦終歸於歇絕 H 持 也。 或東歐 相 如 不 山卒於宋 成。 佛教 易融 詳 而號 託 佛教 然也。 )其 真 不忘本 論 南 宗 從來 宗派 中 之 摩 宗 嶽 貫 思 真

尼

然

庸

徒 而 吸

知舊酒味酸,而人莫肯酤,姑注於新瓶之底,以求一嘗,可乎? 議 民 來民族之地位。此二種 【族與他民族思想接觸史之所昭 論 |近乎湘鄉南皮之間,承審查此書,草此報告,陳述所見,殆所謂「以新瓶而裝舊酒」者。誠 相反而 這個相成之態度,乃道教之真精神,新儒家之舊途徑,而二千年吾 示者也。寅恪平生為不古不今之學,思想囿於咸豐同治之世,

(原載一九三四年八月商務印書館馮友蘭中國哲學史)

## 先君致鄧子竹丈手札二通書後

濬。 砂 即葆之子。杜丈在河北道幕中二人相識,故語及之。鄧氏既為世好,兩家子弟頗相往還。 葆之兄弟與先祖有科舉同年之誼。 先祖任河北道時, 剏設致用精舍, 先生壻。 君侍先祖母寄寓長沙 旋奉廷旨 右先君致鄧子竹丈手書二通。光緒九年先祖以張幼樵副憲追論河南王樹汶案, 十餘載,久不通聞問 讀之, 益不勝死生今昔之感已。 ,守僧僧之舊義 五銖白水之舊朝 叔興指 湘綺手札中引聊齋誌異嘉平公子篇鬼妓之語,所謂「有壻如此, 袁丈樹欽 交湖南巡撫龐際雲差遣。 先祖不樂居湘, 頹齡 同其蜕革, 疑有不可究詰者。嗚呼!八十年間,天下之變多矣。元禮文舉之通家、 二札即此數年間所作也。 長沙人, 廢疾 清末官户部主事。 將何所成! 又奚足異哉 一九六五年歲次乙巳四月廿八日寅恪謹書。 玉清教授出示此 又奚足道哉!寅恪過嶺條踰十稔,乞仙令之殘 書中雲秋指湘鄉杜丈俞。石帥指 彌之即武崗鄧輔綸先生, 其子為湘 遂出 遊粤豫, 札, 海桑屢改 數年後, 聘葆之先生為主講。 不如為娼」者也。 始返潭州。 紙墨猶存, 解浙 閩浙總督楊昌 江 潭 其間先 提刑任。 近四 子竹 闦 運

#### 大乘稻芋經隨聽疏跋

Tome 4 ,史林第八卷第一號、支那學第三卷第五號、伯希和及日本羽田亨石濱純太郎諸君考 第一百二十三頁第五號、第一百二十四頁第一號及第五號)等。 (詳見 Journal Asiatique 經、義淨譯金光明最勝王經重譯本及關於觀世音菩薩神咒三種 為吐蕃沙門,生當唐文宗太和之世,譯經於沙州、甘州。其譯著之書,今所知者,中文則有敦煌 中自稱大蕃國人(Journal Asiatique, Série 11, Tome 4, P.143),據此四事,綜合推計, 開決記有法成癸丑年八月沙州永康寺集畢記, 成。案法成之名不見於支那佛教載記,其譯經始末無可考。 宗五事論、 石室發見之大乘稻芊經隨聽疏、 法成大乘稻芋經隨聽疏一卷,江杜君校集京師圖書館及傅增湘君所藏敦煌石室佛經各殘卷而 地論卷三十九,五十二,有法成弟子智慧山手書大中年月;又法蘭西伯希和君曾見法成 釋迦如來像法滅盡之記、 般若波羅蜜多心經、諸星母陀羅尼經、 歎如來無染着功德讚等。 諸星母陀羅尼經有法成甘州修多寺譯 敦煌石室寫本大乘四法經論及廣釋 藏文則有西藏文正 (柏林圖書館所藏西藏文正 瑜伽論附分門記 藏中之善惡因果 題字 薩婆多 知其 瑜伽

大演 剌尸 也。 章句次第,文字詮釋,適相符合。俗麻剌尸剌不知為印度何時人,廣大疏譯為藏文年代亦未能 成」之意譯。「溫崱个」者,「圓測」二字之訛譯。是書實玄奘弟子圓測解深密經疏之藏文譯本。 譯而來, 論 西明疏為法相宗實笈, 中文原本今已殘闕, 若自藏文譯補, 微宗旨確 東西互舉。 證文中。 定定。 注 ,刺(Kamalaçīla)稻芊喻經廣大疏,其書與隨聽疏第五解釋門釋本文文中所分五門, 耳。 疏 稻芋經隨聽疏博大而精審, 提路燈 一百十二品。 即使後於法成作隨聽 凡號 蓋蒙文目録,此疏譯主之名,依據梵文作Dharma-Siddhi, 昔玄奘為西土諸僧譯中文大乘起信論為梵文。 而與 ·釋廣大疏一種,震旦律師溫崱个撰, )予又檢閱北京本西藏文續藏滿蒙漢藏四體目錄, 」 夫成公之於吐蕃, 為法成 品 廣大疏同 有 龍樹菩薩聖稻幹經 法成當日為稻芋經作疏 所撰集者 出 二源, 疏時, 實皆譯 亦猶慈恩之於震旦;今天下莫不知有玄奘, 非此 否則中 然隨聽疏解釋門釋本文一 章句, 自藏文, 土尋常經疏可及。 藏 兩 第三十四函隨念三寶義 或已見此二書。 疏 答哩 但以當時 不能如是闇合也。 麻悉諦譯。 頗疑其別有依據。 所據 道宣記述其事, 見第四十一 原書, 節,亦必本諸法成以前吐蕃所譯 , 俾千年古籍, 又第三十七函十 「答哩麻悉諦」之名本自蒙古文音 旨中, 予因此並疑今日所見中文經 今多亡逸, 即藏文Chos-grub, 函契經 有龍樹菩薩 贊之曰: 西藏文續藏第 法成則名字湮没者 復成完書, 亦快事 地論釋中 故不易詳究其所 解中, 稻芋喻 法化之緣 有 中文「法 有 經部 經廣 天

世聲聞之顯晦, 師之語,持較慈恩,以見其不幸焉。 且千載, 迄至今日,鉤索故籍,僅乃得之。同為溝通東西學術,一代文化所託命之人,而其後 , 殊異若此, 殆有幸有不幸歟 讀法成隨聽疏竟, 為考其著述概略, 並舉南 山律

(原載一九二七年九月清華學校研究院國學論叢第壹卷第貳

## 懺悔滅罪金光明經冥報傳跋

事均譯載卷首 突厥系文本, 等語。然則明代受汰金光明經感應記所載,雖不知採自何書,而宋時非濁三寶感應要略所集明 張 明僧受汰金光明經科注卷四之末附金光明經感應記中有「冤家自擇」及「冤化為人」二條 百七十八及一百八十六頁所引)予雖未見其原文, 寫經亦有之。(日文原報告未見,僅見一千九百十一年安南遠東法蘭西學校報告第十一卷第 合 言出自滅罪傳, 願感應, 居道事。又宋僧非濁三寶感應要略中卷第二十九溫州治中張居道冥路中發願造金光明 肥張氏藏敦煌寫本金光明經殘卷卷首有冥報傳, 亦略記此事,題下注:「出滅罪傳」,其末又注:「更有安固縣丞妻脱苦緣繁故不述之」 (俄國科學院佛教叢書第十七種一千九百十三年出版)張居道入 其體制與敦煌寫經之冠以滅罪傳者適相符合。予又見德意志人近年於土魯番所 是此傳足本宋代猶存之證也。 近年俄羅斯人 C.E.Malov 君肅州得一金光明經之 以意揣之, 載溫州治中張居道入冥事。日本人所藏敦煌 當與此 無異。 冥及安固縣丞妻二 案此傳今無足本。 皆略記 經四

dra 之以為旁證, Preussischen Akademie der Wissenschaften, Mai, 1924)内容述及金剛經, 獲之吐蕃文斷簡,其中有類似滅罪冥報傳之殘本。(見 A.H.Francke, Sitzungsberichte der 典中流通為獨廣, 以其義主懺悔, 最易動人故也。至滅罪冥報傳之作, 意在顯揚感應, 卷本。西藏文則有三本(見支那學第四卷第四號櫻部文鏡蒙文金光明經斷篇考補箋),其一為法 字譯本,尚存於今日者,中文則有北凉曇無讖譯之四卷本,隋寶貴之合部八卷本,唐義淨之十 die Kunde des Morgenlandes, XV, 2, 1920 ) 據此諸種文字譯本之數,即知此經於佛教大乘經 tudes Linguistiques sur les Documents de la Mission Pelliot, 1913 及E.Leumann, Abhandlungen für 成重譯之中文義淨本。蒙古文及 Kalmuk 文(予曾鈔一本)均有譯本。滿文大藏經譯自中文當有 Turkestan 所載之本,餘詳見宗教研究第五卷第三號泉芳璟君讀梵文金光明經論文)其餘他種文 本及 惜太殘闕, 當時舊俗, A. F. Rudolf Hoernle, Manuscript Remains of Buddhist Literature found in Eastern 但予未得見。突厥系文則有德意志土魯番考察團所獲之殘本(F.W.K.Miller, 豈不異哉。 ,無由確證。是佛經之首冠以感應冥報傳記, )及俄國科學院佛教叢書本。(見前)東伊蘭文亦有殘闕之本, 渺不可稽,而其跡象,仍留於外族重翻之本。徵考佛典編纂之體裁者 金光明經諸本, 予所知者,梵文本之外,(梵文本已刊者有Sarat Chan-實為西北昔年一時風尚。今則世代 殆冠於金剛經之首 (見P.Pelliot, E-勸獎流

成。 通 或 若能 遠託 蓋中 取 法句譬喻經之體裁, 或 此 小説 類果報文學詳稽而廣證之, 雖號 稱富於長篇鉅製, 近啟太上感應篇之注釋, 然一察其內容結構,往往為數種感應冥報傳記雜糅而 或亦可為治中國小説史者之一助歟。 本為佛教經典之附庸, 漸成小説文學之 因考張居道事

附論之於此。戊辰四月義甯陳寅恪。

(原載一九二八年六月北京圖書館月刊第壹卷第貳號)

耶 日 西本君書, 心服之餘, 叉殘本Bruchstücke des 比較 本西 本龍 學之佳著也。 Ш 君影印 敦煌本 往歲德意志林冶君 Ernst Waldschmidt 校譯説 Bhiksunī-Prātimoksa der Sarvāstivādins 略綴數語, 儻亦佛教之所謂因緣者歟? 十誦比 丘 尼波羅 提 木叉并附以 解説 予適遊柏林, 廣徵詳 切有部梵文比 證 偶與之討 至為精 丘 尼波 審。 論。 蓋毘奈 羅 今讀 提木

誤, 此 録 本不著譯主姓名,西本君考定為鳩摩羅什所譯。鳩摩羅什之譯有十誦比丘 開元釋教録而外,(武周刊定衆經目録有鳩摩羅什譯十誦律比丘尼戒本乃十誦比 西本君已言之。)皆無明文,然西本君頗能言之成理, 但仍有不可解者。 尼戒本,歷代佛典 茲就高僧傳 丘 一戒本之 所載

什公翻

譯十誦律始末為根據

而推論之。

未及删 高僧 覆 條制 傳 煩 貢 審定 鳩 摩 存其本旨, 羅 什傳 而什猶恨文煩未善,既而什化,不獲删治。」據此可推知什公所譯經論, 略云:「 必無差失。 [什臨終]與衆僧告別, 」又同卷曇摩流支傳云:「〔流支〕與什共譯十誦 曰:凡所出經論三百餘卷, 都畢, 唯 誦 研詳 十誦 部,

大本外, 皆已刪 煩。 十誦比丘尼波羅提木叉若為什公所譯, 必與其他經論同經刪治。 此可以 推

故戒 知者 高僧傳壹壹僧業傳云:「昔什公在關 誦 大本以校今所傳什譯 心之與大本, 其意 Ī 十誦比 同, 在言或異, 丘 一戒本, ,未出十誦 (大部), 其文句仍有 業乃 改正,一依大本。 異 同。 乃先譯戒本,及流支入秦, 據此 可推知今所傳什譯 今之傳誦, 二本雙行。 干誦 方傅 tt 大部。 予取 丘 戒

中, 高僧 本, 為律 出 羅 若多羅 有西域道士弗若 一十誦 學之徒 自誦 文始 、所譯之十誦比丘尼波羅提木叉,當為俱齎以自隨,或皆能口自誦出 傳貳弗若多羅傳云:「弘始六年十月十七日, 乃什公原譯 大本自隨 誦 梵本, 過半。 出十誦 出 畢 羅什譯為晉文。」又同卷曇摩流支傳略云:「流支以弘始七年秋,達自關 此 其與 經本, 多羅 多羅 ,未竟而亡。廬山釋慧遠聞支既善毘尼,希得究竟律部,乃遣書 又不能 而非僧業依大本改易之本, 早 流支共譯之大本, 喪, 則惠 是罽 口自誦出 中途 深 賓 流德厚, 人。 而寢, , 亦必一主因。以此例之,則其所譯之十誦比 其諷 人神 乃流支齎以自隨者。 不得究竟大業, 十一誦 同 感矣。 梵本, 此可以推知者二。 集義學僧數百餘人於長安中寺,延請 據 有羅什 此 慨恨 可 法師 什公之不獨譯 推 良 知什公與 深。 通才博見, 傳聞 [仁者齊: 多 或一自隨而一誦出之 大本, 羅 為之傳譯。 共譯 此 丘 戒本, 通 雖 之大本, 經 好。 有 自 中。 他故 隨 日: + 多 及假定 - 誦之 乃多 羅 若 初 能 頃 弗 誦

夫此 二戒本皆為十誦律部中單行之一種,復同經一人之手攜或口誦,必為共出一源之梵

其體 裁結構, 理應相同。 此可以推知者三。

事 既 已推定, 然後述不可解之二點

此 今取敦煌 詳略各有 夫法頴所據者為未經什公刪治之繁本,敦煌本若果為什公所譯, 十誦比丘 不同;然敦煌本有而法頴本缺者, 尼波羅提木叉與法頴自十誦律大本撰出之十誦 計波逸提法八條, 比丘尼戒本, 衆學法二十二 乃與 、 其他 經論 較其 條, 繁簡 冒 共 經删 為 治之

者 而今日流傳之十誦比丘尼戒本,又為未經改易之原書, 誦 之末「七佛偈」闕七佛名及所化衆數, 又取敦煌十誦比丘尼波羅提木叉與十誦比丘尼戒本, 簡本,故必敦煌本簡而法頴本繁,始合於事理,今適得其反。此不可解者 比 丘尼戒本皆為同 一律部中單行之一種, 其不同之點, 實共出 於一源之梵本,復經同 最為顯著。若敦煌本果為什公所譯 較其異同 何以二本體裁結構, 則敦煌十誦比丘尼波羅提 一人之所翻譯 彼此互異? 也。 此 及删 則與十 不 木叉 可解 治

又西本君校刊此書, 明。今日固不能為絕對否定之論,亦不敢為絕對肯定之論,似為學術上應持之審慎 總而言之,考據之學,本為材料所制限。敦煌本是否為鳩摩羅什所譯,尚待他日 新 態度也。 材料之證

附以原寫本之音寫寫誤及異體文字表,雖其中頗有習見之體,不煩標列

意,以質世之治考古學文字學者。 者,然此為考古學文字學重要事業,前人鮮注意及之者。若能搜集敦煌寫本中六朝唐代之異文 俗字,編為一書,於吾國古籍之校訂, 必有裨益。予久蓄是念,今讀西本君之書, 因附著其

(原載一九二九年五月北平北海圖書館月刊第貳卷第伍號)

樂毅報燕惠王書「薊丘之植,植於汶篁」句不甚易解。自來解之者不一。而以俞曲園先生 遇夫先生樹達之説為最精確。俞先生以此為倒句成文之例。其所著古書疑義舉例倒句例引此句

樾及楊

索隱曰薊丘,燕所都之地也。言燕之薊丘所植,皆植齊王汶上之竹也。按,此亦倒句。若 及古人語妙矣。 順言之,當云:汶篁之植,植於薊丘耳。宋人言宣和事云:「夷門之植,植於燕雲。」便不

楊先生所著詞詮玖「於」與「以」同義條引韓非子解老篇「慈,於戰則勝,以守則固。」而老子作 「以戰則勝,以守則固。」及此句為證。其意蓋釋為「薊丘之植,植以汶篁」也。

知於道行。魚□(相)望於江湖」句之第一「於」字,及敦煌零拾中佛曲第三種之「有相夫人」多譌 寅恪按,若依小司馬之説及普通文義言,亦可釋為「薊丘之所植乃曾植於汶篁者。」似不必以為 「句妙語。嘗見敦煌寫本「於」字往往作「相」。如上虞羅氏鳴沙石室佚書中太公家教「是以人相

訓為「以」者?寅恪於訓詁之學, 詮「於」「以」同義條所舉證例,其中是否亦有原為字形之誤? 或即就「於」字本義可 「有於夫人」,皆是其例。故古寫本「於」字若遭磨損失其左半,則與「目」字形極 無所通解,不敢妄説。惟讀齊民要術肆種棗第叁拾叁云: 近似。 通 而不 不 知詞 必改

所種 青州有樂氏棗, 肌細核小, 多膏肥美, 爲天下第一。父老相傳云:樂毅破齊時, 從燕齎來

其 郊靜明園玉泉中所生水菜,據稱為外國聯軍破北京時所播種。此為古今中外戰勝者與戰敗者 冬莧紫菜等蔬, 之土地。 地。 戰勝者收取戰敗者之珠玉財寶車甲珍器, 所有物産互相交換之通例。 戦勝 以曾目睹者言之,太平天國金陵之敗,洪楊庫藏多輦致於衡湘諸將之家。 者本 土之蔬菓, 皆出自湘 則以其為出征遠戍之兵卒夙所習用嗜好之故, 人之移植。清室圓明園之珍藏,陳列於歐西名都之博物館。 燕齊之勝敗 送於戰勝者之本土。 何獨不如是乎? 考史記捌拾樂毅傳云: 或又以兵卒屯駐於戰敗者之土 輙相 隨而 移植 IÍI 而舊京西 於戰 南 京菜市 敗者

樂毅留徇齊五歲,下齊七十餘城,皆爲郡縣,以屬燕。

不必釋「於」與「以」同義。惟「篁」字應依説文訓為「竹田」耳。 之由來 據此 Ŧi. 未嘗不可徵信 年之久, 薊丘之植, 而據之以類推也。 自可隨留徇齊 地之燕軍 然則「薊丘 之植, 而移植於汶篁。 可參考段懋堂說文解字注及曾條生 植於汶篁。 青州 」既非倒 父老所傳樂氏 句之妙

非財寶 覆研 敗, 經史百家雜鈔卷拾肆解釋此句之説。夫解釋古書,其謹嚴方法,在不改原有之字,仍用習見之 事叁之所載,二句之間隔以「齊器設於寧臺」之句,以致文氣語意微有不貫。蓋昌國 句及此句之次序當依史記捌拾樂毅傳之文, 亦因以附見 故解 求, ,由齊而返乎燕,後日之植,由燕而移於齊。 其變幻有如是之甚者。並列前後異同之跡象,所以光昭先王之偉烈。而己身之與有勳勞, 重器, 遂謂已盡其涵義也。又自來讀樂毅此書者, 釋之愈簡易者 焉。 謂此句僅與「齊器設於寧臺」「大吕陳於元英」等句同 可以「收入於燕」之語概括之。 此二句情深 , 亦愈近真諦。並須旁採史實人情, 以為參證。不可僅於文句之間, 反 而 詞美 最易感人。 先後聯接。而不應依戰國策叁拾燕策貳及新序叁雜 其實此句專為「故鼎反乎磨室」句之對文。 若依曲園先生之説, 故鼎新植一往一返之間,而家國之興亡勝 似皆泥於上文「珠玉財寶車甲珍器 例, 而曲為之解。 古人果有妙語不可及者 殊 君意謂前 不知植 故故鼎 盡收 H

(原載一九三一年六月十五日清華中國文學會月刊第壹卷第叁期)

轉在此等處。

而不在其所謂倒句成文者歟?

# 庾信哀江南賦與杜甫詠懷古跡詩

昔人論杜 三尺劍,長卷一 子美重經昭陵詩之「風塵三尺劍, 社稷一戎衣。」出於庾子山周祀宗廟歌皇夏之「終封 戎衣。」若此類者, 可謂之以庾解杜。予今反之, 以杜解 庾。 請舉 例,

庾子山哀江南賦末一節凡八句云:

教於讀庾賦杜詩者。

至庾賦中有關之史事,皆載在舊籍,人所習知。故茲篇僅就大意為之説

以求

不復多所徵引

天地之大德曰生,聖人之大寶曰位。用無賴之子弟,舉江東而全棄。惜天下之一家,遭東 南之反氣。以鶉首而賜秦,天何爲而此醉。

棄」,「鶉首賜秦」張本。「無賴子弟」謂陳 庾子山集倪璠注以此八句指蕭詧而言,略謂:「天地大德」,「聖人大寶」二語為下文「江東全 「霸先,「江東全棄」謂丹陽諸郡皆為陳有也。蕭詧既傷

案,蕭詧既終天年,復保尊位,而丹陽諸郡本非其所能有,何得謂用無賴之陳霸先悉舉而棄之 好生之心, 又失大寶之位, 使雍州西去, 建業東亡。

乎? 徵諸史實,魯玉之説近於曲解,殊不可通。

又曾國藩經史百家雜鈔詞賦類上叁哀江南賦此八句下注云:

則何 而 之語加諸故主之身乎?故知湘鄉之説, 事之君也。 然則此八句之真解 棄昭明太子統之諸子不立。 所用 梁武帝身死國亡, 其追咎?且梁武帝子弟之中, 豈有暮年作賦, 追紀宗邦之淪覆, 如 何 由於納侯景之降,而 一則授以大鎮, 其所 非但於當日情事更不可通,兼亦昧於立言之體矣。 最重視者, 不在其不能 於舊國舊君,極致其哀慕不忘之情, 使之雄據上游。茲二人者,又皆子山所曾北 宜無過於簡文及元帝。 豫教子弟。亂生之因既 不在不教子 則選 而忍以 為儲 無賴 面

也。 實為切當不移。 以無賴之語屬之羯胡 杜公此詩實 杜工部詠懷古跡第 請引申其旨意而解釋之。 哀江南賦之縮本。 則知杜公之意, 一首第五句 云 其中以己身比庾信, 庾賦中「無賴子弟」一語乃指侯景而言。 羯胡事主 一終無賴 以玄宗比梁武 羯胡指安禄 Ш 以安禄 亦即 證以 Ш 以之比侯 比 當日情 侯景。 景

此 賦 簡文敬帝則徒擁虚位, 八句乃總論蕭梁一代之興亡。前四句指武帝,後四句指元帝。蓋有梁一代實僅武帝元帝二 可以不計。後梁則北朝附庸, 而又子山故主之仇讎, 自不視為繼承

蘭陵之正統者。 故止舉武元二世, 即足以概括蕭梁一 朝也。 此八句之大旨既明, 茲復 逐 句 略詮

志, 地 句, 係及郡邑方向言,可稱切當。庾公之意,蓋謂元帝能平侯景。可以為中興之主。何期天下同姓 仲之子。河東王譽亦為元帝兄昭明太子統之子。譽反於湘州,其地適在江陵之東南。以親 其 此前四句之意綜合言之,則謂武帝以享國最久之帝王,而用無賴之侯景, 子弟亦泛稱, 也。「用無賴之子弟」謂用侯景也。考孟子告子篇上:「富歲子弟多賴。」趙注:「子弟,凡人之 ·天地之大德曰生\_謂武帝享八十六歲之高年也。 「聖人之大寶曰位」謂武帝居南朝天子之尊位 家,而遭湘州之反,遂致滅亡之禍,此誠堪深惜者也。「以鶉首而賜秦」,「天何為而此醉」一 江 .東之王業也。「惜天下之一家」,「遭東南之反氣」二句指河東王譽事也。 謂以河東王譽之故, 荆州之分野為鶉首之次。 至為適合。 不必以為專指武帝之子弟,如曾滌生之所說也。「舉江東而全棄」謂武帝失國也。 善。」史記吳王濞傳:「吳所誘皆無賴子弟,亡命鑄錢姦人,故相率以反。」可知 倪氏以為指襄陽為魏有而言, 岳陽王詧乃乞援於西魏, 于謹遂陷江陵, 故鶉首即指江陵。 此用鶉首賜秦故事, 所解已嫌迂遠不切。 而滅梁室也。 至又以 以譬西 卒致喪生失位 [魏之取 漢吳 鶉首賜秦」, 王濞為高 據隋書地 江陵 盡棄 祖兄 族

唐

太祖資蕭詧以江陵空城,置兵防守,是詧亦失鶉首之次之南郡。

信如其後説,

則非以鶉首

謂 賜秦」乃「秦賜以鶉首也。」較之前説,尤為費解,其不可通明矣。此後四句之意綜合言之,則 可惜元帝以天下一家之局,遭河東王譽反於湘州,卒致江陵為西魏所陷没,天何為此夢夢

耶?

據上所述,知哀江南賦必用詠懷古跡詩之解,始可通。是之謂以杜解庾。

(原載一九三一年四月十五日清華中國文學會月刊第壹卷第壹期)

### 東晉南朝之吳語

解,不敢妄説。茲僅就讀史所及,關涉東晉南朝之吳語者,擇録數事, 朝古音之考證有關則一也。 問題者之參證。雖吳語吳音二名詞涵義不盡相同,史籍所載又頗混用, 近日友人多研究東晉南北朝音韻問題, 甚可喜也。寅恪頗欲參加討論, 不易辨析, 而苦於音韻之學絕無通 略附詮釋, 以供 但與東晉南 研究此

宋書捌壹顧琛傳(南史叁伍顧琛傳同)云:

寅恪案, 史言江東貴達者, 唯此數人吳音不變, 則其餘士族, 先是,宋世江東貴達者,會稽孔季恭,季恭子靈符,吴興丘淵之及琛,吴音不變。 雖本吳人, 亦不操吳音, 斷可知

南齊書肆壹張融傳(南史叁貳張邵傳附融傳同)略云:

張融, 賊異之而不害也。 吴郡吴人也。出爲封溪令。 廣越嶂嶮,獠賊執融, 將殺食之, 融神色不動, 方作洛

寅恪案,世説新語雅量篇略云:

洛生詠 桓公伏甲設饌,廣延朝士, 諷浩浩洪流, 桓憚其曠遠, 因此欲誅謝安王坦之。 乃趣解兵。 謝之寬容,愈表於貌, 望階趨席,

劉注引宋明帝文章志曰:

安能作洛下書生詠,而少有鼻疾,語音濁。後名流多數其詠,弗能及,手掩鼻而吟焉(晉

書柒玖謝安傳同)。

雖由於其心神鎮定,異乎常人,要必平日北音習熟,否則決難致此無疑也。 據此,則江東士族不獨操中原之音,且亦斅洛下之詠。張融本吳人,而臨危難仍能作洛生詠.

顔氏家訓音辭篇云:

易服而與之談,南方士庶,數言可辯。隔垣而聽其語,北方朝野, 南北所以有如此不同者,蓋江左士族操北語,而庶人操吳語;河北則社會階級雖殊 終日難分。

而語音無別故也。

南史肆伍王敬則傳略云:

時徐孝嗣於崇禮門候儉, 敬則 臨淮射陽人也。 僑居晉陵南沙縣。母爲女巫。後與王儉俱即本號開府儀同三司。 因嘲之曰:「今日可謂連璧。」儉曰:「不意老子遂與韓非同傳。」

軍同 人以告敬則, 日拜三公, 敬則欣然曰:「我南沙縣吏,徼倖得細鎧左右, 王敬則復何恨。 」了無恨色, 朝士以此多之。 逮風雲以至於此。

南齊書貳陸王敬則傳略云:

敬則名位雖達, 不以富貴自遇,危拱傍遑,略不衿裾,接士庶皆吴語,而殷勤周悉。 世祖

御座賦詩,敬則執紙曰:「臣幾落此奴度內。」世祖問:「此何言?」敬則曰:「臣若

不過作尚書都令史耳,那得今日。」

證, 語, 害伍玖劉昶傳(北史貳玖劉昶傳同)略云: 是士人皆北語階級, 而庶人皆吳語階級, 得以推知, 諒亦能以吳語接待庶族 此其 但屬於士族階級,故將死猶作北詠。至於王儉,則本為北人,又為士族,縱屢世僑居江 則不容疑。 一也。 敬則原籍臨淮,後徙晉陵,其先世本來是否北人? 姑不必考。但其居晉陵既久,口操 敬則屬於庶人階級, 故交接士庶概用吳語, 據敬則傳,有二事可注意者:東晉南朝官吏接士人則用北 ,而其賦詩,不依吳音押韻,斷然可知,此其二也。 此點可與顔 故亦不能作詩。 氏家訓音 若張融者 語,庶人則用吳 辭 篇 所言者參 雖為吳

訶詈童僕, 音雜夷夏。

史臣曰: 昶諸子尪疎, 喪其家業。 [蕭]寶夤背恩忘義,梟獍其心。此亦戎夷影狡輕薄之常

南史壹肆晉熙王昶傳略云:

昶知事不捷, ,故鄉幾千里。 乃夜開門奔魏。在道慷慨爲斷句曰:「白雲滿鄣來,黄塵半天起。關山

之「音雜夷夏」之「夷」,據魏收所作傳論「戎夷影狡輕薄」之語,知是指江左而言,蓋以夏目北魏 世說新語排調篇云: 譜第貳册第陸捌頁下),可資參證,且僅二韻,故尤難據以論證昶之作詩用吳音押韻也。 北人如河東郭璞之巫咸 自附風雅,諒必仍用北音,如道中所作斷句用起里二韻與西晉北人如齊國左思之吳都賦 僕之中必有庶族吳人,昶之用吳語訶詈童僕,正是江東以吳語接庶族之通例。至其作詩押韻 為對文也。然則所謂「音雜夷夏」即是音雜吳北。魏收欲極意形容劉昶之鄙俚無文,而不知其童 寅恪案,劉昶蕭寶夤皆南朝宋齊皇子,同為北人之後裔,而世居於江左,俱以家難奔北者。昶 山賦山海經圖大澤贊吉良贊用韻正復相同(俱見于海晏先生漢魏六朝韻 及東晉

王公云何?」劉曰:「未見他異,唯聞作吴語耳!」 劉真長始見王丞相,時盛暑之月,丞相以腹熨彈棊局曰:「何乃渹!」劉既出,人問:「見

寅恪案,琅邪王導本北人,沛國劉惔亦是北人,而又皆士族。然則導何故用吳語接之? 蓋東晉

基 業未固 導欲籠絡江東之人心, 作吳語者, 乃其開濟政策之一端也, 觀世説新 語政事

闍 治。 王丞相拜揚州, 賓客數百人, 並加霑接, 公因便還到過任邊云:「君出, 蘭闍 」(寅恪疑「蘭闍」與庾信之小字「蘭成」同是一語,參考陳思小字録引陸龜蒙 臨海便無復人。」任大喜說。 人人有說色。 唯有臨海 因過胡人前彈指云 一客姓任及數胡人爲未

)羣胡同笑,四坐並懽。

友人詩其用韻正同(俱見于海晏先生漢魏六朝韻譜第貳册第陸捌頁下),至其文之是否真出 陸 發見其作韻 可執以為江左三百載之常規明矣。今傳世有王導塵尾銘 東晉創業之初, 玖、 ,及為導渡江以前或以後所作? 皆不可考知,然足徵導雖極力提倡吳語,以身作則 太平御覽柒佰肆等卷,以理子俟為韻,與西晉北 則知導接胡人尚操胡語。 語 時,以吳音押韻之特徵也。 王導用事之際, 即使任是士流,當亦用吳語接待。然此 臨海任客當是吳人, 雖其屬於何等社會階級,不可考知,但值 人如齊國左思之白髮賦, 一篇,載於北堂書鈔壹叁肆、 不過一時之權略, 譙國 藝文 曹 但終未 捷 自 之思 類聚

之能作韻者, 上引史籍 之所記 依其籍貫,縱屬吳人,而所作之韻語則通常不用吳音,蓋東晉南朝吳人之屬於士 載, 除民間謡諺之未經文人删改潤色者以外,凡東晉南朝之士大夫以 及寒人

避 用 族 吴音 + 音乎? 級 語者, 而 不敢用。故今日東晉南朝士大夫以及寒人所遺傳之詩文雖篇什頗眾, 至於吳之寒人既作典雅之韻 其在朝廷論議 社會交際之時尚 語, 且不操吳語, 亦必依仿勝 流 豈得於其摹擬古昔 同 用 北 音 以冒 典 充士族 却不能 雅 麗 則之 據以研究 則 更 韻 全力 語

貫之異, 或問曰:信如子言,東晉南朝詩文其用韻無吳北籍貫之別, 同 ? (見清華學報第壹卷第叁期王力先生南北朝詩人用韻考第柒捌玖頁)其中豈亦有因吳北 而致參差不齊者耶 則何以同一時代, 而詩文用韻間或

東晉

南

朝吳音與北音異同及韻部分合諸問題

也

寬嚴互異者, 其士大夫無論屬於北籍, 音之標準有寬有嚴, 人之仿效北 應之曰: 永嘉南渡之士族其北方原籍雖各有不同, 然大抵操洛陽近傍之方言, 語亦當同是洛陽近傍之方言, 既非吴音與北音之問題, 及關於當時流行之審音學説或從或違之問題也,故執此不足以難鄙説 抑屬於吳籍, 大抵操西晉末年洛陽近傍之方言,其生值 亦非東晉南朝疆域內北方方言之問題,乃是作者個 如洛生詠即其一證也。 由此 推論, 東晉 似無 同時 南 朝 疑 疆 義 過域之内 故吳 用 韻

天局光 放射 退的 (原載一九三六年十二月歷史語言研究所集刊第柒本第壹分)

### 李唐武周先世事蹟雜考

壹

引以相助,為淺學臆説之旁證,不亦善乎? 今歲偶繙盧文弨讀史札記(劉世珩繼盦叢刊)南史柳 世問題, 孤陋寡聞,迄今尚未發見。夫昔人讀史,其精審百倍於寅恪,縱為時代所限,不敢議及李唐先 寅恪前數年曾據宋書柒柒柳元景傳及新唐書柒拾上宗室世系表,推證李唐為李初古拔之後裔 (刊載本集刊第叁本第壹分),自信或不致甚遠於事實。然竊疑昔人應有論及之者,但以寅恪之 而柳元景傳疑竇甚多,豈能一無所覺。若得知前賢偶然隨筆,間接涉及此點者, 亦可

不書,則此「去弘農城五里」之語亦屬孤贅。又云:「魏城臨河爲固,恃險自守,季明安都 北侵事删削過多,節次全不明曉,書龐法起軍「去弘農城五里」,便詘然而止。若得弘農可 南史柳元景傳殊不成文。如以爲後人轉寫講落,則可。若出延壽所刪,此手何可作史?書 元

景傳條

方平各列陣於城東南以待之。」云云, 中間脱去魏洛州刺史張是提率衆二萬度崎來救一段

則所

云待者

不知何指

豈以延壽而

如此憤憤乎?

寅恪案 陷 俱 詳改,遂留此罅穴疵病,如抱經先生所擿發者也。至於抽削南史柳元景傳者是否即延壽本身· 寫譌落」,則後人轉寫之時,於全部南史何以獨於柳元景一傳,而於柳元景全傳何以獨於北侵 節次全不明曉」?李延壽作史必不如此憒憒,盧氏於此致疑,誠有特識。但若以為由於「後人轉 以不見於南北史之故(魏書陸壹薛安都傳記李拔即李初古拔事而南史肆拾北史叁玖薛安都傳亦 抑出於其子孫或他人之手? 其事既難確知,亦無關宏旨,姑不深考。僅著李初古拔父子事蹟所 發覺李初古拔即當代皇室之祖先, 宋書柒柒柳元景傳云:「生擒李初古拔父子二人。」又云:「共攻金門隝, 不載), 柳元景傳本據宋書柳元景傳。其書北侵事必與宋書相同,悉載李初古拔父子被擒殺之始末。 事, 譌落若是之多且甚乎? 是真事理之不可通, 而別有其故, 斷可知矣。蓋李氏作南史時 」之語乃宋人臆增者 古拔子也。 全部南史何以獨柳 並足以證鄙説 」南史叁捌柳元景傳適將此節删去。) 逮書成以後,奏聞之際, 請以此質之。 雖甚創, 元景一傳「殊不成文」? 何以柳元景全傳獨書北侵一事「刪削過多, 而實不誣也。世有謂新唐書宗室世系表中「復為宋將薛安都所 故急遽抽削,以避忌諱,而事出倉卒,自不及重修,復無暇 屠之, 或行世之時 殺戍主李買

周 書肆明帝紀(北史玖周本紀同)云:

[二年三月] 庚申韶曰:三十六國九十九姓自魏氏南徙,皆稱河南之民。今周室既都關中,

隋書叁叁經籍志史部譜系類序云:

宜改稱京兆人!

周太祖入關,諸姓子孫有功者,並令爲其宗長。 大人者。 後魏遷洛, 並爲河南洛陽人。其中國士人,則第其門閥。 有八氏十姓,咸出帝族。又有三十六族, 仍撰譜録, 則諸國之從魏者。九十二姓, 有四海大姓, 紀其所承。 郡姓, 又以關内諸州爲其本 州姓, 世爲部落 縣姓。及

歷數載 李唐氏 無間者, 即所謂 寅恪案,李唐之稱西涼嫡裔,即所謂「為其宗長,仍撰譜録,紀其所承。」其由趙郡改稱隴西 族問題,凡北朝隋唐史事 「以關內諸州為其本望」,鄙説於此似皆一一證實矣!考據之業,其舊文新説若是之符合 或不多見, 茲特標出 文成萬言 有誤必改, 無證不從,庶幾因此得以漸近事理之真相, 與此有關者,俱欲依之以為推證 敬求疑難鄙説者教正。總之, 寅恪之設此假説, 以其所繫者至 儻更承博識通人之 意不僅在解決 廣 I 鉅 故時

訓誨,尤所欣幸也。

会

其傳, 而其起家之始末皆不能詳。僅載其「家富於財, 頗好交結, 高祖初行軍於汾晉, 武曌為吾國歷史之怪傑,其先世事蹟實無可考,其母系則寅恪曾於武曌與佛教一文中略言之矣 (載本集刊第伍本第壹叁柒至壹肆柒頁)。至其父武士彠舊唐書伍捌、新唐書貳佰陸外戚傳皆有 因蒙顧接。」(此舊傳之文,新傳亦同。)而已。 休止其

又舊傳論曰:

之朝, 武士 一襲首參起 佞出敬宗之筆,凡涉虚美,削而不書。 義 例封 功臣,無戡 難之勞, 有因人之跡, 載窺他傳, 過爲褒詞,

據此 即宋子京重修唐書,於士彠傳悉同舊書,僅文詞有刪易,而事蹟則無所增補。 殆真不可考矣。惟太平廣記壹叁柒徵應門武士彠條,引太原事蹟云: ,足證史臣當日作士彠傳時雖知許敬宗所作之原本不可徵信,但亦無他書可據,以資 然則史跡

唐武士襲太原文水縣人。微時與邑人許文寶以鬻材爲事。常聚材木數萬莖,一旦化爲叢林 因致大富。士襲與文寶讀書林下,自稱爲厚材,文寶自稱枯木,私言必當大貴。及

文寶依之,位終刺史(據談愷本

據。 原事蹟記十四卷,當即太平廣記及分門古今類事之所從出。其書所載枯木成林事固妄誕不足置 又分門古今類事壹伍士彠叢林條(據十萬卷樓叢書本)亦引太原事蹟,語句與太平廣記微有不 言枯木成林」,似較今本廣記為明瞭易解也。考新唐書伍捌藝文志乙部史録地理類載有李璋太 如廣記之「讀書林下」,則作「會林下」,及廣記之「自稱為厚材,文寶自稱枯 隋書叁煬帝紀(北史壹貳同)云 然必出於當日地方鄉土之傳述, 而士 養之初本以鬻材致富,因是交結權貴, 木 則似非全無根 則

[大業元年]三月丁未韶尚書令楊素, 納言楊達, 將作大匠宇文愷管建東京。

又同書肆叁觀德王雄傳附弟達傳(北史陸捌楊紹傳附子達傳同)云:

獻皇后及高祖山陵制度,達並參豫焉。煬帝嗣位,轉納言,仍領營東都副監。

墨母疑在唐武德時 其為投機善賈之流, 隋室文煬二帝之世皆有鉅大工程,而煬帝尤好興土木,士彠值此時勢,故能以鬻材致鉅 迨達死隋亡,而士彠變為新貴,遂娶其家女敷? 此雖揣測之説,未得確證, 但其 蓋可知也。武曌之母即達之女(見拙著武曌與佛教所引史料)。士彠之娶 所以與楊氏通婚, 始由達屢次參豫隋世營建工事, 士彠以鬻材之故, 然於武曌父

申論之如此。

肆

拙著三論李唐氏族問題一文其論李虎追封唐國公之時,謂在周初受魏禪之際(見本集刊第伍本

第壹柒柒頁)。蓋據册府元龜壹帝王部帝系門所載:

[太祖景皇帝虎]封趙郡公,徙封隴西公,周受魏禪,録佐命功,居第一,追封唐國公。

之語。其實誤會史文也。考周書伍武帝紀上略云:

[保定]四年九月丁巳,封開府李昞爲唐國公,若干鳳爲徐國公。

又同書壹柒若干惠傳(北史陸伍若干惠傳略同)略云:

子鳳嗣。保定四年追録佐命之功,封鳳徐國公。

又通鑑壹陸玖陳紀略云:

[天嘉]五年九月丁巳追録佐命元功,封開府儀同三司隴西公李昞爲唐公,大馭中大夫長樂

公若干鳳爲徐公。昞,虎之子,鳳,惠之子也。

據此, 則李虎之追封唐國公實在保定四年,上距周初受魏禪之時,已八年矣。故拙著前文所推

論者, 皆應依此改計。特著於此,以正其誤,兼識疏忽之過云爾。

(原載一九三六年十二月歷史語言研究所集刊第陸本第肆分)

### 論李懷光之叛

特為節錄史傳,草此短篇,以表出之。至唐代兵餉問題非茲篇範圍及其主旨之所在,故置不 覲,遂啟其疑怨,有以致之,是固然矣。而於神策軍與朔方軍糧賜之不均一事,則未甚注意, 唐代朱泚之亂,李懷光以赴難之功臣,忽變為通賊之叛將,自來論者多歸咎於盧杞阻懷光之入

舊唐書壹叁叁李晟傳(新唐書壹伍肆李晟傳及資治通鑑貳叁拾興元元年二月條同)云: 晟兵(寅恪案, [李]懷光同至城下,懷光軍輒虜驅牛馬,百姓苦之。晟軍無所犯。懷光軍惡其獨善, 即神策軍。)軍於朔方軍(寅恪案,即朔方節度使李懷光軍。)北,

每晟與

乃分

所獲與之,晟軍不敢受。久之,懷光將謀沮晟軍,計未有所出。時神策軍以舊例給賜厚於 以止之,惟陛下裁處。」懷光計欲因是令晟自署侵削已軍,以撓破之。德宗憂之,欲以諸 諸軍,懷光奏曰:「賊寇未平,軍中給賜,咸宜均一,今神策獨厚,諸軍皆以爲言,臣無

軍同神策,則財賦不給,無可奈何,乃遣翰林學士陸贄往懷光軍宣諭,仍令懷光與晟參議

顧晟, 所宜以聞。 展曰:「公爲元帥, 弛張號令皆得專之, 晟當將一軍, 公當裁之!」懷光默然,無以難晟,又不欲侵刻神策軍發於自己,乃止。 贄晟俱會於懷光軍,懷光言曰:「軍士稟賜不均, 唯公所指, 何以令戰?」贄未有言, 以效死命,

寅恪案, 新唐書伍拾兵志述貞元時事云:

隊也, 故分與所獲,使之同惡,果如所言,則朔方軍之心計甚為迂曲,與其軍主「麤厲疏愎之性」(見 룕驅之牛馬分與晟軍者,蓋可藉是萬其「賊寇未平,軍中給賜咸宜均一」之意,欲持此「不患寡 軍隊其士卒不以是而不平, 其將領不因之而變叛, 豈不難哉! 豈不難哉! 觀懷光軍特取其所 夫李晟所統之神策軍者,當時中央政府直轄之禁軍也,李懷光所統之朔方軍者, 舊唐書壹貳壹、 而患不均」之主義,以啟發神策軍兵士之情志也,史言懷光軍之紀律不及晟軍,惡晟軍獨善 賜遂贏舊三倍,繇是塞上往往稱「神策行營」,皆内統於中人矣!其軍乃至十五 時邊兵衣饟多不贍,而戍卒屯防,藥茗蔬醬之給最厚,諸將務爲詭辭,請遥隸神策軍, 兩者禀賜之額既相差若此,復同駐咸陽一隅之地,同戰朱泚一黨之人, 於當日朔方軍士共同之心理, 新唐書貳貳肆上李懷光傳及通 尚有所未能通解也 鑑 貢 貳玖建中四年十一月條)尤不相似, 而望別 別一系統之軍 一系統之

又胡三省論此事(通鑑貳叁拾興元元年二月條胡注)云:

李晟之答懷光,氣和而辭正,故能伐其謀。

則殊不知晟之得為正辭者,以懷光適兼擁元帥之虛號故耳。假使稟賜獨厚之神策軍其主將復真 要為此大事變之一主因,讀史者不可盡信舊記之文,謂兩軍稟賜不均僅為懷光「謀沮晟軍」所藉 同利害之事實,足以供其發動,不止其個人與盧杞之關係而已。故神策軍與朔方軍稟賜之不均 任元帥者,又將何辭以對耶?然則懷光之所以能激變軍心,與之同叛者,必別有一涉及全軍共 口之細事而忽視之也。

(原載一九三七年七月清華學報第壹貳卷第叁期)

### 李唐氏族之推測

#### (甲)引言

間有臆測之説,固未可信為定論,尤不敢自矜有所創獲。儻承博洽君子,不以為不可教誨而教 能詳及。極知淺陋簡略,無當於著述之旨。然此文本意,僅在備講堂之遺忘, 引,不出習見之書。凡關係疏遠之證據,事實引申之議論,雖多可喜可觀者, 誨之,實所深幸焉! 李唐氏族問題,近人頗有討論。寅恪講授清華,適課唐史,亦詮次舊籍, 寫成短篇。其所徵 以限於體裁,不 資同學之商權。

# (乙)李唐自稱西涼後裔之可疑

者,各一事,遂録於下: 李唐自稱為西涼李暠後裔。然詳檢載記,頗多反對之證據。茲擇其最強有力,及足以解人頤

書壹捌廣陽王深傳(北史壹陸廣陽王深傳同)論六鎮疏云:

有北, 不得從師,長者不得遊宦,獨爲匪人,言者流涕。 昔皇始以移防爲重,盛簡親賢,擁麾作鎮,配以高門子弟,以死防遏。不但不廢仕宦,至 生推遷,不過軍主。然其往世房分留居京者,得上品通官。在鎮者便爲清途所隔。或投彼 乃偏得復除。當時人物,忻慕爲之。及太和在曆,僕射李沖當官任事,涼州土人悉免厮 豐沛舊門,仍防邊戍。自非得罪當世,莫肯與之爲伍。征鎮驅使, 以禦魑魅,多復逃胡鄉。乃峻邊兵之格,鎮人浮遊在外, 皆聽流兵捉之。於是少年 但爲虞候白直,一

舊唐書壹高祖本紀(新唐書壹高祖本紀略同)云:

重耳生熙,爲金門鎮將,領豪傑鎮武川,因家焉。

高祖本紀及新唐書柒拾上宗室世系表等),綜合推計,列為一表。以見其親族關係: 今依李沖世系(魏書叁玖李寶傳、伍叁李沖傳、北史壹佰序傳。)及唐室自稱之世系(兩唐書壹

李暠—— 歌—— 實——沖

據此 時無比。(新唐書玖伍高儉傳云:「後魏太和中定四海望族,以[隴西李]寶等為冠。」)熙既與 則重耳與寶為共祖兄弟,熙與沖為共曾祖兄弟,血統甚近。魏太和之世,沖宗族貴顯,

不認之為同宗,自無疑義。李唐自稱為西涼後裔之反對證據中,此其最強有力者也。 伍」之人。李熙一族,留家武川,則非「凉州土人」,而為「豐沛舊門」可知。 沖為共曾祖兄弟, 所生時代, 前後相差, 必不能甚遠。當太和之世, 六鎮邊戍乃「莫肯與之為 是李沖即隴西李氏

又唐釋彦悰唐護法沙門法琳別傳下載法琳對太宗之言曰:

褐,如捨寶女與婢交通,陛下即其人也。棄北代而認隴西, 竊以拓拔元魏,北代神君。達閣(即大野)達系,陰山貴種。經云:以金易鍮石,以絹易縷 陛下即其事也。(此條女師大

據此 學術季刊第一卷第四期劉盼遂先生李唐爲蕃姓考所引較詳, ,可知唐初人固知其皇室氏族冒認隴西, 可參閱。)

此李唐自稱為西涼後裔之別一反對證據,

而

丙)李唐疑是李初古拔之後裔

以解人頤者也。

李唐世系之紀述,其見於新舊唐書壹高祖本紀,北史壹佰序傳,晉書捌柒涼武昭王傳,林寶元 和姓纂等書者, 皆不及新唐書柒拾上宗室世系表所載之詳備。今即依據此表與其他史料比較討

歌字士業, 西涼後主。八子: 勗, 紹, 重耳, 弘之, 崇明, 崇産, 崇庸, 崇祐。重耳字景

諱天賜,字德真。三子:長曰起頭,長安侯,生達摩,後周羽林監太子洗馬,長安縣 後魏安南將軍,豫州刺史。生獻祖宣皇帝熙,字孟良,後魏金門鎮將。生懿祖光皇 以國亡奔宋,爲汝南太守。後魏克豫州,以地歸之,拜恒農太守。復爲宋將薛安都所

伯。次曰太祖。次乞豆。

為西涼後裔一事以外, 尚有七事。條列於下: 此 表所載必為唐室自述其宗系之舊文。茲就其所紀李重耳李熙父子事實,分析其內容, 除去其

(一)其氏為李。

(二)父為宋汝南太守。

(三)後魏克豫州。父以地歸之。

四)父為後魏恆農太守。

五)父為宋將薛安都所陷。

(六)父為後魏安南將軍豫州刺史。

(七)子為後魏金門鎮將。

考宋書伍文帝紀云:

[元嘉二十七年二月]辛丑,索虜寇汝南諸郡,陳南頓二郡太守鄭琨汝陽潁川二郡太守郭道

隱委守走。索虜攻懸瓠城,行汝南郡事陳憲拒之。

又宋書柒貳南平穆王鑠傳云:

索虜大帥拓跋燾南侵陳類, 遂圍汝南懸瓠城。行汝南太守陳憲保城自固。

又宋書柒柒柳元景傳云:

餘人,共攻金門隝,屠之。殺戍主李買得,古拔子也,爲虜永昌王長史,勇冠戎類。永昌 父子二人。(中略)殿中將軍鄧盛幢主劉驂亂使人入荒田,招宜陽人劉寬糾,率合義徒二千 次方伯自,去弘農城五里。(中略)諸軍造攻具,進兵城下。偽弘農太守李初古拔嬰城自 都略陽太守龐法起入盧氏。(中略)閏[十]月法起安都方平諸軍入盧氏。(中略)法起諸軍進 固。法起安都方平諸軍鼓譟以陵城。(中略)安都軍副譚金薛係孝率衆先登,生禽李初古拔 [元嘉]二十七年八月, [隨王] 誕遣振威將軍尹顯祖出貲谷, 奮武將軍魯方平建武將軍薛安

又宋書玖伍索虜傳云:

聞其死, 若失左右手。

圍懸瓠城, 城内戰士不滿千人。先是汝南新蔡二郡太守徐遵之去郡, 南平王鑠時鎮壽陽, 作琨)、綏遠將軍汝南潁川二郡太守郭道隱竝棄城奔走。虜掠抄淮西六郡,殺戮甚多。攻 [元嘉]二十七年,燾自率步騎十萬寇汝南。(中略)宣威將軍陳南頓二郡太守鄭緄 (文帝紀

口,北屯汝陽。 軍行參軍陳憲行郡事。 (中略)太祖嘉憲固守, 憲嬰城固守。 (中略)燾遣從弟永昌王庫仁真步騎萬餘, 部日 一右軍行參軍、 行汝南新蔡二郡 軍事陳 將 所

又魏書陸壹薛安都傳云:

後自

I盧氏

臨寇

農

執太守李拔等,

遂逼

陝城。

時秦州刺史杜道生討安都。

仍執

拔等南

及世

祖入

江 弘

拔乃得還

盡力捍禦,全城摧寇, 忠敢之效, 宜加顯擢。 可龍驤將軍、 汝南新蔡二郡太守!」

修改 子。 將薛安都 謂與第七 魏 合。 言 據上 書韓 或買 是與第一條適 李初古拔為宋將薛安都所禽,是與第五條適合。宋書柳元景傳言:「生禽李初古拔 引史實, 今不能 安都傳言:安都禽李拔等, 所陷, 徐遵之則去郡, 條適合。 至第二條李重耳為宋汝南太守一事, 得死難以弟代領其 懸決。 則父稱李初古拔, 其時必在元嘉二十七年。當時前後宋之汝南太守, 其姓名皆可 合。李初古拔為後魏弘農太守, 但 李熙為金門 陳憲則先行郡事, 職, 或唐書高 子稱李買得。 鎮將 仍執拔等南 李買 祖紀 後以功擢補實官,故依據時日先後, 名雖 稱李 得 遁。世祖臨 亦為 弘農即 熙領豪傑鎮 類胡名, 金門陽 徵諸 江,拔乃得還。 恒農, 上引史實 戍 姓則為漢姓。 武川, 主 以避諱 地 理 因而 絶不 專名 則李初古拔必不止 改字, 但其 留居之記 可 考 能 如 氏 排 是 知。 為李, 是 與 比 蓋 巧 載 郭道 第 推 既 同 計 經後 父子 則 言 兀 隱則 為宋 亦可 條 不

無 李 重 耳 可為宋汝南太守之餘地。 據宋書柳元景傳言李買得為永昌王長史, 永昌聞 其 死 若 失

守, 本屬汝 李 雷 第 被 左 繫永昌王 禽以 右手。 為不可能之事 初古拔原有 三條所謂 乃魏之汝南 前 南 郡, 屯 則李氏父子與永昌王關係密切可知。 曾隨 汝陽事於元嘉二十七年三月,繫李初古拔被禽事於元嘉二十七年閏十月, 後魏克豫州, 由 後分為汝陽 永 北 太守 遁南, 無待詳辯。 昌 也。 E 屯 復由 以其 郡者, 第六條之安南 兵豫 魏書薛安都傳言安都執李拔等南遁,及世 南歸北一 地歸之者, 州 故以時 之境, 段因緣。李唐自述先世故實 將軍 日先後 故因 亦與第二條為宋 有汝南太守之授。 宋書索虜傳又言「永昌王北屯汝陽」。 豫州刺 地域接近, 史, 當即 汝南太守相 及人事之關 與第 然則 此汝 或因此加以修改傅會 一條汝 關 係論, 祖 南 臨 南 司 太守非 江 太守有罪 與 李初古拔殆於未 拔 引 宋之汝 乃 考資治 關之 史文衝 得還。 而汝陽縣 職 南太 通 銜。 是

111 带 侯景傳作 V 傳 魏 因 書 為笑談。 施 李氏武川鎮人。)雖其後榮辱懸絶,不可並言, 刪 薛 安都 略。 之羽 豈知李 昔侯景 周 傳之李 與 稱 此 拔 唐自述先世之名字亦與此 帝 同 即 例。 宋 七世 書 柳 蓋邊荒 」廟諱 元景傳 雜 類, 父祖之外, 李 初古拔之消 其 名字 相類 乎? 每多 皆王偉追 但祖宗名字皆經改造 稱。 繁複, 夫侯漢李唐俱出自六鎮, 梁書伍 造 殊異乎華 (事見梁書南史侯景傳), 陸侯 景傳景 夏之雅 則正復相同。 祖 稱 名周, (侯氏 後人於屬 南史捌 天下 懷朔鎮 考 史 文 後

賴

其

與

他

種

記

載

矛

盾

留此

鏬

隙

千載

而後,

遂得以發其

、覆耳

者應具有通識,不可局於成敗之見,以論事論人也。

巧值之事。故疑李唐為李初古拔之後裔,或不至甚穿鑿武斷也。 氏」「薛安都」之人名專名,「弘農」「金門」之地域專名,而竟能兩相符應,天地間似無如此 其他諸條事實相反,而且適與之相成。況此其他諸條中涵有「元嘉二十七年」一定之時日,「 北 總而言之,前所列七條,第一,第四,第五,第七,四條中,李重耳父子事實,皆與李初古 父子事實適合。第六條乃第二條之附屬,無獨立性質,可不別論。第二條第三條實為互相關 而不屬於南。否則何能為宋將所禽?故易劉宋為後魏,則第二條第三條之事實,不獨 第五條既言「為宋將薛安都所陷」,則元嘉二十七年南北交兵之際,李氏父子必屬於 偶然 不與 拔

## (丁)李唐先世與大野部之關係

先生楊隋李唐先世系統考第四頁)。寅恪請舉一事,以明其不然。隋書伍伍(北史柒叁)周摇傳 李虎曾赐姓大野氏, 李唐先世 」與大野部之關係, 以今日史料之缺乏, 甚不易知。姑就其可以間接推測者言之: 或疑所謂賜姓者, 實即復姓之意(見女師大學術季刊第二卷第二期王 桐齡

其先與後魏同源。初爲普乃氏。及居洛陽,改爲周氏。(中略)周閔帝受禪,賜姓車非氏。

之理? 略五 器 王氏金石粹編貳柒載魏孝文弔比干文碑陰題名有「驢驤將軍臣河南郡大野愍(?)」。 又見容齋三筆卷叁元魏改功臣姓氏條。洪氏謂「[宇文]泰方以時俗文敝, 如李弼之賜姓徒何氏(周書拾伍、北史陸拾李弼傳)。李穆則賜姓拓拔氏,(北史卷伍玖李 據 賜姓之 將軍官名, 金 李虎以 又悉改官名, 則李虎何以 TE. 所以摹倣成周 此 一石文跋尾貳作「大野□」。寅恪見繆氏藝風堂所藏拓本,亦不清晰, 係複雜糾 、鄧名世古今姓氏書辯證叁壹等。 若賜 頗 疑實大野氏改為謝氏 紛 因謂 當是「懿」字。 尚有閻 賜姓大野氏? 李氏與大野氏之關係究何如乎? 今考李虎之外, 姓果即復姓, 復周六 謝懿賜姓大野氏矣。 封建制度之意者也。 殊不易簡單説明。考魏書壹序紀(北史壹魏本紀略同)云: 慶(見周書貳拾、北史陸壹閻慶傳、 卿之制。 即此謝懿也。 則周搖應賜姓普乃氏, 顧乃如是。 以野謝音近之故。魏書官氏志中此例 待考。 )是同 又鄭氏鄧氏書皆言:「後魏龍驤將軍謝懿賜姓大野 然魏孝文乃改代姓為漢姓者, 殆不可曉。 )是不同漢姓之人, 一李氏 而非車非氏矣。故知賜姓即 新唐書柒叁下宰相世 而賜以不同之姓矣。 」是亦不解賜姓為興滅國繼絕世之大典 亦賜以同 以字形推之, 及證以龍 豈有轉賜漢姓之人以代 甚多。 命蘇 系表 又曾賜 之大野氏矣。其間 復姓之説 後人誤於西魏末 李氏 綽倣周書作大誥。 通志 姓 而有賜姓者 錢氏 大野 貢 非 也。 潛 玖氏族 賢傳。 研堂 氏 伙 年 姓 驤

積六十七世至成皇帝, 諱毛立。聰明武略, 遠近所推。統國三十六,

又魏書壹壹叁官氏志云:

安帝統國,諸部有九十九姓。至獻帝時,七分國人,使諸兄弟各攝領之。

又周書壹柒北史陸伍若干惠傳云:

若干惠字惠保,代郡武川人也。其先與魏氏俱起,以國爲姓。

據此則代北之姓,代表其國名。所謂國者,質言之,即部落也。周書貳文帝紀下西魏恭帝元年

紀賜姓事。其文云:

者爲九十九姓後。所統軍人,亦改從其姓。 魏氏之初,統國三十六,大姓九十九,後多絶滅。 至是以諸將功高者爲三十六國後,

釋, 宇文黑獺鋭意復古,信用蘇綽盧辯之流,摹擬成周封建之制,賜姓功臣之舉,乃其所謂興滅國 部曲亦未可知。 繼絕世之盛典也。資治通鑑載此事於壹陸伍梁紀元帝承聖三年正月,而刪去「為三十六國後」及 「為九十九姓後」之文,使賜姓大典之原意不能明顯,遂啟後人諸種臆測之説。今依「為後」之文 譬諸後來清室之制,遼東漢人包衣有以外戚擡旗故,而升為滿洲本旗,並改為滿姓之例。 則其意部主與部屬必應同 則賜李虎以大野氏者,其意即以李虎為大野氏之後。又依「所統軍人亦改從其姓」之文解 若李虎果為李初古拔之後裔 姓氏。當時既以大野之姓賜與李虎, 則南朝元嘉北朝太平真君之時已姓李氏 則李虎先世或為大野部之 似本漢

實非決定之結論也。 李虎之賜姓大野氏,或亦與之有相似者歟?李唐先世與大野部之關係所能推測者, 僅止於此

## 戊)李重耳南奔之説似後人所偽造

事 前於(丙)章已言當元嘉二十七年南北交兵之際,李重耳無為宋汝南太守之可能。假使果有其 晉書涼武昭王傳、北史序傳、兩唐書高祖紀、新唐書宗室世系表等者,皆依據唐室自述宗系之 , 而其為李唐先世與否, 又為一問題, 尚須別論。 原非真實史蹟。乃由後人修改傅會李初古拔被禽入宋後復歸魏之事而成。兼以李重耳之奔 寅恪則並疑凡李重耳南奔之事, 載 在 唐修

與李寶之歸魏, 互相對映也。何以知其然? 因世説新語言語篇云:

張天錫爲凉州刺史, 每入言論, 無不竟日。 稱制西隅。 既爲苻堅所禽, 用爲侍中,後於壽陽俱敗。 至都, 爲孝武

又晉書捌陸張軌傳載張天錫歸晉後事云:

又部 西平郡公爵!俄拜金紫光禄大夫。天錫少有文才,流譽遠近。及歸朝, 曰:故太尉西平公張軌著德遐域, (中略)拔迹登朝。先祀淪替, 用增矜慨。可復天錫

又僧祐出三藏記集壹肆沮渠安陽侯傳(慧皎高僧傳卷二曇無讖傳略同)云:

沮渠安陽侯者, 河西王蒙遜之從弟也。魏虜托拔燾伐涼州, 安陽宗國殄滅, 遂南奔於宋。

宣通經典,

是以京邑白黑咸敬而嘉焉。

奔事 守, 例, 六國春秋之載重耳南奔事, 必録自唐修晉書, 更無足論矣。) 案,今十六國春秋纂録陸西涼録無重耳南奔事,故湯氏從唐修晉書李暠傳補足之。 敍例云:「此書於十六國春秋纂録所刪節處, 其宗胤南奔者 以相比 西二涼, 俱系出漢族, 禦敵邊疆 湯球十六國春秋輯補所録重耳 喻 足知李重耳南奔之説實出後人所偽造。 而南朝當日公私記載, 一字無徵, 揆諸情事, 咸見欽崇。 即使李重耳 遥奉江東。 南奔事, 聲望不及張公純嘏,學行不及沮渠京聲,然既已致位郡 沮渠雖為戎類, 以晉書張軌李暠等傳及劉淵諸載記 亦取之唐修晉書, 魏書玖玖私署涼王李暠傳本不載 而宰制西隅,事侔張李。 寧有斯理? 故舉張氏沮渠同類之 而不知其不可信也。 故國亡之後 補足。 至若偽本十 (湯氏 」寅恪 重 耳南

## (己)唐太宗重修晉書及勅撰氏族志之推論

就太宗重修晉書及勅撰氏族志二事, 簡略言之: 李唐先 世疑出邊荒雜類,必非華夏世家, 其政治社會制度風氣變遷興革所以然之故 已於前(丙)(丁)二章言之矣。知此, 始可得而推論。以其範圍非本篇所及 而後李唐一代三

動 唐以前諸家晉書,可稱美備。而太宗復重修之者,其故安在? 昔漢世古文經學者於左氏春秋中 (入漢承堯後之文(見左傳魯文公十三年孔氏正義及後漢書陸陸賈逵傳),唐代重修晉書特取張 為同類陪賓,不以前涼西涼列於載記, 而於捌柒涼武昭王傳中亦竄入

士業子重耳脱身奔於江左, 仕於宋, 後歸魏爲恒農太守

皆刪棄不録,或者唐初史家猶能灼知皇室先世真實淵源,因有所忌諱,不敢直書耶?其有與重 嫁娶門、 修晉書相似者 於南史叁捌柳元景傳、肆拾薛安都傳、北史叁玖薛安都傳關於宋書魏書所載李初古拔父子事 遥 節 遥符應, 雖言以此 先宗室,後外戚,退新門,進舊望,右膏粱,左寒畯,合二百九十三姓,千六百五十一 由是韶士廉與韋挺岑文本令狐德棻責天下譜諜,參考史傳, 皆藉 貫之政策者也。 貞觀政要柒論禮樂篇貞觀六年太宗謂房玄齡條、資治通鑑壹玖伍貞觀十二年條。 太宗嘗以山東士人尚閥閱,後雖衰,子孫猶負世望,嫁娶必多取貲, 有如是者, 此以欺天下後世。 矯 ,則為勅撰氏族志一事。 正當時之弊俗, 豈不異哉! 新唐書玖伍高儉傳(參觀舊唐書陸 夫劉漢經師 實則專為摧抑中原甲姓之工具。故此二事皆同一用心, 李延壽於北史壹佰序傳中, 蓋重修晉書所以尊揚皇室,證明先世之淵源。 李唐帝室 人殊代 伍高士廉傳、 雖亦載李重耳奔宋歸魏之事, 隔, 檢正真傷, 迥不相關。 唐會要叁陸氏族門、 進忠賢, 故人謂之賣昏。 而其擇術用 勅撰氏族 誠可謂

子孫,餘屬不入,改爲姓氏録。當時軍功入五品者皆昇譜限,縉紳恥焉,目爲「勳格」。義 射爲第一姓,文武二品及知政事三品爲第二姓,各以品位高下敍之,凡九等,取身及昆弟 二百八十七家。帝自敍所以然。以四后姓、酅公介公及三公太子三師開府儀同三司尚書僕 世勳貴名臣家,未嘗尚山東舊族。後房玄齡魏徵李勣復與昏,故望不減。然每姓第其房 上納幣不得過三百匹,四品五品二百,六品七品百,悉爲歸裝夫氏,禁受陪門財。 輔,清河崔宗伯、崔元孫,前燕博陵崔懿,晉趙郡李楷,凡七姓十家,不得自爲昏。 府奏悉索氏族志燒之。又韶後魏隴西李寶,太原王瓊,滎陽鄭温,范陽盧子遷、盧渾、 無名,更以孔志約楊仁卿史玄道吕才等十二人刊定之,裁廣類例,合二百三十五姓,二千 復冠冕,猶恃舊地以取貲,不肖子偃然自高,販鬻松檟,不解人間何爲貴之?齊據河北, 家,爲九等,號曰氏族志,而崔幹仍居第一。帝曰:「我於崔盧李鄭無嫌,顧其世衰,不 魏太和中定四海望族,以寶等爲冠。其後矜尚門地,故氏族志一切降之。王妃主壻皆取當 梁陳在江南,雖有人物,偏方下國,無可貴者,故以崔盧王謝爲重。今謀士勞臣,以忠孝 雖一姓中,高下懸隔。李義府爲子求昏,不得,始奏禁焉。其後天下衰宗落譜,昭穆 」遂以崔幹爲第三姓,班其書天下。高宗時許敬宗以不敍武后世,又李義府恥其家 何容納貨舊門,向聲背實,買昏爲榮耶? (中略)朕以今日冠冕爲等級 先是後 三品以 盧

又舊唐書柒捌張行成傳(新唐書壹佰肆張行成傳、資治通鑑壹玖貳唐紀貞觀元年條同。 所不齒者,皆稱禁昏家,益自貴,凡男女皆潛相聘娶,天子不能禁。 世以爲敝云。

太宗嘗言及山東關中人,意有同異。行成正侍宴,跪而奏曰:臣聞天子以四海爲家,不當 以東西爲限。若如是,則示人以隘陋。

唐史者之一助。至其他演繹之説,多軼出本文範圍之外,故不旁及焉。 影響於當時及後世者至深且久。茲考李唐氏族所出, 來門第之政治社會制度風氣,以是而漸次頹壞毀滅,實古今世局轉移昇降樞機之所在, 唐書貳貳叁上李義府傳、太平廣記壹捌肆氏族類七姓條等。)遂成李唐帝室傳統之政略。魏晉以 觀 此, 可知對於中原甲姓,壓抑摧毀,其事創始於太宗,而高宗繼述之,(詳見舊唐書捌貳、新 因略推論其因果關係, 附於篇末, 以為治 其事之

(原載一九三一年八月歷史語言研究所集刊第叁本第壹分)

### 李唐氏族之推測後記

先世宗系,其先後變遷所經歷之軌跡略能推尋,「天可汗」氏族之信史或者亦可因是而考定也。 此。其關於李唐疑是李初古拔後裔,及其自稱西涼李暠嫡裔,必非史實二點, 唐會要壹帝號上云: 茲不重述。故此篇復就其自稱源出隴西及家於武川二事,取資旁證,別為辯釋,然後唐室偽造 三年前寅恪曾作李唐氏族之推測一文,刊載本集刊第叁本第壹分中,尚有賸義, 前篇已詳言之, 茲補論之於

建初陵。 州昭陵[慶]縣界,儀鳳二年五[?]月一日追封爲建昌陵,開元二十八年七月十八日韶改爲 二十二日追尊爲宣簡公,咸亨五年八月十五日追尊宣皇帝,廟號獻祖,葬建初陵。(在趙 獻祖宣皇帝諱熙, (涼武昭王暠曾孫, 嗣涼王歆孫, 弘農太守重耳之子也。)武德元年六月

懿祖光皇帝諱天賜(宣皇帝長子),武德元年六月二十二日追尊懿王,咸亨五年八月十五日 追尊光皇帝, 廟號懿祖, 葬啓運陵。(在趙州昭慶縣界, 儀鳳二年三[?]月一日追封爲延

光陵,開元二十八年七月十八日韶改爲啓運陵。)

元和郡縣圖志壹柒(岱南閣叢書本。又參閱舊唐書叁玖地理志及新唐書叁玖地理志趙州昭慶縣

昭慶縣。本漢廣阿縣,屬鉅 鹿郡。

皇十二代祖光皇帝啓運陵,高四丈,周迴六十步。二陵共塋,周迴一百五十六步,在縣西 皇十三代祖宣皇帝建六[初]陵,高四丈,週迴八十丈。

册府元龜壹帝王部帝系門略云:

南二十里。

沮渠蒙遜所滅。歆子重耳奔於江南,仕宋爲汝南郡守,復歸於魏,拜弘農太守,贈豫州刺 唐高祖神堯帝,姓李氏,隴西狄道人。其先出自李暠,是爲凉武昭王,薨,子歆嗣位,爲 生天賜, 仕魏爲幢主, 大統時追贈司空公。生太祖景皇帝虎, 生熙,起家金門鎮將,後以良家子鎮於武川,都督軍戎百姓之務,終於位, 封趙郡公, 徙封 因 龍西 [遂家

縣伯, 周受魏禪, 襲封隴西公,周受禪,襲封唐國公。高祖即元皇帝之世子,母曰元貞皇后,七歲襲 録佐命功,居第一,追封唐國公。生世祖元皇帝昞,在位十七年,封汝陽 起

居注上略云:

封唐國公,義寧二年受隋禪。

院歷史語言研 北省隆平縣尚存唐光業寺碑。 究所藏有 拓本, 頗殘 闕 碑文為開元十三年宣義郎前行象城縣尉楊晉所撰, 不可讀。 茲取與黃彭年等修畿輔通志壹柒肆古蹟略所載碑 中央研究

皇祖 皇祖懿王謹追上尊號, 瀛州刺史宣簡 公謹 謚光皇帝。 追上尊號 謚宣皇帝。 皇祖妣夫人張氏謹追上尊號, 皇祖妣妃賈氏謹追上尊號, 謚光懿皇后。 謚宣莊 中略

而節

録其最

有關之數語於下:

詞曰:維王桑梓。本際城池。(下略)

蓋 Ш 住之舊常 條及元 世居住之地 魏書地形志 李熙天賜父子共塋而葬,光業寺碑頌詞有「維王桑梓」之語, 取義於中山 和郡縣 Ш 郡, 圖志壹柒趙州昭慶縣條等, 絶無疑義。 壤地鄰接 鉅鹿等地所流傳之放勳遺蹟, 載南趙郡廣阿縣即李氏父子葬地又有堯臺, 據魏書壹佰陸上地形志南趙郡廣阿縣條、 李虎之封趙郡公, 是李氏父子葬地舊屬鉅 即由於此。 並非如通常廣義 又漢書貳捌地理志 李虎死後追封 兼該太原而言也。 鹿 則李氏累代所葬之地, 郡, 隋書叁拾地理志趙 與山 唐國 載中 東著姓趙 公, Ш 至大唐創 其 或 唐 郡 唐 郡大陸縣 國 縣 李氏居 即其家 有堯

初帝奉韶爲太原道安撫大使,帝以太原黎庶陶唐舊民, 奉使安撫,不踰本封, 因私喜此

行,以爲天授。

則為後來依附通常廣義之解釋,殊與周初追封李虎為唐國公時,暗示其與趙郡李氏關係之本旨 不同也。

西耶? 考元和郡縣圖志壹伍略云: 據上所言,李唐豈真出於趙郡李氏耶?若果為趙郡李氏,是亦華夏名家也。又何必自稱出於隴

邢州。

堯山縣。本曰柏人,春秋時晉邑,戰國時屬趙,秦滅趙,屬鉅鹿郡,後魏改「人」爲「仁」, 天寶元年改爲堯山縣。

又同書壹柒略云:

平棘縣。本春秋時晉棘蒲邑,漢初爲棘蒲,後改爲平棘也,屬常山郡。

李左車墓,縣西南七里。

居巷之東,南祖居巷之南,西祖居巷之西,亦曰三祖宅巷也。三祖李氏亦有地屬高邑 趙郡李氏舊宅,在縣西南二十里,即後漢魏以來山東舊族也,亦謂之三巷李家云。東祖

縣。

元氏縣。 本趙公子元之封邑,漢於此置元氏縣,屬常山郡,兩漢常山太守皆理於元氏。

開業寺, 在縣西北十五里,即後魏車騎大將軍陝定二州刺史尚書令司徒公趙郡李徽伯之舊

柏鄉縣。 移高邑縣於漢房子縣東北界,今高邑縣是也。 本春秋時晉鄗邑之地,漢以爲縣,屬常山郡,後漢改曰高邑,屬常山國,高齊天

宅也。

高邑故城, 在縣北二十一里,本漢鄗縣也。

高邑縣。 本六國時趙房子邑之地, 漢以爲縣,屬常山郡。

百陵崗, 贊皇縣。 在縣東十里,即趙郡李氏之别業於此崗下也。崗上亦有李氏塋冢甚多。 本漢鄗邑縣之地,屬常山 郡。

皇十三代祖宣皇帝建初陵。 昭慶縣。 本漢廣阿縣,屬鉅鹿郡。

説, 皇十二代祖光皇帝啓運陵。 特重出其概略於此。) 二陵共垒,在縣西南二十里。(昭慶縣條前已引及, 因便於解

元 和郡縣圖志著者李吉甫出於趙郡李氏,故關於其宗族之先塋舊宅皆詳記之。若取其分佈之地 則趙郡李氏其顯著支派所遺留之故蹟,俱不出舊常山郡之範圍。據此 則趙郡李氏顯

著支派當時居地可以推知也。但其衰微支派則亦有居舊鉅鹿郡故疆者。 系表趙郡李氏條(鄧名世古今姓氏書辯證貳壹同), 略云: 考新唐書柒貳上 宰相世

之判斷 案, U 者雖不與趙郡李氏之居柏仁者同族,而以同居一地,同姓一姓之故,遂因緣攀附,自託 慎敦徙居柏仁約在南朝東晉之時,李熙父子俱葬於廣阿, 其徙居柏仁之時代雖未能確定, 然李楷 地域鄰接及年代先後二者之關係綜合推論,頗疑李唐先世本為趙郡李氏柏仁一支之子孫。或 其記 柏仁廣阿二縣後魏時俱屬南趙郡, [楷]避趙王倫之難,徙居常山。[楷]子輯。輯子慎敦, 述皇 衡以南北朝庶姓冒託士族之慣例,亦為可能之事。總而言之,據可信之材料, 李唐先世若非趙郡李氏之「破落户」, 室淵源 間亦保存原來真實之事蹟,但其大半盡屬後人諱飾誇誕之語, 土壤 避西晉趙王倫之難, 和接, 即是趙郡李氏之「假冒牌」。 原是同 計其生時, 地域。 居柏仁, 下數至其孫慎敦, 趙郡李氏子孫甚微之一支, 子孫甚微。 亦約當南朝宋齊之世。故 至於有唐 僅有二代 治史者自 一代之官

於趙郡

依常識

書玖柒島 夷劉裕傳略 不應漫無辨別

遽爾全部信從也。

晉陵丹徒人也。 其先不知所出, 自云: 本彭城彭城人,故其與叢亭安上諸劉了

宋書柒捌劉延孫傳云:

延孫 將軍劉懷 與帝室雖同是彭城人, 肅居安上里, 豫州刺史劉懷武居叢亭里。及吕縣, 别屬吕縣。 劉氏居彭城縣者, 又分爲三里: 凡四劉。雖同出楚元王, 帝室居綏輿里, 由 左

不序昭穆,延孫於帝室本非同宗。

南齊書叁柒劉俊傳略云:

託之故 彭城, 舊郡之名, 周 周 據 變而改稱 西成紀人, 暠曾孫 (書及北史陸拾李弼傳之僅言弼封趙國公者不同。唐書表多歧誤, 姑不深考。但北史以弼為隴 、書壹伍李弼傳及新唐書柒貳上宰相世系表俱以弼為遼東襄平人,唐書表又載弼封隴西公, 此 亦猶 俊彭城安上里人也。 則 關 附會 亦可藉 韶之從祖 庸 右名家矣。 迨其後東西分立之局 則必依據弼家當日所自稱無疑。 同 阿之於趙郡歟? 姓之顯望, 一類似之例以為解釋, )自涼州渡江, 此李唐所以先稱趙郡 彭城劉同出楚元王, 分爲三里, 南北朝之皇室莫不如此。 所不同者, 既成, 仕宋歷任三郡太守, 請引李弼之成事言之: 内外輕 唐李後來忽否認趙郡 蓋賀拔岳宇文泰初入關之時,其徒黨姓望猶繫山東 重之見轉甚, 後改隴 若取劉宋故事以與李唐 西之故也。 其子思穆於魏太和十七年北歸 遂使昔日之遠附山東舊望者 以别宋氏帝族。 李弼與李虎同為周 改託隴 又考北史壹佰序傳載 西耳。 相 至其 比 室佐命元勛。 介所以 則京 位至營 否認改 口之於 皆 即 與

之事 前篇 邑之舊耶 所載 暠 小小 之嫡 李抗思穆父子之遭 刺 史。 節 李 疑 前篇 其 興和 然則 李 熙瀛州 裔 買 地 必是 耶 然則西涼 ),依當 得既 尚 李 中 以李唐世系改易偽託之多端 (參閱前篇 唐之自稱來自武 未 置 附會李買得曾為金門戍主之事, 刺 置 史之號 E 〕戰死, 縣 H 同族固有支孫由北奔南, 為宜 南 際與 ? 何從 北戦 何能復鎮 一陽郡 疑亦後來所追贈者也。 其先世李初古拔買得父子之事蹟 又據册 而 爭所經由之路線推之, 川者 有鎮 屬之金門縣, 府 ? 武 元龜之所引, 或是 JI] 後魏鎮將位 又家 覩賀拔 則此來自武川 又由 亦興 於其地? 作為誇 岳宇文泰皆家世 至若册府元龜壹 南返北之一段故實。 [極尊崇,李天賜更何從起家而 知李 和中置。 自是宜 大之詞。 重 今知李氏父子皆葬 耳之豫州 事之 陽郡屬之金門縣。 適 宋書柳元景 相 菲 考魏書地 類似 武 帝系門 史實 刺 JIİ, 史乃追 大 李唐 傳 形志 因 所載 而 亦不足為異 載 亦詭託 塗附 廣 贈之銜 既改稱隴西之後 李買 但當 李 有 天 得為此 兩 得為 於關 北 自託 賜 實無家 金 則光 朝 起 金門 九 家 太平 高 於西涼 於武 官乎 霸 金門鎮 真 成 為 ? 鄉 111 確 李 或

之關

係果何如乎?

前篇已言宇文泰之賜胡姓,

實為繼絶之義,

而非復姓之旨。考周故開府儀

同

知

加

其

本為漢族

似不容疑。

李熙天賜父子二世所娶張

氏及賈氏又俱

則

血

統

於

娶 確

據以上所

推證

則李唐氏族或出於趙郡李氏衰微之支派,

或出

於鄰居同

雖皆

不

能

玃

孤

竇氏等胡姓之前

恐亦未嘗與

胡

族

相混雜

也。

假使李唐先世本為純

粹之漢 為漢姓 姓之攀援

族

其與 其

大

、野部

賀屯公墓誌 (即侯植之墓誌, 周書貳玖、北史陸陸皆有侯植傳,陸增祥八瓊室金石補正貳叁亦載

此 又承趙萬里先生以李宗蓮懷珉精舍金石跋尾中此誌跋文及此誌拓印本見示。)云:

魏前二年十二月中太祖文皇帝以公忠效累彰,宜加旌異,爰命史官,賜姓賀屯氏,

時推姓

首,寔[寔]主宗祀。

故命軍人從其所統主將之姓,夫一軍之中,既同姓一姓,則同姓之人數必衆,不可無一姓首 而姓首即主宗祀之統將也。但姓首不必盡為塞外異族,如庾子山集壹叁周太子太保步陸逞神道 此誌文中「時推姓首,實主宗祀」之語最關重要,蓋宇文泰之賜姓,原欲恢復鮮卑部落之舊制

碑(参考同集壹陸周譙國夫人步陸孤氏墓誌銘)略云:

今爲河南洛陽人也。高祖(疑誤倒)冠軍將軍營州刺史,吴人有降附者,悉領爲别軍,自是 本姓陸, 吴郡吴人也。曾祖載, 爲宋王司馬, 留鎮關中, 赫連之亂,仗劒魏室。

又周書叁貳陸通附弟逞傳(北史陸玖同)略云:

官帥擁鐸,更爲吴越之兵,君子習流,别有樓船之陣。

以供膳, 父政,其母吴人,好食魚,北土魚少,政求之,常苦難。 時人以爲孝感所致, 因謂其泉爲孝魚泉。 通賜姓步六孤氏。 後宅側忽有泉出, 而有魚,

陸通陸逞兄弟之為漢人,確無疑義,且其祖母又為吴人,則亦未與胡族血統混雜。其祖統

唐 家 絍 無 降 領 於武 氏 關 附 降 族問 關 附 洗 吴 JII 涉。 人之姓 吳 題 人別為水軍 近人往往因李 亦得 而家於南趙郡 綜合前後二篇之主旨, 首 賜 胡 而主 姓 蓋清 塞 外鮮 唐曾賜 且為主宗祀之姓首。 則李熙父子(即 初黄梧施 卑 步陸孤部之宗祀也。 姓大野, 假設 琅一流人物。 遂據以 李初古拔父子)與陸通兄弟又何以相異乎? 結論於下: 然則李 推 然宇文泰賜通以胡 論 據此 虎 疑其 雖賜 可以 本 姓 為塞外異 推 大野氏, 知 即漢 姓 亦可以 族 專統 人與 今 既 與 塞 塞 證 外 軍 明 外 鮮 故關 其 大 卑 是 先 野 部 以 部落 落絶 通為

李唐先 漢人也。 後並 詭言家於武 非華盛之宗門, 無移鎮及家於武 事 世本為漢族,或為趙郡李氏徙居柏仁之「破落户」, ·蹟與其先世類似之故, JII 其初之血 故漸染胡俗 川之事。 統亦未與外族混 名不雅馴。 迨李虎 遂由 改託隴 入關 於北朝太平真君、 雜。 東西分立之局 西更進 總而言之, 步, 或為鄰邑廣阿庶姓李氏之「假冒牌」, 而偽稱 既定, 李唐氏族若僅就其 南朝元嘉之世, 西涼 始改趙郡之姓望而 嫡 裔。 男系論 曾參與 又因宇文氏之故 弘農之戰 為隴西, 占 純 大 復 李 其 既

史, 若上所假設者大體不謬, 其 氏族問題實為最要之關鍵。 舊染 既 除 新機 重 啟 則李唐一族之所以崛興, 擴大恢張 吾國昔時學者固未嘗留意於此 遂能別創空前之世 蓋 取塞外野蠻精悍之血 局。 故欲 近人雖有撰著, 通 過解李唐 注 入中 一代三百年之全 亦與鄙 原 文化 見多 頹

所異同,

(原載一九三三年歷史語言研究所集刊第叁本第肆分)

### 二論李唐氏族問題

學文科會編輯之文化第二卷第六號載有金井之忠氏李唐源流出於夷狄考一文,其中涉及拙作, 有所辨難,故作此篇,略述鄙見,條列於後。夫考證之業,譬諸積薪,後來者居上,自無膠守 寅恪於本集刊第叁本第壹分李唐氏族之推測及第肆分李唐氏族之推測後記兩文中先後討論李唐 理之是從。 知。但必發見確實之證據,然後始能改易其主張, 氏族問題, 仍有未盡之意, 本欲復有所申論, 一成不變之理。 或者李唐氏族問題之研討因此辨論, 寅恪數年以來關 於此問題先後所見亦有不同,按之前作二文,即已可 以求教於治唐史之學者。近又見日本東北帝國大 得有更進一程之發展乎? 此則寅恪之所甚希望 不敢固執, 亦不敢輕改, 惟偏蔽之務去, 真

(甲)李唐之李必非代北叱李部所改

金井氏據鄭樵通志叁拾氏族略變夷篇記代北之人隨後魏遷河南改胡姓為漢姓事,其中有

三四二

# 一語,及鄧名世古今姓氏書辯證貳壹

河南李氏 後魏官氏志有叱李氏改爲李氏

之文,作一結論,謂李唐源出於叱李氏。寅恪案,無論今魏書壹壹叁官氏志無「叱李氏改為李 鄭鄧之書未詳其何所依據。但此點無關宏旨, ,可置不論。

魏書柒下高祖紀(參閱北史叁魏本紀、資治通鑑壹肆拾齊紀建武二年六月條)云:

[太和十九年] 丙辰, 韶遷洛之民, 死葬河南, 不得還北。

又北史壹玖廣川王諧傳(今魏書貳拾即取北史此卷所補者。並參閱通鑑壹肆拾齊紀建武二年六 韶曰:遷洛之人,自茲厥後,悉可歸骸邙嶺,皆不得就塋恒代。

邙嶺。假使父子二人一死於太和十九年六月丙辰以前,一死於太和十九年六月丙 以前 者,則其所葬之地實為解決此問題之關鍵。假使熙及天賜父子二人俱死於太和十九年六月丙辰 據此,李虎之祖熙及其父天賜死於何年,固不能定,但如金井氏之説,既是代人遷洛之改姓 葬於恆代,一葬於邙嶺。今則其所葬之地北不在恆代,南不在邙嶺,乃在後魏南 唐代趙州之昭慶,而又父子共塋,顯是族葬之遺蹟。然則李唐先世果如金井氏之説, 則應俱葬於恆代。假使父子二人俱死於太和十九年六月丙辰以後,則父子二人俱應葬於 辰以 趙郡之廣 後 出於 則應

敷? 代北叱李部遷洛後改為李氏者歟?抑如寅恪之説,其初本為趙郡李氏之「破落户」或「假冒 孰非孰是,何去何從,治史者自能別擇,不待詳辨也。 牌」者

(乙)李唐在李淵以前其血統似未與胡族混雜

開元十三年象城縣尉楊晉撰光業寺碑(碑文詳見前篇)云:

皇祖 皇祖瀛州刺史宣簡公謹追上尊號, 懿王 謹追上 一尊號, 諡光皇帝。 皇祖妣妃賈氏謹追上尊號, 諡宣皇帝。皇祖妣夫人張氏謹追上 諡光懿皇后 一尊號, 諡宣莊皇后。

又巴黎國民 圖書館藏敦煌寫本伯希和號第貳仟伍佰肆唐代祖宗忌日表云:

皇后梁氏。 五月九日忌。

皇六代祖景皇帝

漢族 確 其 今唐會要壹帝號門上及貳叁忌日門俱缺載張氏賈氏梁氏三代女系。 又魏書壹壹叁官氏志 一門間 切 證明其 乃一較晚之事實歟?茲取今日新獲得之資料,補作一李唐血統世系表,起自李熙,迄於 當無可 有少數例外出自胡族之故, 氏族所出以前,仍目之為漢族,似較妥慎。然則李唐血統其初本是華夏,其與 疑。 梁氏如梁禦之例, 云:「拔列氏後改為梁氏。 ,遽概括推定凡以梁為氏者皆屬胡族也。故李虎妻梁 雖亦有出自胡族之嫌疑,(見周書壹柒及北史伍玖梁禦傳。 」)但梁氏本為漢姓, 據此, 大部分皆是漢族 張賈皆是漢姓 氏 未可以 其為 胡胡 夷 能

標以 前篇 世民, 茲不 以供研究李唐 」符號。 贅論。 確知為胡族者 故茲表只就今日能確切考知及有實物能 氏族問題者之參考。 標以~~~ 符號。 至李重耳則 雖有胡族嫌疑 疑 本無其人, 證明 者 但在未能確切證明前, 為限。 或是 李初古拔之化身,已詳 其女統 確 知為漢族者 姑仍認

為漢族者,

則標以……符號



丙 推 測 李虎所以 追 封唐國 公之故

考周 則, 前篇 弱 係 故其取名多從元封地名所隸屬之較大區域中求之。 書肆 而言。 謂 周 拾、 初追 蓋李虎生前初封之趙郡公及徙封之隴西公, 北史陸貳尉遲 封李 虎為唐國 運傳, 公暗示其與趙郡之關係者, 隋書貳捌百官志下等。 若不得已, 實指當時擬 皆郡 )凡依等進封, 公也。 則於元封地名相近之較大區 此封號者聯想李氏與趙郡之 郡公進 以能保留元封之名為原 等則為國公。

邵惠公顥傳附子護傳、陸拾李弼傳等。)趙為郡名,亦古國名。故李弼即由趙郡 同時自不得以趙國公追封李虎。隴西只是郡名,而非國名,不可作國公之封號。 文護等為趙國公晉國公等同時。 在周初受魏禪, 域中求之。 號者不得不聯想及於與趙郡及隴西郡有關之古代國名。通典壹柒肆州郡典略云: 若猶無適當之名, 大封佐命功臣之時, 則盡棄與元封有關之名,別擇一 (見周書叁孝閔帝紀、壹壹晉蕩公護傳、壹伍李弼傳及北史伍柒 即與孝閔帝元年春正月乙卯進封趙郡公李弼中山 新號。 考李虎之追封唐國公,當 公進封趙 於是當日之擬 [郡]公宇 國公

天水郡。 秦州, 古西戎之地, 秦國始封之邑,領縣五。成紀。

春秋爲羌戎之居。秦置隴西郡。

同書壹柒捌州郡典云:

西郡。

渭州

趙郡。趙州, 南趙郡 廣阿縣即昭慶, 有堯臺。) 春秋時晉地, 戰國時屬趙, 領縣九。 昭慶。 (寅恪案, 魏書壹佰陸上地形志

博陵郡。定州,帝堯始封唐國之地,戰國初爲中山國,後爲魏所併,後又屬趙,秦爲上谷 鉅鹿二郡之地, 都於此 堯始封於此 (都中 堯山在北,堯母慶都山在南。) 山,置中山郡。至慕容寶爲後魏所陷。 漢高帝置中山郡,景帝改爲中山國,後漢因之,晉亦不改,後燕慕容垂移 )後魏爲中山郡,領縣十一。望都。

等。 字, 文直宇文秦之故不能進封,魏及中山又皆不可用為封號,然則當時司勳擬號之官 虎之國號。 貳文帝紀下、壹叁衛剌王直傳及北史伍捌衛剌王直傳等。 為拓拔 叁孝閔帝紀 壹 魏制習慣影響, 據 號 此 伍 如中 、北史壹 )當追封 故宇文護由中山郡公進封國 與隴 而尚欲於舊時封地之名有所保存聯繫者, 氏 Ш 之國 而晉國則又已封宇文護矣。 夫趙國之號, 西郡有 李虎之時, 肆明 伍 號 秦王翰傳附中 中山公之例。 蓋欲以表 帝紀、 自 關之古代國名為秦。 不可以 西魏恭帝僅於數月前即恭帝之三年秋七月封宇文直為秦郡公。 叁伍崔猷傳、 示 対。 區別。 北周在明帝武成元年八月改天王稱皇帝以前 山王纂傳、 中 是中 公時, 不以為中山國公者, 山之名在後魏為郡 北史玖周本紀、 -山復不可為進封國公之號。(見魏書壹壹叁官氏志、魏書 與趙郡有 魏書壹玖下、 關之古代國名為趙, 則捨唐國莫屬。此李虎所以追封唐國公之故 既以李弼之故不可取 Ŧ 叁貳崔挺傳附猷傳、 北史壹捌南安王楨傳附中 一爵封號 )故為宇文直地, 雖因晉國較中 亦為郡公封 魏, 用, 亦不能以秦為追 通鑑壹陸陸及壹 中 國公 號。 山為大名, Ш 秦國 Ш 為人臣 但 Ŧ 若 晉國 通 一英傳、 不 及 稱 別擇 見 實 唐。 復以宇 最 則 周 周 陸 亦受 封 高之 李 書 郡

又李德裕會昌一品集壹捌請改封衛國公狀云:

也。

臣今日蒙恩進封趙國公, 承命哀惶, 不任感涕。 臣亡父先臣憲宗寵封趙國, 先臣 與嫡孫寬

中 中 小名三趙, 。亡祖先臣曾居衛州汲縣,解進士及第。儻蒙聖恩, 免違先志。 意在傳嫡嗣, 不及支庶。 臣前年恩例進封, 改封衛國, 合是趙郡, 遂臣私誠, 臣以寬中之故, 庶代受殊

文 趙 據此, 足資比 唐人心目中封號與 相 實證明。 介所謂 比證 國。周代之元勳李虎曾封趙郡,以李弼之故不能進封趙國,遂得進封 證 盡棄與元封有關之名。 李德裕合封趙郡, 李虎所以追封唐國公之故 中山相傳為帝堯始封唐國之地,唐朝之宰輔李德裕自不能由 因併附記之, 居地之關係, 以供參考。 而改就中山, 別擇一新號者, 亦可想見也。 更可豁然通解矣。至德裕之請免封趙國, (附識: 則趙郡之與中 李虎熙天賜妻姓氏俱見唐會要叁皇后門。 茲以李德裕由中 而猶以其祖曾居衛州汲縣之故, 山為互相平等及互相關 山進封趙國之例, 中 唐國。 Ш 進封 聯之封 請改封衛國 故取 改封衛 唐 時代 國 此 國, 只能 雖 前文失 晚, 事, 口 即 以 則

(原載一九三五年十二月歷史語言研究所集刊第伍本第貳分)

特此

補

正

予讀此品演義,至

獅子骨崙前後引

之句, 初不得其解。 後檢義凈南海寄歸內法傳卷肆西方學法章自注

然而骨崙速利尚能總讀梵經。

至佛逝國,解骨崙語。 及義淨大唐西域求法高僧傳下貞固傳附載其弟子孟懷業事云:

據此, 則骨崙即崑崙之異譯, 自無待言。考太平廣記叁肆拾引通幽録云::

[盧項]夜夢一老人騎大獅子,獅子如文殊所乘。毛彩奮迅,不可視。旁有二崑崙奴操轡。

然則文殊之騎獅子固有崑崙奴二人,以為侍從。與所謂

獅子骨崙前後引

之事情略同,而骨崙二字之確詁於此可推得也。予前數年已為此演義作長跋, 載歷史語言研究

後,以備教室之用云。

所集刊第貳本第壹分中。

(原載一九三二年五月清華週刊第叁柒卷第玖、拾期

詁 易得 我前 文與中 藏 此 或 價約萬金。 言科學之法, 款此 經, 而已。 非但 部 見 多龍 文 中國 大有發明。 時 即 何能 此信 不能再研究 若不得之, 有 係 樹 最要者即西藏文正續藏兩部 報 為中 得, 同 馬鳴著作而中 不知能達 紙告白, 恐價亦更貴。 一系文字。 -藏文比較之學,則成效當較乾嘉諸老, 因藏文數千年已用梵音字母拼寫, 只可空想, 則不能求 否。 並將初着手之學亦棄之矣。我現甚欲籌得 商務 即能達 如梵文之與希臘拉 國 不知何處能代我籌借 節 未 豈不可憐。我前年在美洲寫一信與甘肅寧夏道尹,託其購 學, 書館 一譯者。 我之久在外國,一 重 所費太多, 印日本刻大藏經出 即已譯者, 及日本印 丁及英俄德法等之同 渠知我窮, 筆款 亦可對勘異 中文正續大藏, 其變遷源流 半因外國圖 售, 更上一層。然此非我所注意也 為購 其預 不付現錢, 同。 此 書。 約 一宗巨款購書, 書館藏有此 較中文為明 屬 我今學藏文甚 其他零星字典 券 因我現 價約 系。 亦不肯代墊也。 四五 以此 必 項 顯。 需 百 書籍 之故 有興 及西洋 之書 圓。 購 如 就 他日 以 趣 甚 即 藏文大 音 西藏 西 類 歸 歸 韻 大 恐 中 訓

或 對勘一 新疆出土者亦零碎。及小乘律之類,與佛教史有關者多。中國所譯, 注意者有二:一歷史,唐史西夏西藏即吐蕃,藏文之關係不待言。一佛教,大乘經典,印度極少, 係據護法因緣傳。現此書已證明為偽造。達磨之説我甚疑之。 隋智者大師天台宗之祖 人外, 説 過, 佛經, 中國人則晉朝唐朝和尚能通梵文, 其注解自晉唐起至俞曲園止, 其間數十百家, 與禪宗之自成一派。 師。 其解悉檀二字, 與印度 舊藏文既一時不能得, 錯得可笑。見法華玄義好在台宗乃儒家五經正義二疏 當能得正確之解, 無關 者相同。亦不要緊也。 誤解 不知其數。我以為除印度西域外 其餘多是望文生義, 中國大藏, 又頗難解。我偶取金剛 吾頗 禪宗自謂由迦葉傳心 不欲失此機 不足道也。 經

(原載一九二三年八月學衡貳拾期文録)

價廉者

請大哥五哥代我收購,久後恐益難得矣。

惟無可如何耳。又蒙古滿洲回文書,

我皆欲得。可寄此函至北京,

如北京有滿蒙回藏

為正, 是「一月之日」,「二月之日」之舊稱否?又與左傳孔子「火猶西流,司曆過也」參校,則疑以寅月 果為夏代所遺,猶有問題也。豳風七月詩中曆法不一致,極可注意,其「一之日」,「二之日」, 相符合。其次為包含冬至之建子月, 未及,尤覺精確新穎。冬至為太陽至南回歸線之點,故後 大著病中匆匆拜讀 夏在商前何以轉取寅月為正月似難解釋。故周代文獻中,雖有以寅月為正之實證,但是否 乃民間歷久而誤失閏之通行曆法。遂以「託古」而屬之夏歟?(民國三十三年)十一月二十 一過,不朽之盛業, 周繼殷以子月代丑月為正月, 惟有合掌贊嘆而已。 一月, 即建丑月為歲首, 改正朔一端, 亦與事理適合。 為前在昆明承教時所 最與自 若如傳統之 「然界

# 讀通志柳元景沈攸之傳書後

江左 自, 憂患疾苦之中, 元景傳其紀李初古拔事,元與宋書柳元景傳同,而今本南史有脱文,漁仲所見尚是未甚殘闕者 拔始末, 鄭漁仲通志列傳類其南北朝諸列傳即取之南北史, 寅恪當時行色匆匆,未敢遽對,及抵長沙,而金陵瓦解,乃南馳蒼梧瘴海, 臨發之前夕陳援庵先生垣見過, 與宋書柳元景傳相同,惟僅及首段而止。又李初古拔作李初古為異耳。豈舊本南史柳 無書可讀,偶訪鄰舍,得見坊本通志,因一披閱之,其卷壹叁拾列傳肆玖 謂寅恪曰: 世所習知者也。丁丑之冬時居北平, 通志柳元景傳中紀元景北征事, 轉徙至於蒙 亦載李初古 將南渡

沈攸之字仲達,司空慶之從父兄子也。

沈攸之傳云:

攸之字仲達, 慶之從父兄子也。

歸檢南史叁柒沈慶之傳附攸之傳云.

又檢宋書柒肆沈攸之傳云:

沈攸之字仲達,吴興武康人,司空慶之從父兄子也。

此推論 多一「之」字外,餘皆與坊本不異,據此頗疑雜糅沈李二書即出於鄭氏之手,殆以李唐多所刪削 故略取沈書以補之歟? 傳既雜糅,則其柳元景傳亦何嘗不可如是乎? 惟漁仲元文是否即已如是? 抑或後來寫刻遂致 維糅?初以無從獲校舊本通志,未敢遽斷,後得見友人鈔示之至治本通志沈攸之傳「慶之」之下 述之體應爾自不待言。然南史比傳本文元無「司空」二字,通志忽於南史元文「慶之」二字之上增 限。漁仲著書時,於李書稍有移割,其沈攸之傳文雖取之南史,而於攸之名上冠之以姓,此著 夫漁仲之作通志,其南北朝諸列傳雖逕取南北史之本文,但南北史以家世為主,不以朝代為斷 一司空」二字, 其為從宋書沈攸之傳之元文採入, 而非漁仲所見之南史多此司空二字無疑也。 通志中南北朝諸列傳雖取之南北史, 其間亦旁採斷代之史如宋書以補苴之, 其沈攸之 據

(一九三八年)

### 論許地山先生宗教史之學

教義本體俱有精深之評述,心服之餘, 寅恪昔年略治佛道二家之學, 然於道教僅取以供史事之補證, 生屬寅恪為地山先生紀念刊綴一言。因念地山先生學問通博, 言之如此, 句之異同, 藉應季明先生之命,並舉以告世之學者。 至其微言大義之所在,則未能言之也。後讀許地山先生所著佛道二教史論文, 彌用自愧,遂捐棄故技,不敢復談此事矣。今馬季明先 非淺識所得備論,特就所能知者 於佛教亦止比較原文與諸譯 關於 本字

(原載一九四一年九月追悼許地山先生紀念特刊)

# 吾國學術之現狀及清華之職責

求本 明之學理 未必有 國古代及近代史料發見 近之。至於本 而自足。 社會科學則本國政治社會財政經濟之情況,非乞靈於外人之調查統計, 其關 或 车 口 人焉 教育學 於吾國 西洋文學哲學藝術 尚 前之清華, 術之獨立 新 有 能授 出 國 則 相當貢獻 歷 與政 史學文學思想藝術史等, 版之圖 本國 史之著作 治 此今日之公論也。 不待予言。 雖多, 相通 籍, 通 實乃地 史, 歷史等, 吾國學人能知其概要, 子夏曰「仕而優則學,學而優則仕」,今日中國多數教育學者庶幾 或 而具有統系與 非復國人所能追步。 請略陳 域材料關係所使然。 代專史, 苟輸入傳達, 若將此意以觀全國學術 吾 疑若可以幾於獨立者, 國之現狀, 不涉傅會之整理, 而勝任愉快者。 不失其真, 昔元裕之、危太樸、錢受之, 舉其名目, 古人所謂 及清華今後之責任。 東洲鄰國以三十年 現狀, 猶待今後之努力。 慰情 已復 即為難能可貴, 察其實際, 聊勝 不易。 則自 無 然科學, 吾國大學之職責, 雖地 幾無以 亦復 追問 質 來學術鋭 今日 不 要 萬季野諸人, 生物 然。 為研 凡近 不 全國 其 可 近年 遽以 氣 求 有 年 討 象 大學 所 新 中 創 此

1 古, 善之印 等於半公 文 語 滅 其 韋 身於 品 俟 通 史之探討 為旨 今日 路之隆 其 幾 解 重在 今日 盡 至 及剖 刷 廠 或 猶 知彼 於斯 為先 開 歸 無精 國 威 達 甸 人聞 T. 中 雖 汙 析 猶 見尚 秦及 殊 幾 也。 吾 倖 商 又 及方言之 密 學術之 無論 之調 貌 肆 因 不 民 存 絕非閉户造車之比。 則 關 雖 經 林 族 不 且 知 安能 於本 費 外國 為 可 保 不 漢 所 查 而國史已 調 岐 不充 能 研 何 期 有 諸 承受文化之内 異, 種 威 供 國 子之論文, 查 究 C 大學之治 藝術史材料 寶 研 更何從得 車 最 上失其 故難 究者 論其 門研 展列 不可 後 而乏傳真之工具, 則 之参 匪 現 以 IE. 以 究, 其國 圖 況中西目録版本之學問 易 容 狀 測定 統 而 殆皆 書 概論 考 研 皆苦 文者 館 為 ? 以 究? 其佳者多遭 似尚 國 若起 師 事 致 語 但此 業, 法昔賢「非三代兩 圖書館 先民 之地 然其 藝 種人文主 注 其僅 趨向 術 重 缺 雖 何以 於 珍品 宣 1 位 點, 存於公家 所 歷 固 一毀損 意中 傳 地 有異 藏之材料 年 普及國 不分時 F, 義之教 方 及辨別 經 會 有 面 曹 議 於是 其 O 或流散 博物 稍 人 感 共 既不易講 代 育 或 其 漢之書不 裕 不足;蓋今世治 建 也。 文 慨如何? 同 源 館者 議之案至 資其 不別宗 則全國· 觀念, 雖有 流 於東西諸國, 猶 近 易改良。 研究? 年 求, 則高 賢 治 敢 國 者, 大 國 即 派 今日 觀 購置 多 内 學 國 語 其 者。 本 學者 紛然 可亡, 故 入覽 勢 所 與 獨 學 搜 而 國 或 研 支那 本 不 至 以 完 券 之 價 何 所 思 羅之經費 國 雜 秘 能 究 又 涌 世 收之 或 名 陳 藏 想 而 越 國 不 語 於權 史 術 無 以 無 史 ī 之 為範 之 恍 創 皆 暇 系 史 惚 H

術有關 十週年紀念時,直質不諱,拈出此重公案, 國大學皆有責焉, 無暇利 神復 見收於本國 多所 諸君試一參究之。以為如何? 用, 制 不唯孤負此種新材料,直為中國學術獨立之罪人而已。夫吾國學術之現狀如此 私家者 限。近年 而清華為全國所最屬望, 類皆視為奇貨, 秘不示人, ·以來,奇書珍本雖多發見,其入於外國人手者固非國人之得所窺, 實係吾民族精神上生死一 以謂大可有為之大學, 或且待善價而沽之異國,彼輩 故其職責尤獨重, 因於其二 大事者,與清華及全國學 既 不能 利 其幸而 或

(原載一九三一年五月國立清華大學二十週年紀念特刊

#### 陳寅恪集後記

家最好的箱子裝載, 我們從小就知道全家最寶貴的東西是父親的文稿。 家人呼之為「文稿箱」。 避日軍空襲時, 從抗戰逃難直至「文化大革命」,父親文稿都是用全 首先要帶的就是「文稿箱」。 出版父親文

集自然是父母,

也是我們姐妹最

大心

在, 嘗侮食自矜 父親 道變換, 則為我們姐妹辛勞的最高報償 一生坎坷, 病殘齊 曲學阿世」。 抗日烽 至, 始終未曾間斷學 火中 如今父親全集出版, 顛沛流離, 術創作。 生活窘迫, 而父親為學 學界儻能於研究父親著述時, 雙目失明, 一貫堅持 暮年骨折卧 「獨立之精神, 床, 更知父親此種精 更經 自由之思 痛 苦。 想 然 而 神 之所 一未

中 稿 棺尚遠。」父親聽了 一九六二年胡喬木同志來訪,談及文稿,父親直言:「蓋棺有期,出版無日。」胡答:「出版有期, 竟被洗 由上海古籍出版社刊行,這只是父親文字的一部分。一九八八年六月, 送交蔣 終未 劫 能見到陳 空, 天樞先 片紙不留。 生。 很高興, 集出版。 蔣先生沒有辜員父親囑 父親生前已將出版文稿重任託付於弟子蔣天樞先生, 以為有望見到文集面世。豈知「文化大革命」開始 「文革」結束後, 託 我們姐妹將歷經曲折於一九七八 付出 | 艱巨勞動, 於一九八〇年主持 蔣天樞先生不幸突然病逝, 年五 不料文稿在「文革 父母備受摧殘, 蒼涼 月追回 出 版 了陳 的父親文 寅恪文 蓋

代為出 内容 夢未定稿據一九八七年六月收回的殘稿作了校補外,其餘編排均不作變動, 論稿, 筆記等)。一九八〇年出版的寒柳堂集, 集(高僧傳之部), 並講義及雜稿(兩晉南北朝史 在 出 則是 版文集過程中已親自審定文集編目及有關事宜,故仍按父親原意進行。而此次刊行全集所增補之 元白詩箋證稿,柳如是別傳諸集, 版的 期望從不同角度反映父親的學術 陳寅恪集, 書信集, 讀書札記 是在上海古籍出版社所刊印之陳寅恪文集基礎上進行的, 集 (舊新唐書之部)、二集 金明 此次出版時作了校對, 生 館叢稿初編 涯 **〉講義、** 唐史講義、 (史記、 編 除寒柳堂集中詩存併 隋 備課筆 漢書、 唐 制 度淵 記、 晉書、 因父親生前 論文、 源略論 唐人小說等之部 增加了陳寅恪詩集(附 講 X 稿 託付蔣天樞先生 詩 話 唐代 集 評 寒 政 語 治史述 柳堂記 聽課 =

利文長老尼詩偈集中文舊譯並補譯及解釋其詩等等(見一九四二年九月廿三日父親致劉永濟信)。 晚年整理就緒準備出 而未成之稿」,如蒙古源流注、 父親的文稿墨跡命運亦如其人, 九八七年六月兩次收回詩文稿,但仍未全部歸還。 ,有的在運輸途中被盜, 版的文稿,於「文革」中全被查抄,「文革」過去撥亂反正後, 世說新語注、五代史記注、 頻遭劫 或存放親友處丢失, 難, 面世困難。 現下落不明, 抗戰時已遺失了多箱撰有眉識的書籍, 即便抗戰勝利後在清華大學授課、研究之講義 佛教經典之存於梵文者與藏譯及中譯合校、 難覓其蹤。這些皆為父親「廿年來所擬著述 雖於一九七八年五月及 其中有的被戰 而父親 円

枚舉, 此 生 外學者弟子, 資料等, 及參與輯錄 於上海古籍出版社主持出版 前 的 次父親遺作付梓, 夫人錢 所收 難以 集之最全者 亦未曾得見。 澄女士, 並審閱 我們姐妹的友人以及相識或不相識的各界人士支持幫助。 敬列, 讀書札記等多位先生亦於此一併致謝。 華忱之先生等將珍藏了多年 三聯書店非常重視,投入很大力量以保證質量; 而 總之, 在此謹 拟名 了陳寅恪文集, 「陳寅恪全集」,轉又考慮到其實並 散落在各處的文字, 向 一切參與 推動 黄萱先生協助蔣先生做了不少工作。 「文革」 幫助、 迄今尚有部 支持出版陳寅恪集的人士表示衷心感 劫後幸存的父親書函贈送, 在我們收集父母詩文書信資料過 不能 分未能 全 同 獲見。 首先感謝蔣天樞先 時 我們 故 稱 這次刊印父親文集, 得 校補寒柳堂記夢未定稿 陳 到父母親 寅恪 各種支持幫助 集 程中, 生一九八〇年 朋故舊, 劉 天 海内 節先 其 不 勝

父親的這些文字, 述。而今陳集業已付印, 版 歷 稍留 陳 經十年的 集為中外學者深望, 一二痕跡以自作紀念」,他於 艱難曲 作為祖國文化遺產,獻給後世相知。 折 陳寅恪集終於面世, 我們希望以此集告慰逝去的父母, 此書之所以遲至今日方能面世, 「賸有文章供笑駡」之時,尚望 當此之時 我們百感交集 其間有許多我們始料未及的困擾 父親自謂 「後世相知儻破顏」。 文字結習與生俱來, 真不知何以表述其經 過 我們更希望將 必欲於未 於此 於萬 無需 0 出 細

陳美延 謹述 一九九九年七月三日父親誕生一百零九週年

### 陳寅恪集再版説明

斯年、 再版 手寫本唐代政治史略稿 聯 書店 重印的機會我們做了少量校勘修訂 致胡適 出版的陳寅恪集十三種十四册, 致聞宥少數函件的時間認定, 個别詞句作了 變動; 工作, 自 00 如 編排順序也相應有所變動。 略增改書信集、 一年一月至二〇〇二年五月面世後, 糾正個别誤字、 詩集中的某些注 圖片説明; 但未及增補近年 釋; 唐代政治史述論稿對照 更正 時逾 -來新發 書信 八載。 集 現的 中 致傅 現藉

仍一 在此, 此 一陳寅恪信札 如既往得到大家的支持和幫助。 特向熱心提供資料及指出陳寅恪集中訛誤的讀者朋友,致以衷心謝忱! 詩作, 亦屬憾事。

並希望此次再版重印後

陳流求 二〇〇九年四月

